

Syn. 8. 63. 219.

Ex dono Francisci Jenkinson,
Bibliothecarii. Mense Decembri,
MDCCCCI.

Syn. 8. 63. 219.

Ex dono Francisci Jenkinson,
Bibliothecarii. Mense Decembri,
MDCCCCI.

APHTHONII
Progymnasmata;

partim à Rodolpho Agrico
la, partim à Joanne Marja
Catanæo, latinitate donata:

Cum scholiis R. Loricæ.

*Novissima editio, superioribus emen-
dator & concinnior, adjecto
indice utilissimo.*



CANTABRIGIÆ,
Ex Academiæ celeberrinæ
typographeo. 1634.

house vnto the Name of the LORD my
God, * as the LORD spake vnto Dauid my
father saying, Thy sonne, whom I will set
in my throne in thy roome, he shall build

thre score

build the house.

CHAP. VI.

1 The building of Solomons Temple. 5 The chambers
thereof. 2 Gods promise vnto it. 5 The fulfylling vnto it.

4 And Bezaiiah the sonne of Ichaiada

172302

172302



Aphthonii declamatoris Præexercitamenta.

FABULA QUÆ, GRÆCÆ, Μῦθος.



Fabula traxit à poëtis originem, quæ
rhetores etiam communiter utuntur,
quod admonitionibus sit idonea, &
erudiendis imperitiis apta. Est
autem Fabula, sermo falsus verita-
tem effingens.

*Fabule de-
finitio.*

Varias sortitur appellationes. Nam modò Sybari-
tica, modò Cilix, modò Cypria dicitur, receptis pro
inventorum varietate nominibus. Obtinuit tamen,
ac evicit, ut potius Æsopica vocaretur; quod Æso-
pus omnium optimè fabulas conscripserit.

Sunt autem fabularum aliæ rationales, aliæ mo-
rales, aliæ mixtæ. Rationales sunt, quibus fingimus
hominem aliquid facere. Morales, quæ ratione ca-
rentium morem imitantur. Mixtæ, in quibus utrun-
que, rationale & irrationale junguntur. Quod si ad-
monitionem, cuius causâ fabula inventa est, præpo-
sueris, id est, ut ita dixerim, Præfabulare:
Si verò postposueris, hoc est, adfabulatio-
nem appellabis.

*Species fa-
bule.*

EXEMPLUM, FABULA FORMI-
carum & Cicadarum, juniores ad la-
borem adhortans.

Fabula. **F**lagrans æstatis erat fervor, cum cicadæ conti-
nuis indulgebant cantilenis, lætæque inter ar-
busta strepebant carmine. At formicæ laboribus in-
tentæ, victum quærebant, colligebantque fructus,
quibus hyberno tempore vescerentur. Ingruente
igitur hyeme, partis formicæ nutriebantur. Sed iner-
ribus cicadis oblectans illa voluptas cessit in inopi-
Morale. am, arque famem. Sic qui laborem in juvenia subter-
fugiant, in senecta rabeſcunt egeſtate.

SCHOLIA.

Quintilianus, optimus eloquentiæ magiſter,
præcipit, adoleſcentes in minoribus dicendi
facultatis operibus antè exercendos eſſe, quàm ad
magnum illud declamationum opus perducantur.
Sunt autem opera minora quatuordecim:

Fabula, Narratio, Chreia, Sententia, Confutatio,
Confirmatio, Locus communis, Laudatio, Vitupe-
ratio, Comparatio, Ethopœia, Descriptio, Theſis,
Legiſlario.

Quæ, ut pueri memoriâ facilius tenere poſſint,
verſiculis hiſce tribus ſum complexus;

Fabula, Narratur, Chreia, Sententia, Futur,
Confirmar, Locus haud privus, Laus, Crimina,
Confert,
Fictio, Descriptum, Theſis, ac Inductio legum:

Quorum

Quorum illa sunt generis	Deliberativi,	Fabula.
		Narratio.
		Chreia.
		Sententia.
		Thesis.
	Judicialis,	Confirmatio.
		Confutatio.
		Locus communis.
		Laus.
		Viruperatio.
	Demonstrativi,	Imitatio.
		Comparatio.

Fabulae autem secundum Marcum Varronem, à *Fabula.* verbo *Fari* nomen habent. Has primas tradere pueris solent oratores, quia animos eorum adhuc molles ad meliores facile vias instituunt viræ, ut ait Priscianus. Delectant autem vehementius, & efficacius persuadent. Delectant, quia morum facerã quãdam imitatione capiunt imperitiorum animos. Fidem faciunt, quia verum veluti ponunt ante oculos, *Fabularum* ut Erasmus inquit in Copia. Non solum autem conducunt ad oblectandum, sed etiam vim maximam habent ad permovendum atque persuadendum. Hinc Aristoteles 2. Rhetoricorum, eas ponit inter probationes rhetoricas.

A poetis, &c. Hesiodus (autore Suida) primus omnium fabulas conscripsit. Qui annis centum atque tribus superior Æsopo fuit. Quintilianus lib. 5. cap. 21. *Fabularum*, inquit, primus autor Hesiodus videtur. Atqui poetæ figmentis quidem utuntur, sed iisdem altissimam continent philosophiam. Exemplo sit Homerus, cujus Ilias ostendit, quantum calamitatis afferat libido: Odyssæa virtutis exempla expressit. *Ilias, Odyssæa.* Vide Horat. 1. Epistolar. 2.

Quia Rhetores etiam, &c. Ut Menenius Agrippa, qui

A P H T H O N I I.

qui plebem cum patribus in gratiam traditur re-
duxisse. Nota enim illa de membris humanis adver-
sus ventrem discordantibus fabula.

I T E M Themistocles, qui admoniturus Athenien-
ses, nè magistratus innovarent, fabulam de vulpe
muscis obfita denarravit.

*Fabula De-
mosthenis.*

I T E M Demosthenes, adversus Philippum, ab Athe-
nienlibus decem oratores postulantem: Lupi, in-
quit, suaserunt pastoribus, ut in amicitiam conveni-
rent. Cùmque hoc pastoribus placuisset, petierunt
lupi, ut primâ sibi vice securitatis canes traderent, in
quibus videbatur occasio jurgiorum consistere. Quo
facto lupi, omni ademptâ formidine, omnem gre-
gem non solum pro satietate, sed etiam pro libidine,
laceraverunt. Sic, inquit, sublaris oratoribus, in po-
pulo Atheniensium facturus est Philippus; qui po-
puli oratores postulavit, ut facilius spoliata custodi-
bus urbem possit opprimere.

Morale.

*Apatbia
Stoicorum.
Fabula
Attici.*

I T E M Herodes Atticus contra Stoicorum *amor-*
em: Thracius, inquit homo, ex ultima barbaria ru-
ris colendi insolens, cùm in terras cultiores, huma-
nioris vitæ cupidine commigrasset, fundum merca-
tus est oleâ atque vite confutum. Qui, quia nihil ad-
modum super vite atque arbore colendâ sciret, videt
fortè vicinum rubos la'è atque altè obortos exci-
dentem, fraxinos ad summum propè verticem de-
putantem, soboles vitium è radicibus caudicum su-
per terram fufas revellentem, stolones in pomis aut
oleis proceros, atque decerpros amputantem: accedit
prope, & cur tantam ligni atque frondium cædem
faceret, percontatus est. Et vicinus ità respondit, Ut
ager, inquit, mundus purâsque fiat, ejusque arbor,
atque vitis fecundior. Discedit ille à vicino, gratias
agens, & lætus, tanquam adeptus rei rusticæ disci-
plinam. Tum falcem sibi atque securim capit, atque
ibi

ibi homo miser & imperitus vites suas sibi omnes, & oleas detruncat, comasque arborum latissimas, uberrimosque vitium palmites decedit, & fruteta arque virgulta simul omnia, pomis frugibusque gignendis felicia cum sentibus & rubis, purificandi agri gratia, convellit, malâ mercede doctus audaciam, fiduciâque peccandi imitatione falsâ eruditus. Sic, inquit, isti apathjæ sectatores, qui videri se esse tranquillos, *Morale.* & intrepidus & immobiles volunt, dum nihil cupiunt, nihil dolent, nihil irascuntur, nihil gaudent, omnibus vehementioribus animi affectibus amputatis, in corpore ignavo, & quasi enervato consenscunt. Hæc Gellius libro 19. cap. 12.

Nec oratores tantum fabulis utuntur, sed etiam philosophi: à quorum sacrario tamen in cunas nutritum eliminantur, quæ solas aurium delicias proficiuntur. Admittuntur autem, quæ legentis intellectum adhortantur ad virtutes. Vide Macrobi. de Som. lib. 1. cap. 2. Ejusmodi fabulæ exemplum habetur apud Platonem lib. 2. de Rep: Et Ciceronem Offic. 3. de Gygis annulo.

Sermo falsus, &c. Quamvis fabulosa sint argumenta, & nullam veritatis vim continere videantur, tamen rationem habent, ut juxta eam veritas possit manifestari, fictâ quidem narratione, sed veraci significatione.

Sybaritica, &c. Sybaris oppidum fuit vicinum Crotoni, ut testis est Herodorus lib. 5. Stephanus in Italia constituit, atque postea Thurion appellatum. Unde Sybaritæ dicti, gens in voluptatum architectura operosissima. Nam, Suidâ teste, luxu, deliciisque adeo notabilis fuit, ut quicquid effeminatum, quicquid molle, quicquid accuratâ atque ambitiosâ luxuriâ paratum esset, id vulgò Sybariticum diceretur. Hinc Sybaritica fabulæ, quales ferme apud Æsopum, niles

*Fabule Sy-
baritica.*

*Sybaritas
milities
perdidit.*

*Tripudium
equorum.*

aniles, & parum pudicæ vocantur à Suida, propter
nimium luxum, ac libidinem Sybaritarum, apud
quos nugæ ac voluptates in pretio, frugalitas odio
fuit. Hos ex Africano Politianus Miscellaneorum
15. narrat, cò deliciarum venisse, ut equos in convi-
via introducerent, ità institutos, ut audito tibiæ can-
tu, statim se tollerent arrectos, & pedibus ipsis prio-
ribus, vice manuum gestus quosdam chironomiæ
motusq; ederent ad numeros saltatorios. At enim ti-
bicen, inquit, ibi quispiam còrumeliâ adfectus trans-
fugit ad Crotoniaras hostes, paulò antè prælio supe-
ratos à Sybaritis, & quod è Rep. foret illorum pol-
licetur (si fidem modò habeant) suâ operâ Sybaritârû
cunctorum equites in ipsorû venturos potestatem.
Credita res, & belli dux creatus à Crotoniariis tibi-
cen, convocat omnes quotquot ejusdem forent in
urbe artis, artificium modulamentumque eis indi-
cat, atque ut visum tempus, procedere in hostem ju-
bet. Sed enim Sybaritæ fastu præurgidi, quòd equi-
tatu superabant, eunt contrâ, prælium conferunt.
Hic autem repente dato signo, tibicines universi
conspirant. Ecce tibi igitur confestim, modulamine
agnito, cantuque illo vernaculo, tollunt eriguntque
semet in pedes equi Sybaritarum, fessoribus excussis,
& quod tripudium domi didicerant, etiam in acie
exhibent. Ità capti omnes equites, sed humi jacen-
tes, omnes equi, sed tripudia repræsentantes. De Sy-
baritis plura apud Erasmus in Chiliadibus. Idem
Apophthegmatum sexto refert ex Athenæi lib. 12.
tantam Sybaritarum fuisse mollitiem, ut nullum
opificium in civitatem admitterent, quod cum stre-
pitu exerceretur, quod genus sunt fabrorum ferra-
riorum, & lignariorum. Atque adeò nè gallum qui-
dem gallinacem in civitate fas erat alere, nè quid
esset, quod aliis somnum interrumpere.

Modò

Modò Cilix, &c. à Cilicia, minoris Asia regione, *Cilices.*
 Syriæ proxima, ut meminit Plin. lib. 5. cap. 27. Cili-
 cum autem vanitas & mores olim fuerunt notari.
 Hinc proverbium: *κίλιξ οὐ παδίως ἀληθεύει, Cilix baud*
facile verum dicit. Item, *Tria Cappadocia*, quo no-
 taræ gentes, Cappadoces, Cretenses, Cilices. Priscia-
 nus in præexercitamentis suis fabulas ponit Liby-
 cas, à Libya, quæ ut variarum ferarum, ac monstro-
 rum est ferax, ita gentis ingenia fuerunt ad fabulas
 propensa. Et proverbio *Libycam feram* appellabant
 hominem vafum, callidum, versipellem, variis mo-
 ribus, ancipitiq; ingenio, ut ait Erasmus. Et Libyco-
 rum apologorum meminit Aristoteles in Rhe-
 toricis.

Modò Cypria, &c. Dicta à Cypro: quæ inter Syri-
 am, & Ciliciam insula, in mari Carpathio, famosa
 luxu. In qua sunt Cypros, Cythera, Paphos, Veneri *Cyprus.*
 consecrata. Unde Venus *Κύπρις*, Cytherea, & Paphia *Milefia.*
 dicitur, Fuerunt & Fabulæ dictæ Milefiæ, à Milesiis,
 Ionix populis, qui luxu diffuebant, ex eoque prover-
 bium Græcè fertur: *Οἶκος τὰ μάλιστα, μὴ γὰρ ἐνταῦθα* hoc
 est, *Domi, non hic Milefia.* Recenset Politianus, Mi-
 scellaneorum c. 17. Vide Erasmus in proverbio:
Domi Milefia. Apuleius in principio metamorpho-
 seos totius: At ego, inquit, tibi sermone isto Milesio
 varias fabulas conferam, hoc est, juxta Beroaldi in-
 terpretationem, fabuloso, lepido, jocofo, delicato,
 ludicro, à Milesiis, qui deliciis, & ut dixi, luxu fuere
 notabiles. Quorum est illud memoratissimum: Ne-
 mo nostrum frugi esto, alioqui cum aliis ejiciatur.
 Simile Ephesiorum dictum: *Qui cum principem* *Ephesil.*
Hermodorum civitate expellerent, ita locuti sunt;
Nemo de nobis unus excellat, sed si quis extiterit alio in
loco, & apud alios sit. Author Cicero Tusculanarum
 quinro.

Æsopica, &c. Apollonius Tyaneus apud Philo- *Æsopi Fa-*
 stratum, *bula.*

stratum, l. 5. ait: Ego verò fabulas Æsopi ad sapientiam accommodatiores, quàm cæterorum esse censeo. Quas à Mercurio docet acceptas, Æsopumq; in numero sapientum habitum. Unde ejus fabulæ in tanto fuerunt usu, ut qui eas non legisset, indoctior reputaretur. Vide Erasum in proverbio; Nè Æsopum quidem trivisti. Quintilianus loco suprà citato: Fabulæ, quæ etiam ab Æsopo originem non acceperunt, (nam videtur earum primus autor Hesiodus) nomine tamen Æsopi maximè celebrantur, ducere animos solent, præcipuè rusticorum, & imperitorum, qui & simplicius quæ ficta sunt audiunt, & capti volupate, faciliè his, quibus delectantur, consentiunt. Cujus rei meminit Lancilorus, lib. 6. cap. 14.

*Fabula de
vulpe &
erinaceo.*

SUNT autem apologi maximè compositi ad popularitatem, atq; vim persuasionis, cujus generis ille, qui fertur ab Æsopo compositus, in ea oratione, in qua Sami primum quendam capitis postulatam, judicio defendebat. Vulpes, inquit, fluvium transitura, in foveam cecidit, indè cum egredi non posset, longo tempore afflictata est, atque hirudinibus obsessa. Errabar illac forte fortuna erinaceus, despexit, misertus est: tum interrogat, nunquid se vellet: opem atque operam suam pollicetur, pessimis animalibus evellendis. Negante illà, sciscitatus est causam. Quia, inquit, hirudines hæ, quæ me habent, jam expletæ sunt sanguine atque depastæ, parùmque ampliùs hauriunt: quòd si abegeris, inanes aliæ, & famelicæ irruent, quæ reliquum mihi sanguinem ebibent. Idem vobis, viri Samii, censeo cogitandum esse. Hic quem vos morte multandum putatis, nihil vobis officit ampliùs: jam locupletatus est, jam satur est. Quòd si è medio illum sustuleritis, invadent alii pauperes, qui rem vestram publicam depopulabuntur. Cujus meminit Arist. 2. Rhetoricorum cap. 38.

Morale.

Rationales

Rationales, &c. Quibus homines finguntur ali-
quid operari, cuius generis illa: Medicus ægrotum
curabat, ægro mortuo ille efferentibus dicebat; Ho-
mo hic si vino abstinuisset, & clysteribus fuisset usus,
non interuisset. Ad ea respondit quidam, Non opor-
tet hæc te nunc dicere cum nulla est utilitas; sed
tunc admoneri decebat, cum ægrotus his uti pote-
rar. Fabula significat, oportere amicos tempore ne-
cessitatis succurrere, & auxilia præbere.

*Fabula de
medico.*

Morale.

I T E M, Puer, è ludo literario condiscipuli librum
furatus domum tulit. Mater non corripuit filium,
sed exosculata laudavit. Puer ætate proventus, ma-
jora cœpit furari. Furto deprehensus, rectâ ducba-
tur ad mortem. At sequente ac lugente matre, car-
nificem orabat ille, ut in aurem matri quiddam nar-
raret. Cum mater ori filii se admovisset, ille aurem
dentibus demorsam abscidit. Marri & alijs accusan-
tibus, quod non solum fur, sed etiam impius haberetur;
Respondit ille, Mater meæ causa perditionis est.
Nam si, cum olim furatus eram librum, me corripu-
isset, non ad hæc flagitiosa discrimina venissem, Quæ
significat, eos quæ non in principio puniuntur, in
majus augeri malum.

*Apologus
de fure.*

Morale.

Morales, &c. Cujus generis illa: Leo senio con-
fectus, cum vires non suppetarent ad victum paran-
dum, callidum cepit consilium. Itaque antro, quasi
periculoso morbo correptus, decumbens, quod ad
ipsum visendum passim animantes reliquæ adveni-
rent, prehensas illas devorabat. Atq; ita magnâ be-
stiarum multitudine à leone absumpta, accedit
tandem & vulpecula ad antrum, & ante illud substi-
tit hæsitabunda, & circumspectans: tum leo, quid
esset, cur non adeat ad se, rogat. At illa, id quod in
epistolis Horatius retulit, respondisse fertur,

*Fabula de
leone.*

—Quia me vestigia terrent.

Omnia

Omnia te adversum spectantia, nulla retrorsum.

Morale.

Fabula docet, prudentes ante pericula cavere sibi, & ea signa quibus mala portendantur, notare, & hæc effugere.

Mixta, &c. Qualis illa de agricola & ciconia.

Agricola

*& ciconie
fabula.*

INTER grues cepit agricola & ciconiam. Hæc deprecata ab illo vitam, non solum innocentem, sed etiam piam, se & hominibus prodesse commemorat. Nam & nostrum genus, inquit, venenatas bestias venatur ac deglubit, & effætos senectâ parentes gestat arque sublevar. Huic respondit agricola, credere se vera esse omnia quæ recensuerit, sed inter nocentes captam, eandem oportere pœnam sufferre, quam illi. Fabula significat, similem quemque habere iis, cum quibus societas, & inter quos deprehensus fuerit.

Empu'diri, &c. Cæterum, quod *Empu'diri*, id est, apologi interpretationem appellant, non admodum refert, initio ponas, an in fine. Quoniam & hinc incipere licebit, & in hanc desinere, modò sermonis accedat varietas. Sunt qui velint, ejusmodi fabularum expositiones in fine ponendas ab iis, qui fuerint earundem inventores. Ab alijs in principio, vel in fine.

De tractatione fabularum.

Brevius fabulæ tractantur, si narratione simplici proferantur. fufius autem, si personis inductis sermo fingatur, quemadmodum Priscianus ait. Exempli causâ: Simiæ convenerunt, & consilium habuerunt de urbe condenda, & quia placuit illis, paratæ erant incipere ædificationem. Sed verus inter eas prohibuit ab incæpro, eas docens, quòd facile capiantur si intra muros concludantur. Fufius autem sic; Simiæ convenerunt, & consultabant de urbe condenda, quarum una in medium veniens concionara est. Quia oportet ipsas quoque civitatẽ habere. Vide-

tis

ris enim aiebat, quòd civitates habendo homines, habent etiam, domos singuli, & concionem universi, & in theatrum ascendentes delectant animos spectationibus, & auditionibus variis. Et sic proferes orationem, dicens, quòd & plebis istum scriptum est. Et finges etiam orationem veteris simiæ.

Aliud exemplum fabule brevius tractate.

Voluptatem aiunt, atque dolorem quodam tempore coram Jove se mutuo accusavisse. Cumque ille nihil non tentaret, atque experiretur, quo in gratiam litigantes redigeret, frustra omnia conatum, ipsos tandem adamantinâ quadam catenâ inter sese copulâsse atque devinxisse. Itaque durante nihilominus diffidio, & contrariâ voluntate, necessario conjuncti & sociati manserunt.

Fabula de voluptate & dolore.

JAM, qui latius hanc fabulam tractare voler, ab initio præmium excogitabit, quòd rei laudem contineat, ut, quòd non vanum sit aniculae deliramentum, sed nobile philosophorum, non modò futurum oblectamento, sed etiam usui magno documentum. Deinde voluptatis orationem, quâ dolorem accusat, & è contrario doloris, quâ criminatur voluptatem effinger, atque utriusque rationes aliis vel fabulis vel exemplis illustrabit. Dicer dolorem maximum malum: quòd sit res tristis, aspera, amara, & inimica naturæ, quemadmodum ait Cicero 2. Tusculanarum quæstionum; Contrâ, voluptatem escam malorum, pestemque capitalem: quod Circes, atque Sirenum fabulæ confirmant. Huc ea referri poterunt, quæ sunt apud Silium Italicum li. 15. contra voluptatem. Postremo Jovis explicabit iudicium, quo voluit, inhonestæ voluptatis inseparabilem esse comitem dolorem atque pœnitentiam, ac mœrorē æternum.

atrum: At doloris & honesti laboris, gloriam. Etenim ex paululo incommodi arque molestiæ, summum maximumque bonum colligi. Vide proverbium; *Exiguum malum, ingens bonum.*

PORRO, qui in hoc scribendi genere volunt sty-
lum exercere, duo potissimum vitabunt. Primo, ne
orationem faciant omnino aridam, sed temporum,
locorum, aliarumque circumstantiarum velut succo
plena reddant. Deinde ne dum hoc vitant vitium,
in contrarium incurrant, & immodico descriptio-
num ambitu fastidium ingerant, ut ait Petrus Mosel-
lanus. Principio autem dilatabunt præfatione com-
mendationis. Commendabunt autem, juxta Erasmi
sententiam, cum autorem ipsum, tum apologorum
genus. Deinde in describendis animantium, aut re-
rum formis ac naturis, quas inducunt, longius im-
morabuntur. Quandoquidem hoc jam ipsum, & cum
voluptate accipitur, & ad eruditionem liberalem
pertinet. Veluti si scarabei formam, deinde quemad-
modum è stercoreibus nascatur, & quo pacto poste-
rioribus pedibus erectis stercorea protrudat, atque id
genus alia describent. Ad eundem modum, Aquilam
regnum in avium genus obtinere, amigeram esse
Jovis, non offundi fulmine, non connivere ad ar-
dentissimos solis radios, perniciosissimo volatu ultra
nubes ferri. Denique quæcunque vel ad scarabeorum
humilitatem exaggerandam, vel aquilæ generositate-
rem attollendam pertineant. Atq; hac in re non præ-
termittendum, si quid animanti cuiquam fabulis poë-
tarum est attributum. Quod genus, è Lycaone na-
tos lupos: Ex adolescente perdicem: Cycnum Apol-
lini sacrum esse, sub fatalem horam suavissimè canere:
Corvum ejusdem fuisse nuntium, & ob cessationem
ex albo nigrum factum: Aut si quid proditum
est historiis insigniter ab his factum. Velut de aquila,
qua virginem adamavit apud Plinium. lib. 10.

cap. 5. de delphino apud Gellium, lib. 7 cap. 8. Apud Plinium Epistolarum 9. De Bucephalo Alexandri Magni equo apud Gellium lib. 4. cap. 2. Arque item de cæteris. Deinde cum ad ipsum apologum fuerit ventum, fusiùs ac latiùs enarrare licebit. Id fiet citra rædium, si facerê quadam imitatione, quod est in hominum vita ad fabulæ mores accommodabunt. Præterea si ad eandem rationem sermones, sententias, dictaque adfingamus. Exemplum apertissimum est dilatarî apologi apud Apulcium, de corvo & vulpe.

Exemplum Apologi, breviter expofiti.

Mus rusticus urbanum hospitio exceperit, & amicis quibus potuit cibis exquisitis refecit. Urbanus agrestia fastidiens opsonia, rusticum in urbem secum duxit. Ineunt, quod opiparè fuit instructum, convivium. Inter epulandum auditur strepitus in terra & larratus canum. Ambo trepidare, & fugitare, rusticus maximè, qui viarum ignarus ægrè se tueri. Sed ad sese reversus, ait; Malo cum securitate meam inopiam, quàm istam cum tali anxietate copiam.

Fabula de mure rustico & urbano.

Exemplum ejusdem dilatati apud Horatium lib. 2. Sat. 6.

Rusticus urbanum murem mus paupere fertur Accepisse cavo, veterem vetus hospes amicum; Asper, & attentus quæsit: ut tamen arcum Solverit hospitii animum. Quid multa? neque illi Sepositi ciceris, nec longæ invidit avenæ. Aridum & ore ferens acinum, semesaque lardi Frustra dedit; cupiens variâ fastidia cœnâ Vincere, tangenti malè singula dente superbo: Cum pater ipse domus palea porrectus in horna Esset ador loliumque dapis meliora relinquens.

Tandem

Tandem urbanus ad hunc: quid te juvat, inquit, amice,

Prærupti nemoris parientem vivere dorso?
 Vin'tu homines, urbemque feris præponere sylvis?
 Carpe viam. (mihi crede) comes, terrestria quando
 Mortales animas vivunt sortita, neque ulla est
 Aur magno aut parvo lethi fugasquo (bone) circa
 Dum licet, in rebus jucundis vive beatus:
 Vive memor, quàm sis ævi brevis. Hæc ubi dicta
 Agrestem populêre domo, levis exilit indè:
 Ambo propositum peragunt iter, urbis aventes
 Mœnia nocturni subrepere, jamque tenebat
 Nox medium cœli spatium, cum ponit uterque
 In locuplete domo vestigia, rubro ubi coeco
 Tincta super lectos canderet vestis eburnos;
 Multaque de magna superefflent fercula cœna,
 Quæ procul extractis inerant hesternæ canistris.
 Ergo ubi purpurea portectum in veste locavit
 Agrestem, veluti succinctus cursirat hospes,
 Continuâque dapes, nec non vernaliter ipsis
 Fungitur officiis prælambens omne quod affert.
 Ille cubans gaudet mutata sorte, bonisque
 Rebus agit lætum convivam, cum subito ingens
 Valvarum strepitus lectis excussit utrumque.
 Currere per totum pavidæ conclavæ, magisque
 Exanimes trepidare, simul domus alta molossis
 Personuit canibus. Tum rusticus, haud mihi vita
 Est opus hac, ait, & valeas; me sylva cavusque
 Tutus ab insidiis tenui solabitur arvo.

Aliud dilatate fabule exemplum, ex

Gellii lib. 2, cap. 29.

Æ Sopus ille è Phrygia fabulator hand immerito
 sapiens existimatus est: cum quæ utilia monitu
 suasque erant, non severè, non imperiosè præcepit
 & cen-

& censuit, ut philosophis mos est: sed festivos, delectabilésque apologos commentus, res salubriter ac prospicienter animadversas, in mentes, animósque hominum, cum audiendi quadam illecebra induxit.

Velut hæc ejus fabula de aviculæ nidulo lepidè arque jucundè præmonet, spem fiduciámque rerum, quas efficere quis possit, haud usquam in aliis, sed in semetipso habendam. Avicula, inquit, est parva, nomen est cassita: habitat, nidulatúrque in segetibus, id ferme temporis, ut appetat messis, pullis jamjam plumantibus. Ea cassita in sementes fortè concesserat tempestiviores, propterea quòd frumentis flavescantibus pulli etiam tunc involucre erant. Cùm igitur ipsa iret cibum pullis quæsitum, monet eos, ut si quid ibi novæ rei fieret, diceretúrve, animadverterent: idque sibi, ubi redisset, renuntiarent. Dominus, postea segetum illarum filium adolescentem vocans: vidésne, inquit, hæc ematuruísse & manus jam postulare? Idcirco die crastino, ubi primum diluculabit, fac amicos adeas, & roges veniant, operámque mutuam dent, & messem nobis hanc adjuvent. Atque ubi rediit cassita, pulli trepiduli circumstrepere, orarèque matrem, ut statim jam properet, atque alium in locum sese asporter: Nam dominus, inquitur, misit, qui amicos rogaret, uti luce oriente veniant, & merant. Mater jubet eos à metu otiosos esse. Si enim dominus, inquit, messem ad amicos rejicit, crastino seges non meretur: neque necesse est hodie, uti vos auferam. Die igitur postero, mater in pabulum volat: dominus quos rogaverat operitur, sol fervet, & fit nihil, & amici nulli erant. Tum ille rursus ad filium: Amici isti, inquit, magnam in partem cessatores sunt, quin porius imus, & cognatos, adfinésque nostros oramus, ut adsint cràs temporis ad metendum. Iridem hoc pulli pavesacti, matri nuntiant. Mater hortatur, ut tum

*Fabula de
avicule ni-
dulo.*

quoque sine metu, ac sine cura sint. Cognatos adfinesque nullos ferme tam obsequibiles esse ait, ut ad laborem capescendum nihil cunctentur, & statim dicto obediant. Vos modò, inquit, advertite, si modò quid denuo dicetur. Alià luce orrâ avis in pastum profecta est, cognari & affines operam, quam dare rogati sunt, supersederunt. Ad postremum igitur dominus filio: Valeant, inquit, amici, cum propinquis; adferes primâ luce falces duas, unam egomet mihi, & tu capies alteram, & frumentum nosmetipsi manibus nostris cras metemus. Id ubi ex pullis dixisse dominum mater audivit, Tempus, inquit, est cedendi, & abeundi; fiet nunc dubio procul quod futurum dixit: In ipso enim jam vertitur, cujâ est res, non in alio, unde petitur. Atque itâ cassita nidum migravit, & seges à domino demessa est.

Morale.

Hæc quidem est Æsopi fabula: de amicorum & propinquorum levi plerumque & inani fiducia. Sed quid aliud sanctiores libri philosophorum monent, quàm ut nobis tantùm ipsis nitamur; alia autem omnia, quæ extra nos, extrâque nostrum animum sunt, neque pro nostris, neque pro nobis ducamus. Hunc Æsopi apologum Q. Ennius scitè admodum & venustè versibus quadratis composuit. Quorum duo postremi isti sunt, quos habere cordi & memoriae operæ pretium esse hercle puto:

Hoc erit tibi argumentũ semper in promptu situm,
Nè quid expectes amicos, quod tu per te agere possis

Fabula de formicis atque cicadis breviter narrata.

Fabula.

Appetente hyeme frumentum in arculam ad solem trahebat formica: videns & cicada, accurrit, rogitat granum. At formica, cur non, inquit, & tu meo exemplo æstate trahis, quodcunque potes, atque addis acervo? Respondit illa, sibi id temporis cantando transactum fuisse. Ridens formica: Si, ait, æstate caritare soles, meritò nunc esuris. Monet fabula

fabula, ut dum adhuc robur corporis adest, quæramus ea, quibus imbecilla sustentetur senectus. Per hyemem, senectutem intellige: Per æstatem, adolescentiam, & florem illum ætatis.

Moralè.

Eadem paulò fusius tractata.

QUOTUSQUE philosophorum ratione suâ quantumvis arguat, bonarum ad literarû studia juventutem potentiùs adhortatur, quàm Æsopus hoc lepidissimo, de formicis atque cicadis, figmento? Etenim nullo tam efficaci, ad labores honestos capeffendos pellici posset, quàm argumento formicarum. Quæ, laboris exempla, trahunt ore quodcunque possunt, atque addunt acervo, quem struunt, haud ignaræ ac non incautæ futuri: Quæ, simul inversum contristat Aquarius annum, non prærepunt, sed illis utuntur antè quæsitis porientes. Nec mirum, cum homines olim fuerint agrorum cultores, & in formicas transformari, nihil præter corporis figuram amiserint: antiquos enim mores obtinent, veterem naturam servant, reipublicæ rationem habent atque curam, rura frequentant, præterea pererrant, arbores conscendunt, frumenta colligunt atque recondunt. Nam in iis (ut dixi) mens præfaga futuri. Unde olim Midæ, cujus imperio Phrygia fuit subjecta, puero dormienti in os grana tritici congestisse leguntur, ut apes Platonis dormientis in cunis parvuli labellis mel inseruisse, atque ita magnæ felicitatis indices extrisse non futiles. Hyemis igitur venturæ memores, adèò pertinaciter laborant, ut earum itinere silices attritos videamus, & in opere semitam factam: nè quis dubitet, qualibet in re quid possit quantulacunque sedulitas. Ad eas igitur tanquam vitæ magistras, rex Solomon jubet abire pigrum, earumque mores contemplari, ut sapientior

fiat. Illæ tametsi nec principem nec præfectum, nec ducem habeant: tamen æstate cibem pro veteri consuetudine parant, & in messe colligunt alimenta. At dissimilem naturam ignavæ referunt cicadæ, quas Socrates apud Platonem dicit procreatas ex hominibus, qui natis ab initio Musis, cantuq; monstrato, usque adeò deliniti fuerunt voluptate cantûs, ut cantes cibum porumque negligerent. Et adhuc hodierno die messis tempore cantillantes, hyeme tabescent egestate. Harum stulti sunt imitatores, qui juvenes à labore proclives ad libidinem, in æstate florida veterno torpent, in senecta premuntur rerum penuriâ. At prudentes collaudantur, qui formicarum exempla secuti, laboribus honestis quærunt viatica, miseris cicadis: ante oculos assiduò ponentes, ignaviæ comitem esse paupertatem, ut voluptatis dolorem. Atqui desidiosos non solum ab hominibus habitos odio, sed etiam à diis immortalibus, qui industrios adjuvant, ac spectant magnos viros colluctantes cum aliqua calamitate. Unde rectè Demetrius ille dixit: nihil infelicius eo, cui nihil unquam aliquid evenit adversi. Cujus rei meminit Seneca, in libro de divina providentia. Hinc est, quòd Saturnus olim foliis stillantia mella decusserit, ignem removerit, & passim rivis currentia vina represserit, *Non torpere gravi passus sua regna veterno.* Et Lycurgus pueros non in torum, atque deliciis affluentia loca, sed in agrum duci jussit, ut primos annos non in voluptatibus, more cicadarum, sed in omni opere & labore agerent, formicas imitari. Quippe negoria sunt horrida nomine, sed Reipub. mores in statu prospero continent. Contrà blandæ appellationis quies pluribus vitiis & periculis respergit. Exemplo sit Roma, cujus præpotens imperiû agitatio rerum excitavit ad virtutem capeffendam, nimia quies in desidiam resolvit, ac interitum. Hinc Appius ille Claudius crebrò solitus

solitus fuit dicere: Negotium populo Romano melius committi, quàm otium. Blanda quidem & facilis initu voluptatis est via: virtutis autem, quam formicæ videntur ingredi, nimis laboriosa & aspera. Sed ut hujus ultima mera jucunda simul ac beata est, sic illius miserabilis & infaustus exitus.

Nam qui desidiâ luxûmqne sequetur inertem,
Dum fugit oppositos incauta mente labores,
Turpis inopsque simul miserabile tranfiget ævum:
At quisquis duos casus virtutis amore
Viccrit, ille sibi laudémque decúsque parabit.

Res quidem blanda nimis est, mellitus canor atq;
voluptatis illecebræ; sed quos præstigiis suis ceperunt, disperdunt. Ovidius 3. de arte.

Monstra maris Sirenes erant, quæ voce canorâ

Quaslibet admissas derinuere rates. Harum una Parthenope humanâ voce: Alia, cui Leucosia nomen, tibiis: Tertia, Ligya, canebar lyrâ; atque tantâ carminis dulcedine transeuntes nautas afficiebant, ut alto somno premerentur, & cùm sopiros persensiscerent, submergebant, atque devorabant. Quare cùm juxta illas transiturus esset prudens Ulysses, cerâ sociorum aures obturavit, & ipse se ad navis malum alligari jussit, ut eâ ratione salvus evaderet. Unde Martial. lib. 3.

Sirenas hilarem navigantium pœnam,
Blandâsque mortes, gaudiûmque crudele,
Quas nemo quondam deserebat auditas,
Fallax Ulysses dicitur reliquisse.

Et Horatius;

Sirenium voces & Circes pocula nôsti:
Quæ si cum sociis stultus, cupidûsque bibisset,
Sub domina meretrice fuisset turpis & excors.

Quid aliud sapientissimi viri per amœnas Sirenium voces intelligi voluerunt, quàm blandæ voluptatis præstigias, quibus inescant homines submergi sole-

ant, atque funditus interire? Et quid aliud *Æsopus* per molles cicadarum cantus significare voluit, quàm popinonum turpitudinem, miseriam, infelicitatem, & breviter corporum atque animarum interitum, quæ pestifera secum trahit voluptas? Proinde studiosa juvenus, utile propositum virtutis exemplar, *Ulysses* imitabitur, ut tanta pericula declinet, atque fugiat perniciosam voluptatem, quod ipsissimum melle litum venenum est. Quo nihil damnosius, cùm virtutes atterat, animique pariter & corporis vires expugnet, ut luxuria Campana, quæ invictum Annibalem illecebris suis complexa vicendum militi Romano tribuit. Vide *Livium* de bello Punico: *Valerium* lib. 9. cap. 1. Imitabitur item *P. Scipionem*:

Qui juvenis plenus monitis ingentia corde
Molitus, visæ caluit virtutis amore.

Sprevit (voluptatem) *Achæmenium* spirantem
verrice odorem. *Ambrosias* diffusa comas, ut *Silius*
Italicus inquit.

Non imitabitur illum cum cicadis otia sectantem
juvenem: Quem dormientem in medios semper dies
objurgabant sui, & quidnam faceret in lecto tam diu,
quærebant. Quidnam igitur censeris? ille inquit. Dicere
jussus: Quoties, inquit, manè evigilo, adsunt
ad lectulum meum puellæ duæ, quarum altera ad surgendum,
& operis aliquid faciendum me hortatur,
& ostendit, quàm turpe sit juveni optimam diei partem
in lectulo conterere: atque interdum *Græcum*
versiculum accinit semisomni, cujus ut opinor sententia est,
Auroram tertiam operis partem perficere. Ibi tum altera,
Nugari hanc ait, & turbatricem esse quietis, quàm nihil sit
neque melius, neque dulcius, & quàm vita hominum
carere nequeat. Bonum si adipiscendum sit, quovis tempore rectè
surgi: Malum si impendear, nimis citò surrexeris, inquit,
quamvis
sero

serò reliqueris lectum. Hæc ego, inquit adolescens, inter convitia mutua & altercationes gravissimas disceptantes has audiens, cum dubitem utri assentiar, diutius soleo in lectulo immorari. Nec imitabitur illum, qui sacris in proverbiiis irâ loquitur, Paululum modò dormiam, paululum modò dormitabo, paululum modò somno vacabo, paululum modò manus conferam, & componam me ad recumbendum. Neq; illos, qui in libro Sapientiæ sic proclamant: Venite, fruamur bonis quæ sunt, & utamur creaturâ tantquam in juventute, celeriter vino pretioso, & unguentis nos impleamus, & non prætereant nos flos temporis. Coronemus nos rosas, antequam marcescant: nullum pratum sit, quò non pertranseat luxuria nostra, ubiq; relinquamus signa lætitiæ nostræ. Non, inquam, imitabitur, nè interea ceu viator veniat inopia, atque obruar eum paupertas ac miseria. Quicunq; ergò ad veras opes, & æternam, quæ virtutem non aliter atque corpus umbra comitari solet, gloriam aspirant, formicas magis Æsopicas studebunt imitari, quàm cicadas: hoc est, virtutem potius, quàm voluptatem conabuntur amplecti.

Fabula Hesiodi, de Accipitre & Luscinia, breviter prolata.

Accipiter lusciniam vario cantu argutam, in *Fabula.* sublimi nubium summitate capram ferebat. Hæc unguibus transfixa, miserè plorabat: ad hanc raptor horrendâ voce, sic inquit: Quid exclamas misera, à multò quàm tu sis forriore detenta? Huc adfis, quò ego te pertraham, Suave licet usque canas, cœna ramentum mihi futura es, ubi voluero.

Desipit, qui potentioribus repugnat.

Morale.

Eadem dilatata, ab auctoris laude.

Tantâ sapientiâ & præclaris animi dotibus excelluit antiquissimus poetarum Hesiodus, ut etiam

vitâ defunctum honore summo profecuti sint viri sapientes, ac veluti numen aliquod certum venerati. Quemadmodum enim Homeri nativitate urbes permultæ sibi vendicabant: ita sepulcrum Hesiodi divinum asserabant sibi Nemei simul & Orchemenii. Dignissimus aurem honore tanto tantus poëta, qui pretiosa divini ingenii multa ad omnium hominum utilitatem spectantia reliquit monumenta: in quibus ut gemma nobilissima reluet, quam de accipitre, atque lusciniâ protulit, fabula:

*A præ-
bulari.*

Quâ sapienter docuit eos stultè facere qui potentioribus reluctantur, certantque cum iis, quos tyrannos nequeant vincere. Quod ipsum est contra torrentem niti, contra stimulos calcitrare, & juxta proverbium, *διωχῆσθαι*, hoc est, cum diis pugnare.

*A natura
accipitris.*

Non injuriâ scripsit Ovidius: Odimus accipitrem quia semper vivit in armis: Etenim Harpyis omnibus rapacior, adunca rostro, & unguibus incurvis, ad vim inferendam natus. Cui tanta est insita atque à parentibus ingenerata rapiendi ac dilaniandi fames, ut nulli avium generi parcat, nec ab ullis etiam cognatis sanguinolentos abstineat ungues. Qui alitum fævisissimus, aviculas infantes aut humi volantes, aut circa arbores in sublimi sedentes, persequi, rapere, & discerpere solet. Neo in juniores solum crudelis, ac injuriosus, sed etiam populator impius bellum inter necinum cum aquila, cunctarum avium rege, non expavescit gerere, ut coherentes sæpe deprehendantur. Quo genuinæ rabiei propulsus instinctu crudelissimus hostis, sanguine quem affiduò sitit, se satiat, innoxiam adoritur lusciniam, atque comprehendit. Capta imbellis & insons avicula victorem dulci quâ plurimum pollet voce, rogare coepit, & obsecrare, ut innocenti parceret, inquit:

*A sermoci-
natione per
prosopo-
piam.*

Fer mansuetè fortunam. Noli extinctam extinguere. Parce mihi per ea, quæ tibi dulcissima sunt in vita,

vira. Miserere infelicis. Respice innocentiam meam. Neminem unquam violavi: nunquam rapto vixi, ut jam par pari debeat referri. Quod si nulla mei te misericordia commoverit, eximia, quâ nobilitor, permovcat virtus mea: noli perfectum musices organum disperdere. Te permolliat, flectatque vox tam dulcis, atque magna, tam parvo in corpusculo meo regnans, & tam pertinax spiritus iram tuam frangat, in tam absoluta musicæ scientia modulatus sonus, quem sæpius audisti continuo spiritu trahi, nunc variè inflexo, nunc distingui conciso, copulari intorto, promitti, revocari, infuscari ex inopinato. Interdum plenum, gravem, acutum, crebrum, extentum, summum, medium, imum. Breviter, omnia tam parvulis in faucibus, quæ tot exquisitis tibiærum tormentis ars hominum excogitavit: quorum ex interitu majorem tibi & invidiam & infamiam conflexeris, quàm utilitatem perceperis. At ille, quin tu, inquit, auribus meis opplorare desinis? Quid, ru rere clamoris tui gratiâ te omissum iri? Nihil gemitus, nihil lacrymas tuas moror, aut euro. Quiritatio tua, nisi forsitan animo placuerit, te meis de unguibus nunquam eripiet, ac conservabit. Exple meas inimicinas, & iracundiam sanguine tuo satura: & statim eo dicto miseram discerpit.

Quid hoc facto potuit immanius esse? Captivis aliis tempus relinquitur, quo crimen obiectum diluere, aut aliquam causam in excusationem queant adducere. Sed huic infelici omnis exclusâ fuit misericordia, omnisque negata purgandi facultas. Et quis tyrannorum tam fuit impius, ut aliquem occiderit, nisi vel levi aliquâ ratione permorus? Sed aliâ nullâ causâ propulsus accipiter tantum facinus designavit, nisi solâ nocendi libidine. Animalium ferocissimus leo traducitur. Huic tamen ex feris tanta est in supplex clementia, ut in prostratos non sæviat: est enim

enim nobilioris animi parcere subiectis, & debellare superbos. At tyranni verso pollice vulgi quenlibet occidunt populariter, omnibus sanguinolentas manus injiciunt, nihil homines, nihil deos ipsos curando.

Quemadmodum igitur præda insolenti victori visa gloriosa fuit, ac suavis; sic ærumna miserrimæ calamitatis acerbissima, ut pœna, quæ venerat indignè, magis esse dolenda videatur.

Quæ infidelitas accipitris ostendit ipsam innocentiam apud maleficos tyrannorum greges nunquam fore tutam. Nobis igitur ante omnia curandum, vè in melampygos (juxta proverbium) incidamus. Et impendente malo patienter feramus, quod non poterimus mutare, vel effugere.

De narratione, quæ Græcè διήγησις.

C A P. II.

“ **N**ARRATIO est expositio rei factæ, vel tanquam factæ. Dividitur autem in poëticam, historicam, & civilem: Poëtica est, quæ habeat expositionem fictam. Historica, quæ vetustam rerum commemorationem continet, arque veterum gesta narrat. Civilis, quæ in controversiis oratores utuntur.

	{ Persona faciens. Res gesta. Tempus, circa quod. Locus, in quo transacta. Modus, quo pacto. Causa, propter quam.
“ Narrationi accidunt sex	
“	
“	
“	

Virtutes

Virtutes ejus quatuor:	{	Claritas seu perspicuitas.	”
		Brevitas.	”
		Probabilitas, quæ dicitur πιστάτης.	”
		Electorum verborum pro- prietas.	”

*Exemplum narrationis ab Angelo Poli-
tiano translaturum.*

Qui rosæ pulchritudinem demiratur, plagam
Veneris consideret. Amabat Adonin dea:
Mars ipsam: Quódque dea foret Adonidi,
Veneri Mars erat. Deus deam adamabat, deaque ho-
minem sequebatur. Par cupido, tamen si genus di-
spar. Perimere Adonin Mars zelotypus tendebat, si-
nem putans amoris Adonidis necem. Ferit Adonin
Mars, accurrit auxilio Venus, festinans in rosas in-
cidit, ac se spinis implicuit, plantamq; pedis perstrin-
xit. Qui vulnere manárat cruor, de se rosam colo-
ravir. Sic rosa, quæ prius candida, rubrum in colo-
rem, qui nunc cernitur, est conversa.

SCHOLIA.

Primo Rhetoricorum libro Trapezontius tria
ponit narrationum genera, Civile, Digressori-
um, Remotum. Hoc pueris utilissimum, ita vocatur,
quód à causa civili remotum sit, in quo conveniat
juventutem exerceri quò commodiùs illas superio-
res narrationes in veris causis possit aliquando tra-
ctare. Ejus duo sunt, juxta Ciceronem, genera: Al-
terum est positum in negotiis, quod habet partes

Fabulam, quæ neque veras, neque verissimiles continet res, ut ea, quæ tragœdiis tradita sunt.

Tres *Historiam*, quæ est res gesta, sed ab ætatis nostræ memoria remota.

Argumentum, quæ est res ficta, quæ tamen fieri potuit, veluti argumenta comœdiarum.

Alterum in personis, quod habere debet sermonis festivitatem, animorum dissimilitudinem, levitatem, spem, metum, suspitionem, desiderium, dissimulationem, misericordiam, rerum varietates, fortunæ commutationem, insperatum, incommodum, subitam lætitiā, jucundum exitum rerum, ut in comœdiis videre licet.

Dividitur in poëticam, &c. Quintilianus l. 2. cap. 4. Narrationes poëticas grammaticis attribuit, rhetoricis historicas. Erant autem (autore Fabio Victorino) rhetores qui literas docebant, atque artes tradabant eloquentiæ: quemadmodum sophistæ, apud quos dicendi discebatur exercitium: & oratores, qui in causis privatis & publicis plenā & perfectā utebantur eloquentiā. Porro narrationis poëticæ faciunt tria genera: Aut enim æivum est, vel imitativum, quod Græci δραματικόν, vel μιμητικόν appellant: Aut enarrativum vel enunciativum, quod Græci ἐξηγητικόν, vel ἀπολογητικόν; Aut commune vel mixtum, quod Græci κοινόν, vel μικτόν.

Historicam, &c. Quæ rei gestæ continet expositionem. Est autem historia, res gesta, ab ætatis nostræ memoria remota. Quam earum propriè rerum esse volunt, quibus rebus gerendis interfuerit is qui scribit, autore Gellio libro 5. cap. 18. Historiam Cicero de Oratore secundo eleganter vocat testem temporum, lucem veritatis, vitam memoriæ, magistrā vitæ, & vetustatis nuntiam.

Civilem,

Civilem, &c. Quæ ab oratoribus in exponendis sumitur causis, ut ait Priscianus: Qui fabularum adjicit narrationem, ad fabulas supradictas pertinentem.

Narrationi accidunt sex, &c. Narratio consumitur circumstantiis, quæ hoc versiculo comprehenduntur: *Quis, quid, ubi, quibus auxiliis, cur, quomodo, quando.* Fit enim copiosa, si circumstantiis amplifices, atque dilates, & à quo tempore, quoque loco, quomodo, quo instrumento, quâ denique causâ factum aliquid sit, diligenter persequaris.

Claritas, &c. Hujus virtutis narrationem alibi Cicero vocat lucidam, alibi apertam. Nec refert, an pro lucida perspicuam, pro verisimili probabilem credibilemque dixeris, ut ait Quintilianus lib. 4. cap. 2. Eodem autore, aperta vel dilucida erit narratio, si fuerit primùm exposita verbis propriis & significantibus, non sordidis & ab usu remotis: tum distincta rebus, personis, temporibus, locis, causis. Item si ut quicquam primùm gestum erit, ita fuerit primùm expositum, non ab ultimo repetitum.

Brevitas, &c. Narratio brevis erit si nihil extra rem dixerimus. Si resciderimus omnia supervacanea, si non ab ultimo initio repetiverimus, nec ad extremum fuerimus profecti.

Probabilitas, &c. Hanc Cicero verisimilem narrationem, Quintilianus appellat credibilem. Erit autem credibilis ante omnia, si prius consuluerimus nostrum animû, nè quid naturæ dicamus adversum. Si causas ac rationes factis, de quibus quaeritur, præposuerimus: Si personas convenientes, his quæ facta credi volumus, constituerimus: præterea loca, tempora, & similia. Quintil. lib. 4. cap. 2.

Electorum verborum proprietas, &c. Hoc considerandum erit, nè quid contortè, nè quid ambigüe, nè quid novè dicamus, sed utamur usitatis verbis, & propriis.

propriis. Usitata sunt ea, quæ versantur in sermone, & in optimorum autorum consuetudine recepta. Propria sunt, quæ ejus rei verba sunt, aut esse possunt, quæ de loquemur: ut ait Cicero.

Qui rosa, &c. Narrat quo pacto lacteus rosæ candor, mutatus sit in colorem purpureum.

Adonin dea, &c. Adonis, autore Tortellio, filius fuit Cynaræ Cypriorum regis, ex Myrrha ejus filia, pastor pulcherrimus. Virgilius in Gallo; Et formosus oves ad flumina pavit Adonis. — Hunc ardentissimè Venus amavit.

Ovid. in Phædra.

Sæpe sub ilicibus Venerem, Cynarâque creatum

Sustinuit positos quælibet hora duos.

Plura apud Erasmum in proverbio, *Adonidis borti*, qui Veneri sacri propter Adonidem ejus amatum.

Mars ipsam, &c. Martis ac Veneris amores Metamorph. 4. refert Ovid.

Idem secundo de arte;

Mars patet infano Veneris turbatus amore,

De duce terribili factus amator erat.

Ferit Adonin Mars, &c. Ovid. x. Metamorph. scribit, Adonin ab apro interfectum, ejusque sanguinem mutatum in florem. Idem asserit Macrob. lib. Saturn. 1. cap. 21. Adonin, inquit, Solem esse non dubitatur. Ab apro autem tradunt interemptum, hyemis imaginem in hoc animali fingentes, quod aper hispidus, & asper gaudeat locis humidis & lutosis, pruinaque contextis, propriæque hyemali fructu pascatur glauco. Ergo hyems veluti vulnus est solis, quæ & lucem ejus nobis minuit, & calorem.

Plantam pedis perstrinxit, &c. Unde Claudianus lib. 2. de raptu Proserpinæ scribit de Venere, inquit, — sic facta doloris Carpit signa sui, id est, rosas purpureas Veneris amore tinctas. Hujus meminit Politianus Miscel. 11.

Exemplum

*Exemplum narrationis poeticæ copiosius apud
Ovid. Metam. 4. tractatum.*

DOcet autem ea fabula, nimis infelicem exitum *Pyrami & Thisbes historia.*
habituros, qui parentibus immorigeri fœdis a-
moribus sese contaminârint.

Pyramus & Thisbe, juvenum pulcherrimus alter,
Altera, quas oriens habuit, prælata puellis,
Contiguas habuere domos, ubi dicitur altam
Cœtilibus muris cinxisse Semiramis urbem.
Notitiam primosque gradus vicinia fecit:
Tempore crevit amor, tædæ quoque jure coissent:
Sed vetuere patres, quod non potuere vetare.
Ex æquo capris ardebant mentibus ambo.
Conscius omnis abest, nutu signisque loquuntur.
Quoque magis regitur, tanto magis æstuat ignis.
Fissus erat tenui rima, quam duxerat olim
Cum fieret paries domui communis utrique.
Id virium nulli per secula longa notatum
(Quid non sentit amor?) primi vidistis amantes,
Et vocis fecistis iter, turæque per illud
Murmure blanditiæ minimo transire solebant.
Sæpe ubi constiterant hinc Thisbe, Pyramus illinc,
Inque vices fuerat capratus anhelitus oris:
Invide, dicebant, paries, quid amantibus obstas?
Quantum erat, ut sineres toto nos corpore jungi?
Aut hoc si nimium est, vel ad oscula danda pateres?
Nec sumus ingrati, tibi nos debere fatemur,
Quod datus est verbis ad amicas transitus aures.
Talía diversa nequicquam sede locuti,
Sub noctem dixere Vale, partique dedere
Oscula quisque suæ, non pervenientia contrâ.

Postera nocturnos aurora removerat ignes,
Sólque pruinosas radiis siccaverat herbas:
Ad solitum rediere locum: tum murmure parvo

Multa

Multa prius questi, statuunt sub nocte silenti
Fallere custodes, foribusque excedere tentant,
Cumque domo exierint urbis quoque testa relin-
quant.

Néve sit erratum, lato spariantibus atro,
Convenient ad busta Nini, lateantque sub umbra
Arboris: arbor ubi niveis uberrima pomis,
Ardua morus erat, gelido contermina fonti.
Pacta placent, & lux tardè discedere visa
Præcipitatur aquis, & aquis nox exit ab iisdem.
Callida per tenebras versato cardine Thisbe
Egreditur, fallitque suos, adopertaque vultum
Pervenit ad tumulum, dictaque sub arbore sedit;
Audaciant faciebat amor. Venit ecce recenti
Cæde læta bouum spumantes oblita rictus,
Depositura sitim vicini fontis in unda.

Quam procul ad Lunæ radios Babylonia Thisbe
Vidit, & obscurum timido pede fugit in antrum.
Dumque fugit, tergo velamina lapsa reliquit
Ut leo sæva sitim multa compefecit unda,
Dum redit in sylvas, inventos fortè sine ipsa
Ore cruentato remes laniavit amictus.
Serius egressus vestigia vidit in alto
Pulvere cerra feræ, totoque expalluit ore
Pyramus: ut verò vestem quoque sanguine tinctam
Repperit, una duos, inquit, nox perdet amantes,
E quibus illa fuit longa dignissima vita.

Nostra nocens anima est: ego te miserranda peremi
In loca plena meris qui jussi nocte venires,
Nec prior huc veni: nostrum divellite corpus,
Et scelerata fero consumite viscera morsu,
O quicumque sub hac habitatis rupe leones.
Sed timidi est optare necem: velamina Thisbes
Tollit, & ad pactæ secum fert arboris umbram.
Utque dedit notæ lacrymas, dedit oscula vesti,
Accipe nunc, inquit, nostri quoque sanguinis haustus.

Quoque

Quoque erat accinctus, demisit in ilia ferrum.
 Nec mora, ferventi moriens è vulnere traxit:
 Et jacuit resupinus humo, cruor emicar altè:
 Non aliter quam cum vitiato fistula plumbo
 Scinditur, & tenui stridente foramine, longas
 Ejaculatur aquas, arque ictibus aëra rumpit.
 Arborei fœrus aspergine cædis in atram
 Verruntur faciem, madefactaque sanguine radix:
 Purpureo tingit pendentia môra colore.
 Ecce metu nondum posito, nè fallat amantem,
 Illa redit, juvenemque oculis animoque requirit.
 Quantaque virârit, narrare pericula gestit.
 Urq; locum, & visam cognoscit in arbore formam;
 Sic facit incertam pomi color, hæret an hæc sit.
 Dum dubitat, tremebunda videt pulsare cruentum
 Membra solum, retróque pedem tulit, oraque buxo
 Pallidiora gerens, exhorruit æquoris instar,
 Quod fremit, exigua cum summum stringitur auris.
 Sed postquam remorata, suos cognovit amores,
 Percutit indignos claro plangore lacertos,
 Et laniata comas, amplexaque corpus amatum,
 Vulnere supplevit lacrymis, fletumque cruore
 Miscuit, & gelidis in vultibus oscula figens,
 Pyrame, clamavit, quis te mihi casus ademit?
 Pyrame, responde, tua te charissima Thisbe
 Nominat, exaudi, vultusque attolle jacentes.
 Ad nomen Thisbes oculos in morte gravatos
 Pyramus erexit, visaque recondidit illâ.
 Quæ postquam vestemque suam cognovit, & ense
 Vidit ebur vacuum: Tua te manus, inquit, amorque
 Perdidit infelix, est & mihi fortis in unum
 Hæc manus, est & amor, dabit hic in vulnere vires:
 Persequar extinctum, lethique miserrima dicar
 Causa comæque tui, quique à me morte revelli
 Heu sola poteras, poteris nec morte revelli.
 His tamen amborum verbis estote rogati,

O multum miserique mei, illiusque parentes,
 Ut quos certus amor, quos hora novissima junxit,
 Componi tumulo non invidetis eodem.
 At tu, quæ ramis arbor miserabile corpus
 Nunc tegis unius, mox es tectura duorum;
 Signa tene cædis, pullósque & luctibus aptos
 Semper habe fætus, gemini monumenta cruoris.
 Dixit, & aprato pectus mucrone sub imum
 Incubuit ferro, quod adhuc à cæde repebat.
 Vota tamen tetigere Deos, tetigere parentes:
 Nam color in pomo est, ubi permaturuit, ater,
 Quódque rogis superest, una requiescit in urna.

*Exemplum narrationis historice, ex
 Oros. lib. 2. cap. 8.*

*Cyri histo-
 ria.*

CYrus Persarum rex Scythis bellum intulit :
 quem Tomyris regina quæ tunc genti præe-
 rat, cum prohibere transitum Araxis fluminis posset,
 transire permisit ; primum propter fiduciam sui, de-
 hinc propter opportunitatem ex objectu fluminis,
 hostis inclusi. Cyrus itaque Scythiam ingressus, pro-
 cul à transmissio flumine castra metatus, in super astu
 eadem instructa vino epulisque deseruit, quasi terri-
 tus refugisset. Hoc comperto, regina tertiam partem
 copiarum, & filium adolescentulum, ad persequen-
 dum Cyrum mittit. Barbari veluti ad epulas invitati,
 primum ebrietate vincuntur, mox revertente Cyro
 universi cum adolescente obtruncantur. Tomyris
 exercitu ac filio amisso, vel matris, vel reginæ do-
 lorem sanguine hostium diluere proprius quam
 suis lacrymis parat. Simulat diffidentiam desperatio-
 ne cladis illaræ, paulatimque cedendo superbum ho-
 stem in insidias vocat. Ibi quoque compositis inter
 montes insidiis, C. C. M. Persarum, cum ipso Rege
 delevit, adjectâ super omnia illius rei admiratione,
 quoniam

quòd nec nuntius quidem tantæ cladis superfuit. Regina caput Cyri amputari, atque in urtem humano sanguine opplerum conjici jubet, non muliebriter increpitans: Saria te sanguine, quem firisti, cujus per annos triginta insatiabilis perseverasti.

*Exemplum narrationis civilis, ex
Miloniana.*

P. Clodius cùm statuisset omni scelere in prætura vexare rempub. viderétque ità tractata esse comitia anno superiore, ut non multos menses præturam gerere posset, qui non honoris gradum spectaret, ut cæteri: sed & L. Paulum collegam effugere vellet, singulari virtute civem, & annum integrum ad dilacerandam rep. quæreret, subito reliquit annum suum, seq; in annum proximum transtulit, non religione aliquâ, sed ut haberet, quod ipse dicebar, ad præturam gerendam, hoc est, evertendam rep. plenum annum atque integrum. Occurrebar, mancam ac debilem præturam suam futuram, consule Milone: eum porro summo consensu populi Romani consulem fieri videbar: contrulit se ad ejus competitores, sed ità, totam ut petitionem ipse solus etiam invitis illis gubernaret, tota ut comitia suis, ut dictabat, humeris sustineret: convocabat tribus, se interponebat; coloniam novam, delectum perditissimorum scribebat civium: quantò ille plura miscebat, tantò hic magis in dies convalescebat. Ubi videt homo ad omne facinus paratissimus, certissimum consulem, idque intelligit non solum sermonibus, sed etiam suffragiis populi Romani sæpe esse declaratum: palàm agere cœpit, & apertè dicere occidendum Milonem, servos agrestes ac barbaros, quibus sylvas publicas depopulatus erat, Hetruriamque vexârat, ex Apennino deduxerat, quos videbaris:

res erat minimè obscura : etenim palàm dictitabat, consulum Miloni eripi non posse, vitam posse. Significavit hoc sæpe in senatu : dixit in concione. Quin etiam Favonio fortissimo viro quærenti ex eo, quâ spe fureret Milone vivo : respondit, triduo illum, ad summum quarriduo periturum : quam vocem ejus ad hunc M. Caronem statim Favonius derulit. Interim cùm sciret Clodius, (neque enim erat difficile scire) iter solenne, legitimum, necessarium, ante diem XIII. Kal. Febru. Miloni esse Lanuvium ad Flaminem prodendum, quoddam Dictator Lanuvii Milo : Româ subito ipse profectus pridie est, ut ante suum fundum (quod re intellectum est) Miloni insidias collocaret : atque ita profectus est, ut concionem turbulentam, in qua ejus furor desideratus est, quæ illo die habita est, relinqueret ; quam, nisi obire facinoris locum, tempusque voluisset, nunquam reliquisset : Milo autem, cùm in senatu fuisset eo die, quoad senatus dimissus est, domum venit, calceos & vestimenta mutavit, paulisper dum se uxor, ut fit, comparat, commoratus est : deinde profectus est id temporis, cùm jam Clodius (si quidem eo die Romam venturus erat) redire potuisset : obviam fit ei Clodius expeditus in equo, nullâ rhedâ, nullis impedimentis, nullis Græcis comitibus, ut solebat, sine uxore, ut nunquam ferè : cùm hic insidiator, qui iter illud ad cædem faciendam apparasset, cum uxore veheretur in rheda penularum, vulgique magno impedimento, ac muliebri, & delicato ancillarum, puerorumque comitatu : fit obviam Clodio ante fundum ejus, horâ ferè undecimâ, aut non multo secus : statim complures cum telis in hunc faciunt de loco superiore impetum, adversi rhedarium occidunt. Cùm autem hic de rheda rejectâ penulâ desiluisset, seque acri animo defenderet, illi, qui erant cum Clodio, gladiis eductis, partim recurrere ad

ad rhedam, ut à tergo Milonem adorirentur; partim, quòd hunc jam interfectum putarent, cedere incipiunt ejus servos, qui post erant: ex quibus qui animo fideli in dominum erant, & praesentes fuerunt, partim occisi sunt, partim, cum ad rhedam pugnari viderent, & domino succurrere prohiberentur, Milonem occisum esse, etiam ex ipso Clodio audirent, fecerunt id servi Milonis (dicam enim non derivandi criminis causâ, sed ut factum est) neque imperante, neque sciente, neque praesente domino, quod suos quisque servos in tali re facere voluisset.

Aliud exemplum narrationis brevius, dilucide & verisimilis, ex oratione Ciceronis Pompeiana.

ATque ut inde mea proficiatur oratio, unde hæc omnis causa ducitur: bellum grave, & periculosum vestris vectigalibus atque sociis, à duobus potentissimis regibus infertur, Mithridate & Tigrane; quorum alter relictus, alter laceffitus occasionem sibi ad occupandam Asiam oblata esse arbitratur. Equitibus Romanis honestissimis viris afferuntur ex Asia quotidie literæ, quorum magnæ res aguntur, in vestris vectigalibus exercendis occupatæ. Qui ad me pro necessitudine, quæ mihi est cum illo ordine, causam Reipub. periculæque rerum suarum detulerunt; Bithyniæ, quæ nunc vestra provincia est, vicos exustos esse complures, regnum Ariobarzanis, quod finitimum est vestris vectigalibus, torum esse in hostium potestate: Lucullum magnis rebus gestis, ab eo bello discedere: huic qui succurrerit, non satis esse paratum ad tantum bellum administrandum: Unum ab omnibus sociis & civibus ad id bellum imperatorem deposci atque expecti, eundem hunc unum ab hostibus metui, præterea neminem.

DE CHREIA.

CAP. III.

“ **C**hreia est commemoratio brevis, alicujus per-
 “ sonæ factum vel dictum aprè referens: dicta au-
 “ tem est, quòd sit utilis. Et Chreiarum aliæ verbales
 “ sunt, aliæ activæ, aliæ mixtæ. Verbales sunt quæ uti-
 “ litatem oratione demonstrant. Ut, Plato dixit, Vir-
 “ tutis ramos è laboribus atque sudoribus produci.
 “ Activæ sunt, quæ actionem aut factum solum recen-
 “ sent: ut Pythagoras interrogatus quantanam esset
 “ hominum vita, cum per temporis brevius spatium
 “ se conspiciendum exhibuisset, latebras perijt, huma-
 “ næ vitæ mensuram ex momentaneo conspectu de-
 “ signans. Mixtæ, quæ ex utrisque conflatae sunt, ora-
 “ tione & actione: ut Diogenes, cum vidisset adol-
 “ scentulum lascivientem ac indecorè se gerentem,
 “ pædagogum illius baculo percussit: superaddens,
 “ Quid talia doces, aut sic instruis? Chreiam verò con-
 “ ficias hisce capiribus, atque tractabis à
 “ Laudativo. Parabolâ.
 “ Paraphrastico. Exemplo.
 “ Causâ. Testimonio veterum.
 “ Contrario. Brevi epologo.

*Exemplum Verbalis Chreiae, quo Isocrates doctrinæ ra-
 dicem amaram esse dicebat, fructus verò
 dulces: Orditur autem ab encomio
 hoc modo.*

*Encomia-
 sticon.*

“ **M**eritò laudandus est Isocrates, propter eximi-
 “ am dicendi facultatem, quâ sibi nomen clarif-
 “ simum comparavit, & quanta vis eloquentiæ esset,
 “ ipsam exercendo demonstravit, eamque illustrem
 “ fecit, non ipse ab illa illustratus. Quibus autem vel
 “ reges admonens, vel instituens privatos, bene de ho-
 “ minum

minum vita meruerit, longum esset recensere. Verum, quod de eruditione protulit, haud abs re fuerit commemorare.

Amator, inquit, eruditionis, à laboribus auspicatur, sed laboribus desinentibus in utilitatem: quod quam philosophicè dictum ab eo sit, hinc licet perspicere.

Qui enim bonarum artium amore capiuntur, hifanè cum professoribus ac ducibus studiorum conversantur, ad quos accedere ut formidolosum est, ità relinquere stultissimum. Et pueri quidem nunquam metu vacant, & cum adsunt præceptores & cum venturos expectant. Succedunt præceptoribus pædagogi, visu terribiles, sed cum verberibus sæviunt, formidabiliores. Qui etiam, priusquam verberent, timentur. Metum puniriò subsequitur, dum omnia puerorum errata vindicantur, & rectè facta, opera virtutis, tanquam ad ea nati sint, exactissimè requiruntur. Jam verò pædagogis ipsis sunt molestiores asperioresque patres, in deambulationes atque vias inquirentes, & vetantes in publicum egredi, forum ipsum habentes suspectum. Quòd si opus fuerit in filios animadvertere, ità excaescunt, ut naturæ obliviscantur, nec se parentes esse meminerint: verum hujusmodi rebus exercitatus puer, cum in virum evaserit, merità coronatur virute.

At qui veritus ista fugerit magistros, devitarit parentes, & pædagogos fuerit averfatus, prorsus eruditionis expers, scientià privabitur. Nam metum declinans, simul cum ipso doctrinam relinquit. Hæc igitur omnia Isocratem sentire, persuaferunt: Eruditionis radicem amaram esse.

Nam quemadmodum agricolæ summo cum labore terræ semina mandant, fructus verò majore cum voluptate colligunt: ità qui ad studia accinguntur,

*A para-
phrasi seu
expositione.*

A contrario

A simili.

*Ab exem-
plo.*

“ sibi laboris multi comitem gloriam comparant.
Respice Demosthenis vitam, qui ut oratorum
omnium laboriosissimus, ita clarissimus evasit: qui
“ fuit adeo studiis intentus, ut comam nativum capi-
“ tis ornamentum, exeuendi potestatem sibi præripi-
“ endo detonderet, ratus id pulcherrimum decus,
“ quod à virtute provenisset. Quæ igitur alii profun-
“ dunt ad voluptates, ille continuis lucubrationibus
“ impendit.

*A testimo-
nio vete-
rum.*

Idecirco præclare hoc, ut omnia, Hesiodus, Aspe-
ram esse ad virtutem viam, cacumen verò molle.
Nam idem quod Isocrates, proutlit. Hesiodus enim
“ viam, Isocrates autem radicem appellavit; diversis
“ verbis eandem uterque sententiam demonstrantes.

*Ab epilogo
breui.*

Quæ si rectè considerabimus, meritis laudibus
evehemus Isocratem, ut qui sapienter de eruditione
“ conscripserit optima.

SCHOLIA.

C *Hæc, &c.* Quæ ab aliis utilitas, à Prisciano
vocatur usus. Et est, eodem autore, comme-
moratio orationis alicujus, vel facti, vel utriusque,
celerem habens demonstrationem, quæ utilitatis ali-
cujus plerunque causâ profertur.

Verbales, &c. Orationales eas appellat Priscianus,
quibus oratio sola inest; ut, Plato dicebat, Musas in
animis esse ingeniosorum.

Item, Diogenes Cynicus ait, Nihil omnino in vi-
ta absque exercitatione perfici: Eam omnia exupe-
rare posse. Laetius lib. 6.

Item, Seneca dixit, Nulli sunt tam feri, suisque ju-
ris affectus, ut non disciplinâ perdomentur. Vide E-
rasmum in proverbio, Exercitatio potest omnia.

Item, Xenocrates, Dixisse me pœnituit aliquando,
facuisse nunquam. Valerius lib. 7, cap. 2. Est silentii
futurum

tutum præmium. Vide Erasmi proverbium.

Item, Anacharsis dixit, Leges araneorum telis similes esse. Valer. lib. 7. cap. 2.

Idem protulit, V item uvas tres ferre; primam volupratis, secundam ebrietatis, terriam mœroris, ut ait Diogenes Laert. lib. 3.

Virtutis ramos, &c. Hoc est, ad bonarum literarum atque virtutis fructum esse viam arduam atque asperam. De qua re carmen extat elegans Virgilii de lictera Pythagorica. Ostendit non cessantibus ac inertibus, sed industriis paratam esse gloriam, cum Dii, juxta proverbium, facientes adjuvent, atque labore sua munera vendant. Erenim qui vitat molam, vitat farinam. Neque mel, neque apes. Vide Chiliades Erasmi.

Active, &c. Sunt, autore Prisciano, in quibus actus inest solus. Ut, Corys Thraciæ rex, ei, qui dono miserat *πύρρα*, vicissim dono misit leonem, nihil addens: Sed malam bestiam malâ pensando, prudenter ostendit, Par pari, juxta proverbium, referendum esse: Meminit Plutarchus in Apophtheg.

Item, Heraclirus philosophus *Ἡρακλῆς* dictus, in seditione rogatus, ut apud populum sententiam diceret, quo pacto civitas redigi posset in concordiam; consensu suggestu, poposcit calicem aquæ frigidæ, & paululum farinæ insperfit, mox de glecho-ne admiscuit, .i. vel, pulegii sylvestris, vel, leguminis genus; deinde epoto calice discessit, nec verbum addidit: hoc facto innuens, ita demum civitatem caritaturam seditionibus, si, repudiatis deliciis, assuescerent parvo contenti esse. Refert Erasim. 8. Apophtheg.

Item, Lacones, si quando stratagemate superâssent hostem, Marri bovem immolabant: sin aperto prælio, gallum. Quo facto innuebant, præclarius esse hostem ingenio, citra sanguinem dejicere; quam pugná, utrinque plerunque cruentâ.

Item,

Item, Apud Gymnosophistas olim magnæ fuerat unus æstimationis: Huic Taxiteles persuasit, uti ad Alexandrum se conferret, gentibus exteris jam bellum illaturum. Veniens proinde ad regem, bubulam pellem aridam in medium coniecit, obambulansque ejus extrema pedibus premebat. Pellis cum ad unam tantum partem calcaretur, reliquis in altum attollebatur. Eo facto, mediæ deinceps firmitus instirrit, atque ita pellis undique immota conquievit. Tali exemplo Alexandrum ille commovit ne in longinquis locis tempus tereret, sed imperii medium tueretur: ita enim in ejus finibus quietura omnia. Ut refert Diodorus Siculus in Alexandri vita.

Item, exemplum est activæ chreïæ, sed tyrannicum, de Tarquinio papaverum summa decutiente, quod describit Livius libro primo: & carminibus hisce Ovidius, secundo Fastorum.

Ultima Tarquinius Romanæ gentis habebat

Regna, vir injustus, fortis ad arma tamen.

Ceperat hic alias, alias everterat urbes,

Et Gabios turpi fecerat arte suos.

Namque trium minimus, proles manifesta Superbi,

In medios hostes nocte silente venit.

Nudârunt gladios. Occidite, dixit, inermem:

Hoc cupiunt fratres, Tarquiniûsque pater,

Qui mea crudeli laceravit verbera terga:

(Dicere ut hoc posset, verbera passus erat.)

Luna fuit, spectant juvenem, gladiosque recondunt,

Tergaque, deductâ veste, notara vident.

Flent quoque, & ut secum tueatur bella, precantur,

Callidus ignaris annuit ille viris.

Jâmque potens, misso genitorem appellat amico,

Perdendi Gabios quod sibi monstret iter.

Horris odoratis suberat pulcherrimus herbis,

Septus humum rivo lene sonantis aquæ:

Illic Tarquinius mandara larentia nari

Accipit,

Accipit, & virgâ lilia summa merit.
Nuntius ut rediit, decussâque lilia dixit;
Filius, Agnosco iussa parentis, ait.
Nec mora, principibus cæsis ex urbe Sabinâ,
Traduntur ducibus mœnia nuda suis.

Exstat amabilius exemplum, quo pueris Lacones o- *Ebrietas.*
stendebant servos, qui vino essent temulenti, quò
magis abominarentur ebrietatem, videntes quàm
deforme spectaculum esset homo immodico madens
vino, quàmque dementi similis. Imò cogebant He-
loras (hoc est, agrestes homines) quàm plurimùm
bibere: deinde ingurgitados mero saltationes in-
eptas saltare, & carmina quædam ridicula canere. Itâ
quod alii prolixo sermone vix persuadent, sobrieta-
tem esse rem honestissimam, ebrietate nihil esse ho-
mine indignius, illi compendio ponebant ob oculos,
sed in mancipiis, ad quorum mores degenerare in-
genus turpissimum est. Refertur à Plutarcho in
Demetrii vita. Meminit Erasmi. 2. Apoph.

Pythagoras interrogatus, &c. Pythagoram idcirco
appellatum asserit Diogenes Laertius lib. 8. quòd
veritatem perinde atque Pythius ipse loqueretur.
Hic est qui vitam quoque humanam similem esse
dixit panegyri, hoc est, solenni hominũ conventui.

Idem ferrur discipulos admonere solitus, ut ista
quotidie, cùm domum ingrederentur, dicerent;

Πῶς παρίστα; τίδ' ἔπραξα; τί μοι δέον ἐκ ἐπιλασθῆναι;

Hoc est, Quòd prætergressus? quid gestum in tem-
pore? quid non?

Mixte, &c. Ut, Diogenes die quodam cùm popu-
lus theatrum egrederetur, adversus populum ingredi
nitens, dixit: Hoc in omni vita facere studeo. Sen-
tiebat philosophum à populo diffidere; cùm philo-
sophus ratione, populus agatur cupiditatibus, ra- *Vulgi per-*
piatũrque variis persuasionibus. Hinc ab Horatio *versitas.*
vocatur,

Bellua

Bellua multorum caput.

Item, Rex Agefilaus aliquando arundine pro eo quo conscensâ, unâ cum filiis colludens, ait amico intervenienti, Nè cui dicas, priusquam ipse quoque liberorum parens sis factus. Festivè subindicans, eum lusum non esse levitatis, sed pietatis; nec hoc, quod agebar, videri posse ineptum ei, qui modò expertus esset quàm infons sit affectus charitatis parentum erga filios. Autor Plutarchus in vitis. Refert Erasmi. Apophth.

*Equestria
fastus.*

Item, cum aliquando conscendisset equum Plato, mox descendit, dicens se vercri *μὴ ἰπποτοφία ληφθῆναι*, id est, nè equestri fastu corriperetur. Superbum animal est equus, & equitare quiddam habet magnificentum, parùmque philosopho dignum.

Item, Lacedæmoniis ad publica convivia ingredientibus, qui natus erat maximus, singulis ostendebat fores, dicens, Per has nullus egrediatur sermo: admonens nihil effutendum, si quid liberiùs dictum esset in convivio. Hunc morem instituit Lycurgus.

Item, Laconem hospes, quem pridie declinaverat, postridie stragulis commodatò sumptis splendide excepit: at ille, stragulis conculcatis, dixit, Propter has, heri nè stercis quidem indormire licuit. Lepidè risit illorum morem, qui cum sint tenues, tamen affectant videri divites, corrogatâ aut conductâ suppellectile. Quod maximè solent in excipiendis hospitibus in nuptiis, aut alioqui solennibus epulis. Porro cum ineptum sit, tuas ostentare divitias, quanto magis ridiculum est, ostentare suppellectilem alienam ab usurariis sumptam?

Alius Lacon quidam, noctu præteriens monumentum, cum sibi visus esset videre spectrum, accurrit lanceâ trajecturus, & in hoc nitens, Quò me fugis, inquit, anima bis moritura? O mentem verè liberam omni formidine, quæ nec larvarum ac le-
murum

murum occurſu terriſſi potuerit!

Item, Cùm Dionyſius in convivio juffiſſet ut ſinguli in veſte purpurea ſaltarent, (purpura verò tum regum erat geſtamen, nunc ſutoribus etiam communis) id Plato facere recuſavit, his trimetris è fabula quapiam tecitatis,

Ὅν κ' ἐν δυνάμειν δῶλω ἐνδύσας εὐλῶν,

Ἄρην πεφουκῆς ἐγ γένους ἐξ ἁρῶνος.

Id eſt,

Muliebri ego haud quaquam indui queam ſtola,

Vir natus ipſe, & ex virili germine.

Ariſtippus verò non recuſavit, ſed indutus purpurâ ſaltaturus, hos verſus recitavit:

καὶ γὰρ ἐν βακχεύμασιν ὁ νῦν σφόδρην εἰ διαφθαρῆσται.

Refert Diogenes Laertius lib. 2. de Vita philoſophorum.

Item, Plato frugalis erat, ſed tamen amans munditiei: contrà, Diogenes ſordidus. Iraque calcans Platonis culcitram, præſentibus aliquor Dionyſii amicis quos Plato invitârat ad convivium, dixit, Calco faſtum Platonis. Calcas, inquit Plato, ſed alio faſtu. Nam hoc ipſum faſtus erat, quòd jactabar munditiei contemptum. Et qui ſordibus gloriantur, non minùs ambitioſi ſunt, quàm qui ſplendidè veſtuntur, ſed aliter. Turpior eſt autem ambitio, ex fūco virtutis laudem captans. Unde Socrates animadvertens Ariſtthenem ambitioſius oſtentare veſtem laceram & detritam, facere hominem increpavit ἢ πᾶν οὐ, inquit, ἐγκαλλωπίζομαι ὁ ἰμῖν; id eſt, Non defines te nobis comere? Significans ejusdem eſſe ambitionis, viliratem amictûs oſtentare, & delicato cultu ſe venditare, ut refert Eraſm. 3. & 8. Apophth.

Diogenes
ſordidus.

Faſtus.

Item, Scilurus Scythia liberos octoginta mafculos habens, cùm eſſet moriturus, faſciculum jaculorum ſingulis porrexir, juffitque rumpere. Id cùm ſinguli recuſaſſent,

Scilurus.

Concordia.

recusassent, ed quòd videretur impossibile, ipse singula jacula exemit. arque ità facillè confregit omnia. Quo facto filios admonens, Si concordēs, inquit, eritis, validi invictique manebitis: contrà, si diffidiis & seditione distrahemini, imbelles eritis, & expugnati faciles. Recenset Plurarch. in Apophth.

Item, Cùm Diogenes Cynicus aliquando vidisset puerum concavâ manu bibentem, Hic puer, inquit, me frugalitate superat, qui supellectilem superfluam mecum circumferam: & ductum è pera poculum ligneum abjecit, Nescibam, inquiens, & in hoc nobis providisse naturam. Cùm alterum puerum vidisset, vasculo fracto, cavo panis excipere lenticulam, abjecit & catinum ligneum ut supervacaneum: ut scribit Diogenes Laertius lib.6. de vita philosophorum.

Baculo percussit, &c. Idem refert Priscianus, & Erasmus. Apophth. 3. Et Quintilianus lib.1. cap.9. idem vel simile Crateri attribuit, ubi sic ait, Chreiarum plura genera traduntur. Unum simile sententiæ, quod est positum in voce simplici, *Dixit ille, aut, Dicere solebat.* Alterum, quod est respondendo, *Interrogatus ille, vel Cùm ei dictum esset, respondit.* Tertium huic non dissimile, cùm quis non dixisset, sed fecisset, ut Crates, cùm indoctum puerum vidisset, paedagogum ejus percussit: Sentiens primæ ætatis formatoribus potissimum imputandum esse si adolescentēs evadant malè morati, aut indocti.

*Pædagogia.**Homo.*

Item, Diogenes in foro quodam stans, clamabat, Adeste homines, veluti concionaturus ad populum. Cùmque jam frequentes convenissent, nec ille desineret clamare, Adeste homines: quidam indignati, En adsumus, inquiunt, dic aliquid. Tum Diogenes baculo illos abigens: Homines, inquit, adeste jussi, non sterquilinia. Non putavit hominis cognomen in eos competere, qui non viverent juxta rationem,

nem, sed brutorum in morem agerentur affectibus.

Idem, adhibitâ interdiu lucernâ, rogatus quidnam vellet, respondit: *ἄνθρωπον ζητῶ*, hoc est, hominem quæro, quemadmodum testatur Diog. Laert.

Isocrates, &c. Hunc Cic. de Oratore, secundo, vocat eloquentiæ patrem, & Rhetorum ferè omnium magistrum: cujus è ludo tanquam ex equo Trojano eloquentiæ principes extiterint innumeri.

Radices, &c. Hanc sententiam Diomedes lib. 1. in exercitatione chreiarum ascribit Catoni, inquit, M. Porcius Caro dixit, literarum radices amaras esse, fructus jucundiores.

Reges admonens, &c. In quorum numero fuit Nicocles, ad quem de regno scripsit Isocrates orationem admonitoriam. Similiter ad Demonicum *λόγον παραινέτικόν*.

Punitio, &c. Apud Aphthonium habetur *κόλασις*. Sunt autem tres puniendi causæ, una est, quæ *νέθεσις*, vel *παραινέσις*, vel *κόλασις*, dicitur, id est, animadversio; cum pœna adhibetur castigandi atque emendandi gratiâ, ut is qui fortuitò deliquit, attentior fiat correctus. Altera *πρωρία*, cum dignitas autoritâsque ejus, in quem est peccatum, tuenda est, nè prætermissa pœna contemptum pariat. Tertia vindicandi ratio, *παράδειγμα*, cum punitio propter exemplum necessaria; ut reliqui metu cognitæ pœnæ deterreantur à peccando. Hæc Gel. lib. 6. cap. 14.

Opera virtutis, &c. Aphthonius habet *κατερθώματα*. Quemadmodum Græci rectam affectionem *κατέρθωσις* appellant, sic recta, aut rectè facta *κατερθώματα* vocant, autore Cicerone de Finibus 4. Idem Officior. 1. Perfectum officium, inquit, rectum, opinor, vocamus, quod Græci *κατέρθωμα* appellant.

Demosthenis vita, &c. Qui per maximos labores ad eloquentiæ culmen conscendit.

Hic,

Hic, ut Plutarchus scribit, subterraneum locum sibi construxit, in quem per dies singulos descendens, corpus & ingenium exercitabat. Sæpe etiam duos vel tres menses continuos domi inclusus non cessabat, abrasâ parte capitis, ut excundi facultatem sibi ipsi præiperet. Hic idem vadosis littoribus insistens, declamationes fluctuum fragoribus obluantibus edebat, ut ad fremitus concitatarum concionum patientiâ, duratis auribus, in actionibus uteretur. Fertur quoque ore insertis calculis multum a diu loqui solitus, quo vacuum promptius esset, ac solutius, ut ait Valer. lib. 8. cap. 7.

Hesiodus, &c. Hesiodi locus extans primo Georgiôn, hic est.

Τὴς δ' ἀρετῆς ἰδρῶτα θεοὶ προπαύουσι τὴν ἰδέαν
 Ἀδύτου τοῖς μακρὸς δὲ καὶ ὄρδιον οἶμος ἐπ' αὐτὴν,
 Καὶ ἤρχος τὸ πρῶτον· ἐπὶν δ' εἰς ἄκρον ἵκνται,
 Παιδίῳ δ' ἔπειτα πῖλεν, χαλεπὴ περ ἔσται.

Chreia activæ exemplum, juxta prædictos locos tractatum studio exercendi : cujus argumentum tale est :

Cum patrem videret mortuum Joseph, flens ruit super faciem ejus, & deoscularus est eum; Genes. 36.

Ab Encomio facientis exordium ducitur hoc modo.

QUis non laudibus condignis evehere studeat factum hoc egregium viri sanctissimi Joseph, quo præclarum eximiae pietatis specimen exhibuit, atque virtutis exemplum, non ore tenuis, sed pleno charitatis opere defunctum parentem prosecutus est!

Ab expositione.

Cum benedixisset nepotibus suis Jacob ægrotus, ac imposuisset finem mandatis, quibus filios instruebat,

bat, collegit ^{lit.} pedes suos super lectulum, diemque suum obiit. Quod cernens Joseph, corruit super defuncti parentis charissimi vultum, ac mortuum deflevit. Quo facto vir piissimus admonuit nos, ut nobis charos, vitam defunctos lugeamus, non tamen ut Ethnici, nullam spem habentes.

Quippe hanc vim non solum hominibus, sed etiam feris indidit, ac ingenuit divina potestas, ut dissolutionem naturae perhorrescant, ac ipsam relinquendam luce moveantur, & discessu à suis angantur. Quis igitur tam ferreus, quem non acerba charissimorum suorum funera provocent ad luctum?

Quod si corda pravorum hominum tangit luctus, *A causa.* hoc est, agritudo ex eorum, qui chari fuerant, interitu acerbo: quis iniquum duxerit, si boni viri, qui juxta proverbium, lacrymabiles sunt, charissimorum suorum funera fleverint? Et si populus olim in deserto nimis luxit impios, qui murmuraverant, & insurrexerant contra Dominum Deum; cur fuerit à piis alienum piorum funera lacrymis prosequi?

Quemadmodum corpora nostra doloribus afficiuntur, si membrum aliquod fuerit resectum, ita non injuria mœrore conficiuntur atque luctu, qui dulcissimam aliquam familiae suae atque generis partem amiserunt, hoc est, patrem, aut amicum, qui fuerit alter ipse, ab eadem, ut Pythagoras inquit, anima. *A simili.*

Quis prophetae Samueli vitio vertit, quod mortuum Saul regem defleverit? Quis regem Davidem reprehendit, quod planxerit filium Amnon, & ejulaverit in morte filii Absalom? Quis denique universo Judaico populo succensuit, quod in duro Josiae casu fuerit lamentarius? *Ab exemplis.*

Et divinarum literarum monumenta nos institunt & adhortantur, nè desimus plorantibus, sed cum lugentibus lugeamus. Et docent longè melius esse, in domum luctus ire quam ad domum convivii, quod

in illa finis cunctorum admoneat omnem ut vivens cogitet, quid futurum sit. Unde cum Abner à Joab esset interemptus, dixit rex David ad omnem populum: Scindite vestimenta vestra, & accingimini faccis, & plangite ante exequias Abner in Hebron.

*A brevi
epilogo.*

Rectè igitur Joseph supra defuncti parentis faciem ruens, planxit eum: & quod imitemur, nobis omnibus proposuit egregium veræ pietatis exemplum.

Chreia verbalis exemplum, quo eadem sententia contrariis locis est variata, & cujus argumentum ejusmodi est.

*Eobanus
Hessius.*

Helius Eobanus Hessius poeta Marpurgensis Academiæ professor, moriturus, hoc Ennii carmen protulit;

Nemo me lacrymis decoret, neque funera fletu
Faxit. Cur? Volito docta per ora virum.

*Exordium ab encomio præclara sententiæ ducitur
in hunc modum.*

Dignissima profectò memoratu ac laudatu sententia, quam duo poëtae, Qu. Ennius, & Eobanus Hessius celeberrimam reddiderunt: ille, quia fuit autor, hic, quoniam semper usurpavit. Uterque maximus ingenio. Ille patriam Rudias nobilitavit, creditus habuisse tria corda, quòd Græcè, Oscè, & Latine, sciret loqui. Unde non immeritò charus fuit Scipioni Africano, & Qu. Nobiliori, viris clarissimis: Hic eruditione sua variâque rerum cognitione patriam suam Hessiam, & inibi civitatem, ubi natus erat, Francobergiam fecit illustrem; id studio suo consecutus, ut innumeros heroas atque principes illustrissimos sibi pararet amicos, æternamque nominis gloriam fuerit adeptus.

Cujus

Cujus ut multa præclare scripta sunt, ita non *Ab expasi-*
 pauca graviter dicta, cujus generis illud Ennianum, *ione.*
 quod supremo tempore, veluti cantrator cygnus fu-
 neris ipse sui, suaviter emisit. Quo vates eximia sa-
 pientiâ præditus, noluit deseri hominum doctorum
 atque piorum mortem, quam à malis abducentem
 vita beata esset consecutura.

Sciebat, pias animas corporeis vineulis, atque *A causâ*
 omnibus humanis incommodis exatas, perperuo
 victuras. Noverat animos hominum esse divinos,
 iisque cum è corpore excessissent, reditum ad cœ-
 lum patere, optimoque & iustissimo cuique expedi-
 tissimum, ut ait Cicerò de Amicitia. Videbar res
 mundanas tot casibus atque periculis innumeras
 obnoxias. Animadvertēbar, nullas domos esse in qu-
 bus non multi luctus olim fuerint, hodiēque versen-
 tur. Videbar omnes urbes nihil aliud esse quàm mi-
 seranda, ut Solon apud Valerium inquit, cladunt
 humanarum circumsepta: ut multi extiterint, qui
 non nasci optimum censuerint, aut quàm ocyssimè
 aboleri.

Quod si lacrymis indulgendum est, ii solum flent *A contrario*
 di fuerint, quibus mors terribilis est, hoc est, iis quo-
 rum cum vita omnia extinguuntur: non autem de-
 flendi, quorum virtutis gloria nunquam est interi-
 tura, sed post mortem speciosior futura. Hic, ut
 ait Cicero, Sapientissimus quisque æquissimo animo
 moritur, stultissimus iniquissimo. Hic enim cui caeca
 mens, qui nihil aliud considerat, quàm externa
 mortis opera, luget miserabiles sibi visos hominum
 casus: at ille metu mortis non exhorrescit, nec la-
 mentatur, quī secum revolvit, nobis ex hac vita di-
 scedendum, tanquam ex hospitio, non domo, cum
 nobis natura diversorium commorandi, non habi-
 tandi dederit. Deinde perpendit internam mortis
 utilitatem, quæ dicitur ultima linea rerum, ma-
 iorem

Cap. 4. 2, 3.

lorum requies, & æternæ vitæ simul ac salutis origo. Sapienter rex Ecclesiastes inquit: Laudavi magis mortuos, quàm viventes, & feliciorem utrisque judicavi, qui non natus est, nec vidit mala quæ sub sole fiunt. In hoc ipsum qui defixos oculos habet, alacrior audet dicere:

Cùm volet, illa dies (quæ nil, nisi corporis hujus Jus habet) incerti spatium mihi finiat ævi:
Parte ramen meliore mei super alta perennis
Astra ferar.

Quid enim habet vita commodi, quid non potiùs laboris? O præclarum diem, cùm ad illud animorum concilium cœtūq, proficiſcar, & cùm ex hac turba & colluvione discedam! Prò Dii immortales, quàm optabiliter iter illud ineundum, quo confecto, nulla reliqua cura, nulla sollicitudo futura! Hæc Cicero in Catone majore, & 1. Tusc. quæst.

Quemadmodum illorum vicem non dolemus, sed læti gratulamur, qui reduces è gravissimis præliorū crudelium periculis, in patriam ad charissimos amicos cum triumpho revertuntur: ità bono jure debemus (nè meliorem fortunam invidere videamur) in illorum discessu gaudere, qui ex hac lacrymarum valle, atque vitâ (quæ super terram perpetua, ut S. Job ait, militia est) demigrârunt in cœlestem patriam, ubi vera charitas, & pax æterna regnat.

Ab exemplo.

Quæ jam omnia dicta non solum sancti Patres, sed etiam Ethnicorum philosophi animis reputantes confirmârunt, mortem non modò flendam non esse, sed voluptatis etiam loco ducendam, aut fortiter contemnendam. Exemplo sunt tot hominum piorum millia, qui per vincula, verbera, flammæ, atque per atroces diversorum generum cruciatus interempti, cum gaudio concesserunt ad cœlorum regna. Sed iis omiſſis, quid de Socrate loquar, cui meta fuit hilaritas in morte? Qui post sumptam cicinam, cùm frigeret

Socrates.

PROGYMNASMATA.

25

frigerent membra: Debemus, inquit, gallum Æsculapio persolvere: jocans perinde quali sumptâ portione medicâ convaluisset. Quid de Cyrenæo illo Theodoro philosopho? cui cum Lyſimachus rex crudelia minaretur, Iſtis, quæſo, inquit, iſta horribilia minitare purpuratis tuis: Theodori quidem nihil intereſt, humine, an ſublime putreſcat. Quo dicto genus omne mortis contempſit, poſt hanc vitam longè meliorem expectando.

Theodorus.

Divinæ literæ non mœroris plenam, ſed potiùs pretioſam eſſe mortem ſanctorum in conſpectu Domini, prædicant: Et, eos qui docti fuerint, poſt hanc miſerabilem vitam fulſuros, ut cœli firmamentum.

A veterum testimonio.

Quod licet non cognoverint Thraces: tamen exequias, & funera cum hilaritate celebrabant. Qui ſine

Thraces.

illis doctorum præceptis humanæ conditionis (ut Valerius inquit) habitum præviderunt, nempe mortem homini optimam, & ut omnium malorum finem oprandam eſſe; vitam autem deſſendam, tot ærumnis referam. Conſiderârunt nihil in terris homine miſerabilius eſſe, quem natura tantum nudum, & in nuda humo natali die abjicit ad vagitus ſtatim & ploratum, ſolùmque tot animalium ad lacrymas, & has protinus vitæ principio. Ab hoc lucis rudimento, (quod nè ſeras quidem inter nos genitas) vincula excipiunt, & omnium membrorum nexus, atque infeliciter uarum jacet manibus pedibusque devinctis flens, animal cæteris imperaturum, à ſuppliciis vitam auſpicatur, unam tantum ob culpam, quia natum eſt, ut ait Plinius.

Rectè igitur Eobanus Marpurgi jam moriturus, Ennii verſiculos proferendos cenſuit, ut nullius boni viri mortem, itâ ſuam non eſſe deplorandam: quæ tot à malis eripiat, ac à miſerrimæ ſervitutis captivitate bonos aſſerens, in vitam æternam perducatur.

Ab epilogo brevi.

Aliud Chreie verbalis exemplum, cuius argumentum tale est: Ecclesiastæ cap. 10. dixit, Pecuniæ obediunt omnia, Exordium ducitur à laude.

Ab expositione.

Rex Israel Ecclesiastes ex intimis divinæ sapientiæ penetralibus deprompta multa dixit, ad rerum omnium optimarum cognitionem pertinentia, maximè veritatis, cuius est tanta vis ut contra hominum ingenia, fictâsq; omnium insidias facile seipsam possit defendere.

Opibus, inquit, universa simul obediunt. Quo dicto quid verius esse possit, non video. Etenim pecuniam, quæ genus & formam donare poterit, reginam facimus omnes. Huic servimus omnes, huic palmam tribuimus omnes, huic omnia expensâ, huic omnia feruntur accepta: & in ratione mortalium sola utramque paginam facit.

A causa.

Nec immeritò. Nam quicquid eximium, quicquid splendidum, quicquid venustum, quicquid denique gloriosum hominibus contingit, id à solius pecuniæ beneficio proficiscitur. Huic libenter omnes obtemperamus, victi lucro: nec injuriâ, cum quicquid rerum vel bonarum, vel malarum geratur inter mortales, id pecuniarum fiat gratiâ. Quâ ratione permotus apud Euripid. Bellerophon, inquit, Sine me vocari pessimum, ut dives vocer. Nemo an bonus: an dives, omnes quærimus. Non quare & unde: quid habeas, tantùm rogant. Ubique tanti quisque, quantum habuit, fuit. Quid habere nobis turpe sit, quæris? Nihil. Aut dives opta vivere, aut pauper mori. Bene moritur, quisquis moritur dum lucrum facit. Pecunia ingens generis humani bonum. Cui non voluptas matris, aut blandæ potest Par esse prolis, non sacæ meritis patens.

Tam

Tam dulce, si quid venerit, in vultu micat:
 Merito illa mores cœlitum, atq; hominum movet.
 Respice pauperem inopis viri culinam, videbis omnia frigere. Contemplaberis paucissimos, & eosdem pannosos, sordidos, squalidos inibi delitescere ministros, neminem ibi regnandi palmam obtinere, præterquam famem strigosam, cum canibus mures inedia consumentem. Considerabis loca cuncta squalentia situ, catilla cariosa, parellas scabrosas, cibaria rancida, supellestilia rubiginosa, parietes fuligine atque araneis oppletos, stragula pediculosa, & breviter omnia, quæ procul intuenti poterunt horrorem incutere, & ab accessu inauspicato detertere. At ubi fueris ingressus aulam pecuniæ, videbis omnia luculenta, omnia fervere opera, greges hominum innumeros in officio esse, nec eos sordidos, sed argento atque auro coruscos. Admiraberis apparatus magnificentiæ, gemmis pavimenta, tapetibus pretiosis muros, sedilia cocco, purpureis angulos omnes aulaeis, opificio denique citreo lacunaria refulgentia. Præterea coquinam, genere ferinarum atque lautiarum omni reudentem, ubi suppetat abunde Jovis cerebrum, Attica bellaria, & breviter Deorum (ut proverbio dicitur) cibis. Etenim ubi regina pecunia regnat, ibi rerum omnium uberrima copia redundat; inopia protinus expellitur: quemadmodum olim apud Græcos fames, quam virgis ex ædibus solebant ejicere, dicentes: ἔξω βῆλινον, ἴσω πλὴν τοῦ ὕψους: Id est, foras famem, intrò divitias atque sanitatem.

Quemadmodum in magnas, opulentasque beatorum principum aulas recipi certatim homines adlaborant, ut dominorum gratiâ ad honores atque divitias evehi possint: Sic quò potentior pecunia, tantò ferventiùs adfectant omnes sub ejus imperio esse, cujus beneficio non difficulter & opes & honores

*Ab exem-
plo.*

nores maximos poterunt consequi. Porro:

Prima ferè vora & cunctis notissima templis,
Divitiæ ut crescant, ut opes, ut maxima toto
Nostra sit arca foro, ut *Juvenalis ait.*

Quem autem puduerit in pecuniæ castris militare,
In quibus non modò privatorum innumerabilis, sed
etiam magnorum principum, atque Cæsarum mul-
titude stipendia fecerit? Exemplo sit, ut alios innu-
meros præteream, ille, cujus vox in proverbium
abiit, Lucri bonus est odor ex re qualibet.

*A testimo-
nio veteris.*

Verùm enimvero, non injuriâ s. rviunt omnes pe-
cuniæ, cum ea vis atque anima sit mortalium, mul-
tòsque amicos vulgò concilier. Unde Hesiodus:

Χρήματα γὰρ ψυχὴν πείλονται θεοῖσι βροτῶν.

Et Menander.

Δυναμὶς πείνεται τῆς βροτῆς τοῦ Χρήματος.

Quæ perpendens Horatius, ex vulgi sententia
dixit:

O cives, cives, quærenda pecunia primùm est:
Virtus post nummos: hæc Janus summus ab imo
Perdocet, hæc recinunt juvenes dictata senesque.

*A conclu-
sione.*

Ergò verissima est, quam Ecclesiastes protulit, sen-
tentia: quæ tam nationibus omnibus in ore, quàm
nunc etiam omnibus pecuniæ servis in usu.

*Aliud Clæje verbalis exemplum, cujus argu-
mentum ejusmodi est.*

Plato philosophus dixit, Tum demum beatum
terrarum orbem futurum, cum aut sapientes regna-
re, aut reges sapere cõpissent.

*A Platonis laude sumitur exordium
hoc modo.*

*Lib. 1. cap.
6.*

Valerius Maximus prodidit memoriæ, Apes
Platonis

Platonis dormientis in cunis parvuli labellis mel interuisse: Quā te auditā, prodigiorum interpretes singularem eloquij suavitatem ore ejus emanaturam dixisse. Indices illæ nequaquam vanæ, nec conjectores hi futiles extiterunt. Nam tantas non solum eloquentiæ, sed etiam philosophiæ facultates assecutus Plato fuit, ut ejus sermone Jovem, si Græcè loqui vellet, usurum prædicarent: & Platonem alii philosophorum Homerum, alii philosophorum Deum appellarent. Scripsit autem omnium & elegantissimè & gravissimè complura, inter quæ relucet quod de reipub. felicitate prorsus.

Ingenii ac doctrinæ princeps tum denum fore beatas respub. putavit, si aut docti & sapientes homines eas regere cœpissent, aut qui regerent, omne studium in doctrina & sapientia collocassent. Animadvertit nullā fortunā regna fore ea quibus stulti fuerint prædominati, non eruditione atque virtutibus præcellentes viri. *Ab expositione.*

Etenim feliciter omnia succedent in repub. quam gubernant viri sapientes, imbuti præceptis philosophiæ. Hæc est vitæ dux, virtutis indagatrix, vitiorum expultrix, sine qua hominum vitæ nihil poterit esse. Illa peperit urbes, illa dissipatos homines in societatem vitæ convocavit, illa eos inter se primò domiciliis, deinde conjugiiis, tum literarum & vocum communione junxit, illa inventrix legum, illa morum & disciplinæ magistra, ut ait Cic. Tull. 5. *A causa.*

Quis igitur civitates non fortunatas prædicet, quæ sapientum reguntur imperiis? Contrā, quis non infelices arguat, quas cæca stultorum temeritas administrat, cum è doctrinis sapientum plurima commoda proveniant, è stultorum autem ignorantia calamitates infinitæ? Etenim stulti stulta (juxta proverbium) loquuntur, ac faciunt, Sapientes autem *A contrario*

tem sapienter omnia. Et viribus melior sapientia;
& vir prudens, quàm fortis. Sapien. 5.

A simili.

Quemadmodum naves, quæ à naucleis excellen-
tibus reguntur, subortis tempestatibus extra pericu-
la sunt, ac fortunatè vehuntur: Sic ubi respub. à vi-
ris eruditione simul ac sapientiâ præditis admini-
strantur, beatae florent vel pacis vel belli temporibus.
Porro, ut quilibet nautarum vectorumque tran-
quillo mari gubernare potest, at ubi sæva suborta
tempestas est, ac turbato mari rapitur vento navis,
tum viro & gubernatore opus est: Ità quilibet in
tranquilla repub. utcunque potest negotiis præesse,
sed in perturbato rerum statu, summâ curâ provi-
dendum ac præcavendum est, quis ad gubernacula
sedeat, ut ait Livius lib. 4. secundi belli Punici.

Ab exemplo

Fab. Max.

Respice duos animorum diversissimorum impera-
tores, Qu. Fabium Maximum & C. Terentium
Varronem: illum, prudentem, hunc stolidum: illum
sapientiâ conspicuum, cunctando res afflictas resti-
tuisse, hujus temeritatem prodidisse ad Cannas. Et
tempub. inauspicata nobilitas Catilinaria contu-
disset, si non prudentissimus Consul Cicero as-
servisset in libertatem. Unde Juven. Sat. 6.

Cicero.

Roma patrem patriæ Ciceronem libera dixit.

Rectè Phocylides,

ἡ πόλις καὶ τὸ πλοῦς σοφία καὶ τὴν κατὰ φύσιν.

A testimo-

nio veteri.

Epilogus.

Hoc est, Sapientia gubernat agros, naves atque
civitates: quo præclaro dicto significat, omnia feli-
citer administrari, quæ sapientiæ præsidio reguntur.
Dignis igitur laudibus, cvehenda Platonis est sen-
tentia, quâ respub. eas fortunatas prædicat, quarum
rectores philosophiæ studiis fuerint exculti.

Alia Chreiarum exempla ex Stephano Nigro.

CHREIA PRIMA.

Hesiodus inter poetas eminentissimus, cujus in dicendo *ἰσότης*, hoc est, suavitatem, nullus est, candidissimi auditores, quin vehementer admiretur; qui plurima quidem ad humanæ vitæ institutionem spectantia, divino quodam instinctu cecinisse videtur. Nam & agrorum cultum, sub fratris titulo humanum genus edocuit, & quo pacto opprimè ac modestissimè sit vivendum, oppidò quàm prudenter admonuit. Sed & illud in primis non magis deorum monitu, quàm longo etiam rerum usu ab eo prolatum contenderim: Quo nobis significare haudquaquam dubitavit: deos scilicet virtutem proposuisse studio parandam. Ait enim,

*Τῆς δ' ἀρετῆς ἰδρῶτα θεοὶ προπαύουσιν ἰθαχόν
Ἀδάνατοι, μακρὸς δὲ καὶ ὄρεθ' οἶμος ἐπ' αὐτὸν,
καὶ τρυχὸς τὸ πρῶτον· ἰπὸν δ' οἱ εἰς ἄκρον ἵκνται,
ῥυτίδι δ' ὕπνῳ τε πίλει, χαλεπὴ περ ἰῆσται.*

Quibus mehercule verbis omnium prudentissimus poeta innuere voluit, socordiam, ac segnitiam à nobis penitus rejiciendam, nihilq; esse, à quo immortales dii magis abhorreant, quàm cum desidii pariter ac negligentia torpescimus. Quid enim ex ipsa desidii præter ignorantiam consequi possumus? Quæ si fortè inani sapientiæ opinione inflata, robur ac vires sibi comparaverit, ingentium ac turpissimorum scelerum causam suggerit. At virtus, ex qua omnes honestæ voluntates, actiones, sententiæque proficiscuntur, laborem requirit, diligentiam desiderat, vigilantiam exigit. Somnus enim multus, ut philosophorum sapientissimus Plato refert, nec corporibus humanis, nec animis, nec rebus agendis naturā

Somnus nimius.
conducit.

conducit. Nemo enim, quandiu dormit, à defunctis differt. Hinc est quod Plinius ait. Profectò vita vigilia est. Quod & illa Græcorum sententia, quæ jam vulgò in omnium ore versatur, optimè indicatū est.

Ἦντι οὐ διακτὴ προμαλῆταις πίδασι.

Unde illud originem traxisse jure videri potest:

Stulte, quid est somnus, gelidæ nisi mortis imago? Cùm Socrates apud comicum Aristophanem, Sirepsiaden senem ad philosophiam exhortaretur, quæ summam diligentiam curamque desiderat, hoc præcipuè senario usus est.

Ἦντι οὐ ἀπὶ τῷ γλυκύθυσμῳ ἰμμεῖται.

Socrates.

Hoc est, Oculis abesto leniens animum sopor. Quòd si dormitando ac desidendo virtutem consequi valeremus, nunquam ipsa apud deos, ac mortales tanti fieret. Apollo, cui cæteri dii divinationem concessere, propterea Socratem, à Chærephonre interrogatus, omnium sapientissimum respondit, quòd eum virtute præditum noverat. Quam Græci (ut Platoni placet) idcirco ἀρετὴν appellarunt, quòd omnium sit maximè diligenda. Nam generis nobilitas pulchrum quidem est, sed à majoribus per successionem acceptum bonum. Divitiæ in maximo semper fuere pretio, sed fortunæ temeritati atq; inconstantiæ subjectæ. Gloria honestaris quidem speciem præ se fert, at infirmam atque instabilem. Pulchritudo plurimi facienda, verum haudquaquam diuturna. Bona valetudo optabile quid, sed mutatur facilè. Corporis robur magnum est quid, sed morbis seniove tandem conficitur. Virtus verò clara aeternaque habetur, utpote quæ divina sit atque immortalis, omnesque fortunæ incurfus facilè contemnat atque despiciat. Stilpo Megarensis philosophus à Demetrio, qui ejus patriam solo æquaverat, interrogatus, nunquid amisisset, Nihil, statim respondit: Πόλα μὲν γὰρ ἔλαττον ἐστὶν ἀρετὴν. Quæ unique verba significat,

cant, animi bona nullo bellorum imperu diripi unquam posse, solidamque in ipsa virtute consistere felicitatem. Quod ita se habere philosophorum parens Socrates evidentissime indicavit. Rogatus enim à Leontino Gorgia, quid de magno rege sentiret, utrum eum felicem existimaret? *ὅτι δὴ οὐκ ἔστιν ἡ ἀρετὴ καὶ παρὰ τὴν ἡμετέραν.* Quo utique responso prudentissimus philosophus innuere voluit, se de maximi atque opulentissimi regis felicitate eò ad amissim judicare haud quaquam valuisse, quòd ut erga virtutem ac disciplinas affectus esset, penitus ignoraret: utpote qui felicitatem ipsam non in fortunæ, sed animi potius bonis positam esse existimaret, unicamque virtutem cæteris esse rebus præponendam arbitraretur. *Ἄπας γὰρ ὁ ὄντας γὰρ ἡ ὁδὸς γὰρ χρυσὸς ἐν αὐτῇ τῇ ἀρετῇ κατὰ πλάτωνα.* Solon præterea de divitibus locutus dicere consueverat: *Ἄλλ' ἡμῖν αὐτοῖς ἐν διαμνησέμεθα τῇ ἀρετῇ τὸν πλεόν.* Cujus quidem virtutis robore, parva atque amplificata imperia, perquam faciliè retineantur. Hinc est quod historicorum princeps Salust. ait: Quòd si regum atque imperatorum animi virtus, in pace, ita ut in bello valeret, æquabilius atque constantius sese res humanæ haberent, neque aliud aliò ferri, nec murari ac misceri omnia cerneret. Itaque minimè mirum est, si ad eam comparandam assiduo ac maximo opus est labore: *καλὴ γὰρ τὰ καλὰ.* Hoc est, quæ bona sunt, non sine maxima acquiri possunt difficultate. Quòd si mercatores, modò lucelli spes aliqua artideat, ingentia, procelisque exagitata, maximo cum vitæ discrimine, transeunt maria: si agricolæ fodiendis ac proscindendis arvis assidue incumbunt, ut in brevissimum tempus fructus, ni calamitatibus fuerint intercepti, randem merant: cur non & nos omnem inertiam, desidiam, ac dilationem propellamus, quò virtutis perpetuos, *Hercules.* nullique

nullique obnoxios calamitati, fructus consequamur? Herculem ferunt, cum adolescentulus esset, virtutis ac voluptatis oblati viis, utram caperet, diu secum mulrumque dubitasse: duas autem, dum in dubio erat animus, ad ipsum accessisse matronas: Virtutem scilicet, & Malitiam; illarumque etiam dum silentium continebant, notam fuisse extemplo diversitatem. Videri enim alteram accuratissime comptam atque exornatam, deliciis diffluentem, & omnium voluptatum examen post se trahentem. Hanc itaque multa ostentantem, longèque etiam plura pollicentem, Herculem secum ducere tentavisse. Alteram verò asperam, ac duram, severèque intuentem, huiusmodi verba contrà fecisse: Polliceri se nec voluptatem aliquam, nec quietem, sed labores, pericula, sudorèsq; infinitos terræ marique tolerandos, præmium autem illorum immortalitatem fore. Quare omni sublarâ dilatione, huic Herculem adhæsisse memorant. Alexander ille Magnus interrogatus, quo consilio usus, tot, ac tanta, tam brevi gessisset, *Μὲν δὲ ἀναλαμβάνω*, respondit. Quæ verba significant, moram ac dilationem, ipsamque desidiam, rebus esse gerendis longè perniciosissimam: quippe quæ maximarum sæpe rerum prætermittant occasiones. Vetus est adagium; Dii facientes adjuvant. Quod significat, divinam opem non cessantibus sed industriis, & pro virili conantibus, auxilio esse solere. Aristoteles nunquam tantum sibi inter philosophos nomen comparasset, nisi sapientiæ studio diutissime insudasset. Cyrus Medorum imperium animi virtute ac solertiâ ad Persas transfudit. Lycurgus, Solon, Darius, immortales habiti. Quare cum cætera ferè omnia incerta sint ac caduca, virtus verò ipsa altissimis defixa radicibus, nulla unquam vi labefactari possit: omnes subire labores, omnia perpeti incommoda æquo animo debemus, ut eam pro virili consequamur. Estque

*Alexander
Magnus.*

Estque poëta hic eminentissimè diligentissimè lectitandus atque in primis observandus, quòd certum nobis minimèque ancipitem, ad comparandam virtutem, tramitem indicaverit.

CHRÏA II.

CUm intermissis negotiis familiaribus ad literarum studium me tandem revocâssem, essetque in animo tam Græcos, quàm Latinos poëtas percurrere, Homerum statim, quòd inter vates, omnium eruditorum testimonio principatum facile obtineat, aggressus sum, extemplòque *ιλιάς* primo huic divino occurrimus carmini,

Ὅσα θεοὶ ἐπιτίθενται μάλ' αὖτ' ἰσχυροὶ αὐτῷ.

Quæ verba significant, Deo Optimo Maximo imprimis esse obtemperandum, si ab eo in adversis rebus exaudiri concupiscimus. Quæ quidem sententia quantopere fit ab omnibus probata, nemini esse dubium censeo. Quis enim usque aded mente alienatus est, quin sibi persuadeat, Deo omnium moderatori, omnium primùm obtemperandum, cùm faciliùs ejusdem præsens rebus augustis auxilium consequamur, cùm præsertim divinis morem gerere mandatis volenti, quàm facillimum sit, idque præter omnia faciendum videatur? Nam si potentioribus imbecilliores sedulo parère conantur, assiduamque ac diligentem eorum in mandatis exequendis propterea operam exhibent, ut longis ac frequentibus obsequiis boni tandem aliquid adipiscantur; quantà uti diligentia debemus, nè quid præter ejus voluntatem faciamus, cujus nura tam cœlestia, quàm terrestria gubernantur, cujusque munera non modò non rejicienda, verùm etiam summo opere exoptanda sunt? quippe quæ (ut Trojanus Alexander apud eundem Homerum testatur) nullus unquam diis ipsis non præsentibus

præbentibus sponte suâ sumere posset. Nam quod vulgò dici solet, Deus undecunque adjavar, si modò sit propitius; quid sibi aliud vult, quàm ut omni pietate, omnibus obsequiis, purâ denique ac sincerâ mente Deum nobis conciliemus; cujus natura non ejusmodi est, ut muneribus perinde atque improbus fœnerator capiarur, sed solâ vitæ integritate, pietissimisque placetur precibus, nec ullo pacto iniquorum ac flagitiosorum muneribus corrumpatur? Hinc est quod Porphyrius ait: *Θεὸς δὲ ἀρίστη μὴ ἀπαρχὴν τοῦ καὶ δαΐμονος, ἀλλὰ καὶ ἀπαρχὴν.* Quæ verba significant, nullas deo Opt. Max. gratiores offerri posse primitias, quàm puram mentem, & affectibus ac perturbationibus liberum animum. Nam quod Ovidius ait:

Munera (crede mihi) placant hominesq; deosque.

Placatur donis Jupiter ipse datis:

Et Euripid. in Medea:

Πῶθεν δ' ὅθεν καὶ δῖος λέγει. Id est, donis vel ipsos dicuntur flecti deos: ad bonorum virorum dona referendum esse videri potest. Quòd si quis fieri posse nonnunquam crederet, ut Deus scelerum hominum donis moveretur, is profectò canibus pecudum custodibus Deum ipsum assimilaret, quibus lupi rapinæ particulam concedunt, ut his muneribus placari atque allecti, diripi greges patiantur. Sed longè secus res habet: solos namque bonos respicit Deus, iisque quàm libentissimè opitulatur. Nec fieri potest, ut viro bonitate prædito mali quicquam accidat: nec dum vitam degit, nec post mortem, ejus res à Deo Optimo Maximo unquam negliguntur. Æsopus interrogatus, Quid dii faverent respondit, *τοῖς μὴ ἀνομιμαῖσι, τοῖς δὲ κατὰ δίκην.* Quod significat, Deum ipsum hos quidem extollere ac celebrare, alios verò pro meritis obscurare ac deprimere. Unde haud immeritò Aristoteles de Magno Alexandro ad Antiparrum scribens, ait:

dicere

Alexander
Magnus.

dicere ipsum non propterea magis sibi placere quòd multis imperaret, quàm quòd de diis oprime sentiret. Nam qui bonam habuit de iis opinionem, illis-que quàm libentissimè obsequuntur, pientissimi ab omnibus existimantur, & numinum vice coluntur. Aeneam, quòd in deos pientissimus fuisset, inter numina recensuit vetustas. Numa Pompilius cum *Numa* omnium maximè ac religiosissimè deos coleret ac *Pompilius* veneraretur, tutissimam finitimorum pacem divinumque Egeriæ nymphæ commercium meruit: At deorum contemptor Mezentius, in prælio impiè *Mezentius* commisso fœdissimè trucidatus est. Capaneus, Hippo- *Capaneus* poni filius, cum Thebana mœnia, diis etiam invitis, se conscensurum jactanter gloriatus esset, fulmine ictus, delapsus est. Quare, uni esse Deo omnium maximè parendum censemus; summisque egregium hunc poetam laudibus afficiendum arbitramur, qui divino afflatus spiritu, unico versu nos quomodo Optimus Maximus sit placandus Jupiter, admonuit.

CAP. III.

Magna est profectò Latinorum poetarum cohors, candidissimi auditores, multique nominis; sed longè major ac præstantior haberetur, ni oblivionis litu, rerumque edaci tempore, quàm plurima veterum poetarum monumenta intercepta fuissent. Quorum jacturam nè perpetuò lugeamus, eorumque desiderio maceremur, divinus poeta Virgilius causam præbet: quippe qui multorum instar habeatur. Cujus eximia opera licet innumeris sint referta sententiis, quæ proverbiorum vice in omnium ore fungantur, hæc tamen imprimis memoratu digna visa est: Omnia vincit amor.

Quæ usque adeò omnium consensu jam probata est, ut nullus sit tam literarum ignarus, quin eam & memoria

memoriâ teneat, & quàm sæpiſſime prædicer: cūni præſertim non modò cuncti mortales, ſed & bruta ipſa immania, amoris violentiæ cedant, ejusque imperium etiam invita patiantur. Cujus mehercule rei nullâ duci admiratione debemus. Magnus eſt enim deus Amor, nec minùs apud deos, quàm apud homines mirandus, cū multis aliis de cauſis, tum vel maxime ob ejus venuſtiſſimam originem: nam inter antiquiſſimos deos recensetur. Heſiodus: Omnium (inquit) primum natus eſt chaos, inde terra, tarrara, & Amor. Parmenides ante deos omnes narum Amorem autumat. Acuſilaus Heſiodo aſtipulatur: Eurip. Tragicorum præſtantiſſimus omnium, deorum ſupremum eſſe Amorem his trimetris indicat:

Ἐρῶτα δὲ ὅς τις μὴ θεὸν κρίνει μέγαν,
καὶ ἧς ἀπάντων δαμόνων ὑπέρτατον.
Ἦ σκαῖός ᾽ ἐστιν, ἢ καλὸν ἀμοιρεῖς αἶν
οὐκ οἶδε τὸν μέγιστον ἀνθρώποις θεόν.

Ovidius quoque de amore locutus addit:

Regnat & in dominos jus habet ille deos.

Quid de Lacedæmoniis ac Cretenſibus dicam? Nonne & ipſi, quantam in eſſe amori vim arbitrantur, evidentiſſimè indicârunt? Quorum alteri priùs quàm cum hoſtibus manus confererent, Amori ante ſtructas acies ſacra faciebant, perinde atq; in ſtructarum cohortium amicitia ipſa eſſet victoria collocata. Cretenſes verò formoſiſſimos in acie pueros exornantes, Amori per eos ſacra faciebant, ut Scſicrates ſcriptum reliquit. Samii (ut Erxias autor eſt) Amori gymnaſium conſecrârunt, cujus feſtum Eleutheria propterea cognominabant, quòd per ipſum deum Athenienſes libertatem conſecuti fuiſſent. Apud Thebanos (ut Athenæus teſtatur) ὁ ἀπὸς ἀγῶ appellatus, ex amatoribus atq; amatis conſtabat, τὸν αὖ θεὸν ἀμύμοντα ἱεροῦσιν, Alexis Cupidinem ipſum

privatim incidisse calamitates, quin Amor ipse causam ac materiam suggererit. Nam ut à publicis ac perniciosis bellis exordiamur, Iliacum incendium mutuus atque incestus Alexandri & Helenes amor excitavit. Græcorum exercitum illa exitiosa pestis propter Chryseida graviter invasit. Achilles ad iram plurimis Græcorum perniciosissimam, Briseidis desiderio commotus est. Belli inter Thebanos ac Phocenses per decennium conflati (quod *theb.*, hoc est, sacrum appellatum est) Thebano Thebana mulier à Phocense quodam amoris stimulis rapta, causam præbuit. Chrysaicum quoque bellum nuncupatum (quod inter Cyrrhæos & Phocenses, ut Callisthenes scriptum reliquit, decennium tenuit) propter Magisto, Pelaguntis Phocensis filiam à Cyrrhæis raptam, imprimis contractum perhibetur.

Cambyfes.

Cambyfes Persarum rex mulieris impulsu (ut Ctesias credit) in Ægyptum expeditionem fecit. Nam cum Ægyptias mulieres in nocturnis congressibus à cæteris miram in modum differre intellexisset, Amasidis Ægyptiorum regis gnatam, uxorem perit. At Amasis veritus, nè filia pro pellice ueretur, ejus loco Hitetim Apriæ filiam misit, qui à Cyrrhenensibus superatus Ægyptiorum regno exciderat, & ab Amaside fuerat occisus. Quâ re cognita Cambyfes, puellæ etiam exhortatione quæ patris ultionem expetebat, Ægyptiis bellum intulit. Quid fuit in causa, ut Philippi Macedoniæ regis domus everteretur? Nempe Cleopatrarum importunæ nuptiarum. Ut Herculis familia dissiparetur, Iole Euryti filia causam præbuit. Thesei domus propter Phædrum ad nihilum redacta est: Athamantis, propter Themysto Hypseo genitam: Jasonis, propter Glaucom Creontis filiam. Agamemnon, post consecutam apud Ilion victoriam, cum in patriam sospes reversus esset, à Clytæmnestra uxore, quod Cassandram mi-

ferè

serè deperire, interfectus est. Nonne nostris quoque temporibus maxima hominum pars, quoridie amoris suasu digladiatur, ac passim trucidatur? Quare, cum multis jam periculis compertum sit, Amorem ipsum tam apud deos, quam inter homines plurimum valere, illi omnino, quam commodissime fieri potest, cedendum est: Virgilio, poetarum principi, perquam assidue studendum, quod huiusmodi undecunque scateat sententiis.

CHREIA IIII.

Quanto saepius ac frequentius Mantuani Virgilii volumina repeto, tanto illum magis, & suspicio & admiror. Unus enim Virgilius characterum diversitate, ea complexus est, quæ viri tres, Græcorum præstantissimi, vix consequi potuere. Nam bucolico carmine Theocritum æquavit, georgico Hesiodum antecessit, heroico divinum illum Homerum ad amissim expressit. Quæ quidem omnia cunctis fuisse Græcis præstantiorem Virgilium eò indicant, quod Græcorum nullus triplicem hanc dicendi materiam ausus adhuc fuerit, sed unusquisque intra suum scribendi genus sese continuerit. Est præterea in Virgilio dicendi facilitas, & in rebus enarrandis candor, ut nemo sit tam rudis, & à re literaria alienus, quin Virgilianâ lectione mirum in modum oblectetur: cum præsertim aureis ac divinis inter legendum quam sæpissimè occurrant sententiis, quæ legentium animis usque adeò blandiuntur, ut vix dum perlectæ, memoriæ inhæreant, nec unquam amplius excidant: qualis est, Non omnia possumus omnes.

Quæ verba significant mortalium neminem tanto esse ingenio præditum, ut solus omnia sapiat atque intelligat, nihilque eum penitus lateat. Cuncta enim scire divinum esse potius quam humanum noverat

poeta. Nam quandoque bonus dormitat Homerus. Hinc celebratum est apud Græcos proverbium; *Ἕς ἀνὴρ, ἰσθὶς ἀνὴρ* hoc est, Unus vir, nullus vir: quasi velit innuere, nihil egregiū ab uno homine præstari posse, si aliorum auxilio fuerit destitutus. Quod autem legitur apud Euripidem: *Ἕς ἀνὴρ ἔσται τοῦ ὄψεσθαι*, id est, Unus vir haud videt omnia; id sanè significat, neminem unum nè maximo quidem rerum usu atq; experienciā tantam unquam consequi posse peritiam ac solertiā, ut omnia per se dispiciat, nec ulla in re hallucinetur atq; decipiatur. Socrates qui Apollinis oraculo suæ ætatis sapientissimus iudicatus est, se nihil omnino præter exiguam quandam amandi disciplinam scire ingenuè fatebatur. Hercules Jove genitus (quem Marathonii, ut Pausanias, omnium primi in deorum numerum propterea recensuere, quod non minùs animi quàm corporis virtutibus excelleret) eodem tempore & adversus Hydram, sophisticam mulierem certare non valuit, cui, ut Plato refert, propter sapientiā, pro uno sermonis capite amputato, multa repullulabant: & adversus Cancrum, sophisticam quendam ex mari adventantem, à quo, cum ad sinistram urgeretur, verbisque acriter morderetur, nepotis sui Iolai auxilium imploravit, cujus ope vehementer adjutus, victoriam vix tandem consecutus est. Quare, cum ii quoque quibus nè cælum quidem negatum est, per se omnia non potuerint, poetarum præstantissimo procul dubio credendum est, Virgilianæ q; lectioni est omnium maxime inserviendum, unde hujusmodi sententias haurire quàm sæpissime licet.

CHREIA V.

Nihil est profectò quod hominum quispiam tam propenso ac libenti agar nimo, quin quandoq; fastidium pariat, si modò nullā adhibeā intermissio-

ne, diutissimè in eodem versatus fuerit. Hinc factum est, ut Aristophanis illud jam diu apud vulgum proverbii vicem obtineat: Ἀπείνται πλεονεχόν, hoc est, Omnium rerum satietas. Quod ità esse cùm sæpe aliàs, tum vel maximè nudiustertius supra modum expertus sum. Nam cùm in prædio nostro, quod haud multùm ab urbe distat, unà cum amicis, Dianæ studiis, quæ à teneris unguiculis mihi semper plurimùm placuere, toto animo incumberem, cætera-rumq; rerum oblitus uni venationi operam impenderem, tanta me venationum extemplo cepit satietas ac fastidium, ut relaxandi animi causâ, ad Minervæ studia me statim contulerim, Virgiliùmq; quem fortè mecum attuleram, aggressus sim: in quo quidem lectitando, multæ mihi memoraru dignæ passim occurrerunt sententiæ, inter quas hæc maximè, & quàm sæpissime memoranda visa est;

Usque adeò ne mori miserum est?

Quâ poetarum prudentissimus nos admonuit, mortem etiam ipsam minimè forti viro recusandam: quippe quæ, modò honesta sit, vitam quoque turpem quandoque soleat exornare, cùm contrà vita turpis nè morri quidem honestæ locum relinquat.

Quis, nisi penitus mente captus, honestæ morti turpem præferat vitam, cùm præferim in tot ac tantis humanæ vitæ procellis ac tempestatibus tutissimus nobis portus appellanda sit? Hinc est, quòd Ajax ille Telamonius apud Sophoclem ait:

Οὐκ ἂν προαιμῶν εἰδὼς λόγου βροτὸν,

Ὅστις κακῶς ἐν ἰλίῳ θνήσκειναι τινος

Ἀλλ' ἢ καλῶς ζῆν, ἢ καλῶς τεθνηκέναι.

Τὸν δὲ γὰρ χρὴ.

Quid enim in morte est, quod sit jure formidandum? quam, si Euripidem divinum poetam sequi voluerimus, animi pariter ac corporis interitum existi-

mabimus: cuius hæc verba sunt;

Ἀκούοντες οὗτοι τίρψεν ἰμῶνα φρεσίν

Τὸ μὴ γινώσκειν θανάτῳ ἴσεν λίσσῳ.

Quod si fas est credere, non magis esset post mortem metuendum quàm, priusquam nasceremur, unquam timuimus. Sin autem in morte ipsa non interitus, sed animi à corpore migratio est, cur non potius meliora, bonis præsertim viris speranda, quàm deteriora verenda sunt? Neque enim fieri potest, ut viro bono mali quicquam accidat, nec vivo, nec mortuo, nec ejus res à Diis immortalibus negliguntur. Plato in Socratis Apologia: Mortem (inquit) timere nihil aliud est, quàm sapientem videri eum, qui non sit sapiens; quippe cùm id sit, Scite videri, quæ nescias. Nemo enim scit, utrùm mors omnium bonorum summum homini contingat. Metuunt autem perinde ac si eam malorum esse maximum non ignorarent. Cui verò dubium esse debet, quin hæc ipsa inscitia sit maximè vituperanda, per quam aliquis se putat scire, quæ nesciat?

Stultum est igitur, id temerè formidare, quod & quale sit omnino nescias, & nullis precibus ac muneribus, nullisve maximis quidem viribus declinari unquam potest. Omnibus enim ex æquo moriendum est, quod Horatianum faciliè illud indicat:

Pallida mors æquo pulsat pede pauperum tabernas,

Regumque turres, ô beate Sesti.

Et Homerus hoc carmine non inficiatur;

Οὐδὲ γὰρ εἰς ἐπὶ ἡγεκλήσῃ φέρῃ κτερεῖ,

Id est,

Nec vis Herculeæ fatum evitavit acerbum.

Quod autem horrida mors muneribus non capiatur, senarius hic indicio est;

Μένει θεῶν γὰρ δόλῳ εἰς δόρυ, ἱερῷ.

Id

Id est, Mors sola donis non eviratur.

Iraque forti ac libenti est animo obeunda, & ut gradum acceleret, nec ultimam arque imbecillam expectet senectutem, summis est precibus optandum.

Ὁν γὰρ φιλεῖ θεὸς, ἀποθνῄσκει νῆος. Id est, quem enim Deus diligit, juvenili moritur ætate. Quæ utrique verba significant optimè arque pulcherrimè cum illo actum esse, qui hujusce miseræ arque infelicissimæ viræ calamitatibus quàm celerrimè creptus fuerit, & ad sempiternam illam felicitatem, quâ animæ post mortem fruuntur, quàm primùm migraverit. Quod cygni (utpote qui ab Apolline, cui dicati sunt, divinationem accepere) planè providentes, tunc dulcissimos ac suavissimos edunt cantus, cum se citò sentiunt morituros. Codrus ille Atheniensium Rex, & Macaria, Herculis ac Deianiræ filia, non propterea tantum voluntariæ se morti diversis bellis obtulere, ut civibus suis adversus Lacedæmonios pugnantibus victoriam relinquerent, famamque apud posteros assequerentur; sed quòd in morte non modò nihil mali, verùm etiam summam esse mortalibus felicitatem arbitrantur. Quod apud Romanos & M. Curtius, juvenis bello egregius, qui se armatum in altissimam illam voraginem immisit; & duo illi Decii, qui cum consules essent, se pro legionibus Romanis devoverunt, mihi proculdubio sensisse videntur. Neque enim tam alacri animo se perinde ac victimas Reipublicæ præbuissem, si quid mali post mortem sibi futurum sperassent. Quare & mortem minimè miseram esse credendum est, & Virgilius non modò assiduè in manibus habendus, sed & memoriæ thesauro commendandus; quippe qui sui studiosos tam bellè instituat.

*De sententiis quæ Græcè Τροπὴν
dicuntur.*

CAP. IIIII.

*Sententia
ex eo nomen
accepit
quodd simi-
lis sit consti-
tutis aut de-
cretis, sicuti
ἐν τροπῇ.
Quintil.
lib. 8. cap. 5.*

Sententia, est oratio brevi complexu aliquid
quod ad hortandum dehortandumve pertinet, ex-
plicans. Sententiarum verò alia exhortans, alia de-
hortans, alia enuntians. Est item alia simplex, alia
composita. Præterea alia probabilis est, alia vera,
superlata alia.

Exhortans sententia est, ut:

Oportet amicum præsentem amare, volentem ve-
rò dimittere.

Dehortans, ut:

“ Turpe quiete ducem totas perdere noctes.

Enuntians, ut:

“ Pecuniis opus est, sine quibus nihil eorum quæ
“ necessaria sunt rectè fier.

Simplex, ut:

“ Optimum id augurium est, patriam tutarier ar-
“ mis.

Composita, ut:

“ Multos esse malum reges, rex unicus esto.

Probabilis, ut:

“ Quales amicos quisque habet, talem scias.

Vera, ut:

“ Expers malorum vita nulli contigit.

Superlata, ut:

“ Infirmius nihil homine.

“ Hoc ergo pacto sententia dividitur. Tractabis
“ verò ipsam eisdem capitibus, quæ in usûs explicati-
“ one diximus. Laudabis primum: deinde explicabis:
“ rum confirmabis, ex Causa, Contrario, Similitudi-
“ ne, Exemplo, Testimonio veterum; Demum brevi
Epilogo

Epilogo concludes. Differt autem sententia ab usu, „
eo quòd usus persæpe activus est: Sententia verò „
semper in oratione consistit. Deinde, quòd usus sem- „
per habet additam personam: Sententia sine perso- „
na effertur. „

*Exemplum sententiæ exhortativæ,
Theognidia.*

In mare cetiferum, nè te premat aspera egestas, „

Defili, & à cellis corruæ, Cyrne, jugis. „

Indignum Theognidi visum est, Poeticam ve- „ *A lauda-*
lut rem inepram accusari. Itaque relictis fabularum „ *bili.*
commentis, ipse ad formandos mores, vitamque in- „
stituendam, ipsam traduxit. Cùm videret enim poe- „
tas compositis fabulis, veluti præclaro aliquo inven- „
to gaudentes, ipse satius duxit, quomodo rectè vi- „
vatur, carmine complecti. Laudandus certè ob u- „
rrumque: & quòd metri gratiam observavit, & quòd „
meliorum admonens, institutionis attulit fructum. „
Sed hujus ut alia omnia, ità hoc in primis meritò „
quis laudaverit, quod de paupertate dixit. „

Quidnam igitur dixit? Qui v. ram in miseria du- „
cit, mori potius amer. Multò enim melius à vita dis- „
cedere, quàm solem sui dedecoris testem habere. „
Hæc sunt quæ ex philosophorum dogmate prou- „
lit. Licer autem considerare, quâ ratione motus ista „
ram prudenter ediderit. „

Degens enim in paupertate, cùm adhuc minor „ *A causa.*
natus est, nequit exerceri ad virtutem: ut verò ad vi- „
rilem pervenerit ætatem, improbissima faciet. Le- „
gatus enim pro patria pecuniâ corrumpitur: concio- „
natus, quòd spes lucri duxerit, cò flectet oratio- „
nem. Jus verò dicturus, pro largiente pronuntiabit, „
suscipièrque pro suffragiis dona. „

Vacui autem paupertatis curis, & pueri ad spem „ *A contrario*
protinus honestissimam virtutis attolluntur, & viri „
facti

“ facti cuncta splendide administrant; jam in pace
 “ sumptum edendis publice muneribus faciendisque
 “ ludis præbentes, jam in bello impensas in toleranda
 “ militiae onera conferentes.

A simili.

At verò quemadmodum gravibus astricti vinculis
 “ quò minùs liberum ipsis sit, quod velint, agere, vin-
 “ culis prohibentur: sic in paupertate degentibus ob-
 “ stat, quò minùs exercere libertatem possint, ipsa
 “ paupertas, & inopia rerum.

*Ab exem-
 plo.*

Irum vides, qui cùm Ithacensium unus esset, non
 tamen id juris sibi, quod reliquis civibus erat. Cui
 “ tam molesta paupertas fuit, ut nomen quoq; inopiã
 “ permutaret. Arnæus enim primò vocatus est, postea
 “ Irus appellatus, id ab administratione cognomen-
 “ rum assecutus. Et quid oportet Irum dicere? Ipse qui
 “ Ithacã quoque portebatur Vlysses, postquam do-
 “ mum rediens paupertatem simulabar, ipsius etiam
 “ sensit mala, domi suæ à temulentis ministris percuf-
 “ sus, & injuriã adfectus; adeò paupertas meo judicio
 “ dura res est.

*A testimo-
 nio veteri.*

Præclare ergò, rectèque Euripides inquit, Malum
 esse nihil habere, neque paupertatem nobilitate le-
 “ vari posse.

Epilogus.

Quomodo ergò quis satis & pro dignitate lauda-
 “ bit Theognidem, talia tamque graviter de pauper-
 “ tate monentem?

SCHOLIA.

Lib. 8. ca. 5.

Sententiã, autore Quintiliano, veteres, quod a-
 nimo sensissent, vocaverunt. Nos autem hoc lo-
 co dicimus orationem, quæ ad mores & communem
 hominum vitam pertinet, ostenditque quid aut fiat
 in ea plerunque, aut fieri oporteat. Ut:

Feras, non culpes, quod vitari non potest.
 Comes facundus in via pro vehiculo est.

Furor

Furor fit læsa sæpius patientia.

Nimiùm altercando veritas amittitur.

Harum Publii sententiarum meminit Gellius lib.

17. cap. 14.

Aliquando refertur ad rem, Cicero pro Ligavio:
Nihil est tam populare quàm bonitas. Aliquando
ad personam, ut illa Afri Domitii: Princeps qui vult
omnia scire, necesse habet multa ignoscere. Quinti-
lianus lib. 8. cap. 5.

Oportet amicum, &c. Locus desumptus est ex Ho-
meri 15. Odysseæ, ubi Menelaus ad Telemachum
itâ loquitur:

Χρὴ ξείνους παρόντας φιλεῖν, ἰθὺλοντα δὲ πῆμπειν.

Non ego te longiùs, inquit, hîc morabor redire
cupientem.

Ægrè utrumque feram, si me nimis hospes amabit,
Oderit aut nimis: at medium servantia laudo:
Nam semel exceptû ut nolentem impellere durum,
Sic retinere malum fuerit properare volentem.

Oportet igitur & hospitem præsentem amare, &
volentem dimittere: ut interpretatur Raphael Vo-
lateranus. Admonet autem Menelaus incivilem
eum esse, qui non sit hospitalis: Incivilem item qui
nimium hospitalis, abire contendenti penulam (ut
ajunt) sciderit, atque nolentem pertinacius retinue-
rit. Invitum servare nec est mentis puto sanæ:

*Hospitali-
tas.*

Ut ait Erasmi. in expostulatione, Jesu.

Turpe quiete, &c. Locus habetur in Iliados. lib. 2.

Οὐ χρὴ παννύχον ἱεὺς τε βελήφρον εἶδεν.

Haud dignum duce id est, noctem dormire per
omnem,

Ut reddit Erasmus in proverbio: Non decet
principem solidam dormire noctem. Docet vigilan-
tiam ac sollicitudinem maximè convenire principi-
bus; ut qui tantam negotiorum sarcinam sustineant
humeris, Sapienter ille judicii subtilis rex, qui tradi-
tum

rum sibi diadema, priusquam capiti imponeret, re-
rectrum diu consideravit, inquiens: O nobilem ma-
gis quam felicem pannum, quem si quis penitus co-
gnoscat quam multis sollicitudinibus & periculis, &
miseriis sit refertus, ne humi quidem jacentem tol-
lere veller! Hæc Valer, lib. 7. cap. 2.

Pecunia.

Pecuniis opus est, &c. Locus ex prima Demo-
sthen. Olynthiaca, quem in proverbio, Pecuniae
obediunt omnia, sic vertit Eras. Breviter opus est
pecuniis, neque citra has quicquam eorum, quæ fa-
cienda sunt, confici potest. Quippe mortalibus ni-
hil est charius pecuniâ. Hæc una inter mortales
plurimum valet. Unde 1. Epist. Horat.

Scilicet uxorem cum dote, fidemque, & amicos,
Et genus, & formam regina Pecunia donat.

Ac bene nummarum decorat Suadela, Venûsque;

Bellerophon apud Euripidem inquit, pecuniarum
usum contemplatus:

Sine me vocari pessimum, ut dives vocer.

Nemo an bonus, an dives omnes quærimus.

Non quare & unde, quid habeas tantum rogant.

Ubique tanti quisque, quantum habuit, fuit.

Quid habere nobis turpe sit, quæris? Nihil.

Sine quibus, &c. Fuerunt enim qui dixerunt, Im-
possibile pecuniis indigentem bene principari, stu-
dioque vacare posse. Atqui ubi non honoratur vir-
tus, ibi non est possibile, firmum optimorum esse
in Repub. statum. Cujus rei meminit Arist. 2. Polit.
cap. 9.

Optimum id augurium, &c. Eis dicuntur & ex hoc quod
dicitur in pi. pi. Sumptus est ex Homer. 12. Iliad. ubi
Hector auguria reliqua negligens loquitur (Erasmo
interprete) ad hunc modum:

Aligeris avibus tu me parere jubes nunc,

Quarum nulla mihi cura aut respectus, utrimque

Ad dextram Eoi veniant mihi Solis ad ortum,

Auguria.

An

An lævam; ad Solem occiduum, noctisque tenebras.
Verum nos Jovis arbitrio parere necessum est
Altitonantis: hic imperium tenet unus in omnes,
Quotquot mortales, quotquot sunt morte carentes.
Una avis optima, pro patria pugnare tuenda.

Et Qu. Fabius Maximus cum augur esset, dicere ausus est: Optimis auspiciis ea geri, quæ pro reipub. salute gererentur; quæ contra rempub. fierent, contra auspicia fieri, ut ait Cicero in Catone majore.

Cæterum olim apud gentes auguria vel auspicia summis studiis observabantur, ac major illis adhibita fides propter miraculum Actii Navii. Quo tantus honor accessit, ut nihil belli domique postea, nisi auspicato gereretur, ut ait Livius lib. 1. Hinc damnatus fuit L. Junius, quod auspiciis neglectis, classem tempestate amiserit: Et P. Claudius, quod cum auspicia more majorum petenti pullarius non exire pullos caveâ nuntiasset, eos in mare jussit abjici, dicens: Quia esse nolunt, bibant, Valerius lib. 1. cap. 4.

Sunt autem sententiæ simplices, quæ simpliciter sine rationis subjectione proferuntur: ut, Liber est *Simplices*
Sententiæ. is æstimandus, qui nulli turpitudini servit.

Item, egens æquè is est, qui non satis habet, & is cui nihil satis potest esse.

Item, Optima vivendi ratio est eligenda, eam jucundam consuetudo reddet. Quæ sententiæ non sunt improbandæ, propterea quod habet brevis expositio, si rationis nullius indiget, magnam delectationem. Sed illud quoque probandum est genus sententiæ, quod confirmatur subjectione rationis, hoc modo: Omnes bene vivendi rationes in virtute sunt collocandæ, propterea quod sola virtus in sua potestate est, omnia præter eam subjecta sunt fortunæ dominationi. Vide Ciceronem quarto ad Herennium, & Quint. lib. 8, cap. 5.

Composita,

rtuna.

Composita, &c. Sunt sententiæ quæ duplices effe-
runtur, hoc modo, sine ratione: Errant qui in pro-
speris rebus, omnes impetus fortunæ se putant fu-
gisse: sapienter cogitant, qui temporibus secundis
casus adversos reformidant. Cum ratione, hoc pacto:
Qui adolescentium peccatis ignosci putant oportere,
falluntur, propterea quod ætas illa non est im-
pedimento bonis studiis: at hi sapienter faciunt, qui
adolescentes maximè castigant, ut quibus virtutibus
omnem vitam tueri possint, eas in ætate maturissima
velint comparare.

*Monar-
chia.*

Multos esse malum, &c. Ulysses Iliados secundo lo-
quitur ad Therситеu: *ὦ ἀθάνατος, πολυκρίστιον, εἰς ἀρίστην
ἔγωγε ἴσω.* Quod Erasmus (in proverbio: Imperato-
rum multitudo Cariam perdidit) ita vertit:

Multos imperitare malum est; rex unicus esto.
C. Cæsar Caligula, cum audiret forrè reges, qui officii
causâ in urbem advenerant, concertantes apud se
super cœnam, de nobilitate generis, exclamavit: *Εἷς
ἀρίστωνος ἴσω, Εἷς βασιλεύς*, ut ait Suet. Unus dominus
fit, unus rex: Est autem triplex reipub. status, *δημο-
κρατία*, id est, principatus populi, *μοναρχία*, id est,
unius principatus, & *ὀλιγαρχία*, id est, status reipub.
à paucis administratæ. Arqui nihil est pejus licen-
tiâ multitudinis, quâ nulli paretur, sed pro sua
quisque libidine rem gerit. Hanc Græci vocant
ἀναρχία, malum fermè tyrannide pejus. Par malum
πολυαρχία,

Probabilis, &c. Priscianus verisimilem appellat. Ut,
Si quis cum malis conversatur libenter, nunquam de
hoc bene interrogavi viro, sciens quoniam talis est
quales illi, cum quibus conversatur.

*Consuetudo
contagiosa.*

Quales amicos, &c. Unde psal. 17. Cum sancto san-
ctus eris, & cum viro innocente innocens eris: Et cū
electo electus eris, & cum perverso pervertēris. Cele-
bratur & hic senarius à Græcis, *κακοῖς ὁμιλῶν καὶ αὐτὸς
ἐκβήσκει*.

τα βλάττειται, id est, Malus ipse fiet, si malis conjunge-
ris. Corruptunt enim mores bonos colloquia pra-
va. Et, Si juxta claudum habites, subclaudicare di-
sces. Vide Erasmi proverbialia. Plutarchus in com-
mentario de ratione dignoscendi verum amicum ab
adulatore, scribit tantam habere vim assiduam con-
suetudinem, ut imprudentes etiam imitemur vitia
eorum, quibuscum vivimus. Sic Platonis familiares
ejus gibbum imitabantur.

Experts malorum, &c. Aphthonius "Αλυτον βίον ha-
bet, Vitam, inquit, sine tristitia nulli licet invenire.
Rectè Hesiod.

Ἄλλοτε μὲν γὰρ πάλαι ἡμίεον ἄλλοτε μὲν τῆρ,

Ipsa dies quandoq; parens, quandoq; noverca est.

Proinde Plinius se dubitare dicit, utrum na-
tura sepius noverca sit, an mater, ut quæ tot vene-
na, tot item remedia progignat. Vide Chiliades
Erasmi. Nemo est, qui semper in tranquillitatis por-
tu naviget. Quotusquisque est hominum, quos
non teneat aliud arque aliud, tanquam in panegyre
malorum, infortunium? Ut sapienter Solon protu-
lerit: Si in unum locum cuncti mala sua contulissent,
futurum, ut propria deportare domum, quàm ex
communi miseriarum acervo portionem suam ferre
mallerent, ut ait Valerius lib. 7. cap. 2.

Superlata, &c. Priscianus superlativas sententias
vocat, ut,

Fama malum, quo non aliud velocius ullum,
Mobilitate viget, &c.

Infirmius nihil, &c. Versus Homeri est:

Ὀυδὲν ἀκιστὲρ μέγαν γαῖαν βίβει ἀνθρώποις.

Quem Erasmus in proverbio [Homo bulla est] ita *Homo*
translulit: Nil homine enutrit tellus infirmius alma. *Ὀυδὲν*

Caranæus: Debilius nil terra facit mortalibus ipsis.
Glaucus Iliad. 6. verè loquitur in hanc sententiam,
Tale genus est hominum, quale foliorum, &c.

Indignum Theognidi, &c. Nomen est poëtae Graeci, cujus (ut Tertullianus ait) saepe meminit in libris Plaro. Et Erasmus in proverbio [Optimum non nasci] carmen hoc ejus citat:

Ἀρχὴν δὲ μὴ φῦναι ἀνθρώποιον ἀέρον.

Idem proverbiali figurâ dixit,

Ὅτι γὰρ ἐκ οὐδὲν πόδα φύεται, εἰδ' ὑδάνθος.

Qui vitam in miseria, &c. Hoc argumentum & styli, & ingenii exercendi causâ tractari solet. Non ut paupertati (quæ, juxta proverbium sapientiam sortita est) suspendio sit arbor deligenda, aut defiliendum à quinque scopulis, vel rupibus in undam. Verius est, quod S. Chrysost. in Epist. ad Heb. scriptum reliquit: Paupertas est manu ductrix in via quæ ducit ad cælum; sed hoc malum influxit humanis mentibus, ut honori sit pecunia, & nemo nisi dives, honore dignus habeatur, ut ait S. Ambr. 2. Offic. c. 21.

Nequit exerceri ad virtutem, &c. Etenim, ut Juvenal. Satyr. 2. inquit:

Haud facile emergunt, quorum virtutibus obstat
Res angusta domi. - -

Et Satyr. 7.

— Neque enim cantare sub antro

Paupertati. Pierio, thyrsūve potest contingere sana
Paupertas, atque æris inops, quo nocte diēque
Corpus eget.

Quippe, ut Aristotel. 1. Ethic. inquit, Fieri non potest, aut non facile fit, ut is agar res præclaras, cui facultates defunt. Multa namque per amicos, per divitias, per civilem potentiam, tanquam per instrumenta aguntur. Et in decimo, scribit sapientem & justum rebus his indigere, quæ necessariae sunt ad vitam. Idem (ut Laërtius Diogenes scribit lib. de Vita Philosophorum quinto) dixit, Virtutem ad beatam vitam sibi minime sufficere, quippe corporis bonis, exterioribusque indigere.

Improbissima faciet, &c. Unde Horat. Odarum lib. 3. Oda 24.

Magnam pauperies opprobrium, jubet

Quidvis & facere & pari,

Virtutisque viam deserit arduam.

Mantuanus in Bucolicis:

Pauperies inimica bonis est moribus: omne

Labitur in vitium; culpa, sceleraque, ministra est:

Pecunia corrumpitur, &c. Sed hæc sunt exercitii gratia dicta, cum è contrario divitiarum malorum sint irritamenta, stimulos majores subdant, arque fenestram aperiant criminibus, ut præstiterit honesta paupertate laborare, quam injustis divitiis affluere. Hinc Menander,

Καλῶς πίνεσθαι μᾶλλον, ἢ πλετεῖν κακῶς.

Id est, Honestius est pauperem esse, quam injuste divitem.

Duo sunt (ut inquit in novis Rhetoricis Cicero) quæ possunt ad turpe compendium permoveere; Inopia, & avaritia. Unde fit ut legari, atque caufidici pecuniis sæpe corrupti causam deterioreni foveant, ac tueantur. Ergo lex erat apud Corinthios, Nè legatione fungentes acciperent munera. Et lege Cornelia cautum: Nè quis legatis exterarum nationum pecuniam expensam ferrer, ut ait Pomponius Laetus. Inter cætera fuit obiectum Æschini, quod munera legatus acceperit, ut ait Quintilianus, lib. 4. cap. 4. Et Demosthenes ipse, acceptam pecuniam, contra Milesios loqui noluit, anginam se pati dicens. Vide Gell. lib. 11. cap. 9. & Erasmus in proverbiiis. Porro, nihil est tam sanctum, quod non violari; nihil tam munitum, quod non expugnari pecunia possit. Unde Philippus Macedonum rex, an præsidium tam esset difficile accessu rogavit, ut alius auro onustus accedere non posset.

Non tamen id juris, &c. In repub. divites plus & honoris & authoritatis habent, quàm pauperes: dat enim census honores, pauper ubique jacer. Quippe quemadmodum timiditatem atque contemptum paupertas adfert, sic opulentia *παρρησία*, hoc est, loquendi confidentiam adducit, & ornamentum populare. Vulgus divitum dulci, ut ait Horatius, fortunâ ebrium, hoc putat suis divitiis deberi, ut quicquid dixerit, id protinus quasi Apollinis oraculum omnes suspiciant, & approbent, ut ait Erasmus in proverbio: *Ἀρχὸν κήρυξ λαλῶσιν.*

Arneus, &c. Homer. Odyss. 12. loquitur in hanc sententiam: Prodiit pauper publicus, qui per urbem Ithacam mendicabat, cujus erat insigne, vacuum continuò ventrem cibo potuque explete; vis alia ei nulla, seu virtus. Aspectu fuit procerus, cui nomen Atinæo ex ipsa genesi mater indidit. Juniores verò cuncti Irum vocabant, quoniam si quis vellet, nuntium ferebat more Iridis. Ad id respiciens Ovid. in Ibin, inquit:

Qualis erat nec non fortuna binominis Iri.

Paupertatis sensit mala, &c. Ulysses mendicus visus multa patiebatur, contumeliis affectus à Melanthio, qui calce quoq; eum percussit. Antinous scabello petiit, Odyss. 17. Et cum proci oibis, vinoque essent obruti, in Ulyssem debacchari sunt. Etenim Minerva, ut Ulyssis animum adhuc magis injuriis exerceret, procos ab injuria non permittit abstinere. Unde Ctesippus pedem bubulum è canistro corripiens jecit in Ulyssem, ut habetur Odyss. 20.

Paupertatem nobilitate, &c. Extrat & Menandri senarius: *Πορία δ' ἀνὴρ ἐπὶ τοῖς ἰουγῶν ποσσὶν*, id est, Paupertas autem inhonoratum & nobilem facit. Vel, Clarum reddit paupertas inglorium, id est, claro loco natos, obscuros atque contemptos facit. Illustre genus sine divitiis magis deprimatur, quàm exaltatur.

Exem-

*Paupertas
nobile alio-
quin reddit
inglorium,
unde illud
Horat. Ser.
lib. 2. Satyr.
3. Et genus
& virtus,
nisi cum re,
vilior aliquid
est.*

*Exemplum sit sententiæ desumptum
ex Prisciano.*

ARGUMENTUM.

Non oportet per totam noctem dormire virum
multis consulentem.

Laudabis igitur eum qui dixit, breviter. Deinde
simplici expolitione explicabis sententiã: ut, Non
debet virum in summa potestate multis præfiden-
tem, ab occasu solis usque ad ortum opprimi somno,
aut veterno torpescere.

Debet enim præfex semper vigilare, & subdito- *A causa.*
rum suscipere curam, quam somnus aufert, & offi-
cii reddit immemorem.

Contrarium est enim rex & privatus, & somnus *A contra-*
& vigiliæ. Sicuti ergo molestum non est, si priva- *rio.*
tus homo per totam dormiat noctem: sic intolera-
bile, si rex non vigilet, consulatque sibi parentium
saluti.

Quemadmodum navium gubernatores, si cæteri *A compa-*
dormiant, soli pro communi vigilant salute: sic *ratione.*
oportet imperatores pro suis esse sollicitos.

Hector noctu vigilans, & reipub. providens, spe- *Ab exem-*
culatorem ad naves Græcorum mittebat Dolonem. *plo.*
Scipionis vigilantia Syphacis dormitantis castra ex-
pugnavit. Livius lib. 10. belli Punici.

Quod Salustius quoque comprobat, dicens, Mul-
ti mortales dediti ventri atque somno, indocti, in-
culisque vitam, sicuti peregrinantes, transigunt.

Hæc habet exhortationem plerunque: ut, O- *Conclusio.*
portet & nos necessarias res suscipientes, sum-
mã curã vigiliisque eis consulere, quibus præfe-
xi sumus.

Aliud exemplum meum.

ARGUMENTUM.

Est melius tumido mergatur ut æquore Cygnus,
Quàm levium studiis sollicitetur opum.

*Exordium
à laude.*

QUæ sapienter dicta mores expoliunt, & ingenia formant, laudem suam merentur: quale carmen illius, qui longè melius esse confirmabat, fluctibus obrui, quàm honestâ paupertate rejectâ divitiis congerendis jugiter insudare.

Ab expositione.

Quæ sibi quid velint consideremus. Vitam pauperis cum honestate conjunctam longè præstantiorem innuit esse, quàm quæ perpetuâ contrahendum opum libidine divexatur. imò longè consultius in mare præcipitem dari, quàm perversis opum coacervandarum studiis distorqueri.

À causa.

Longè enim melius est parum cum timore Domini, quàm thesauri magni, & insatiabiles. Et quid in se mali habet paupertas sacra? quid non potius boni? Hæc à Deo profecta, manu ductrix quædam est in via quæ ducit ad cælum, unctio athletica, exercitatio quædam magna & admirabilis, portus tranquillus. Et nihil opulentiùs eo, qui paupertatem sponte diligit, & alacritate suscipit, ut ait J. Chrysostomus serm. 18 super epistolam ad Hebræos. Divitiis igitur paupertas anteponenda, quæ securitatis asylum est, vitiorum expultrix, & ingenii reppertrix; ut Græci rectè dixerint, Πενία τὴν σοφίαν ἵλαχεν, id est, Paupertas sapientiam adinvenit, Cic. 5. Tuscul. Dies me deficiet, si velim paupertatis causam defendere. Aperta res est, & quotidie nos ipsa natura admonet quàm paucis, quàm parvis rebus egeat, quàm vilibus. Quid igitur prodest divitiarum gloria fluxa & fragilis? Felices pauperes si sua bona nòrint.

Quan-

Quantum hominibus divitiæ incommodent, vel *A contrario*
cæco manifestum est. Plenæ sunt curarum atq; so-
licitudinum. Juvenal. Satyr. X.

Pauca licet portes argenti vascula puri,
Nocte iter ingressus gladium contrumque timebis,
Et motæ ad lunam trepidabis arundinis umbram.
Cantabit vacuus coram latrone viator.

Et, — nulla aconita bibuntur

Fistilibus: tunc illa time, cum pocula sumes
Gemmata, & lato Setinum ardebit in auro.

Præterea stultitiam patiuntur opes, tollit amicos
opulencia. Særitas (ut proverbio dicunt) ferocita-
tem parit.

Divitiæ superbos ac insolentes reddunt, vim infe-
runt, libidini fomenta subministrant, largitionibus
jura subvertunt, tyrannidē augent, ac mutantur. Bre-
viter, vitiis omnibus fenestram aperiunt.

Nullum crimen abest, facinusque libidinis, ex quo
Paupertas Romana perit; hinc fluxit ad * istos

Et Sybaris colles; hinc & Rhodos & Miletos.

* Romanos
colles.

Atq; coronatum & petulans, madidumq; Tarentum.

Prima peregrinos obscena pecunia mores

Intulit, & rursi fregerunt secula luxu

Divitiæ molles, ut ait Juvenal. Satyr. 6.

Contrà, paupertas est tuta securitatis mater,
omnis virtutis, atque sapientiæ productrix, omnium
civitatum conditrix, omnium artium repertrix,
omnium peccatorum inops, omnis gloriæ munifi-
ca, cunctis laudibus apud omnes nationes perfun-
cta. Eadem enim apud Græcos in Aristide, justa; in
Platone, benigna; in Epaminonda, strenua; in So-
crate, sapiens; in Homero, diserta. Eademq; pau-
pertas populo Rom. imperium à primordio funda-
vit, proque eo Diis immortalibus simpulo & carino
sacrificabant, ut ait Apuleius Orat. 1. August. super
Psalm. 76. Omnis philosophiæ magistra nobis est
inopia.

A simili.

Quemadmodum vinum (ut proverbio dicitur) senem vel nolentem saltare compellit ; ita nihil tam ineptum, nihil tam à virtutibus omnibus alienum est, ad quod non incitet atque pelliciat divitiarum affluentia atq; luxus. Et quemadmodum divitiarum frons hilaris multis intus amaritudinibus est referta: sic paupertatis horridior aspectus, solidis & certis bonis abundat, ut ait Valerius Maximus. Et quemadmodum Campana luxuria invictum armis Annibalem illecebris suis complexa, vincendum Romano militi tribuit: ita Romanæ paupertatis frugalitas peperit victoriam. Arcesilaus paupertatem comparabat Ithacæ, patriæ Ulyssis, quod juxta Homerum aspera quidem esset, sed bona *νεοτρεβος*, id est, juvenum alrix, dum eos consuefacit frugaliter & continenter vivere, & ad omnem virtutis functionem exercet eos.

Ab exemplo.

Respice divitem illum in Evangelio, qui pretiosis quotidie vestibus induebatur, splendideque vivens, genio indulgebat. Cui quid aliud perniciem attulit, quàm divitiæ? Et quid aliud perditio illi filio peccandi præbuit occasionem? Quid Judæ Christum prodendi, nisi vis pecuniæ, atq; iniquitatis mammona?

Hinc ille Eutrapelus cuicumque nocere volebat, Vestimenta dabat pretiosa: beatus enim jam Cum pulchris tunicis sumet nova consilia & spes: Dormiet in lucem, scorto postponet honestum Officium: *ut ait Horat. 1. Epist.*

Rectè Crates ille Thebanus, qui cùm ad philosophandum Athenas proficisceretur, magnum auri pondus in mare projecit; inquit, Se non posse virtutes & divitiarum simul possidere. Hinc Moses natū grandior noluit vocari filius filiae Pharaonis, potius eligens paupertatem pari, & simul affici malis cum populo Dei, quàm temporariis peccati com-
modis

modis frui: majores arbitratus divitias probrum Christi, quàm Ægyptiorum thesauros, Heb. 11.

*A testimo-
nio.*

Sapienter in Epistola Seneca: Aude, inquit, ho-
spes, contemnere opes, & te quoque dignum Finge
Deo. Non alius Deo dignus est, quàm qui opes con-
tempserit. Et in Evangelio Christus ipse testatur,
Camelum faciliùs transire per foramen acûs, quàm
divitem intrare in regnum cœlorum. Proinde S.
Bernardus in sermone de omnibus Sanctis: Vis, in-
quit, obtinere cœlum? paupertatis utilitatem com-
plectere: Regnum cœlorum est pauperum: beatus
qui post illa non abiit, quæ possessa onerant, amissa
cruciant.

Quapropter cùm paupertas multorum causa sit *Epilogus.*
honorum, divitiæ autem complurium fons & origo
malorum: quid aliud restabit, quàm ut illam laudi-
bus evehendo amplectamur; has autem elevando
flocci faciamus?

Aliud sententiæ exemplum.

ARGUMENTUM.

Κοιμώμενος ὁ δούλος ἑδράζει ἑξῆς.

Hoc est,

Nemo dormiens ullâ re dignus.

Divinis ingenii frugibus abundans Plato, cœd usq; *Exordium
à laude.*
fuit in eloquentia progressus, ut si ipse Jupiter
cœlo descendisset, nec elegantiore, nec beatiore fa-
cundiâ fuisset usus. Tantam enim vinâ tantâque
copiam undique collegerat, ut invicem per totum
terrarum orbem dispergi atque dilari possit, ut ait
Valerius lib. 8. cap. 7. Multa autem præclara proru-
lit, e quibus illud, quod in legibus scriptum reli-
quit, Nemo dormiens ullâ re dignus.

Quo somnolentos reprehendebat, & ad virtutis *Ab exposi-
fructum tione.*

fructum nunquam perventuros affirmabat eos, qui non per studia, atque labores dextrum illum virtutis arduum & difficilem callem ingressi fuissent, sed in lato atque molli voluptatis hærentes, vitam desidiosam exegissent.

A causa.

Etenim ὁ φεύγων μύλην, ἀλφεῖα φεύγει. Qui fugit molam, fugit farinam. Qui refugit industriam, non fruetur emolumentis. Nullus tibi contingeret honor, nisi tuam adjunxeris industriam. Bonarum literarum studia sequitur gloria: ignaviam autem contemptus & inopia. Cum igitur, quæ pulchra sunt, difficilia sint, qui nucleum (ut aiunt) esse vult, nucem frangat oportet.

A contrario

Optimum aiunt opsonium senectuti laborem esse: Laborandum enim est in juventa, quò senectuti suppetat commodius vivendi facultas. Porro non iniquè comparatum est, ut desides & veterinosi juvenes in summam ignominiam atque paupertatem incurrant; honestis autem studiis intenti, & industrii, consequantur auctoritatem, gloriam, atque divitias. Hæc virtutis sunt præmia, illa detestabilis ignaviæ stipendia.

A simili.

Quemadmodum qui in certaminibus Olympicis non pugnassent fortiter, nullis afficiebantur honoribus: & agricolæ otio torpentes, & arva relinquentes inculta, nihil præter zizania consequuntur: Ità desides adolescentes ad gloriam nullam evecti, bonis omnibus destituuntur. Etenim si quis apes, quòd sint aculearæ, nolit perpeti, is nec melle quidem, quod optat, fruetur.

Ab exemplo.
Cleantes.

Aristotelem considera, qui si torpuisset otio, ad excelsum illud eruditionis & honoris culmen non fuisset evectus. Contemplare Phanii filium Cleanthen, qui summâ pressus inopiâ, noctu hausit in hortis aquam, ut interdum studiis liberalibus operam impenderet. Unde *ὀπρετής* appellatus, hoc est, putreos

teos exhauriens, secundum Diogenem Laertium lib. 7. Item Euclidem respice: qui summo literarum amore flagrans, nullos subterfugiebat labores, imò grave periculum subibat, ut tempore nocturno Socratem audiret. Vide Gell. lib. 6. cap. 10. *Euclides.*

Sapienter Græci dicunt: *Θεοὶ τ' ἀγαθὰ πόντοι πω- A testimo-*
λίσκω, id est, Dii sua munera laboribus vendunt: quo nio.
docent, sudore perveniendum esse ad gloriam.

Quisquis enim duros casus, virtutis amore,
Hauferit, ille sibi laudèmq; decúsque parabit.
At qui desidiam luxúmque sequetur inertem;
Dum fugit oppositos incauta mente labores,
Turpis inópsq; simul miserabile transiget ævum.
Rectè igitur Plato censuit, Nulla munera desidio. *Epilogus.*
fis deberi: gloriam autem atque virtutis præmia stu-
diosius esse parata.

Aliud sententia exemplum.

ARGUMENTUM.

Boni pastoris est tondere pecus, non deglubere.

Tiberius Cæsar meritâ laude celebrandus esset, si *Exordium*
quam bene cœpit vitam, bene transegisset. Qui, *à laude.*
Diogene grammatico, ac Theodoro Gadareo rho-
tore præceptoribus usus, in doctû virum evasit. Unde
princeps sui initio miram prudentiam præ se fere-
bat. Et proculdubio feliciter regnâset, si non eum
vivendi licentia, nec (quæ hominum teterrima pestis
est) voluptas transversum egisset. Ad quem scopu-
lum priusquam fecisset naufragium, principe dignis-
simam protulit sententiam.

Quâ monuit pecunias à subditis itâ exigendas es- *Ab exposi-*
se, ut relinquatur sors, unde res possit crescere. *tione, & à*
mnat *ὁ βασιλεὺς*, qui purpurati omnia converrunt in *causa.*
fiscum suum, & quocunquē se conferunt, abradunt
itâ,

itâ, arque spoliant, ut cum carne pellem detractam dicas.

*Expilator
bomicida
est. Necare
ut dicitur
qui alimen-
ta aufert.
Boni enim
principis in-
terest, quàm
locupletissi-
mos habere
subditos.*

A contrario

A simili.

*Ab exem-
plo.*

*A testimo-
nio.*

Etenim boni pastores itâ rondent, ut lana detonsa possit renasci: at qui deglubunt, nihil reliqui faciunt. Quos expilatores crudelissimos non injuriâ homicidas vocare possis, juxta illud Ecclesiast. 34. Panis egentium, vita pauperis est: qui defraudat illum, homo sanguinis est. Qui aufert in sudore panem, quasi qui occidit proximum suum.

Pauperibus omnes facultates eripere facinus est omnium teterrimum: at subditorum fortunas augere, præclarissimum. Unde Artaxerxes, Xerxis filius, solitus fuit dicere: Regalius esse addere, quàm adimere. Sentiens principe dignius, honorem & opes eorum, quibus imperat, exaugere, quàm minuere. Et Prolomæus Lagi filius, Regalius esse dicebat ditare, quàm divitem esse.

Ut arbores frugiferae, quarum radices evulserunt agricolæ, nullos poterunt amplius producere fructus: sic crescere non possunt populi, qui divitum pascua vocantur, quorum oppressorum facultates tyranni funditus exhauserunt, arque abstulerunt.

Exemplo sint miserabiles Christianorum populi, quos in suam potestatem redegit Turca, quos expilat, & funestat itâ, ut omnis recuperandarum virium spes sit ablata: Et Loerensium opes sic attriverat olim. Qu, Plemminius, ut de omnibus eorum facultatibus penè actum fuisset, nisi immaniter afflictis Romana succurrisset justitia.

Eandem Tiberii sententiam aliis verbis Alexander ille Macedonum rex, cognomento Magnus, proferens inquit, *ἀπώρεν μὲν τὸν ἐν ῥίζῃς ἐντρυφόντα καὶ λαχόντα*, hoc est, Olitorem odi, qui radicibus excidit herbas, ac arbores ab ima stirpe revellit. Quâ tyrannidis arguit eos, qui longè plus vectigalium, quàm

quàm subditorum fortunæ queant ferre, solent à civitatibus inclementer extorquere: quam impiam rapiendi cupiditatem Diogenes appellat omnium malorum arcem.

Meritis igitur laudibus, dignam principe Tiberii sententiam celebrandam esse confirmabunt, qui perpende-
Epilogus.
rint, iniquissimas exactiones esse, quibus ita plebis vires exhauriuntur, ut ad se redire non possint.

Aliud sententiae tractatae exemplum.

ARGUMENTUM.

E squilla non nascitur rosa, nec hyacinthus.

Tanta semper fuit Theognidis & doctrina & auctoritas, ut ejus scripta velut oraculi vicem obtinuerint apud omnes, cum nihil protulerit, nisi quod splendidissimum ac verissimum esset. *Ab auctoritate laude.*

Ejus imprimis sententia præclara circumfertur, quâ prudenter edocuit, è squilla rosam non nasci, è tribulis ficum, è sentibus uvam, ab ancillis filios liberos, ex improbis parentibus probos filios, è præceptoribus indoctis eruditos discipulos non produ-
Ab explanatione.
ctum iri.

Etenim quod in se nihil prorsum habet nisi sordidum ac ignominiosum, nihil dignitatis vel honestatis proferre potest. Quippe *A causa.*
Μαλὸν κορυβὶς ὄνιον
Mali corvi malum ovum.

Constat ab herbis salubribus salubria germina, ab arboribus bonis bonos fructus expectari. Item à virtute præditis maioribus, honestam sobolem: at nunquam ex arboribus malis bonos fructus, & nunquam ex malo patre (juxta proverbium) bonum filium procreari. *A contrario.*

Ut aquam ex pumice frustra postulaveris, & ficus è zizaniis: ita probos à vitiosis parentibus liberos
A simili.
incassum

incassum expectaveris. Quippe ut nihil aridius pumice, nihilque ad fructus meliores producendos ineprius zizaniis; ita malitiosi parentes minus idonei sunt ad conferendam liberis virtutem, quā carent ipsi.

—Serpente ciconia pullos
Nurrit, & inventa per devia rura lacerta,
Illi eadem sumptis quærunt alimonia pennis,

Ut ait Juvenalis. Sat. 14.

Ab exem-
plo Tarqui-
nii. Livius
dec. 1. lib. 1.

Respice Lucium Tarquinium Lucumonem, qui urbe Tarquinii profugus, Romam petiit, ubi pecuniis dignitatem, & industriā sceleratā regis Ancii familiaritatem consecutus erat: à quo tutor liberis relictus, regnum iniquis rationibus intercepit, omnes finitimos miseris modis afflixit, & potentes duodecim Tusciæ populos innumeris cladibus attrivit. Cujus pessimi regis pessimus filius erat, ut moribus Superbi cognomen meruerit: qui Servium Tullum socerum suum in curiam properantem, gradibus dejecit, ac domum refugientem, interfecit: mox regnum, patris exemplum imitatus, scelestè occupavit. Hujus item filius, Sextus Tarquinius, ut corpore patrem iniquum, ita pectore vitiiis omnibus corruptissimo, retulit: qui Gabios prodidit, & jure propinquitatis in Collatini domum receptus, in cubiculum Lucretiæ irrupit, ac pudicitiam expugnavit. Breviter Tarquiniorum progenies per malitiam à majoribus velut per manus traditam, eò processit, ut profligata fuerit, & veluti aurum (quod aiunt) Tolosanum funditus interierit. De qua re vide Augustinum lib. 3. de Civitate, cap. 10. Quibus rationibus commotus Euripides ait,

A testimo-
nio.

Φῖν φῖν, παλαῖος αἶνος αἶς καλῶς ἔχει,
Ὅτ' καὶ γένειο χρυσὸς ἐν χρυῷ πατρὸς.
Id est,

Hus

Heus heus, ut illud dictitant rectè, probum
Patre ab improbo non posse nasci filium!

Et Horatius 4. Odarum 4.

Fortes creantur fortibus & bonis:

Est in juvencis, est in equis patrum

Virtus; nec imbellem feroces

Progenerant aquilæ columbam.

Bono igitur jure laudandus est Theognis, qui *Epilogus.*
protulit eam sententiam, quâ ut nihil elegantius,
itâ nihil verius queat inveniri.

De Destructione, sive Subversione,

Græcè ἀναστροφή.

CAP. V.

Destruction vel subversio, est propositæ alicujus *Destruction.*
rei reprehensio. Subvertenda verò neque ma- *Subversio*
nifesta valdè, neque prorsus incredibilia, sed ea quæ *enim non*
velut mediæ sunt conditionis. *tantum in*

Oportet autem, cum subvertere aliquid voles, *fabulosis &*
primùm eos reprehendere, qui dixerunt: deinde *carmine*
subjicere rei expositionem: postea ipsam subvertere *traditis si-*
capitibus hisce; *eri potest,*
verum etiâ

{ Obscuro, { Inconsequenti,
{ Incredibili, { Indecoro,
{ Impossibili, { Inutili.

in ipsis an-
imalium mo-
numentis,
Quintil. lib.

Hoc autem præexercitamentum omniem prope- *2. cap. 4.*
modum artis vim in se complectitur. Exemplis ar-
gumentum erit, non esse verisimilia, quæ de Daphne
dicuntur à poetis.

Poëtarum coarguere ineptiam, absurdum mihi *Exordium*
videtur, cum vel ipsi fidem sibi detrahant his maxi- *à repren-*
mè, præter alia, quæ de diis imprudenter fabulantur. *sione.*

Prorsus

" Prorsus enim supervacuum videtur, poerarum ul-
 " lam nos habere rationem, qui deorum, quorum cu-
 " ra omnia gubernantur, nullam ipsi habeant curam.
 " Et grave quidem videretur, quisquis ab ipsis dep-
 " rum in fabulam missus esset: Apollinem verò, quem
 " artis suæ ducem videri voluit, impudentiæ materiam
 " esse, quis erit, qui a quo animo perpeti possit? Libet
 " ergò audire, qualia de Apolline & Daphne con-
 " fingant.

*Ab exposi-
tione.*

Daphne, inquit, ex Terra Ladonéque fluvio
 procreata est. Hanc, ob egregiam speciem eximium-
 que oris decorem, Phoebus adamavit, cupiēsq; deus
 restinguere desiderium suum, aspernantem fugien-
 témque secutus est, sed comprehendere nequit. Ve-
 rum Terra mater, assumptâ filiâ, florem, eo quo pu-
 ella nomine, pro ipsa exhibuit, ipsam verò in arbu-
 stom vertit, cujus rami propter desiderium puellæ
 in coronam Pythio tripodi dicati sunt; flos verò in
 mercedem cessit divinationis. Huiusmodi quidem
 sunt, quæ illi fabulantur, quæquàm sit in promptu

*Ab obscuro
& non pro-
babili.*

confutare, hinc facile liquet. Daphne ex Ladone
 & Terra procreata est. Quis oro, tam demens, ut ex
 his quenquam nasci posse credat? Ipsa homo fuit, illi
 autem diversam, & suam uterque, habebant naturam.
 Quomodo verò Ladon Terræ conjunctus est? an
 quòd aquis ipsam inundat? Quin omnes, ergò fluvii
 terræ mariti dicantur, cum nullus ipsam non aquis
 suis irriget? Quòd si ex fluvio homo natus est, quidni
 ex homine fluvium quoque nasci posse credimus?
 Qui minùs enim tales ex filijs poterūt gigni, quàm
 ex qualibus ipsi prodierunt? Jam quo pacto nuptias
 fluvii, terræque nominant? Sentientium enim con-
 jugium est. Terra autem, fluviusque sensus sunt
 prorsus expertos. Ipsa verò Daphne utrùm pater-
 num secuta genus, inter fluvios numeranda est, an
 pater filiae homo putandus?

Verum

Verum esto, concedatur poëtis natam Daphnem *A diffidit.*
ex Terra & Ladone. Nata ergo puella apud utrum
educata est? Ut demus enim nasci ita potuisse: ut
educaretur fieri tamen non potuit. Ubi enim ver-
sata est puella? Hercule apud eum qui genuit. Ec-
quis ergo hominum vitam in fluvio ducit? Oblivi-
scetur enim naturæ suæ pater, citiusque submerget
fluctibus, quam alet. Verum sub terra apud matrem
habitavit. Latebat ergo, nulliusque aspectui in oc-
culto posita parebat: cujus autem latebat decor, nul-
lius animum movere desiderio potuit.

Vis & hoc assentiamur poëtis? Quomodo tan- *Ab inde-*
dem amavit deus, & impotentî affectu à natura sua *coro.*
degeneravit? Amor omnium rerum, quæ humanas *Amor res*
solicitant mentes, est pessima. Impium autem vide- *pessima.*
tur, gravissima naturæ nostræ diis quoque attribu-
ere. Nam si omni ex parte nostris teneantur in-
commodis, qua in re mortalibus præstabunt? Nihil
autem malorum esse quod non experiantur, certum
erit, si amore, quod omnium pessimum est, torque-
antur. Sed neque divina natura hanc ægritudinem
capit, neque credibile est Phœbum adamasse.

Insequens verò puellam Phœbus quomodo ab *Ab incon-*
ea victus est cursu? deus ab homine? Viri enim ma- *sequenti.*
lieribus præstant, & deum fœmina superavit? Et
quæ reliquis hominibus par esse non potest, ei deus
cessisse creditur? Quamobrem autem fugientem
puellam mater excepit? An quia malas nuptias pu-
tavit? Quomodo ergo ipsa facta est mater? An
verò bonas credidit? Cur ergo id bonum filiae in-
vidit? Aut ergo mater non fuit, aut malam fuisse
matrem constabit.

Quid ita verò Terra secum suis ipsa operibus dis- *Ab inutili.*
sensit, offenditque Phœbum, filiam auferens, rur-
sumque redditâ ejusdem nominis arbore ipsum ob-
lectans? Non debebat gratificari illi, si offendere
ipsum

ipsum volebat. Quare demum arbore illa tripodas coronavit? Arbor enim voluptaris fuit merces; divinatio verò virtutis est indicium. Quomodo ergo deus conjunxit ea quæ naturâ repugnant? Cur mortalis quidem amica, immortalis verò amator?

Peroratio.

Sed finis sit: neque enim plura de poëris dicam, nè ipsorum ineptiam longius insectando, in eandem, quam in illis reprehendo, vanitatem videar incidisse.

SCHOLIA.

Destructio, &c. Quam alii nuncupant improbarionem, alii confutationem. Quintilianus lib. 3. cap. 4. vocat opus destruendi. Idem lib. 5. cap. 13. refutationem, Græci ἀναστροφήν, quibus ἀναστρέφειν est condere, componere, struere, ἀναστροφάειν destruere, labefactare.

Subvertenda verò, &c. Hoc est, oportet refutationes de illis rebus fieri, quæ ancepsitem adhibent opinionem, ut ait Priscianus. Non enim, quæ planissimè falsa sunt vel vera, refutanda sunt. Quales sunt Æsopicæ fabulæ, vel historiarum indubitabiles. Ut si volueris refutare, bruta animalia atque bestias more hominum aliquando fuisse locuras: Vel anno præterito flammis absumptam Hadamariam.

Medie conditionis, &c. Hoc est quæ medium servant ordinem, de quibus in utramque partem oratio poterit institui. Ut si confutes, Antipodas esse. Arionem delphino vectum. Annibalis exercitum humanas carnes edisse.

Obscuro, &c. Ab incerto Priscianus ait: Ut, Incertum est tempus, quo vixerit Narcissus. Non manifestum est, quot annos post cladem Cannensem Annibal Carthaginem miserit. Non constar ubi cervi abjiciant cornua.

Incredibili, &c. Ut, Incredibile est Arionem mali affe-

affectum voluisse canere. Supra fidem est; Daphnen à flumine Ladone procreatam, aut Nioben in saxa conversam.

Impossibili, &c. Ut, impossibile erat Arionem à delphino servari. Impossibile erat Stentora quinquaginta alios sermone æquasse, sonitūque.

Non coherente, &c. Ab inconsequente secundum Priscianum. Quod & contrarium appellat: Ut, contrarium erat voluisse perdere libertatem eum, qui eam servasset.

Indecorum, &c. Hoc est, ab indecente. Ut, Indecens erat Apollinem, cum sit deus, libidinosum voluisse virgini vim inferre. Non decuisset imperatoriam Scipionis dignitatem pulcherrimis (quas expugnata novâ Carthagine cepit) virginibus stuprum inferre: honestius erat injuriæ muliebri obnoxias, intactas custodire.

Inutili, &c. Hunc locum Priscianus ab incommodo vocat, cum dicimus, rem ineptissimam esse, quæ nulli vel usui vel honori futura sit: ut, Oria sunt abroganda, unde nulla commoditas, vel laus vera promanet.

Artis vim, &c. Etenim instrumentis omnibus rhetoricis opus habet, cum tota spes vincendi, ratioque persuadendi posita sit in confirmatione atque confutatione. Nam si adjumenta nostra exposuerimus, contraria autem dissolverimus, absolute nimirum munus oratorium confecerimus, ut ait Cicero.

Coarguere ineptiam, &c. Duplicem hujus declamationis formulam nobis proponit. Prioris est sententia, Absurdum esset, ineptias poetarum reprehendere, aut verbis contradicere, nisi ipsi in causa essent, falsaque, confingendo nos adversum se concitarent. Alterius, Stultum esset poetis parcere, cum ipsi diis immortalibus non parcant, sed in deos omnes,

maximèque artis suæ poeticæ præsidem Apollinem debacchentur.

Apollinem, &c. Hic Musarum princeps, & dux est. Unde *μουσάρχης* appellant, autore Macrobio lib. 1. de Somn. Scip. cap. 3. Idem 1. Saturn. cap. 7. vocatum ait, *ὅτι τὸ βῆδεν τοῦ ἀκτίνος*, id est, à jactu radiorum. Eundem Phœbum, *ὅτι τὸ φῶς ἔστι βῆς*, quòd vi feratur. Torrellius derivat à lumine vel nitore, *ὅτι τὸ φῶς*.

Daphne, &c. Hanc Aphrthonius ait filiam esse Ladonis, qui fluvius lauris circumseptus est in Arcadia. Ovid. autem 1. Metamorph. tradit filiam Penēi, unde Penējam, ac Penēida vocat. Est autem Penēus Thessaliæ fluvius, inter Ossam & Olympum decurrens, apud quem est locus amœnissimus, qui Tempe dicitur: Unde Virgil. ait 4 Georgic.

—Fugiens Penēia Tempe.

Ovid. 1. Metamorphos.

Est nemus Æmonia, prærupta quod undiq; claudit Sylva, vocant Tempe, per quæ Penēus, &c.

Fertur autē duas habuisse filias, Cyrenen & Daphnen. Vide Bocat. l. 7. c. 29. Porro poëtæ finxerunt, Daphnen è Ladone procreatam, quòd lauri, & arbores proveniant nascanturq; de fluvialibus undis.

Item, autore Fulgentio, laurum Apollini dedicarunt, quoniam si eam dormientibus ad caput posueris, vera somnia videbunt.

Pythio, &c. Python vel Phython horrendæ magnitudinis è terra calefcente post Deucalionis diluvium procreatus serpens, quem Phœbus interemit, unde Pythius est appellatus, & in honorem ejus ludi instituti Pythia dicti, Ovid. 1. Metamorph.

Instituit sacros celebri certamine ludos,

Pythia perdomiti serpentis nomine dictos.

Sunt qui sic dictum asserant *ἀπὸ τοῦ πυθνός*. At Macrobius, 1. Saturn. cap. 17. à *πῦρ*, hoc est, *incensum*, tra-

tra-

trahit, quod nunquam sine vi aliqua caloris effici-
tur putredo.

Tripodi, &c. Tripodes, à tribus pedibus dicti fue-
runt, autore Servio super 4 Æneid. mensæ in Apol-
linis Delphici templo, quibus superpositæ Phœba-
des vaticinabantur, vel ex quibus responsa daban-
tur. Dicebatur etiam Cortina. Virg. in 6. Æneid.

— Neq; te Phœbi Cortina fecellit.

Fuerunt autem duo summæ fidei oracula, Delphica
& Pythia. Vide Erasmi. in proverbio, Ex tripode.

Jam quo pacto, &c. Non probabile est, inquit,
nuptias factas esse inter res inanimatas, cum Hyme-
næus eorum sit qui sensus habeant. Præterea,
cum in dubio sit an inter fluvios filia Daphne, an
Ladon pater inter homines recensendus.

Amor res pessima, &c. Unde Euripides,

— *Ἄγρις ἔσθ' ἡ ἀγάπη καὶ ἡ πόσις.*

Mortalibus amores quàm magnum malum. Qui
bonis hominibus non conveniunt, nedum Apollini
Deo. Rectè apud Diogenem Laërtium Zeno: A-
mor est, inquit, concupiscentia quædam, in præ-
stanti ingenio viros non cadens.

Viri mulieribus præstant, &c. *Ἄνδρες ὑπερβαίνειν θήλειαν*, viri supe-
rant, vincunt fœminas. Etenim fœminæ debiliores
sunt maribus, quia frigidioris naturæ, ut de animal-
bus ait Aristoteles.

Refutationis exemplum.

ARGUMENTUM.

Falsum esse quod Herod. l. i. scripsit super Arione
fidicine. De quo vide Gel. l. 16. c. 19. Ovid. 2. Fast.

Primam historiæ legem Cicero tradit esse, ut
vera sit, nec admisceat aliquid falsi, quam Græ-
ci non servando, sed creditu indigna turpiter con-
fingendo, fecerunt, ut fidem amiserint, & Græcia storia.

*Arion ve-
ctus à del-
phino.*

*Exordium
à reprehen-
sione.*

Est enim

lumen ve-

ritatis bi-

mendax credatur, & Herodori scripta vana, atque mendacijs confuta maximè ea, quæ super Arione prodita circumferuntur.

Ab expositione.

Arion, inquit, citharædus, grandi pecuniâ, & re bonâ multâ copiosus, Corinthum ex Sicilia, & Italia constituit redire. Nautas igitur Corinthios delegit, qui prædæ pecuniæque cupidi ceperunt consilium de necando Arione. Hic perniciæ intellectâ, pecuniam insidiatores haberent, vitam darent, oravit. Atqui nautæ imperârunt, ut jam statim corâ desiliret præceps in mare. Homo ibi territus, spe omni vitæ perditâ, id unum rogavit, ut priusquam mortem oppeteret, induere permitterent sua sibi vestimenta, & fides capere & canere carmen casus illius sibi consolabile. Quod oraverat, impetrat, atque ibi mox de more cinctus, amictus, ornatus, stansque in summæ pûppis foro, carmen, quod prædictum dicunt, voce sublatissimâ cantavit. Ad quod delphinum inter undas adnavisse, & dorso super fluctus edito Arionem vectavisse, incolumique eum corpore cum cithara atque vestimentis illæsis, Tænarum in terram Laconicam devexisse confirmat Herodotus.

Ab obscuro.

Ecquis asserat conspicuum atque planum esse, Arionem in mare præcipitatum fidibus cecinisse, ipsum fluctibus non obrutum, nec citharam humoris impatientem aspergine marinâ corruptam, neque vestes à procellis absorptas, sed omnia integra ipsumque citharædum salvum evasisse beneficio marinæ belluæ?

Ab incredibili.

Ab Arione fidicine magnam pecuniæ vim collectam admitto, licet id ipsum multis difficillimum creditum; cum juxta proverbium, Bonus cantor bonus cupediarius, promissusque magis quam condus. At quis, oro, tam demens, ut persuasum habeat fidicinem in tanta calamitate, & in tantis vitæ periculis constitutum se ornare, & canere potuisse? Porro, quem

quemadmodum nemini fidem feceris, Priamum in filiorum funcribus plauisse, & Nioben in tanto natorum luctu saltavisse: sic nemo credideris, hominem in extrema necessitate, capitisque periculo fidibus delectatum cecinisse carmen non vulgare, rebus scilicet requirentibus habitum potius lugubrem, aut Musam quam vocant Caricam,

Verum esto, concedatur illum potuisse canere. & delphinum musicâ demulsum, sed cum sit omnium non solum marinorum animalium velocissimus delphinus, ocyor volucre, & telo acrior, juxta Plinii sententiam, quomodo ejusdem dorso, potuit Arion pendere; ubi si commoda etiam fuissent retinacula, iis tamen fidibus intentæ manus uti non potuissent? Sed esto, non sit excussus: at quomodo vortices perferre potuit, & semper æstuantis, furemisque maris impetus, æquoreosque turbines atque procellas, quæ remos frangere, proras avertere, & maximas naves devorare solent, atque submergere?

Ab impossibile.

Quid ab historico magis alienum quam ista mendacia confingere? Quid minus conveniret humanæ naturæ, quam in summo rerum asperimarum periculo canere. Quid in truculentarum belluarum ad feritatem natarum naturam minus quadraverit, quam eas, nativâ rabie depositâ, mansuescere, placidorumque equorum officiis fungi, mariâque super-equirantem hominem dorso portare?

Ab indecoro.

Calamitatis dolor est comes, atque luctus; prosperioris fortunæ cantus & lætitia: sed quomodo in summum vitæ discrimen adductus Arion, lætitiae vestimenta potuit induere, musicisque cantilenis indulgere? At idem in mare præcipitatus, quomodo emerfit, quomodo marinis humoribus perfusus, & horrore perculsus, fides, quas inutiles aqua reddit, tractavit? quomodo societatis humanæ atque rationis expert delphinum,

A contrario

equum domitum imitatus, citharædum veluti equi-
tem vexit, & monstrator itineris in portum, quem
opravit homo, deduxit:

Ab iniitiis.

Quorsum ista tam absurda commenta, & inutilia
vel auditu, vel relatu figmenta, unde nulla morum
cultura, nulla item ingeniorum commoditas pro-
manat?

Epilogus.

Finem modò faciam, nè in Herodotum invec-
tus, calumniari videar, & prolaxis verborum ambagibus
usus, molestiis afficiam cos, qui credulitatis vitio
non laborantes, noverunt mera deliramenta esse,
quæ de Arionis fabula memoriæ sunt prodita.

Aliud refutationis exemplum.

ARGUMENTUM.

Vanum esse, Elpenora mutatum fuisse in porcum.

UT fabulæ poetarum honestæ, delectandi gratiâ,
vel docendi causâ conscriptæ, laudem mercen-
tur: sic absurda, quorum nullus est usus, mendacia,
carbone notanda, minimèque sunt ferenda: cujus
farinæ sunt ea, quæ finxerunt de Elpenore.

*Circes fa-
bulam ex-
plicat apud
Xenophon-
tem, primo
memo. So-
crates.
Ab expositi-
one.*

Quem sociorum Ulyssis unum fuisse perhibent,
& à venefica Circe, Solis ac Persæ filiâ mutatum in
porcum, atque ex homine per pocula bestiam qua-
drupedem factum: juxta illud Juvenal. Satyr. 15.
Cum remigibus grunnisse Elpenora porcis.

—Circes, (inquit Horat.) pocula nôsti,

Quæ si (Ulysses) cum sociis stultus, cupidusque
bibisset,

Sub domina meretrice fuisset turpis & excors:

Vixisset canis immundus, vel amica luto sus.

Ab obscuro.

Quod figmentum nemo, præditus etiam Atticâ elo-
quentiâ, perspicuum, aut planum fecerit homini
rationis

rationis compoti. Obscurior enim res est, quàm ut
ulla dicendi facultate queat illustrari, & intellectu
tam difficilis, ut nè Apollo quidem (ut proverbio
dicunt) intelligat.

Quis tanto credulitatis vitio laboravit, cui verum *Ab incre-*
esse videatur, hominem in porcum transformari po- *dibili.*
uisse, idque per feminam, quæ ut viris infirmior
est, ac ineptior, ita minus idonea ad capeffendas at-
que sibi vendicandas divinæ virtutis artes, quibus
tanta miraculorum spectacula solent exhiberi, &
virgulâ, ut aiunt, divinâ suppeditari?

Ecquâ ratione vel efficaciâ fieri potuit, ut huma- *Ab impos-*
na facies in ferosum porci caput transformaretur, *sibili.*
manus cum digitis in pedes bisulcos transirent, &
breviter in animal deforme, terram semper spectans
ac fodiens, converteretur homo?

Cui Deus os sublime dedit, cœlûmque videre

Iussit, & erectos ad sydera tollere vultus.

Non decuisset Circen id attentare, vel sibi potenter *Ab inde-*
arrogare, quod solius divinæ virtutis est opificium. *centi.*

Ad hæc, indecens admodum fuisset, humani corpor-
is figuram, ad Dei similitudinem factam, in porcina
membra convertere, naturâque ratione divinâ
præditam, sordidissimâ pecoris carne debonestare.

Veneficils potens Circe fuerit, esto. Sed quomo- *Ab incoha-*
do à trivenefica porrectum (quod haustum in sto- *renti.*

machum trajici, deinde in visceribus absumi, atque
confici solet) poculum poruit torum Elpenoris cor-
pus immutare? Quis unquam audivit sumpra pocula
secutas fuisse corporum transeuntium in alias trans-
formationes, & non potius, pristinâ membrorum fi-
gurâ permanente, sanitatem, vel adversam valetudi-
nem concomitantam?

Quæ malè feriatorum hominum deliramenta, cùm *Ab imiti-*
nihil bonæ frugis afferant, miror, quid Herodotum
juverit ista confingere: Quid item vates impulert
scriptis

scriptis suis rata facere, atque committere, ut verum perduret proverbium: *πολλὰ λαδόντες ἀσάδεις*. Multa mentiuntur poëtae. Quibus Quidlibet audendi semper fuit æqua potestas, ut Horatius ait.

Conclusio.

Desinam plura de rebus vanissimis verba facere, nè diutius in iis immorato, mihi aliqua vaniloquentiæ nota possit inuri.

Aliud refutationis exemplum.

ARGUMENTUM.

Quòd vana sint, quæ jactant barbari de Hieronymo, ob libros ethnicorum, in primis Ciceronis, lectos, flagris cæso.

*Exordium
à dicentium
reprehensione.*

Politiorum literarum hostes Cerite, quod aiunt, cerâ digni sunt, quòd lapidem moveant omnem, ut studiosos à bonis literis retrahant. Etenim multa comminiscuntur, ut bonos in erroris tenebras secum abducant. Sed videamus quænam inter cætera, quorum infinitus est numerus, phantasmata confingant, ac immensa cavi spirent mendacia folles.

Ab expositione.

Divus Hieronymus, inquiunt, cum singulari disciplinarum studio flagrans, ethnicos scriptores, in primis Ciceronem, lectitaret, nec prophani studii finem faceret; per somnium ad Dei tribunal raptus est: ubi accusatus, ad flagra damnatus fuit; ut documento esset, libros ethnicorum non esse legendos.

Ab obscuro.

Quod hominum à musis alienorum figmentum à veritate remotissimum. Cimmericisque (ut aiunt) tenebris obvolutum est. Etenim cui poterit apertum atque clarum videri, hominem mortalem, non modò somno, sed etiam carne & ossibus gravatum, in cælos rapi, in Dei conspectum produci, atque ibi ad majestatis summæ tribunal virgis cædi, propter lectos cum judicio libros ethnicorum? A quorum studiis

studiis nemo bonus unquam, nemóque pius abhor-
rere solitus, sed potiùs omnia probare, quod bonum
est tenere. Quomodo manifestum ergò fuerit, virum
sanctum vapulasse, quòd velut è luto gemmas, hoc
est, quod in ethnicorum libris optimum erat, colle-
gerit, ac indè libris suis plurimum conciliarit lepo-
ris atque dignitatis?

Ultra fidem est singulari sanctimoniâ virum con- *Ab incre-*
spicuum, è lectulo suo raptum in cœlos, ut flagris *dibili.*
caderetur, deinde virgis percussum, in terras rela-
tum fuisse. Quod si verè contigisset, proculdubio
semper à poëtarum lectionibus post datam tergo
poenam abstinuisset. At id ipsum minimè fecisse ejus
scripta testantur. Sed per somnium fuit accusatus,
per somnium damnatus, atque cæsus. Per somnium
igitur res debent credi, quæ meræ verborum umbræ
sunt.

Quomodo carnalis homo super æthera ferri, *Ab impos-*
quomodo imbecillitas humana præfulgidos cœlestis *sibili.*
splendoris atque flammaram radios perpeti, fulgu-
rantésque terribilis judicis vultus sustinere potuit?
Sed esto, potuerit id tolerare. Quomodo autem dor-
miens nihilque sentiens verbera potuit sentire?
Quomodo se tantâ formidine percussus, & in peri-
cula conjectum fuisse recordans, ad ethnicorum li-
bros redire?

Omnium pessimi sunt homines, qui nobis fingunt, *Ab inde-*
Deum illorum tortorem esse, quos è libris ethnico- *coro.*
rum, quod habetur inibi salutare, non piget excer-
pere, & in utilitatem piorum memoriæ prodere: illis
interim parcentem, qui segnes & ignavi bonas om-
nes disciplinas, quæ Dei Opt. Max. sunt munera,
contemnunt, pravâque suâ & vivendi consuetudi-
ne, & docendi ratione bonos offendunt, atque se-
cum trahunt in perniciem. Et viro sancto parum
convenerat autorum profanorum scripta, legere,

si cognoverat, ea sacris literis incommodare, aut se-
gentibus nihil utilitatis suppeditare. Esto, sint in iis
nonnulla prava dogmata: magis tamen decuerit
mala præterire, & aures obturare, quàm omnia ex
æquo damnare.

*Non repu-
gnanti.*

Scriptis quidem D. Hieronymus, ob lectos Cice-
ronis libros se flagra passum, sed puellæ teneriori,
quàm à nimio poëtices studio volebat retrahere.
scripsit per somnium accidisse. Quis indè, precor,
colligendum juraverit, eloquentissimos ethnico-
rum libros non esse legendos? Quod per somnium,
quo rem actam intelligunt, pii credituri sunt; velut
Græci dicunt, *ὡς ὕπνῳ*. Quo antiquo proverbio si-
gnificârunt, id quod nullâ ratione, nullo tempore
audeas sperare.

Sed quæ suis hisce mendaciis turpissimis commo-
da nobis afferunt bonarum literarum hostes? Com-
moda non videmus, experimur autem incommoda.
Etenim dum omnes sui similes, hoc est, indoctissi-
mos cupiunt habere, talibus terriculis juventutem à
literis sincerioribus avocant, ut similes habeant la-
bra lactucas. Ità grandiores hi facti, nulli vel rebus
privatis, vel publicis usui poterunt esse.

Facessant igitur elegantiorum literarum osiores,
ac definant per vanissimas de D. Hieronymo confi-
ctas nugas juventutem ab ethnicorum utilissimis, &
mores & ingenia formantibus scriptis detertere.

*Petrus Mosellanus copiosius & elegantius tractavit,
cujus verba non piguit ascribere.*

ARGUMENTUM.

SI unquam hoc dubium fuit, hoc vitii mortalium
Smentibus naturâ insitum esse, ut quantum quis-
que vel ipse jam sit assecutus, vel post se assequi
posse

posse speret, tantum probet; & nihil, nisi quod ipse facit, rectum paret: nunc certè dubium esse desinet, posteaquam existunt, qui quoniam ipsi optimos quosque scriptores aut non legunt, aut si legunt, non intelligunt, alios quoque ab eorum lectione deterrent: & quia errorem suum veris rationibus persuadere nequeunt, muliercularum more effctas superstitionum exemplorum minas confingunt. Nam quis desidiosissimis istis desidiæ patronis credet, propterea D. Hieronymum, ut divinarum ita humanarum literarum peritissimum, quod ethnicorum scripta legerit, cœlestis iudicii sententiâ condemnatum, de tergo satisfecisse? Opera pretium autem est, quibus verbis bellam hanc suam, scilicet, historiam narrent, exponete. Nam si veri quid haberet res, longè aliam faciem narratio ipsa haberet. Nam qui bene natos adolescentes hâc fabulâ ab honestissimarum rerum studiis abducere conantur, quanquam mendaci veritatis rectorio obducere se posse profidentur, (sophistæ enim & sunt, & appellantur) tamen infelici adeò sunt ingenio, ut cautè mentiri, & fictionem celare non possint. Sic enim aiunt: S. Hieronymus cum singulari quadam liberalium disciplinarum omnium studio flagraret, non satis habuit philosophiam & theologiam didicisse, insuper curiositate quadam provectus, ethnicos scriptores, & imprimis Ciceronem subinde legit. Placebant enim ei pulchra verba, quibus paganus ille in suis libris frequenter est usus. Connivebat ad hæc aliquandiu Deus: sed cum finem non faceret inutilis studii, per somnium ad Dei tribunal accessit, de Ciceronia lectione accusatur. Quid multis? Damnatu est ad flagra. Quibus multum diuque cæsus, satis docuit, non esse legendos libros ethnicorum, præcipuè Ciceronis. Hæc est illa terribilis historia, quam ubique adversum bonarum literarum

rarum studiosos decantant. Nam ut indocti medici uno collyrio omnium oculos sanant, ita miseri isti unum hoc habent, quo inscitiae suae patrocinantur. Sed nunc quantum efficiant, videamus. S. Hieronymus, inquit, singulari quodam liberalium artium studio flagavit. Quid ego audio? Sanctus erat Hieronymus, & tamen liberalium artium studio flagrabat? Sancti sanctè omnia & faciunt, & dicunt. Vos verò hoc nomine in ius vocatum jactaris, quòd liberales disciplinas avidius legendo sit sectatus. Aut ergò sanctus non erit Hieronymus, & disciplinae liberales erunt fugiendae: aut si sanctus Hieronymus, sanctum erit & liberales artes tractare. At quis est tam impudens, ut Hieronymo sanctitatis gloriam detrahat? Nisi fortasse dicitis tum cum sanctum non fuisse, cum prophanos autores legeret. Dicite ergò mihi ullum tempus, quo à prophanis literis in totum abhorruerit. An est aliquis liber, aliqua epistola, aliquis commentarius ejus scriptoris, in quo non prophana sacris adjunxerit? Quòd si in scribendo ad prophanos autores saepe respexit, quanto magis in legendo idem hoc fecisse eum putabimus? Aut ergò sanctitatis opinionem, quam ille sibi summam eruditione, summamque pietate comparavit, ei detrahetis; aut, si hoc non audetis, mendacium vestrum ipsi proderis. Deinde si artes ab ethnicis potissimum & inventae, & nobis traditae, liberales sunt, flagitium non erit eas didicisse. Vix me contineo quin hic sophistis istis insultem. Hocceine vester vos docuit Aristoteles, liberale quod sit, hoc idem & flagitium esse posse? Non virtus est liberalitas? O novum acumen! Nam cum quod liberale appellant, hoc idem vitiosum esse dicant, nonne ex virtute faciunt vitium? Ut cum vitium omne sit fugiendum, idem sit istis & liberale & illiberale, fugiendum pariter, & experendum. Vide quam bellè cohaereant,

hæreant, quàmque formalis sit, ut Gothi isti lo-
 quuntur, hæc narratio: Sed philosophiâ ac Theo-
 logiâ contentus esse debebat, sicut doctor sanctus, *S. Thomas*
 & doctor subtilis, qui non curaverunt istas novita- *Aquinas:*
 tes. Quam tu hic philosophiam mihi somnias egre- *Joannes*
 gie philosophiæ magister? Neque enim credibile *Scotus.*
 est vigilare eos, qui ullam artem liberalem à phi-
 losophia separant. Miseri homines non didicere,
 philosophiam non esse dictata quædam nuper à ne-
 scio quibus, quæ postea & in scholis alii aliis ve-
 lut per manus tradidere, de inventionibus, de for-
 malitaribus, de obligationibus, & similibus nugis;
 sed latius patere augustissimæ hujus disciplinæ fru-
 ctum. Nam cum totum philosophiæ corpus ex tri- *Philosophiæ*
 bus velut primariis membris constet, sermonis fa- *omnis ex*
 cultate, naturalium rerum cognitione, & vitæ in- *quibus con-*
 struendæ ratione, singula hæc deinceps plurimas *stat.*
 in se complectuntur partes. Etenim in sermone de-
 sideramus, vel ut cum rectè loquentium exemplo
 consentiat, id quod pollicetur grammatica; vel
 ut naturam cujusque rei explicet, nunc, quæ obscura
 sunt definiendo; nunc, quæ multa & confusa sunt,
 dividendo; nunc, quid cuique vel consequens vel
 repugnans sit, colligendo; quam vim dialecticæ
 vocant: vel ut propriè, distinctè, copiosè, ornatè
 de quavis re proposita cum quadam audientium ad-
 miratione dicamus, quæ facultas propriè est ora-
 torum. Sed naturæ cognitio latius etiam fines suos
 porrigit, cum cælum pariter, elementa, atque adeò,
 quæ in elementis sunt omnia ambitu suo circum-
 scribat. Vitæ verò humanæ moderatio non in
 hoc est tota, ut quis suos ipsius mores ad virtutis
 præscriptum formet: sed majus etiam quiddam præ-
 stat; nimirum ut primùm nos ipsi, vitamque no-
 stram, deinde domus familiæque curam, postremò
 civitatis ac reipub. administrationem rectâ ratione
 instituamus.

instituiamus. Et cum ex uno philosophiæ vel fonte innumerabiles disciplinarum humanarum rivi promanant, & nullus scriptor, quantumvis ethnicus, tam sit inanis, ut non scriptione sua in aliquam philosophiæ partem incurrat: quæ (malum!) insania est, eum, qui Ciceronem in omni philosophiæ parte summa cum laude versatum, diligenter legat, perinde criminari, ac si philosophiæ terminos sit egressus? Quod si philosophiæ pars est Cicero, & qui philosophiæ student, vel vestro iudicio, non solum non flagra, sed præmia merentur; quâ, quæso, fronte fingitis nobis Hieronymum, cui præmium debebatur, casum flagris? Neque verò libet hîc quicquam exprobrare vel Thomæ Aquinati, vel Joanni Scoto, quos tantopere venerari cuique per me sanè licet: illud tantum dico, me nec sanctitatem detrachere Thomæ, nec Scoto subtilitates invidere; sed quod additis, non curæ fuisse iis novitates (videlicet per novitates, Ciceronis lectionem intelligentes) agnosco Atticam istam vestram eloquentiam, & acumen miror, quod, quæ annis supra mille sexcentis in eruditorum manibus fuerunt, ea præ nugis vestris nuper natis existimetis nova. Atque utinam vobis, quibus tantum displicent nova, nunquam novus contingat cucullus, nunquam novæ crepidæ; sed semper pannis annisque oblitis, putridi pisces, & antiquata ova sint cibus.

*A consula-
tu enim Cic.
ad Christi
natalem
anni 61.
intercessere*

At suavius etiam est, quod, quod probabilius esset mendacium, causam lecti Ciceronis adiungunt: Quia, inquit, placebant ei pulchra verba. Ecce verò alterum sermonis sophistici florem. Quod autem peccatum est, malle pulchra quam spurca? Video quorsum tendatis: Hieronymum vestri similem optatis, hoc est, infantem. Deinde, ullumne verbum per se est pulchrum, an potius ut quodque rei vel pulchræ vel turpi inditum est, ita vel pulchrum vel turpe

turpe habetur? Quod pulchra sunt verba, quæ pulchras res velut vestiunt & ornant, nonne in contrarium res vobis exit, ut quod pro vobis adduxistis, hoc maximè vos oppugnet? Jam, ut demus, causam hanc aliquid valere, illud quomodo consistet, quod, quæ in aliis laudat Hieronymus, eorum culpâ ipse plectatur? An non idè in epistola ad Magnum oratorem, & faterur se profana legere, sacrisq; intertexere, & qui hoc ante se fecerant, suæve etiamnâ tempore facerent, eorum exempla non modo non reprehendit, verum etiâ imitanda proponit?

Nonne Lactantium hoc nomine miratur, quod ad Cicer. eloquentiam cæteris propiùs aspiraverit? Non Basilus, summus meâ sententiâ Theologus, nepotibus suis adolescentibus, quos ad divinæ sapientiæ perfectionem erudiebat, omne genus profanorum scriptorum prudenter legendum suavit? Imò, Non Augustinus in futuro Theologo omniû penè humanarum literarum cognitione desiderat? Nonne idem Ciceronis Hortensio (sic enim inscriptus est liber) velut duce, ad sapientiæ Deo dignæ studium primùm se pervenisse palàm testatur? Et Hieronymum lecti Ciceronis pœnas graves adeò dedisse, credi vobis adhuc postulatis? Illi laudibus atrollunt industriam eorum, qui ad æternæ sapientiæ templum ornandum, populi Israëlitiçi exemplo, peregrinas conferunt opes: vobis non satis est vos ipsos veluti fucos quosdam, in alvearium nihil importare? insuper & aliis in hoc genere laborantibus obstrepitis, & ficti exempli horrorem opponitis? Sed quid ego horum exempla commemoro? Ipse adeò Paulus, qui Christi suo ore loquentis periculum minatur, ethnicorum poëtarum versibus in Evangelii gloriam abusus est. Quid autem, si ostendam, quod vos impudenter adeò asseveratis, hoc nè fieri quidem potuisse? Quid si hoc ex vestris ipsorum verbis convincam?

H

Quid

Quid si hoc vestrum commentum ab ipso adeò Hieronymo palàm rideri alicubi comprobem? Deincepsne tale aliquid studiosis hominibus obgannire audebitis? Per somnium vobis Hieronymus accusatur, per somnium damnatur, per somnium cæditur. O novum iudicium! In Areopago olim iudicia noctu habebantur, sed vigilantibus reis: hic reus cum altum adeò dormiat, ut etiam somniet, ad tribunal protrahitur, accusatur, damnatur, cæditur. Qui fieri potest, ut dormiens causam dicat? ut omni sentiendi facultate destitutus, flagrorum ictus sentiat? Nónne ipsa somnii vox totum hoc quod iactatis, somnium, aut si quid somnio vanius est, esse ostendit? Arqui venit in mentem, quo potissimum nitantur fabulæ illius decantatores. Hieronymus, inquit, ipse scribit tale quid sibi accidisse. Fateor, sed scripsit juvenis, calentibus adhuc in eo rherorum studiis, quorum professio est, fictis etiam narrationibus ad suum negotium abuti. Scripsit puellæ, cujus ingenium parùm firmum, talibus terculis ab immodico ethnicæ lectionis studio abstertere prudentis erat. Scripsit aptis verbis, aptis figuris, et præfatione somni pariter & febriculæ, ut cauro firmoq; lectori commentum nè posset quidem imponere. Scripsit in familiari privataq; epistolâ, stylo ad puellarum infirmitatem accommodato. Alioqui ter perjurum facietis Hieronymum. Primum, qui post iudicium illud vestrum, quo lectionem ethnicorum abjuravit, ad libros profanos toties redierit. Deinde, qui aliis ejus generis libros non modò legendos permittat, verum etiam suadeat. Postremò, qui in defensione sua multis annis, posteaquam ad Eustochium de somnio hoc scripserat, exactis, Rufino lectionem ethnicorum pro crimine obijcienti responderet, somnium esse, quod Eustochio scripssisset: somniis autem scripturarum autoritate fidem non habendam,

bendam. Quid expectatis amplius? ipse Hieronymus jam non minus eruditione vitæque sanctimoniâ, quàm ætate perfectus, quod juveni sibi ad Eustochium scribenti exciderit, merum fuisse somnium confitetur. Sed vereor planè, nè sint quibus proluxa hæc de somnio disputatio quendam tædii somnum adduxerit: tantum abest, ut, nè cui fabulam hanc persuadeam, metuam.

*Elegantissima Posthumii Consulis ad populum oratio:
quâ sædum Bacchanalium ritum reprehendit:
ex Tit. Livio, lib. 39. 15, 16.*

NULLI unquam concioni, Quirites, tam non so- *Bacchanalia hæc Sp.*
lùm apra, sed etiam necessaria hæc solennis *Posthumio*
comprecario deorum fuit, quæ vos admoneret, hos *Albino &*
esse deos quos colere, venerari, precarique majores *M. Mar-*
vestri instituisent; non illos, qui pravis & externis *Philippo*
religionibus capras mentes, velut furialibus stimu- *tiō*
lis ad omne scelus, & ad omnem libidinem agerent. *Coff. vigus*
Equidem nec quid taceam, nec quatenus proloquar, *riunt.*
invenio: si aliquid ignorabitis, nè locum negligentie
dem; si omnia nudavero, nè nimium terroris offun-
dam vobis, vereor. Quicquid dixerò, minus quàm
pro atrocitate & magnitudine rei dictum scitote
esse: ut ad cavendum satis sit, dabitur opera à nobis.
Bacchanalia totâ jam pridem Italiâ, & nunc per ur-
bem, etiam multis locis esse, non famâ modo acce-
pisse vos, sed crepiribus etiam, ulularibusque no-
cturnis, qui personant totâ urbe, certum habeo.
Cæterum, quæ ea res sit ignorare: alios deorum
aliquem cultum, alios concessum ludum & lascivi-
am credere esse: & quaecunque sit, ad paucos
pertinere. Quod ad multitudinem eorum attriner,
si dixerò multa millia hominum esse, illico necesse

est exterremini, nisi adjunxero, qui, qualésq; sint. Primum igitur mulierum magna pars est, & is fons mali hujusce fuit: deinde, simillimi foeminis mares, stuprati & constupratores, fanatici vigilés, vino, strepitibus clamoribusque nocturnis attoniti. Nulas adhuc vires conjuratio, ceterum incrementum ingens virium habet, quod in dies plures fiunt. Majores vestri, nè vos quidem, nisi cum aut vexillo in arce posito comitiorum causâ exercitus eductus esset, aut plebi concilium Tribuni edixissent, aut aliquis ex magistratibus ad concionem vocasset, fortè temerè coire voluerunt: & ubicunque multitudo esset, ibi & legitimum rectorem multitudinis censebant debere esse. Quales primum nocturnos coetus, deinde promiscuos mulierum ac virorum esse creditis? Si quibus aetatibus initientur mares, sciatis: non misereat vos eorum solum, sed etiam pudeat. Hoc sacramento initiatos juvenes, milites faciendos censeis, Quirites? iis ex obsceno sacrario eductis arma committenda? hi cooperti stupris suis, alienisque, pro pudicitia conjugum ac liberorum vestrorum ferro decernerent?

Minus tamen esset, si flagitiis tantum effoeminati forent, (ipsorum id magnâ ex parte dedecus erat) à facinoribus manus, mentem à fraudibus abstinuissent. Nunquam tantum malum in republica fuit, nec ad plures, nec ad plura pertinens. Quicquid his annis libidine, quicquid fraude, quicquid scelere peccatum est, ex uno illo sacrario scitote ortum esse. Necdum omnia in quæ conjuraverunt edita facinora habent. Adhuc privatis noxiis, quia nondum ad Rempublicam opprimendam satis virium est, conjuratio sese impia tenet. Crescit & serpit quotidie malum: jam majus est, quam ut capere id privata fortuna possit: ad summam reipublicæ spectat, nisi præcaveris, Quirites. Jam huic diurna
legi.

legitimè ab consule vocatæ par nocturna concio
esse poterit. Nunc illi vos singuli universos conci-
onantes timent: jam ubi vos dilapsi domos & in
rura vestra eritis, illi coierint, consultabunt de sua
salute, simul ac vestra pernicië: tum singulis vobis
universi timendi erunt. Optare igitur unusquisque
vestrûm debet, ut bona mens suis omnibus fuerit: si
quem libido, si furor in illum gurgitem abripuit, il-
lorum cum cum quibus in omne flagitium & faci-
nus conjuravit, non suum judicet esse. Nè quis eti-
am errore labatur vestrûm quidem, non sum secu-
rus. Nihil enim in speciem fallacius est, quàm pra-
va religio. Ubi deorum numen prætenditur sce-
leribus, subit animum timor, nè fraudibus humanis
vindican- divini juris aliquid mixtum violemus.
Hac vos religione innumerabilia decreta pontifi-
cum, senatusconsulta, aruspicum denique respon-
sa liberant. Quoties hoc patrum, avorûmque æratæ
negotium est magistratibus datum, ut sacra externa
fieri vetarent? sacrificulos, vatèsque foro, circo,
urbe prohiberent? vaticinios libros conquirerent,
comburerentque? omnem disciplinam sacrificandi,
præterquam more Romano, abolerent? Judicabant
enim prudentissimi viri omnis divini humanique
juris, nihil æquè dissolvendæ religionis esse, quàm
ubi non patrio, sed externo ritu sacrificaretur.
Hæc vobis prædicenda rarus sum, nèqua super-
stitio agitarer animos vestros, cum demolientes
nos Bacchanalia, discutientésque nefarios cærus
cerneretis.

Omnia diis propitiis, volentibûsq; ea faciemus: qui,
quia suum numen sceleribus libidinibûsque conta-
minari indignè ferebant, ex occultis ea tenebris in
lucem extraxerunt, nec patefieri ut impunita essent,
sed ut vindicarentur, & opprimerentur, voluerunt.
Senatus quæstionē extra ordinem de ea re mihi col-

legæque meo mandavit: nos ipsi, quæ nobis agenda sunt, impigrè exequemur: vigiliarum nocturnarum curam per urbem minoribus magistratibus mandavimus. Vos quoque æquum est quæ vestra munia sunt, quo quis loco positus erit, quod imperabitur, impigrè præstare; & dare operam, nè quid, fraude noxiorum, periculi aut tumultus oriatur.

*De Confirmatione, sive asseveratione, quæ
Græcis dicitur ὁρκισμὸς.*

CAP. VI.

“ **C**onfirmatio, vel Asseveratio, est propositæ rei
 “ comprobatio. Confirmanda verò sunt, quæ
 “ neque prorsus manifesta sunt, neq; omnino fidem,
 “ ut fieri possint, habent; sed quæ medium ordinem
 “ servant. Qui autem confirmare intendunt, omnibus
 “ capitibus confutationi contrariis utantur. Primum
 “ enim laudent eum qui dixit, quod confirmandum
 “ est: Deinde, rem exponant: Postea, à contrariis
 “ eorum quæ diximus, comprobent ipsum.

“	{ Obscuro Incredibili Impossibili Repugnante Indecore Inutili	} Quidem	{ Manifesto. Probabili. Possibili. Cohærente. Decente. Conferente.
“			
“			
“			
“			
“	Pro		
“			
“			
“			
“			

“ Sanè hæc quoque confirmationis exercitatio
 “ omnem vim artis intra se complexa est: cujus exemplum,
 “ verisimilia esse quæ de Daphne referuntur,
 “ continens, tale erit.

Poetas

Poetas quisquis vituperat, ipsas mihi vituperare *Exordium*
 Musas videtur. Si enim quæcunque canunt poetæ, à laude di-
 Musis instincti profundunt, quidni planè Musis *centium.*
 bellum indicit, qui poetarum reprehendere conatur
 inventa? Ego quidem omnium poetarum sententi-
 am comprobo, illius autem maximè qui Daphnen
 ab Apolline esse amatam, sapienter protulit. Sed
 quænam sunt, quibus fidem non adhibent? Daphne,
 inquit, è Terra nata est, & Ladone.

Cur hoc apud eos incredibile? Nónne rebus *Expositio*
 omnibus aqua & terra sunt origo? Nónne semina *rei à mani-*
 rerum omnium elementa præbent? Si verò quic- *sesto.*
 quid gignitur, procedit ex terra & aqua: nimirum
 Daphne eisdem orta est, quibus omnia, principiis,
 Ladone & Terrâ; genita scilicet indè, unde cuncta
 procreantur. Superabat autem Daphne facie reli-
 quas omnes: rectè quidem. Quæcunque enim pri-
 mò è Terra emittuntur, ea naturæ pulchritudine
 producantur, & primo velut nativo proprioque
 conspicua decore pulcherrima videntur. Multæ
 autem mutationes corporibus speciosissimis tem-
 pore accidunt: quæ verò recèns nata primùm ap-
 paruerunt, ea formosissima, veluti quæ nullum ad-
 huc decoris sui damnum passa sunt, blandissimè ocu-
 los nostros morantur. Rectè igitur Daphne formâ
 præstabat primùm ex Terra procreata.

Ob cuius admirandam pulchritudinem Pythi- *A probabili*
 us amore captus est, non injuriâ. Quicquid enim
 in terris est, quo res ullæ sunt conspicuæ atque
 admirandæ, id omne à diis ipsis tributum est. Si
 verò bonorum omnium amabilis in primis est pul-
 chritudo, quid mirum si jucundissimum deorum
 munus, deum quoque habuit amatorem? Quæ
 enim dii donant, ea omnes amore prosequun-
 tur.

Conabatur autem amans deus suo desiderio me- *A possibili.*
 deri:

“deri: sic enim res habet: Virtutes non sine labore
 “comparantur, & opus est sudore, quisquis eas asse-
 “qui velit. Hinc ergo laborat amator, nec tamen
 “desiderans amicam comprehendit. Ingens enim est
 “virtus, nec ad extremam ipsius metam quisquam po-
 “test pervenire. Aiunt igitur amare Phœbum, non
 “terram scilicet, nec deorum maiestatem vanis com-
 “mentis dehonestantes, sed virtutis ostendentes na-
 “turam, ut Apollo sit qui virtutem quærit, ipsa verò
 “virtus, Daphne.

*A cobave-
venti.*

Fugientem puellam mater excepit. Cuncta enim
 quæcunque sunt, mortalem forrita naturam, ad ea,
 “unde orta sunt, festinant reverti. Idcirco in terram
 “occidit Daphne, ex terra prognata.

A decenti.

Accipiens autem puellam mater, pro ipsa reddidit
 “arbustum. Utrumque opus terræ proprium, ut in
 “hanc homines cadant, & arbores ab ea nascantur.

*A conserven-
ti.*

Procreatum autem arbustum Apollinis honori
 dicatum est: dii enim extra providentiæ suæ com-
 “plexum nè arbuta quidem reliquerunt, sed coro-
 “nantur è natis, & primitiæ prodeuntium è terris
 “ipsis sacrantur. Sed & arbor divinationis facta est
 “merces atque symbolum. Hoc autem conveniens
 “puto. Daphnen enim poetarum multi *ωφελης*, id
 “est, temperatam appellant, & oracula dare, à tem-
 perantia provenit.

Conclusio.

Itaque quoniam puella voluptatum expers fuit,
 “virtutibus consecratur. Neque enim posset futuro-
 “rum esse capax, qui laborat intemperantiâ, contra-
 “minatum habens fœdâ libidine pectus. Quas ob
 “res poetâs admiror & laudo, ipsum veneror car-
 “men.

SCHOLIA.

Confirmationem Græci vocant *κατασκευὴ* à verbo *κατασκευάζειν*, quod est parare, fabricari, quo utitur Apostolus ad Hebr. 9. *Σκηνὴ ἣν κατασκευάσθη ἡ πρώτη, ἐν ᾗ ἦτο λυχνία*, &c. id est, tabernaculum factum fuit primum in quo lucerna. Est & probare, & confirmare. Unde *κατασκευὴ*, probatio, astructio, demonstratio, item structura vocatur ab Halicarnasseo: hoc est opificium rhetoricum, & artifex compositio.

Quisquis vituperat, &c. In Aphthonio habetur *Ποιηταὶς ἀντιγράφειν, αὐταὶς ἀντιγράφειν δοκῇ τοῖς Μουσαῖς*, unde locum hunc sic asii verunt. *Quisquis Varibus contradicit, ipsis Musis videtur contradicere.*

Musis instincti, &c. Socrates apud Platonem de reſta nominum ratione dicit Musarum & musicæ nomen deductum ἀπὸ τοῦ μῦθοις, id est, inquirere: si quis enim vult Musis familiaris esse, ei opus est indagine, & studio sapientiæ. Etenim qui ad Musas aspirant, opus habent non parvâ inquisitione atque labore. Unde Propertius lib. 3.

Non datur ad Musas currere lara via.

Musis autem instinctos, ait, hoc est, divino furore concitatos, & impulsos. Divinum enim poëtarum genus est, atque diis agitur, ut ait Plato de Legib. 3. Idem de furore poëtico: Non arte, inquit, sed divino afflatu mente capti omnia præclara poëmata canunt: Quem furorem ἐνθουσιασµὸν appellant, numinis afflationem, quam Budæus de asse primo interpretatur vim dicendi, & scribendi divinitus interveſactam. Hanc libro 1. de rap. Proserp. Claudianus intelligens inquit:

Raptoris thalamos audaci promete cantu

Mens congesta jubet: gressus remove profani:

Jam

Jam furor humanos nostro de pectore sensus
Expulit, & totum spirant præcordia Phœbum:

Huc item Ovid. 6. Fast. respiciens, ait:
Est deus in nobis, agitante calescimus illo.
Imperus hic sacræ semina mentis habet.

Idem libro de Arte tertio.

Est deus in nobis, sunt & commercia cœli:

Sedibus æthereis spiritus ille venit.

Cur hoc apud Deos, &c. Græcismus est, ὁπὲρ τῶν θεῶν, ὁπὲρ τοῦ Διὸς. Hoc est, per deos, per Jovem.

Superabat facie, &c. Quoniam Daphne omnium pulcherrima fuit, non dubium est quin Apollinem poruerit in amorem sui sollicitare. Certè pulchritudinem Aristoteles dicebat quavis epistolâ efficaciorum ad commendandum. Theophrastus silentrem fraudem appellabat: Plato prærogativam naturæ, quæ paucis solcat contingere. Carnades dicebat, ἀδριφορίαν βασιλείαν, id est, regnum absque satellitio: Meminit Erasmi Apophtheg. 6. Sunt qui pulchritudinem in tria distinguunt: aliam referunt, laudabilem esse, ut formosam faciem: aliam usui deservire, ut instrumentum, & domum, quæ præterquam quod speciosa sunt, usibus nostris commoda etiam sunt: tertiam legibus studiisque constare, eamque humanæ vitæ commodis maximè consulere. Cujus meminit Diogenes Laertius lib. 3. de vita philosophorum. Hæc in æternum perdurans omnium est pretiosissima. Unde Ovid. 3. Tristium eleganter ait:

Nempe dat, & quodcunq; libet fortuna, rapitque:

Irus & est subito, qui modò Cræsus erat.

Singula quid referam? nil non mortale tenemus,

Pectoris exceptis ingenique bonis.

Multa mutationes, &c. Hoc est, pulchritudo recens producta peramabilis est, temporis autem cursu viariatur. Hinc pulcherrimè Ovid, de arte amandi secundo ait:

Forma

Forma bonum fragile est: quantumque accedit ad annos,

Fir minor, & spatio carpitur illa suo.

Nec semper viola, nec semper lilja florent,

Et rigit amissâ spina relicta rosâ.

Et tibi jam venient cani, formose, capilli,

Jam venient rugæ, quæ tibi corpus arent.

Jam molire animum, qui duret, & altræ formam:

Solus ad extremos permanet ille rogos.

Idem 2. Tristium ad filiam Perbillam.

Ista decens facies longis vitabitur annis,

Rugæque in antiqua fronte senilis erit.

Injicietque manus formæ damnosa senectus,

Quæ strepitum passu non faciente venit.

Notabis obiter, Aphthonium juxta suas præceptiones, non ea confirmare, quæ omnino fidem, ut fieri possint, non habent. Et Quintil. lib. 3. cap. 6. Illud frequens est, inquit, ut ea quibus minus confidimus, omittamus. Hinc silentio præterit, ac transit Daphnen in undis educari, aut in mediis terræ matris visceribus viram exigere potuisse. Tractari tamen exercitationis gratiâ possunt, cum confirmatio atque refutatio sint veluti quædam imagines rerum illarum, quæ in veras & justas causas incidunt: hic seorsim, quasi per lusum, tractatæ, ut in his juvenus exercita possit ad veras ac graves causas agendas accommodatior reddi.

Quæ dii donant, &c. Sic argumentatur:

Qui amat pulchritudinem, non hominum, sed deorum munus amplectitur.

Pythius amat pulchritudinem:

Ergo non hominū, sed deorū munus amplectitur.

Virtutes labore comparantur, &c. Transit ad eam fabulæ partem confirmandam, quâ poetæ dicunt, Daphnen ab insequente Phœbo, teneramque puellam à deo non fuisse comprehensam. Quod difficile confirmatu

confirmatu visum reliquit, & ad allegoriam transit. Per Daphnen, inquit, virtutem intelliges, per Apollinem virtutis sectatorem. Quemadmodum is qui virtutem sequitur, non facile comprehendit eam: ita Daphne capru difficilis erat Apollini. Etenim difficulta quæ pulchra.

Et via virtutis dextrum petit ardua callem,

Difficilemque aditum primò spectantibus offert

Sed requiem præbet fessis in verrice summo.

Terra omnium communis mater.

Mater excipit, &c. Etenim terræ propter merita indiderunt venerationem materni nominis. Nascentes enim excipit, sustinet, postremò complectitur gremio, ut Plin. ait lib. 2. cap. 65.

Apollinis honori, &c. Triplicem, inquit, potissimum utilitatem affert Daphne in laurum conversa, honorem & decus Apollini, diis reliquis coronas quibus exornantur, & divinandi artis indicium insigne.

Primitiæ, &c. Novæ fruges. Quas olim veteres non degustabant, nisi prius talæ ἀπαρχὰς diis sacerdotes immolassent. Vide Erasmus in proverbio,

Μηδὲ δότε χυτρεπρόδω ἀντιπρόκτων ἀγρόντων

“Edein, μηδὲ λόεδται.—

Confirmationis exemplum paulò copiosius à Petro

Mosellano tractatum.

ARGUMENTUM.

Quòd verum sit, quod Virgilius scriptum reliquerit, Didonem amoris impatientiâ mortem sibi conscisse: confirmationis exemplum.

QUanta fuerit priscorum hominum industria in comparandis sapientiæ monumentis, quæ posteris suis relinquerent, cùm aliis rebus multis constaret, tum vel maximè per hoc indicatur, quòd quæ eximie cujusdam philosophiæ documenta existimabant

mabant, ea non temerè literis mandabant, sed musicà numerorum suavitate condita, posteris legenda iradebant. Cujus laudis, ab Hebræis ad Græcos derivatæ, ut Latini quoque homines participes fierent, si quisquam alius, Virgilius certè effecit. Nam is cum humanarum rerum imaginem in Æneâ suo mortalibus proponere, ac per hunc, quod cuique vel sequendum vel fugiendum esset, docere statuisset, non satis habuit fictis interim personis veros affectus repræsentare, id quod alioqui poëtæ spectare solent, verùm etiam vera pleraque admiscuit, inter quæ verissima esse censenda sunt, quæ, ut ab insano amore adolescentes deterreat, de Didone Carthaginiensium reginâ amoris impatientiâ mortem sibi consciscente commemorat: graviusne an jucundiùs necdum statuo. Narrat enim Æneam, parte classis naufragio amissâ, Carthaginem in Africam delatum: ubi cum hospitio Didonis uteretur, reginam pulcherrimi viri primùm admiratione, deinde & amore captam, postremò amorem consuetudine mutuâ adedò confirmatum, ut cum Æneam aliò vocantibus rebus persequi non liceret, amoris impatientiâ furete inciperet, seque ipsa interimeret. Quid, obsecro, apertius probabiliusque narrari posset? Quid omnino est in toto hoc narrationis contextu tale, quale in fictis argumentis esse solet? Cohærent omnia, usitata sunt omnia, & jam multis consimilibus exemplis probabilia. Nec ullum est verbum quod mendacii suspicionem facere possit. Constat enim, Troiâ captâ, Æneâ unâ cum sociis domo profugi classem mari sursum ac deorsum jactatam. Constat Didonem fratris iram fugientem in Africam venisse, Carthaginem condidisse, regnum novum instituisse. Et quid novi si regina similibus casibus jactata profugum Æneam hospitio excepit? Si tanti heroïs virtutes tum ex ipsius formæ dignitate, tum
verborum

verborum gravitate mirata est? Si, quem admirabatur, ejus etiam amore paulatim ardere cepit? Primum mulier annis pariter & corpore virens? Deinde regalis luxus strepitulasciva, & cui quod libuit etiam licuit? Postremo gustatae quondam genialis dulcedinis desiderio jam dudum æstuans, ac maritum sibi destinans? Ipse muliebris sexus per se infirmus, naturâ suâ lubricus est, & cum aliis affectibus, tum verò maximè amoribus est obnoxius. Nam ii quamquam tristem ferè exitum habent, tamen cum ad se homines incautos invitant, primâ specie mirum quantum suavitatis, quantum deliciarum, quantum mellis pollicentur. Et quid attinet hîc exempla commemorare multarum, quæ non, ut Dido, ignoscendo, sed illiberali planè, & pudendo amore superatae sunt? Quis nescit Pasiphaën, Cretensis regis filiam, tauri amore correptam insanivisse? Quis ignorat Clytæmnestram Ægisthi adulteri amore pollui, quàm Agamemnonis mariti laudatissimi principis triumphalem reditum expectare maluisse? Et credibile non erit Didonem ab omni parentum ac maritali jure liberam, reginam luxu barbarico diffluentem, Æneæ regis hospitis amore tactam fuisse? Sed datis Æneam Carthaginem appulisse, hospitio Didonis usum, Didonem hospitis amore inflammata: ac flammæ ejus tantam vim non fuisse, ut eum Æneâ suo potiri illa ampliùs non posset, tum vim ipsa sibi attulerit: Hoc verò incredibile vobis videtur? Quasi verò non sit tantus amoris furor ut ad moriendum viros etiam compellat, nedum fœminas. An non audistis Herculem ipsum fortissimum heroem (quo nomine in deorum numero à supersticiosa antiquitate positus est) amoris impatientiâ incendium sibi ipsi struxisse? Et qui affectus fortissimum viri pectus expugnavit, fœminam ad suam ipsius necem adigere non poterit? Vatum autem sit hoc exemplum, nisi minores etiam affectus

*Amoris
furor.*

affectus hoc à viris sapientiæ opinione clarissimis impetrarunt. Quis inter philosophos laudatior Aristotele? At is cum quamobrem toties se reciprocaret Euripus, invenire desperasset, ipso desperationis more scribitur extinctus. Quot autem nobiles Romani gloriæ studio mortem voluntariam suscepere? Non Cato Uticensis superatarum partium ignominia, ad suam ipsius cædem impulsus est? Non Lucretia, ereptæ pudicitie dolore ferrum in se ipsa defixit? Quid autem quodd & levissimi affectus, nempe gaudii immoderatus sensus, matronas aliquot Romanas extinxit? Credendum est enim incorruptis Titi Livii gravissimi rerum humanarum scriptoris monumentis. Quod ergo viris & fortitudinis, & sapientiæ gloriâ spectatissimis leviores animorum motus extorserunt, hoc vehementissimus omnium affectuum amor non efficit? Quis ita desipiet, ut hoc credat? Quis non audit vulgo jactari proverbium, Amanti nihil esse difficile? Quis non videt hac causâ cæcum pingi Cupidinem, quod qui hujus sagittis sunt saucii, sine sensu vel mortis vivant, nihil reverentur, neque parentes, neque amicos, nihil exhorreant, neque infamie probra, neque vitæ pericula, sed ex eorum more ipsi se præcipitent. Sed enim poëta fuit Virgilius, & vulgare est, poëtas fingere omnia. Ridiculum verò, non quid, sed à quo quid dicatur, attendere, perinde ac si dictorum factorumque veritas à dicentium scribentiumve persona pendeat. Poëtam esse Virgilium non negamus: sed nihil veri ab eo scriptum esse, hoc verò contendere magna est impudentia. Quid enim eorum, quæ in Aeneidæ sui clypeo de Romanis expressit vanum est? Neque si aliquoties fictis imaginibus veritatem adumbrant poëtae, propterea & quicquid versu scribitur, pro ficto habendum est. Alioquin si versuum mensura non nisi mendaciis adhibetur, quid faciemus Empedocli, quid Lucretio, qui rerum na-

*Cupido cæcum
pingitur.*

turæ

turas versibus sunt profecuti? quid Lucano belli civilis historiam hexametris numeris canenti? imò quid Davidi, & quibusdam aliis, qui divino spiritu afflati, divinæ sapientiæ arcana vario carminum genere contexuere? Eant ergò qui veri fidem poëtis detrahunt, in primis Virgilio, ut quem cum alia multa, tum quæ de Didonis amore commemorat, verissimè tradidisse, posthac non nisi impudentissimus negare possit quisquam.

Aliud confirmationis exemplum.

ARGUMENTUM.

Arion.

Verum esse quod Herodotus scripsit, Arionem fidicinem à delphino Tænarum de-
vectum,

*Exordium
ab auctoris
laude.*

Lib. 10. c. 1.

INiquus rerum æstimator, & ad faciendam injuri-
am natus videri potest, qui mendacii coarguere
audeat Herodotum. Cujus historiæ magna semper
cum voluptate atque commodo sunt lectæ. Quæ
dulcem & candidum acerrimi vir judicii Quintilia-
nus prædicat. Hujus vel unius censuram longè plu-
ris, quàm iniqua multorum Zoïlorum judicia, face-
re meritò debent omnes studiosi, & credere omnia,
quæ memoriæ prodiderit Herodotus, ut candidissi-
ma, sic verissima esse, maximè quæ super Arione
conseripsit.

*Ab expo-
sitione.*

Citharædum Arionem multas arte musicâ diviti-
as contraxisse memorat, eumque ab inhiantibus præ-
dæ nautis Corinthiis in mare defilire compulsum,
cecinisse. Præcipitem autem datum, à delphino ex-
ceptum, & cum pretiosis vestimentis, atque cithara
salvum in terram Laconicam devectum.

*A mani-
festo.*

Satis admirari non queo, tam obtusi quempiam
ingenii esse, cui subobscurum videatur citharædum
ditari,

dicari, maximè eum, qui in summo pretio habitus ob singularem artis musicae cognitionem, oculos omnium in se converterit, qui non deliciis dissuens, nec prodigus, sed virtutis studiosus fuerit, amans patriæ, & amicorum, ad quos venire ut copia sua illorum inopiam sublevaret, decreverat. Et electro pellucens est, nautas hominum ejusmodi sentinam esse, qui lucri gratia omnium facinorum genera patrare non exhorrescant. Delphinos autem placidissimos hominum amore capi, arque gestatores peramico vehendi studio patienter hominem ascensorem ferre, non est novum, nec obscurum. Nam & Athenæus refert, dilectum à delphino puerum, qui ubi cum aliis ex palæstra ad mare processisset, natabat, natanti autem ex pelago delphinus occurrebat, & dorso susceptum in altum ferebat, deinde continenti restituebat. Et Pausanias lib. 1. memorat, Melicertam in mare cadentem, susceptum à delphino, & vectum usque ab Corinthiacum Isthmum. Hæc si cui nondum aperta satis videbuntur, paulò post adjiciam, quibus intelliget ea longè planiora facta.

Nautæ sceleratissimi.

Atqui non verisimile est, inquiunt, hominem in supremo capitis periculo, summòq; luctu canere potuisse. Sed ignorant stolidi, virum (qualis sine controversia fuit Arion) sapientem, nullis adversis casibus succumbere, nec animum despondere, sed omnia fortunæ truculentioris ludibria, velut jocos metos, ac ludos æstimare solitum, ut non immerito Horatius dixerit:

A credibili

Ad summum, sapiens uno minor est Jove: dives,
Liber, honoratus, pulcher, rex deniq; regum:
Quem neque pauperies, neque mors, neque vin-
cula torrent,

Fortis, & in seipso verus teres, atque rotundus.
Curigitur à fide alienum videatur, adversitatis

tempore talem Arionem apparuisse, qualis fuerit in prospero? Cur non verisimile sit, in mortis contemptu se, velut ad nuptiales epulas iturum, vestimento exornasse, cecinisse item voce lætā, quod viri fortioris intrepidum animum declararet. Imbutus philosophico studio didicit mortem non fore timendam, nec malam putandam, quam bona vita præcessisset. Arridebat exemplum Socratis, qui moriens etiam jocus est. Nam cum frigerent ei præcordia, Debemus, inquit, ô Crito, Gallum Aesculapio: petinde quasi sumptâ portione medicâ convaluisset.

Apissibili.

Sed quo pacto fieri potuit, inquiunt, ut à bellua & eadem velocissima potuerit per fluctuum procellas deportari? Memorabilium cunctarum rerum expertes viri, nimis ignorant dorsum delphini repandum esse, quo veluti receptaculo Arionem à procellarum impetu atque impulsu tutum confedisse. Ignorant delphinum non tantum hominis amicum animal, verum & musicâ arte mulceri, symphoniz cantu, & præcipuè hydraulici sono capi. Hominem non expavescit ut alienum pro voce gemitus humano similis, obviam navigiis venit, alludit exultans, cerrat etiam & quamvis plena præerit vela. Divo Augusto principe Lucrinum lacum inVectus delphinus, pauperis cujusdam puerum ex Baiano Puteolos in ludum literarium itantem, cum Meridiano immorans appellatum eum Simonis nomine, sæpius fragmentis panis, quem ob id ferebat, attexit. miro amore dilexit. Quocunque dici tempore inclamatus à puero (quamvis occultus, atque abditus) ex imo advolabat, passusq; è manu præbebat ascensuro dorsum, pinnæ aculeos velut vaginâ condens, receptumque Puteolos per magnum aquor in ludum ferebat: simili modo revehens pluribus annis; donec morbo extincto puero, subinde ad consuetum locum ventitans, tristis & morosus.

merenti similis, ipse quoque (quod nemo dubitavit)
desiderio expiravit. Alius in Africo litore Hip-
ponis Diarbhyti simili modo ex hominum manibus
vescens, præbensque se tractandum, & alludens natan-
tibus, impositosque portans, unguento perunctus à
Flaviano Proconsule Africae, & sopitus, ut apparuit,
odoris novitate, fluctuatúsque similis exanimi, ca-
ruit hominum conversatione, ut injurià fugatus, per
aliquot menses: mox reversus, in eodem miraculo
fuit. Similia de puero in Iasso urbe Cariae memo-
rantur: cujus amore captus delphinus, dum abeun-
tem in litus avidius sequitur, in arenam inVectus,
expiravit. Puerum Alexander Magnus Babylone
Neptuni sacerdotio præfecit, amorem illum numi-
nis propitii fuisse interpretatus. In eadem urbe Iasso
Egesidemus scribit, & alium puerum, Hermiam
nomine, similiter maria peregritantem (cùm re-
pentinae procellæ fluctibus exanimatus esset) rela-
tum, delphinumque causam lethi facientem, non re-
versum in maria, atque in sicco expirasse. Hoc
idem & Naupacti accidisse Theophrastus tradit.
Nec modus exemplorum. Eadem Amphilocheii &
Tarentini de pueris delphinisque narrant. Quæ fa-
ciunt, ut credatur esse possibile, Arionem citharæ-
dicæ artis, interficere cum nautis in mari paranti-
bus, ad intercipiendos ejus quæstus, eblanditum, ut
prius caneret citharâ, congregatis cantu delphinis,
cùm se jecisset in mare, exceptum ab uno, Tæna-
rumque in litus perVectum, ut ait Plin. lib. 9. cap. 8.
Plura apud Plin. lib. Epist. 9. ad Caninium. Eadem
habet Gell. lib. 7. cap. 8.

Quare non hiulca, nec dissoluta videantur Hero-
doti scripta, veluti pulverem, ut aiunt, oculis offun-
dientia, quibus asserit infracti pectoris Arionem in
summo discrimine rerum cecinisse, præclarumque
virtutis suæ specimen atque documentum dedisse.

A mulices item amatore delphino citharædum per maria vectum, incolumemque conservatum.

A decoro.

Jam inter vehendum quid magis Arionem decere potuisset, quàm grati animi specimen exhibere, atq; animalium amicissimum homini vectorem dulcedine cantus oblectare? Et quid delphino magis convenire, quàm quòd cum hominibus habere gaudet amicitiae fœdus, ipsis rebus comprobare, officioque vehendi gratiam, quam optimè novit, atque poruit, referre? Testimonio sit Coeranus ille Milesius, qui delphinum à piscatoribus captum, jam interficiendum pretio redemptum, mari reddidit. Postea navi, in qua Coeranus erat, submersa, & omnibus necatis, ab eodem delphino conservatus fuit. Deinde illo in patria Mileto mortuo ac in litus elato, delphinorum agmen apparuit non procul, tanquam funeri præsens, & opem laturum, ut scribit Athenæus.

Ab utili.

Quòd si præsentis historiæ memorari dignissimæ nullus alius esset usus aut commoditas: tamen magna satis illa, quòd non solum minimarum, verùm etiàm maximarum bestiarum naturas scrutari nos disceremus, ipsum rerum conditorem Deum Opt. Max. in suis operibus admirari, atque in mirabilibus ejus exercitiis glorificare. Etenim, cui tam Bæotica (quod aiunt) auris est, vel ingenium, qui contemplatus formicarum, aut apum naturas, non admiretur ipsum creatorem? Et qui considerans docilitatem, clementiam, & intellectum elephantis, atq; delphini, non rapiatur ad Dei omnium productoris observantiam? Deinde judicii sanioris adolescens, cum perpenderit, tantam in bestiis mansuetudinem, statim colliget, se cum homo sit, humanitate singulari præditum, hominemque non homini lupum esse debere; secum reputando, cætera animantia rationis expertia non tantum in suo genere probè vivere, sed etiam dissimili tantam benevolentiam exhi-

exhibere. At (quod turpe relatu) nulla rabies major, quàm hominis. Bruta congregari videmus aliquando, & stare contra dissimilia. Leonum feritas inter se non dimicat. Serpentum morsus non petit serpentem. At herculè plurima homini sunt ex homine mala, ut Plin. ait lib. 7.

Finem dicendi faciam, nihil ambigens, quin *conclusio.* apud omnes veritatis, rerumque memorabilium studiosos, Herodoti scripta sacrosancta, velut Apollinis oracula sint futura.

Aliud confirmationis exemplum.

ARGUMENTUM.

Verum esse, — cum remigibus grunnisse Elpenora porcis.

Cum in poëtis numen quoddam affulgeat, & *Exordium* eorum spiritus sedibus ætheriis veniar, quis *à laude.* tam impudens vitiligator qui maledictis audeat illos proscindere, divinósque homines genuino dente mordere? Ego certè vates ut sacros veneror, & exosculor eorum scripta, maximè quæ memoriæ prodiderunt de Elpenore.

Quàm pulcherrimo veritatis involucto finxerunt unum sociorum Ulyssis, in porcum à Circe *Ab explicatione.* per pocula transformatum?

Et puero perspicuum est, & *πυφλὰ δῖλλος* (id est, & *A mani* cæco clarum) belluinis moribus ac ingenio ferino *sesto.* præditos homines, ab omni humanitate atq; ratione vacuos, in brutorum animalium naturas transire.

Ratio præstantissima hominis pars est, atque lumen unicum: Quam si libido vel ebrieras extinxerit, quid aliud, quæso, nisi sub humana specie latitans *A credibili.* Epicuri de grege porcus, relinquetur? Etenim in pecudum, ferarumque animalium numero habetur quis.

A possibili.
Vinum do-
losus lucta-
tor.
Temetum
enim ex eo
appellatum
est, quod
tentet, atq;
labefaciet
mentem.
A cohe-
renti.
A decenti.

A conse-
renti.

Epilogus.

quisquis est ferinis voluptatibus prævinctus.

Cum dolosus luctator vinum non modò pedes soleat constringere, sed etiam omnes animi vigores profligare, atq; mente captos tenere, ut ab antiquis significantissimo vocabulo temetum sit appellatum: Præterea, cum animi clavo cupidinis transfixi, rationis omnes experies evadunt, cur, quæso, Elpenor ad pocula & libidinem proclivis, sub hominis figura porcus, hoc est, ratione carens animal esse non potuit?

Sus gaudet volutabro luti, fœdus ut Elpenor homo voluptates belluinas sectatur, ac porcina vorandi aviditatem, cumque Philoxeno gruis collum exopat. Vide Gell. lib. 19. cap. 2.

Porci natura maximè quadrat in libidinosos & ebriosos, quos proverbio porcos Acarnanios vocant: qui sensus tantum cum bestiis communes habent, in pecudes suâ sponte conversi per libidinem, & quam Seneca vocat insaniam voluntariam, ebrietatem.

Jam quæ commoditas ex præclaro illo poëtarum figmento promanet, audi. Elpenor in pecudem transformatus monet omnes bonarum literarum atq; virtutis studiosos, ut pocula Circes, hoc est, voluptatis illecebras, tanquam nocentissimam pestem fugiant, ac ipsum Elpenora, non secus atque Helotarum Spartiatarum unum, detestantes, turpissima libidinis & ebrietatis crimina devitent. Illud Virgil. semper fixum in pectoribus habentes?

Compedibus Venerè, vinclis constringe Lyæum:

Ne te muneribus perdat uterque suis.

Merito igitur honore prosequi debemus, ut alia, sic præsentia de Elpenore scripta poëtarum, quos non injuriâ sacros, & divum curam Ovid. appellavit.

Exempla variis ex autoribus multa consimilia, & ingenii & styli exercendi gratiâ poteris colligere, atque juxta præscriptos ab Aphthonio locos tractare:

re:

re: ut, Verum esse, quod Horatius Cocles armorum pondere gravatus, Liberim tranaverit. Cujus meminir Liv. lib. 2, ab urbe. Valerius lib. 3. cap. 2.

Item, Verum esse, quod M. Valerius Corvinus pugnae victoriam auxilio corvi obtinuerit. De quo Livius ab urbe seprimo. Val. lib. 8. c. 16. Gell lib. 9. c. 11. vel etiam falsum esse, ex Quint. lib. 2. cap. 4.

De loci communi, qui Κοινὸς τόπος.

CAP. VII.

Locus communis, est oratio, bona aut ma'a, quae alicui insunt, augmentans. Dictus autem est communis, quod omnibus, qui ejus rei, de qua agitur, participes sunt, communiter conveniat, atque congruat. Oratio enim in proditorem, omnibus in commune proditioni obnoxia aptatur. Deuterologia, id est, argumentationi jam peractae, & epilogo similis est. Quare locus communis non habet proemium, atamen juniorum exercendorum causam, quandam proemii formam licebit fingere: cui subdere capita, primum ex contrario, hinc rei expositionem, non tanquam doceas, res enim nova est, sed ut auditorem incites aut exasperes. Post hanc afferes comparisonem, qua ex collatione id, de quo agitur, in majus extollas. Postmodum collocabis sententiam, vel mentem, caput sic vocatum, exprobrans, aut calumnians agentis intentionem. Deinde conjecturali digressionem vitam praeteritam in criminum suspicionem devocabis: deinde misericordiae exclusionem. In fine autem hujus praexercitationis, pones capita finalia:

Legitimum,	} } Possibile,	
Iustum,		Honestum,
Utile,		Eventurum.

Exemplum loci communis contra tyrannidis affectum : cuius præmium primum tale est.

¶ Q Vemadmodum legibus constitutum est, ipsaq;
 ¶ apud nos judicia censuerunt, legibus pœnas
 ¶ luat is, cuius scelere leges nullæ fuerant amplius
 ¶ permansuræ. Quod si, præsentî liberatus supplicio,
 ¶ foret æquabiliorem sese præbiturus, aut vitam popu-
 ¶ larem ducturus, illi forsitan aliquis pœnam remitte-
 ¶ re posset: cum verò elapsus in præsentia, sit longè
 ¶ violentior evasurus, injustum certè fuerit, inseguru-
 ¶ ræ tyrannidis initium præsentî delicto condonari.

Secundi præmii forma.

¶ Ex aliorum absolute reorum non magnum
 ¶ fortasse iudicibus periculum fuerit emersurum: ve-
 ¶ rum si tyrannus abierit impunitus, certum est, ad ip-
 ¶ sos iudices præcipuum discrimen devolurum iri,
 ¶ quos cum ipsis legibus è medio tollent potientes
 ¶ rerum tyranni.

*A contra-
 rio.*

¶ Videmini autem mihi, Iudices, in ejus solùm quod
 ¶ in præsentia est, contemplatione mentem habere
 ¶ defixam, virtutis severitatisque maiorum nostrorum
 ¶ obliti; quorum iustius erat reputare, animoq; pro-
 ¶ ponere sententiam, qui nobis velut maximum, in-
 ¶ comparabileque munus, temp. omni dominatione
 ¶ vacuam, solutamq; reliquerunt. Optimè quidem il-
 ¶ li atque rectissimè. Quando enim fortuna ipsa va-
 ¶ rietate sua inconstantem se, diversamque hominibus
 ¶ præbet: proinde mentes quoque hominum ad rectè
 ¶ secusque agendum multiplici flexu trahuntur. Huic
 ¶ inæqualitati fortunæ legum æqualitatem opposue-
 ¶ runt, institueruntque rempub, velut unam civium
 ¶ omnium

omnium sententiam facientes, ut fortunam nunc
prementem res cuiusque, nunc extollentem, legum
constantia æquaret, essetque in civitatibus lex cor-
rectio malorum quæ fortuna patrasset.

Cujus iste aut immemor, aut contemptor potius, *Ab exposi-*
scelestissimo secum consilio instituit, ut rempub. *tione.*
leteret, taliæque secum dislerebat: Quorsum hoc ergo
per deos immortales? Supra omnes positus omni-
bus me patiar æquari? Frustræque permitto cumula-
re divitias mihi fortunam, si eadem quæ vulgus faci-
am, eadem feram? & collecti pauperes judicant,
quodque multis viderur, id mihi tanquam lex obser-
vandum erit? Quousque ego hæc? Quis modus erit,
aut horum quæ liberatio? Occupabo arcem & pessimi-
mè perituras longè abigam leges, eròque reliquis
ego lex potius quàm reliqui mihi. Hæc ipse secum
revolvebat, nondum verò votorum suorum finem
assecurus: obstitit enim benevolentia decorum. Quid
ergo? Non iniquissimum est, si propter ea, quæ fru-
stra conatus est, summam diis gratiam debemus,
propter eadem hæc hunc hodie conservari?

Sceleratus est homicida, sceleratior ramen multò *A compara-*
tyrannus. Ille enim unum, quisquis is fuerit, perimit: *tione.*
hic verò totas convellit civitatis fortunas. Quanto
ergo minus est, parum offendere, aut unum necare,
quàm omnes occidere: tantò minus est homicidæ
malum, quàm atrox tyranni crimen.

In alijs autem rejs evenit plerunque, ut ramet si *A sententia*
gravissima admiserint, mentem eximant delicto. ani-
mòque defendantur. Solus autem tyrannus fidu-
ciam non habet, ut invitum se dicere queat tantum
scelus suscepisse. Itaque si invitus tyrannidem fu-
isset aggressus, esset fortasse ratio aliqua hujus ipsum
conatus absolvere. Verùm cum ante rem attenta-
tam ipse multum secum diuque deliberaverit; quo-
modo justum cuiquam videtur, culpā carere ipsum,
qui

*A digressi-
one in con-
jecturalem
causam.* " qui ante opera, mente quoque factus est tyrannus?
Alii ergo, quicumque in jus vocantur rei, præsenti-
tis solum criminis rationem reposcuntur, & propter
prioris vitæ rectè facta sæpius absolvuntur, præsenti-
busque delictis ignoscitur: Solus verò tyrannus
utriusque temporis iudicium subeat, oportet. Liquer
enim quàm immoderatè vitam præteritam & quàm
crudeliter præsentem exegerit ipse. Itaque utrorum-
que det pœnas, & eorum quæ antè, & eorum quæ
præsentis sceleris conatu deliquit.

*Ab exclu-
sione mise-
ricordiæ.* Liber autem videre cujus preces præsentì ipsum
discrimini sint exempluræ. Liberatorum nempe? Verum
cùm supplicantes vobis, flentésque illos videbitis,
purare vobis assistere leges, quarum vos respectu
moveri multò rectius est, quàm liberorum ipsius. Il-
los enim speratæ dominationis fuerat relicturus hæ-
redes: leges verò quòd iudicandi, decernendique de
ipso potestatem habetis, præstant. Itaque per quas,
quòd iudices estis, vobis darur, pro eis iustius fuerit
vos sententiam ferre.

A legitimo. Si enim rectè leges iubent eos, qui patriam in li-
bertatem asserunt, honoribus afficiendos esse; neces-
sariò relinquitur, eos, qui in servitutem redigere co-
nantur, esse puniendos.

A iusto. Iustum autem est, ut tantum vobis det pœnarum,
quantum ipse sceleris admisit.

Ab utili. Quòd si tyrannus occubuerit, id magno vobis
usui futurum est. Quoniam firma præstructio con-
firmandi leges erit.

*A facili &
possibili.* Facile autem & expeditum erit, de ipso sumere
supplicium. Neque enim quemadmodum ipse ad asse-
rendam tyrannidem satellitibus, ità vos ad oppri-
mendum ipsum auxiliis opus habetis. Sed sufficiet
(iudices) sola vestra sententia, cujus cùm à repub.
ius potestatemque acceperitis, pulcherrimum quoq;
erit pro reip. salute ipsam experiri.

Quà

Quâ facili cognitione totam hanc præsentem tyrannidis potestatem auferetis. *Conclusio ab eventu.*

SCHOLIA.

Locus communis, &c. Principiò loci communes sunt, quas rerum formas appellant, quæ ferè in usum rerum humanarum & literarum cadunt; ut fortuna, opes, honores, vita, mors, virtus, prudentia, iustitia, liberalitas, temperantia, & his contraria, ut ait Melanchthon 1. Rhetoricorum. De quorum usu optimè scripserunt Rodolphus Agricola in epistola de ratione studii: Et Erasmus secundo Copiæ.

Sunt item qui alia in causâ à defensoribus, alia ab accusatoribus communiter tractantur. Horum locus communis, augere peccari atrocitatem, & dicere, malorum non oportere misereri: Illorum, misericordiam captare, & illata crimina extenuare.

Item: communes loci cum accusatorum, tum defensorum: A testibus, contra testes, à quæstionibus, contra quæstiones, ab argumentis, à rumoribus, & contrâ: de quibus Cicero ad Herenn. 3. Et Georgius Trapezuntius Rhet. 2.

Item, communes loci (de quibus porissimùm Aphthonius loquitur) sunt, quibus citra personas in ipsa vitia moris erat perorare; ut in adulterum, aleatorem, peculatorem, ut ait Quintil. lib. 2. cap. 4.

Communes autem dicti sunt ideo, quia quamvis contra hunc aut illum dici videantur, tamen ad universos criminis reos efferantur necesse est, ut ait Trapezuntius.

Augmentans, &c. Hoc est, per locum communem amplificamus vel augemus virtutes quæ bonis, vel crimina quæ sceleratis insunt: illic per conquestionem misericordia captatur: hic peccatorum atrocitas exaugetur. Quod quibus rationibus

bus fieri debeat, ostendit Cicero, in fine lib. 2. ad Herennium.

Deuterologia, &c. Agricola secundam orationem reddidit. Quoniam locus communis post accusatorum argumentationes, quibus primò noxii manifestantur, & convicti suppliciis digni relinquuntur, solet tractari. Unde Quintilianus ait, ex mediis iudiciis esse. Et Priscianus ità definit: Locus communis exaggerationem habet manifestæ rei, quasi ex argumentationibus jam peractis. Non enim quærimus, in hoc, an iste sacrilegus, vel vir fortis sit, sed rei convictæ, & manifestæ exaggerationem facimus, cui tamen legibus supplicium sit definitum, vel præmium. Rodolphus Agricola lib. 2. cap. 14. Loci communes, inquit, ut rhetores vocant, non sunt aliud quàm majores ratiocinationum propositiones, ut quæ in proditorem, in veneficum, adulterum, sicarium dicuntur. Cùm volumus enim probare, Cælium damnandum, ostendimus veneficum esse: quod ubi explicatum est, quid restat aliud, quod ratiocinationi desit, nisi major? veneficus est damnandus.

Epilogo similis, &c. In conclusione, præter Enumerationem sunt Amplificatio & Commiseratio. Illa per locos præscriptos à Cicerone communes, instigationis auditorum, augendique criminis causâ sumitur: Hac item per locos suos commoveretur misericordiâ animus auditoris. Ergò conclusioni similis est locus communis, quem item bonorum & malorum, quæ alicui insunt, nos amplificativum sermonem appellamus, λόγον αὐξητικόν Græci.

Res enim nota est, &c. Hoc est, postquam forma quædam proœmii fuerit posita, & à contrario locus, tum subjunges ἐνθάδε, id est, expositionem, ut auditorem in odium malefici rapias ac instiges, non probes, nec doceas rei declaratum crimen.

In majus extollas, &c. Hoc est, flagitium, in quod fueris inductus, ostendes longè gravius esse atque atrocius illo cum quo contuleris, ut sacrilegum peculiarore deteriorem.

Sententiam vel mentem, &c. Sententiam veteres, quod animo sensissent, ut supra dictum, vocaverunt, Græci *νοῦς* appellant. Quod consilium mente conceptum, atque voluntatem quoque significat. Vult igitur Aphthonius ut aperiamus, quo animo, vel rationis impulsu, & quibus consiliis reus ad maleficiū accesserit.

Conjecturalis, &c. Conjecturam à conjectu, id est, directione quadam rationis ad veritatem, appellatam ait Quintil. lib. 3. cap. 7. Hinc conjecturalis causa, cujus Cicero ponit sex partes. Et primam vocat argumentationem probabilem, dividitque in causam, & in vitam: illa ratiocinationem, hæc ex antè factis suspiciones administrat.

*Conjectura.
Conjectura-
lis causa.*

Misericordie exclusionem, &c. *ὁ δὲ ἐμφολὴν*. Amovendam ait misericordiam esse, & neminem justum oportere malorum misereri.

Leges nulla, &c. Tyranni periphrasis est, in quem præfens hic locus communis est institutus. Verùm tyrannus olim dicebatur fortis & dominus bonus, plenam in subditos potestatem habens. Unde Virgil. in 7. Æneam sum, quem pium semper esse voluit, tyrannum dixit, inquit,

Pars mihi pacis erit, dextram tetigisse tyranni.

Postea viribus imperii per superbiam cœperunt abuti. Unde tyranni nomen ad eos restrictum est, qui per insolentiam abutuntur imperiis, & repub. opprimunt, rediguntque in servitutem. Cum his, inquit Cicero Officiorum 3. nulla nobis est societas, sed potius summa distractio. Omne hoc genus pestiferum atque impium ex hominum communitate exterminandum est, &c. Idem 2. Philippic. Satis est
viris

viris fortibus didicisse, quàm sit pulchrum, beneficio gratum, famâ gloriosum, tyrannum occidere. Idem pro Milone: Græci homines deorum honores tribuunt iis viris, qui tyrannos necaverunt. Quæ ego vidi Athenis? quæ aliis in urbibus Græciæ? quæ res divinas talibus institutis viris? quos cantus? quæ carmina? propè ad immortalitatem, & religionem, & memoriam consecrantur, &c. Præterea lex olim erat: Tyrannicidæ imago in gymnasio ponatur. Cuius meminit Quinril. lib. 7. cap. 8.

Videmini, &c. Aphthonius *δοκίμι δὲ μοι μάλλον τι πὶ τῆς τῆ παροῦσης διαβολῆς ἀρετῆς ἐστὶν ἔχοντες, ἢ τῆς τῆς παροῦσης δοκίμιδος γνῶμης*, Longè, inquit, diligentius, & exactius (meâ sententiâ) iudicaretis in re præsentî, si majorum nostrorum iudicia ante oculos vestros ponere vellentis. Iudices nimium indulgentes ac remissos arguit: Majores autem è contrario diligentiores asserit enituisse. Illos pari temp. opprimi: hos in libertatem asseruisse & legum justitiam opposuisse injustis fortunæ impulsibus ad maleficia. Est enim locus à contrario.

Fortuna.
Hinc illud
Horat. lib. 3.
Odor. od. 29
Fortuna se-
vo læta ne-
gotio, Ludii
insolentem
ludere per-
tinax,
Transmutat
incertos ho-
mores.

Fortuna varietate sua, &c. Fortuna potens, ac variabilis appellatur à Virgilio, quam deam veteres arbitrarî, in tota ratione mortalium solam utramque paginam facere credebant, & omnes casus humanos assignabant illi, ut hominum mentes impellenti, nunc ad maleficia, nunc ad virtutum studia. Unde Quint. Cur. lib. 3. de rebus Alexan. inquit, Etiam naturam plerunque fortuna corrumpit. Et lib. 8. Quis neget eximiam quoque gloriam sæpius fortunæ quàm virtutis esse beneficium? Hinc Aphthonius ait, prudenter à majoribus institutum, ut leges decernerent malis pœnas, bonis autem præmia virtutis.

Attentatam rem, &c. Id est, Misericordiam tyrannus mereretur, si peccasset imprudenter & inconsultò; sed cùm factus sit studiosè, atque deditâ ope-

ra tyrannus, erit puniendus: voluntario enim crimini nulla debet esse veniæ spes, nec ignoscendi facultas parata.

Invitum se dicere, &c. Hoc est crimini suo nihil poterit prætexere: non dicere, quod invitus, vel per imprudentiam scelus susceperit. Et in testamento veteri legimus iis urbem profugii paratam fuisse, qui nescientes aliquem percussissent, ut si ferrum in sylva manum succidentis ligna fugerit, & occiderit hominem, Deut. 19.

Liberorum ipsius, &c. Hoc est, filiorum atque filiarum. Vide Gell. lib. 2. cap. 13.

Quarum respectu moveri, &c. Τὸν δὲ ἄλλος ἰμπεριεῖν, id est, suffragia ferre. Multò justius est, inquit, pro legibus suffragia ferre, easque defendere, quàm tyrannorum liberos favore prosequi. Illarum enim beneficio justitiæ floret, & iudices liberè sententiam pronuntiant, sed horum maleficio, cum iudicibus æquitas è medio tollitur.

Locus communis in villarum ac urbium incensores.

EXORDIUM.

HOminum impiorum nulli gravioribus suppliciis afficiendi sunt. quàm ii, quorum maleficio contingit, ut funditus per incendia pereat, quod à justitiâ suam unicuique fuit attributum.

Quorsum atineret deorum clementiâ datas esse facultates, si liceret impunè maleficis eas per crudelissima scelera tollere, vel omnino flammis abolere? *A contrario*

Quid in rerum naturâ poterit atrocius esse, quàm *Ab exposi-* omnia loca miserabilibus lamentis, cunctasque do- *tione.* mos ejulationibus querulis complere, urbes incen-
fioni.

fionibus, interneccione cives, vastitare regiones, ruinâ crudelissimâ respub. perdere, & breviter, omnia quibus humana vita carere non potest, flammis absumere?

*A compa-
ratione.*

Quibus longè mitiores sunt fures, aut sicarii. Hi unius atque alterius bona diripiunt, aut, rerum inopiâ protrusi, unum aliquem occidunt: ac illi respub. omnes evertunt, & universa tollunt è medio.

A sententia

Facinori voluntario nulla esse debet parata excusatio, imprudentiæ justa est deprecatio. Nullâ igitur veniâ digni sunt isti, qui consultò maleficia susceperunt, ac suâ sponte omnia immaniter excusserunt, solâ nocendi libidine, & perversitate mentis impulsî.

*A conjectu-
rati digres-
sione.*

Cùm vitam præteritam adeò turpiter exegerint, ut nulla spes melioris sit insequentis, Iudices, injustè facieris, si eos dimiseritis. Quippe vix unquam ad bonam frugem perventuri sunt, quos ad omnia flagitiorum genera rapuit assidua peccandi consuetudo.

*Ab exclu-
sione mise-
ricordiæ.*

Quis poterit istorum misereri, quos non publicus luctus ad misericordiam traxit, non tot matronarum ac puerorum ejulatus flexere, non tot virorum singultus atque calamitates maximæ permovere, nedum à reterrimo crimine potuerunt detertere?

A legitimo.

Fas & jura sinunt, voluntque, ut ii pœnas se dignas exolvant, qui justitiæ leges violando crudeliter universam respub. affligerunt, fortunâsq; omnium irreparabili damno funditus perdidērunt.

A iusto.

Quis tam perversi judicii poterit esse, cui videatur iniquum, eos tantis incommodis atque pœnis afficere, quanta bonis innocentibus intulerunt, tantisq; suppliciis excruciare, quanta meruerunt eorum maleficia?

Ab utili.

Sumpto de foederatissimis hominibus supplicio fiet, ut respub. liberata possit respirare: item boni cives quibuscunque rationibus valuerint, sua recta re-
staurare

staurare & in meliorem aut saltem pristinam conditionem, atque dignitatem restituere.

Tanta vobis, Iudices, est divinitus concessa potestas, ut citra magnum negotium maleficos tollere, tanta item facultas, ut pro jure vestro rempub afflictam suffulcire possitis, & in libertatem asserere.

Nihil magis poterit iudices æquissimos decere, quam eorum publicarum hostes opprimere: nihil magis gloriosum æstimari, quam prospicere, ne quid damni boni cives capiant.

Postquam poenas de reis hisce dignas sumpseritis, fenestram criminibus reliquis clausuri estis. Nam eorum exemplis multi deterriti cessabunt a peccando, qui alias ad nocendum promptiores sunt futuri. Resipiscunt multi, ubi cognoverint mala consilia consultoribus pessima cecidisse.

Aliud loci communis exemplum.

in ebrium.

EXORDIUM.

IN repub. vestra, Iudices, prudenter instituta, non ferre soletis ulla etiam levia crimina: quanto minus vobis toleranda est ebrietas, omnium scelerum teterrima, unde velut alto gurgite profluunt omnia vitiorum genera, promanarque corporum & animarum perniciēs certa?

In homine rem præstantissimam novius esse rationem, bonamque valetudinem: utrumque obnu- bilat, imo disperdit, fœda remolentia: utrumq; con- servat divina sobrietatis virtus, quæ omnium bono- rum est origo, sicut illa malorum.

Tolerabilior rei presentis esset causa, si vino rarij se ingurgitaret: sed nullam meretur veniam, cum bestia quotidie cothontians se poculis obruat.

K

Qui

A possibili & honesto.

Hoc enim est propriū ejus officij qui ad rei- pub. admini- strationē accedit.

Ab even- turo.

Libertas.

A contrariis.

Ab exposi- tione.

Qui toties ab amicis admonitus non desinit, ab affinis objugatus non cessat ebrietatem sectari, & juxta proverbium, ut canis ad vomitum reverti, & sus ad volutabrum cœni. Noctes atque dies in ganeis, in lustris pergræcatur, clamar, rixatur, pugnat.

*A compa-
ratione.*

Quemadmodum amor turpis nihil boni potest procreare: sic item ebrietas, ingeniorum teterrima pestiicies. Et reliqui morbi partem aliquam corporis solent corripere, non divinam in homine particulam adoriri: pestilentissimus omnium est ebrietas, hoc est, rationis privatio, quæ temulencia dicta, quod animi vigorem debilitet. Veteres enim temerum appellavere vinum, ex eo quod tentet, atque labefactet mentem.

*A senten-
tia.*

Alios imprudentia, casus, atq; fata ad peccandum trahunt: ebriosi sponte suâ rapiuntur ad malefaciendum. Unde Seneca ebrietatem nihil aliud ait esse, quam voluntariam insaniam, Epist. 12.

*A vita an-
tecedente.
Incontinen-
tia inômo-
da videt ex
Socrate apud
Xen.
Demo. 1.*

Non potuit vitam præsentem honestè transigere, qui præteritam turpissimè traducendo, se puto, quod aiunt, argenteo non desit ingurgitare. Documenta sunt libidines portentosæ, pallor, genæ pendulæ, oculorum ulcera, tremulæ manus, quas aliquando vidistis effundere plena vasa. Hæc omnia præmia ebrietatis, & vitæ turpiter exactæ evidentia signa. Vide Plin. lib. 14. cap. ult.

*A miseri-
cordia ex-
clusione.*

Nulla ratione parcendum est illi, qui consultò facinus patrat, & suâ sponte se convertit in bestiam: quod facit ebriosus homo, cujus turpissima flagitia sine ulla misericordia reprimere debetis, & exemplis in nocentem editis reliquos à peccando detertere.

A legitimo

Cum juxta Ciceronis sententiam, Lex sit recti præceptio, pravique depulsio, rectissimè feceritis, si (quod leges vestræ volunt) teterrimum hoc ebrietatis crimen è medio sustuleritis: quo facto, vitis omnibus repurgatam rempub. estis habituri.

Vos

Vos ideo magistratu fungimini, & gladios geritis, ut fontes puniatis, & innocentes tueamini. Nihil igitur iustius, nihil honestius facere poteritis, quàm si fortiter officio vestro functi, in bestiam hanc ebriosam graviter animadverteritis. Nec erit quòd ab illa vobis metuere debeat, cum neminem sui criminis defensorem habeat, & ejus omni vigore corpus exhaustum, vinòque debilitatus sit animus. Noxium igitur dignis modis tractate, quod non solum reipub. vestrae futurum est utile exemplum atq; salutare, sed etiam gratum Deo, qui maximo odio prosequitur ebrietatem. Unde apud Esaiam inquit, Vae qui consurgitis manè ad ebrietatem sectandam, & potandum usque ad vesperam, ut vino aestuetis, &c.

A iusto, bene, nullo, utili, possibili. Gladios custodiant magistratus.

Sed non opus oratione longa vobis, quibus persuasum esse scio, ebrietatem crimen esse teterrimum, nec levi supplicio tollendum.

Epilogus.

Petrus Mosellanus venustius ac copiosius tractavit.

ARGUMENTUM.

VEreor plurimum, nè qui sobrii sunt, operam hanc meam in ebrios dicendi, ceu supervacaneam rideant: dicent enim, sobriis castigatione hac nihil opus esse; ebrios autem sic vino sepultos, ut nullius vocem exaudiant, nullius admonitionem intelligant, nullius objurgationis asperitatem sentiant. Nimirum quòd, ut corpus mortui nullis punctis, sic ebrii animus nullis monitis excitari posse videatur. Quanquàm autem oprabile esset, non sepe operam ludi in corrigendis iis, qui in vitiis suis sic obduruere, ut omnem medicinæ spem excludant: tamen quia sunt qui certis intervallis ex tanti mali sopore expergefati, ad se redeunt, seq; sanabiles per hoc, quod morbum

subinde agnoscant, præbent, vel horum gratiâ, quanta sit in hoc vitio perniciēs, paucis ostendam. Nam ut pulchrius nihil est hominē sobrio, & ad quidvis quovis tempore, quovis in loco pararo: irā nullum monstrum foedius ebrio, cujus, ut Terent. Chremes ait, neque pes, neq; manus satis suum officium facit. Principiō mirari succurrit Græcorum prudentiam, qui suæ etiam linguæ proprietate quanta virtus, quāque ingens bonum sit sobrietas satis declarant. Siquidem ut ostenderent mentem humanam in sua dignitate consistere sine sobrietate non posse, virtutem hanc insigni vocabulo σωφροσύνη nominavere

σωφροσύνη.

Quid enim aliud sonat σωφροσύνη, quā mentis conservationem? ut quantum homo animalia rationis expertia mentis dignitate antecellit, tantum quoque hæc virtus cæteris omnibus sit sublimior censenda. Quanquam autem Stoicorum disputatio est, qui unam virtutem habeat, ei & cæteras non deesse: tamen in usu vitæ humanæ, sæpe compertum est, fortitudinem habuisse eum, qui amicitiae jura non præstiterit. At sine sobrietatis fundamento nullus unquam virtutum domicilium in animo suo construxit. Nam ut ea oculorum acies sola colorum discrimina discernit, qui nullo vitiosi humoris fluxu lippiant: irā quid quaque in te fugiendum, vel sequendum sit, ea tantum mens cernit, quam cibi ac potus moderatio ab omni onere semper servarit expeditam. Hæc prudentibus consiliorum omnium mater, hæc recte consulta maturè exequitur, cum hac florent respub. hac discedente sensim optima quæque dilabuntur: ut vel hinc appareat, quanta sit pestis in republica civis ebrius, qui neque virtuti ulli locum apud se relinquat, nec ullum in rebus consilium aut invenire ipse, aut ab aliis inventum recta ratione exequi possit: qui nec præterita recordari, nec præsentia moderari, nec futura prævidere recte queat:

queat: qui deniq; nihil aliud sit quàm quod de orio-
sis aut poëta, — Telluris inutile pondus.

Pinge autem tibi cogitationis penicillo talis homi-
nis vitam. A vespera ad multam noctem clamarur,
bibitur, luditur, cantatur, ululatur, pugnatur, fran-
guntur scyphi, mensæ vomitu conspuuntur: succe-
dit somnus alii gravis, adeo ut morri plusquam si-
milis appareat: alii somniorum terrificis spectris ir-
requierus: tum æquissimum ebrietatis supplicium,
vehemens capitis dolor, ac membrorum omnium
debilitatio. Manè dolor, & nondum edormitum vi-
num surgere vetat, & in medium usque diem in stra-
tis detinet. Quod si quid operis urgeat nimis, fra-
cti, & vel semimortui ad illud accedimus. Quis au-
tem cum laude in negotio aliquo gravi versatur, ad
quod invitatus, fractus, ac totus languidus ingredi-
tur? Quid expediet impeditus ipse? Quid fortiter
faciet languidus? Quem laborem feret hesterni
mero non solum fatigatus, verum totus fractus?
Attrectandum est aliquid? Tremunt manus. Eun-
dum aliquo? Genua labant. Res poscit eloquenti-
am? Lingua hæret, vocis meatus est impeditus.
Quid multis? inter tot morborum genera, quot
humanæ naturæ miseria est obnoxia, vix ullum est,
quod semel adeo totum hominem sibi eripiat, &
animum pariter atque corpus prosternat. Bona
morborum pars cum vel corpus, vel corporis ali-
quam partem affligat, tamen immortalem hominis
partem, nempe animum, impetere non audet. Sunt
qui soporem, sunt qui torporem, sunt qui frigus, *Animum*
sunt qui æstum immittant, salvâ tamen interim ra- *cum diis*
tionis dignitate. Atqui illud ipsam, quod commu- *commune*
ne habemus cum diis immortalibus, quo solo ho- *habemus*
mines & sumus, & rectè appellamur, quo à brutis eoque solo à
differimus, hoc verò labefactare ebrietas & potest, & brutis dis-
solet. Atrox sanè & horrenda pestis est *invidia*, qua *ferimus*.

correpti plerique aliquoties vim sibi ipsi afferunt, dum sua ipsorum membra pulsant, dum capillos sibi vellunt, dum se in luto volvunt ipsi. At nullis verbis consequi queas, quanto foediori, quantoque immeniori malo laboret ebrius. Quem *ἄλκιμος* corripit, hunc paulo momento deserit, atque ei mentis usum reddit: ebrius autem cum diu multumque per ebrietatem jactatus fuerit, seque indigna multa tum fecerit, tum passus fuerit (si non, quod saepenumero accidit, in torum extingatur) totumque penè triduum sepulto similis jacuerit, vix tandem ad se utcumque redit. Illi mali sensum lenit, quod nullā suā culpā, sed morbi vehementiā poenitenda multa tum dicit, tum facit: huic verò malum conduplicatur, quando, quo mali culpam à se transferat, non habet: & minùs premere solent, quæ nihil commercii gravia accidunt. Jam inter animi vitia nullum est tam noxium, nullum ex quo tanta malorum aliorum seges pullulet. Quid enim tam est horrendum, quod non ebrii audeant? Fide & taciturnitate in rebus humanis nihil sanctius esse debet. Ebrius nihil rectè credideris: effudit omnia, neque quicquam tam religiosè arcanum est, quod celare is possit, qui

In vino veritas: hinc Horat. Ser. I. Sa. 4. et IO. Condita cum verax aperit precordia Liber. Vide Cur. lib. 10. & Plutarch. in vita Alex. ad cuiusvis compotoris stultitiam invitatus mentis suæ dignitatem ipse prodit. Quid enim non proderet is, qui illud, quod charissimum habet, ad alienum affectum, cumque stultum, amittere vel cum aviditate paratus est? Cui autem ignotum est, rixarum, vulnerum, stuprorum, adulteriorum, homicidiorum uberrimum fontem esse ebrietatem? Quis enim nescit pugnam Lapitharum factam, ut Horatius ait, super mero? Quis nescit, Tarquinius mero calentes primùm ad stuprum nefandum processisse, mox & regno amplissimo excidisse? Quis ignorat Alexandrum Macedonem, cætera quidem regem laudatissimum, compotandi studio, eò prolapsum,

ut iis, quibus familiarissimè utebatur, interfectis, & per hoc procerum suorum omnium animis à se alienatis, veneno tandem extingueretur? Sed nã ego ineptus, qui, quod vitium finem nullum nocendi habet, hoc orationis meae angustis complecti studeo.

Aliud exemplum loci communis in sacrilegum, juxta præscriptos ab Aphthonio locos, cujus bona pars ex Prisciano deprompta est.

EXORDIUM.

IN omnes maleficos oportet animadvertere, maximè in eos qui contra deos aliquid audent, sacra violando.

Alia exordii formula.

Quòd si vultis committere, Judices, ut cæteri quoque homines vestrà indulgentiã pessimi fiant, sacrilegum impunitum relinquit: sin hoc non placet, supplicijs afficite.

Alia principii forma.

Qui in conspectum vestrum adductus est reus, videtur non solus in periculum venisse, sed vos quoque in discrimen præcipitami. Juris enim contemptio, & religionis violatio impunita relicta, deorum iram in homines excitat.

Ut dii placarentur majores nostri cæremonias instruerunt, aras condiderunt, templa diis immortalibus voverunt, hostijs donarijsq; exornârunt, ac festis diebus redeuntibus celebrârunt: iste autem ut deos exacerbatos in capita nostra instigare, aras spoliavit, templa profanavit, & omnia donaria crudeliter abstulit.

A contrario

Et quid aliud animo revolvit, quid aliud machinatur sacrilegus, quàm deos irritando universæ civitati malum accersere, publicisq; ac privatis rebus in-

Ab expositione.

commodare? Etenim ex sacrilegio, & deorum contemptu solet agrorum sterilitas provenire, omniumque rerum penuria: item seditiones, praelia, regionum devastaciones, urbium excidia, aque pestes.

*A compa-
ratione.*

Ex reliquorum maleficiis tolerabilius malum videmus enasci. Latrocinium ac furtum in paucos committuntur, stupratorum adulterorumque crimina iis solum, qui faciunt, molesta & acerba sunt, & eos maxime, quorum interest, excruciant: sacrilegus autem omnibus, ex aequo plurimum incommodat, qui tyrannis est similis, sed tamen ex illis non omnibus, sed pessimis omnium. Illorum enim facinus est levissimum, quo deorum immortalium donaria spoliunt, sacrasque divitias auferunt. Iniquissimum igitur esset, furem, vel injuriosum affici supplicio, sacrilegum vero absolvi.

*A senten-
tia.*

Sed quid suis ut pretendat flagitiis habere potest? Invitus ad scelera non accessit: sed cum mala semper in eo mens, malus animus fuerit, non sine multis, sed impiis consiliis atque conatibus fores repletorum effregit. Jam quali praeditum animo censaris eum, qui deos immortales, quos omnes creaturae venerantur ac adorant, contempserit, imò divina sacra profanando exacerbaverit? Quod designare solent, qui bomolochorum pessimi nunquam laboribus honestis ut victum acquirerent, operam impenderunt, sed per impias artes atque sacrilegia maluerunt ad divitias pervenire.

Bomolochi.

*A digres-
sione con-
fessurali
imò natu-
rā potentio-
rem consu-
etudinem
asseris.*

Homines alii qui peccant, maleficii praesentis labem vitae prioris melius exactae sanctimoniam vel excusare, vel expurgare possunt: at qui tam horrenda crimina committunt in deos, satis ostendunt sese habere pectora, quae ab incunite aetate nulli pietati assueverunt, sed assiduo criminum usu tam contaminata sunt, ut ad meliorem frugem, si cupiant etiam, nequeant

nequeant reduci. Lignum enim tortum hand unquam fiet rectum. Et difficile est resistere consuetudini, quia assimilatur naturæ: quam licet expellas furca, tamen usque recurret. Quare nihil jam aliud restare constar, quam dignum meritis supplicium, ut sic arbor mala semel excidatur, nè malos fructus producere pergat.

Qu. Curt. lib. 5.

Unde si cum maximo ejularu ad pedes vestros se abjecerit, nihil opploratione ejus commoveamini oportet, nè crimen impositum aliis similiter peccandi fenestram aperiat, & inconsulta misericordia vestra deorum iram in publicæ dispendia calamitatis exacuat.

A misericordia ex-clusione.

Quod si leges volunt, ut qui status hominum inquietant, pacemque publicam interturbant, puniantur: quanto magis animadvertendum erit in eos, qui nobis immortales deos iniquis & hostes faciunt, ut eorum amicitia spoliati, tandem intereamus.

A legitimo.

Et quid magis æquum esse poterit, quam deos placare, religionem tueri, adiûmque sacrarum expilatores dammare, ac meritis supplicis afficere?

A iusto.

Quod si feceritis, deos placatos habebitis, & reip. statum longè tranquilliorē atque prosperiorem. Etenim in his imperiis feliciter omnia solem succedere, in quibus religio vera conservata, scelera puniunt, & alie omnia regnum Dei facit quæsitum.

Ab utili.

Nec erit, quod vindictæ vestræ iustissimæ impedi-mento esse possit. Neminem enim iste habet, cujus patre deo nitarur: nec credo fore aliquem, qui tam sit divum contemptor, istum è manibus vestris ut cupiat eripere, sed potius omnes instabant, & urgebunt, ut reus omnium suffragiis morti destinatus, meritis penas exolver, nè ex eo conservato

A possibili.

Quid igitur moramini? quid cessatis in eo rollendo,

Epilogu-

do, qui jampridem omnibus videtur esse damnatus?

Aliud loci communis exemplum, in contumacem aut δυσκολον.

EXORDIUM.

Contumacia.

INter varia criminum genera non infimum est contumacia atque morositas, omnium diffidorum uberrimus fons & origo.

A contrario.

Morum æqualitas amicitiae vinculum atque glutinamentum est, unde natum proverbium, *Æqualitas haud parit bellum*. Et obedientia vel sola virtus est, quæ menti cæteras virtutes inserit, insertasque custodit. At morositas & contumacia pertinax, amicitiae pacta rescindunt, omnemque concordiam è medio tollunt, ut Pythagoras rectè dixerit, *Æqualitatem amicitiae parentem, & altricem; contra, inæqualitatem discordiarum, bellorumque matrem esse*.

Ab expositione.

Ab omni mansuetudine & obedientia dyscolus abhorrens, in animum induxit, bene monentibus nunquam obtemperare, neminemque ad honesta vocantem audire. Secum igitur assidue loquitur, atque exequitur ista: Ego satis sapio: satis est iudicii, ut queam cum aliis certare, imò vincere: nolo alicui morem gerere, cum longè melius, quàm alii, noverim quæ convenient ætati meæ: nec maximopere alienam sapientiam optarim; valcat monitorum odiosa prudentia; ego, quod mihi visum erit, aggrediar: præceptoribus, cum se feroces præstiterint, oppedam: quæ vetuere, faciam, rejectis etiam libris indulgebo genio, pergræabor indices, & mihi nomen insigne comparaturus, nocturno tempore veluti grassator aut sicarius in plateis pervagabor, obviam venientes

venientes laceſſam, atque proſternam, aut, velut Achilles, in fugam compellam, exclamabo etiam, ut Stentora vincere poſſim,

—aut propriâ mercede canoros

Curetum ſonitus, crepitantiâque æra ſecurus,

Torva Mimallonis implebo cornua bombis.

Hæcce digna ſunt adoleſcentibus exercitia. Melancholicorum eſt ſtudiis impalleſcere, & demorſos ſapere ungues.

Grave crimen eſt ambitio, ſed multò gravius obſtinatio, & pertinacia procax, quam *ad dâdâs* ap-
pellant. Illud ſubtile malum, ſecrerum virus, & oc-
cultra peſtis infeſtans ſolos cupidos, quorum animos
invaſit. At homo contumax, in perversa ratione per-
ſiſtens, exemplo peſſimò multis eſt aliis, quos veluti
contagione viroſâ corrumpit, & ad ſeditionem, re-
ip. perniciem, inſtituit, atque trahit.

*A compa-
ratione.*

Nihil habet contumax, quod inflexibili menti prætexat. Facile, ſi veller, bene monentes audire poſ-
ſet: ſed pervicax, & obſtinatus animus reſiſtat, ac
velut aſinus calcitroſus reverberat. Cæterum ut *mi-
ſuppla phtnp rñs iuvapâtiac* ſic inobedientiæ crimen
& pertinaciæ ſcelus, omnium in repub. perversita-
tum origo.

A ſententia.

Præſentis criminis pœna remitti poſſet, ſi non
turpem ex vitâ præterita labem, adeoque *ſciv* con-
traxiſſet, nec vitium ex prava conſuetudine verſum
eſſet in naturam, ex cujus genuina malitia nihil, niſi
quod reipub. peſtilentiſſimum, poteſt enaſci.

*A digreſſi-
one conje-
cturali.*

Quis iudicii tam perversi vir eſſe poterit, qui ru-
bo (quod alunt) arefacto rigidiores atque præfracti-
ores a meritis pœnis liberatos velit, id effecturus ut
omnis bene monentium, ac gravium virorum auto-
ritas in ſummum adducatur diſorimen?

*A miſeri-
cordiæ ex-
cluſione.*

Quòd ſi non in facta modò, ſed in voces etiam

A juſto,

petulantiores olim publicè vindicatū eſt, ut C. Fun-
danius

danius & Tiberius Sempronius ædiles Appii Cæci filia mulctam ob incivilia verba duntaxat dixerint, ut Gell. lib. 10. cap. 6. quanto æquius erit constringere os infrane, & coercere pestiferam rebellandi libidinem ejus, qui responsator teterrimus oblatratione, factoque suo scelerato omnia civilitatis atque pietatis officia tollit?

A legitimo.

Quod si vestrum nonnulli judicaverint vitium contumaciæ non capitale crimen esse, arguerint igitur leges jubere, ne major pœna sit, quam culpa, Officiorum 3. Non petam ut in ream exempla crudelia nimis edatis, sed per ~~vulgaris~~ aut ~~humilis~~ occurfuri viriis, ita puniatis, ut accepto malo resipiscat, peccandique licentiam colubeat, atque compescat.

Ab utili.

Ad crimina leviora etiam nihil connivere, sed aliquando ad vivum rescare, quantum in repub. bonæ frugis afferat, vel oratio manifestum est.

A possibili.

Res ardua non erit, de præsentis reo judicium, censuramque facere: sola sufficit autoritas vestra, qui nullis in hoc negotio perficiendo copiis auxiliariis opus habituri estis, cum vel solo nutu confundere possitis, cumque nemo sit, qui cupiat illi subvenire.

*Ab even-
tuo.*

Si præsentis peccati scelus reliqueritis impunitum, multos habebitis ad idem flagitium alacriores factos, quos adhuc expectatio judicii vestri remoretur.

*aliud loci communis exemplum, in avarum:
cujus exordium.*

Vetus dictum est, iudices, avarum, nisi cum moritur, nihil rectè facere. Quod vel solum vobis persuadere poterit, ut hunc hominem, ipsam avaritiam, si non capitali pœnâ afficere, saltem extra patriam aliquò, unde ad nos, vel contagio, vel hominis fama non possit accedere, statuatis ablegare.

Admo.

Admodum bene ac prudenter olim Romani sapientes instituerunt, ut in Ægel maris insulam Gyaxos noxii deportarentur, ne lacefferent, ac divexarent innocentes, pauperum sudores, atque sanguinem hauriendo. Contrà vos perperam ac imprudenter feceritis, si hunc reum in patria reliqueritis, & non potius hominem pestiferum & injurium ex hominum communitate exterminaveritis, ne ejus præsentia perniciosâ miseri cives non modò violentur, sed etiam perdantur. Universum enim mortalium genus devorare, & omnibus, ut sibi solis profint, esse maximo detrimento solent avari; per omne genus injurarum suos explendo loculos, alienos expilando.

A contrario

Devoratur is, inquit Quint. lib. 6. cap. 8. cujus patri- monium cōsumitur.

Cujus rei gratiâ secum animo revolvere solitus, Quorsum virtutes? quorsum probitas? quæ laudatur quidem, sed alget. Unicum ego pecuniæ studium amplectar. Hæc rerum omnium regina, donat formam, nobilitatem, uxorem locupletem. Huc obediunt omnia, hac vel dii capiuntur. In pretio pretium nunc est, dat census honores, qui divitiis parantur. Has igitur consecutus ego, omnibus (qui nunc quæstus uberrimus) assentabor, defraudabo, terminos proximi transferam, furabor, rapiam, nihil vel deos, vel homines curaturus.

Ab expositione.

Luxuriosa quidem res est vinum, & tumultuosa ebrietas, sed longè nocentior avaritia fuerit, quâ nihil scelestius esse rex sapientissimus Solomon asserit. Et quò liberalitas gratior, omniumque studiosorum encomiis celebratur atque laudatur magis, tanto detestabilior avarus est; qui non amicis, non patriæ, non reliquis omnibus, sed sibi soli natus, quasi hominis portentum vivit, se solum pascit, & horrendum dictu, nunquam satiatur; quemadmodum infernus, & perditio non replentur. Proverb. 28.

A comparatione.

Ebrius post factum agnovit delictum, ac penitentiam

A sententia

tentiam agit: homicida in furoris vim ac iram transfert crimen, & factis maleficium assignat. Et uterque non semper, sed raro & casu quodam & inviti peccant. At avarus nihil habet, quo noxium repurget animum, cum avaritia penitus insita permaneat in venis, & in imis pectoribus inhæreat, ut avelli non possit; nullum relinquens penitentiae locum, nullamque de hominum genere bene merendi facultatem.

A conjecturali digressionem. Præteritæ vitæ sanctitas alijs sæpe reis non vulgarem apud judices æquos benevolentiam conciliat: verum si totam hujus rei vitam ad amissim excussitis, ipsissimum invenietis *Αυγύς βουκότος*, monstrum, non unâ gravi correptione vel supplicio dignum.

A misericordiae exclusionem, atque justam. Quare neminem arbitror fore tam stolidum, quem hujus rei miserescat. Familiam, quam sui simillimam habet, ad pedes forrasse vestros provolutam videbitis: sed vos legum & justitiæ ratio magis permoveat, quàm iniqua sceletarorum hominum hypocrisis, & ipsissimæ crocodili lacrymæ.

A legitimo. Cum leges reipub. gratiâ conservandæ jubeant in fontes animadvertere, non illegitimum fuerit, imò justissimum, acriter hunc reum à vobis castigari, vel procul ablegari, cum nihil eo scelestius, ut dixi, reperiat.

Ab honesto & possibili. Quo facto nihil officio vestro dignius effeceritis. Nec quod judicium vestrum possit remorari, video: nam, modo volueritis, dictum aut factum reddetis.

Ab utili. Duplicem indè reipublicæ commoditatem promanaturam experiemini. Primum judices integri, terribilissimâ peste rempublicam liberâsse prædicabimini. Deinde prædenter effecisse, ut præsentis rei supplicio deterri reliqui, ad consimile maleficium non facillè sint accessuri.

Epilogus. Plura dicere non arbitror operæpretium, cum ipsi

ipſi ſaris intelligatis, non leuibus poenis afficiendum avarum, cum eo nihil fir in republica peſtilentius, atque magis pernicioſum.

De laude, qua ἱππύμωρ Grece dicitur.

CAP. VIII.

Laus eſt oratio, bona alicujus enumerans.

Proprium eſt laudis res amplificare, & ornare. Quint. lib. 3. cap. 7.

Laudandæ verò ſunt
 { Perſonæ, ut Thucydides, aut Demosthenes.
 { Res, ut juſtitia, aut temperantia.
 { Tempora, ut ver, æſtas.
 { Loci, ut portus, horti.
 { Ratione carentia animalia, ut equus, aut bos.
 { Plantæ, ut vitis, aut oliva.

Laudamus verò & communiter & ſingulatim. Communiter, ut omnes ſimul Athenienſes. Singulatim, ut Athenienſem unum aliquem. Hæc verò diſpoſitio eſt laudis.

Diſpones autem ipſam hoc pacto:

Primum proœmium pro qualitate rei pones.

Deinde ſubjicies genus, quod dividitur in
 { Gentem,
 { Patriam,
 { Majores,
 { Parres.

Post educationem explicabis: quæ continetur
 { Inſtitutione,
 { Arte,
 { Legibus.

Hinc

» Hinc subdes Animi, ut quæ fortitudinis sunt, quæ
 » præcipuum } prudentiæ.
 laudum om- }
Compara- nium caput } Corporis, ut pulchritudinem, velo-
tionis ex- res gestas, } citatem, robur.
ercitatio quas divides }
duplicat in ea quæ } Fortunæ, ut principatum, potenti-
materiam: sunt } am, divitias, amicos.
& virtutū

» Addes deinde comparisonem, quā id quod lau-
 » datur, alteri collatum tollatur in majus.

» Postremo Epilogo, qui precationi similior sit,
 » concludes.

Exemplum in Thucydidi laudationem.

» Quint. lib.
 2. cap. 4.

» **A** Equum est eos, qui utilia nobis adinvenēre, su-
 » is ipsorum inventis ornare, laudibus prosequi,
 » & quod ab illis est prodirum, iisdem quoque ceu au-
 » toribus cum gratia reponere, acceperimque referre.
 » Non igitur injuriā Thucydides oratione mihi cele-
 » brandus est, qui nobis plurimum attulit ornamenti.
 » Omnes enim de aliqua humanarū rerum parte bene
 » meritos decet venerari: Thucydidem verò, eò ma-
 » gis, quod pulcherrimæ omnium illustandæ curam
 » suam impendit. Neque enim quicquam eloquentiā
 » pulchrius: neque Thucydide quenquam bene di-
 » cendi gloriā præstantiorem invenire est.

» *A Patria.* Nactus autem Thucydides eam est patriam quæ
 » *Athenas* & vitam pariter sibi, & eruditionem præberet. Ne-
 » *inventrices* que enim in alio loco natus est, quā unde omnis
 » *& altrices* bene dicendi ratio profluxit, originemque vitæ
 » *bonarum* titus Athenis.

» *artium vo-* Reges generis sui habuit autores. Itaque ab ul-
 » *cat Cic.* tima protinus origine, clariore majorum fortunā
 est

est illustratus. Utraque ergo habens & generis am-
plitudinem & civitatis statum popularem, quò clari-
or utrinque fieret, est ab utroque adjutus. Etenim
nè ad injustas opes, potentiámque delaberetur, æqua-
litate legum prohibitus est, nè in obscura reliquæ
plebis vilitate delitesceret, felicitaris genere est con-
secutus.

Talibus igitur procreatus parentibus, in republi-
ca Atheniensium interque leges educatur, quas certè
optimas esse vitæ magistras in confesso est. Inter le-
ges autem armæque vivere instituens, eruditioni si-
mul atque rei militari operam dare decrevit, neque
studia armis deferens, neque arma (ut præcipuam
prudentiæ partem) relinquens, unòque conatu dua-
rum diversarum artium curam habebat, conjungens
ingenio pariter ea, quæ naturâ sunt separata.

Ut tandem ad virile pervenit rebus, occasionem
quæsit proferendis eis, quæ pulchrè fuerat in æta-
te meditatus. Nec defuit casus, bellumq; protinus
est ortum, ipsèq; res ab universa gestas Græcia lite-
ris complexus posteritati mandavit, conservator
eorum, & velut restaurator, quæ bellorum delevit
injuria. Nec passus est, quod quisque gessit, tempo-
rum situ aboleri. Ex ipso ergo cognoscitur captam
esse Platæam, scitur Atticam esse vastatam: tenetur
Atheniensium classibus Peloponnesi oras esse navi-
gatas: certatum esse navali prælio apud Naupacton,
non est nos Thucydides id passus latere: Lesbum
ab Atheniensibus esse captam, id quoque ab ipso in-
dicatur: cum Ambracioris pugnatum esse, hoc &
nè diuturnitas aboleret, effecit. Judicium Lace-
dæmoniorum non ignoratur: Sphacteria & Py-
los, ingentes Atheniensium labores non latent. et
Concionantur Corcyræi Athenis, Corinthii ip-
sis contradicunt: Æginates, ut Athenienses ac-
cusent, Lacedæmona proficiuntur: Jam verò à

L

belli

“ belli consilio Lacedamonios Archidamus abster-
 “rens, contra Steneleidas ad bellum suscipiendum im-
 “pellens: Ad hæc Pericles legationem Laconicam
 “contemnens, neque passus deficere animo propter
 “pestilentiam Athenienses: Cuncta hæc Thucydidis
 “operâ, ingenioq; in omne ævum ab oblivione vin-
 dicantur.

*A compa-
 ratione.*

Herodoti

& Thucy-

didis com-

parationem

pulcherri-

am vide

apud Qu.

li. 10.6.1.

Epilogus.

Quis autem Herodotum illi comparaverit? Ille enim ad voluptatem legentium scripsit; hic omnia ex rebus ipsis, atque veritate deprompsit. Quantò verò quod ad alienam fit gratiam, infra id est quod fit ad veritatem, tantò post se Thucydides Herodotum relinquit.

Erant alia quoque permulta, quæ de Thucydide dicerentur, nisi, quò minùs omnia diceremus, laudum suarum nobis obstarat multitudo.

ALIUD EXEMPLUM.

Laus sapientiæ.

PROOEMIUM.

Sapientiam adipisci, felicitatis est: laudare autem pro dignitate ipsam, majus est quàm ut nostris id viribus assequi possimus. Tantum enim illi superest gloriæ, ut commune quoddam deorum immortalium bonum esse credatur. Cùm enim deorum unusquisque velut descriptam officii sui tueatur partem, Juno nuptiis præsit, bellis Mars cum Pallade, Vulcanus inter ignes fabriles suas exerceat partes, ducat Neptunus navigantes, & quisq; alius aliud sibi vendicet; sapientiam in commune sibi asserunt omnes; præcipuè verò præ omnibus Jupiter, quantò reliquis major est, tantò omnium quoq; sapientissimus æstimatur.

A genere.

Unaque sapientia est, quæ vel maximè æternam Jovi præstat potestatem. Et dii quidem nativam ipsam

ipsam cognatamq; sibi habent: munere autem ipso-
rum in terras quoque delata est; & deorum filii
sapientiâ suâ maximam humanæ vitæ utilitatem
artulerunt. Quapropter poëtæ laudem merentur, qui
Palamedem & Nestorem, & si quis alius sapiens
olim fuisse canitur, deorum fuisse filios tradiderunt. *Ut Hercu-
lem, Minos,
Perseum &
reliquos.*
Non quidem illi vano commento deorum naturam
velut permutare conati, quam nè dii quidem ipsi
permutare possent, sed generis permixtione com-
municationem indicantes virtutis; ut qui divinâ
quadam cæteris admiratione præstarent, deorum
filii crederentur. Nec immerito illorum in deos re-
ferebant genus, quorum sapientiâ major, quàm hu-
mana, originem videbatur affirmare divinam.

Sola autem ipsa utroque rerum statu æquas habet
rerum vires. Nam reliquarum aliæ bello solùm pro-
bantur, alias laudamus in pace: sapientiâ verò præ-
cipua est utriusque temporis moderatrix. Sic in
bello versatur, tanquam prorsus artium pacis igna-
ra: sic pacem continet, tanquam nunquam agitata
strepitû bellorum. Denique tam apertè utriq; sese
accommodat, ut in utro horum æstimes, ei soli
videatur esse dicata. Fert pacis temporibus leges, &
omni tranquillitatis uritur more: in bello verò vi-
ctoriam præbet. Neq; armis solùm superiorem facit,
sed in concionibus quoq; præstat invictum. Itaq; &
inter bellantes, & inter pacatos sola præcellit,
primasque sibi vendicat sapientiâ. Sola quoq; divi-
nitatis proximè exprimit similitudinem: sola enim,
velut Deus, futura prospicit. Quin ipsa quoque ter-
ram agricolis attribuit, navigantibus assignavit
mare: adeò non fruges colligere sine sapientiâ, non
navim, nisi sapientis gubernatoris præsidio freti,
ascendere auderemus. Itaq; quicquid exhibet mare,
quicquid hominum usibus terra profert, meritò
sapientiæ munus cuncta censentur.

“ Nè cœlum quidem, & si quid in ipso later, dimi-
 “ sit in occulto; quantum solis se porrigat ambitus,
 “ quod spatium stellarum unaquæque circumscribat,
 “ ipsa peruestigavit. Despexit intra terras etiam, &
 “ quo pacto virâ defuncti agemus, ipsa nobis aperuit.
 “ Troiam quam capere temporis diuturnitas non
 “ potuit, sapientiæ astus subegit, & unius consilium
 “ adepta, universam Persarum potentiam dissolvit.
 “ Cyclopis oculus erutus est prudenti Ulyssis in ven-
 “ ro, sicque quidquid est, quo quisquam vincat, ab ip-
 “ sa sapientia derivat.

*A compa-
ratione.*

Quis ergo ipsi fortitudinem comparasse velit,
 cum quicquid viribus fieri possit, ipsa etiam sapien-
 tia præster? Adeoque si ipsam fortitudini ademeris,
 per se fortitudo culpanda videatur.

Epilogus.

Erant & multa alia, quæ de sapientia dicerentur,
 nisi majora essent, quàm quæ posset modica oratio
 complecti.

SCHOLIA.

Laus, &c. Alii laudationem vocant, hoc est, ora-
 tionem bona exprimentem quæ alicui insunt.
 Ἐλῳμὸν Græcè appellatur, quod juxta Aphthonii
 sententiam dictum eo quod ἐλῳμὸς, id est, in viis
 antiquitus canebant. Nam antiqui ῳμὸς angipor-
 tus dicebant. Differt ab hymno & epæno, quod
 hymnus deorum sit, encomion verò mortalium:
 præterea epænus paucis verbis sit, encomion autem
 secundum rhetoricæ artem profertur. Postremò,
 cum in loco communi quoq; laus sit, hoc differunt,
 quod in loco communi pro viro forti dicentes, eo
 consilio dicimus, ut præmium petamus: laus autem
 per se virtutis testimonium, ut ait Priscianus.

Laudande sunt, &c. Porro præterita, instantiâq;
 atq; adeò omnia quæ nunc laudamus, nunc contra
 vitupe-

vituperamus, res sunt omnis generis, quæ aut cerni
 rangique; ut homo, equus, urbs, flumen; aut animo
 intellectuque cognosci, atque percipi possint, ut fa-
 cta dictaque. Virtutum item vitiorumque, tum ar-
 tium varia genera, ut prudentia, iustitia, fortitudo,
 temperantia, eloquentia, medicina, architectura,
 scientia rei militaris, aliaque id genus multa. Vitia
 autem quæ sint, hinc cognosci facile potest,
 nempe iniustitia, luxuria, invidia, &c. Ipsius au-
 tem Dei laus (quanquam quid huic aut nostræ lau-
 de accedat, aut vituperio adimatur, non video) to-
 ta huc pertinet. Rerum autem, quæ cerni rangique
 possunt, primas partes homines tenent: qui cum
 cæteris animantibus brutis, rebusque mutis, ratione
 & sermone, tum multis aliis animi naturæque do-
 tibus antecellant, laudem imprimis sibi vendicant.
 Laudamus igitur præcipue personas, urbes, portus,
 loca, & his similia: præclare item facta dictaque
 quæ cum virtutibus conjuncta, atque inde orta
 esse constat. Jam & juxta virtutes atresque aut in
 certis hominibus, aut seorsum suis ipsas laudibus
 exornamus.

Res, &c. Ut Brasmus laudavit Moriam. Et ad in-
 genii vires periclitandas, artemque ostentandam Pha-
 vorinus laudavit quartanam febrim; cum enim con-
 stantiùs valiturum, qui feбри liberatus vires integras
 recuperaverit: Laudavit etiam Therlitem. Cujus
 meminit Gell. l. 17. c. 12. Et Politianus in Epistolis.

Loci, &c. Ut Baiæ, Tempe.

Portus, &c. Ut in Liguria Lunæ, vel Carthagi-
 nensium, cujus meminit Virgil. in 1. Æneid. Item
 laudari poterit Stoa porticus Atheniensis, Pæcile ex
 varietate picturæ dicta, in qua Zeno philosophus
 discipulos docebat, unde & secta Stoica. Item Aulis
 Bæotiae, cujus meminit Ovid. 12. Metamorph.

Horti, &c. Ut Adonidis, qui proverbio locum fe-

cerunt. Item Hesperidum, quos amœnissimos in Africa fuisse memorant. Item Senecæ prædixit horri, ut ait Juvenalis Satyr. 10. Item Alcinoi sylvæ, quarum Virgilius Georgicorum 2 meminit. Item :

Adeste Musæ, maximi pro'es Jovis,

Laudes feracis prædicemus hortuli :

Hortus salubres corpori præbet cibos, &c.

Equus, &c. Equos laudare poterimus, ut Pollucis equum Cyllarum, & Graii quorum meminere poëta, ut ait Virgilius Georgicorum 3. Item Bucephalum Alexandri, de quo Gellius lib. 5. cap. 2. Item, Solis equos, &c.

Bos, &c. Virgilius in Georgicis,

—Oprima torvæ

Forma bovis cui turpe caput, cui plurima cervix,

Et crurum tenuis, à mento palearia pendent:

Tum longo nullus lateri modus: omnia magna,

Pes etiam: & camuris hirtæ sub cornibus aures.

Vitis, &c. Ut Thasiæ vites, sunt & Marcotides albæ,

ut ait Virgilius. Vide Plin. lib. 14. cap. 3.

Olea, &c. Quæ laudari poterit ab inventrice Minerva, & quod signum fuerit pacis. Unde Virgilius in 7. Æneid.

—Ad mœnia regis

Ire jubet, ramis velatos Palladis omnes;

Item, Brassicam laudat Carot: malvam & album Hesiodus.

Subjicies genus, &c. Sunt qui hoc loco jubeant addenda esse ea, quæ nativitatem vel miracula, vel prodigia præcesserint: ut si laudaturus Scipionem dicas in matris cubiculo anguem visum, unde conceptus, & Jovis ille filius fuerit creditus, cujus meminit Livius libr. 6. belli Punici. Item in encomio Hecubæ recenscas facem, quæ prædixerit incendium,

&

Bos pul-
cher.

& excidium Troianum. Item, quid natis evenerit, enumeres: ut, Midæ formicas, apes Platonis. Valerius lib. 1. cap. 6.

De laudibus ductis ab animi, corporis, atque fortune bonis, ex Bucoldiano.

LAUS HOMINIS A
FORTUNIS.

DE fortunis, quæ externa bona sunt, subindè nobis est dicendum. Hæ autem quantæ sint, quot numero prædia, quo sita in loco, quo tempore, sive dono data, sive suorum testamento legata, parentibusve relicta acceperit, emeritve; ex adjunctorum loco, narrandum locuplerandumque erit. Deinde, ex descriptionis loco situm prædiorum, atque hortorum ad flumina, seu fontes, & factas hîc ad voluptatem structuras pluribus licet verbis depingas: quemadmodum Homerus Alcinoi hortos: & maxime si is, quem laudas, princeps sit, urbésque, in quas imperium habet, describas. Quin & huius fortunæ cum aliorum facultatibus conferendo, ex comparatorum loco mirè locuplerabitur oratio: ostendendoque, aut genere, numero, fertilitatèque majores ampliorésque putandas; aut situ ad flumina, seu fontes, rebúsque manufactis, atque ad voluptatem structuris jucundiores amœniorésque. Quòd si verò eorum, quibuscum nostras conferimus, omnium iudicio amplissimas esse copias constiterit, patès ostendisse contenti esse possumus. Spectandum etiam, atque cum materia deliberandum, ecqua & à dissimili contrariis que copia peti possit. A dissimili hoc patto: nostra prædia esse, agrósque suburbanos, unde certus serè quotannis fructus redeat: illos

Hominis laus.

Advertendum, fortunæ, corporis, & bonæ non ideo laudari, quòd quis habuerit ea, sed quòd iis non fuerit indignus.

non modò longiùs domo, sed & aliena in ditione sitos, iisque expositos fluminibus, quæ sæpiùs inundando fata omnia obruant, atq; convellant. A contrariis: nostros flumina fontèsque irrigando agros utilitatem afferre maximam, illis in fata erumpendo, eadèmq; convellendo incommodum adducere summum: huic aquarum cursum prodesse, illis eundem ipsum obesse: huic voluptatem afferre, illis moerorem tristitiámque dare: huic vel exorto bello omnem ex agris fructum redire, illis nullum: huius prædia urbis horreum alimentúmque in hostes esse, illorum contrà hostium in urbem: his patriam defendi, illis oppugnari. Quòd si verò principem laudandum suscipias, potentiámque ejus, gentis suæ urbiúmque genere & numero prædices, quo res major illustriórque fuerit, hoc magis his ex locis extendas.

Quæ corporis bona in homine ex locis amplificandi ratio sit,

Hactenus de externis bonis ejus quem laudamus: quæ quidem pro personarum varietate alia atq; alia existunt: quæ persequi, cum infinitum, rum minùs fructuosum foret. Quare ad fontes ipsos ducere consilium fuit, usúmque locorum in iis, quæ omnibus communia sunt laudèmq; merentur, monstrare, ut horum usu cognito, pro causæ conditione, quantam quisq; velit moram ubiq; facere in augendo possit. Corporis autem bona esse diximus, staturam, figurámq; corporis, valetudinem, robúrque, ipsam denique formam. Hæc quanquam leviora sunt, suam tamen laudem merentur, certaque interim animorum indicia esse solent. Unde Homerus cum in Thersite garrulitatem animiq; vitium nobis depingi veller, nescio quo modo non tam malefacta, quam corpq-

*vide Quin.
dict. loc.
lib. 7. cap. 7.*

corporis deformitatem vitiâque explicando vitio-
fissimum ipsum introduxerit. Idem staturam grandi-
orem, roburque in principibus magnopere prædi-
cat, ut qui Agamemnoni staturam magnam, cui ma-
jestas inesseret regia, tribuit. Ulysses illo quidem mi-
norem, sed latissimis humeris & pectore describit.
Jam verò Ajacem illum non ambobus modò bis,
sed cæteris Achivis omnibus corporis staturâ & ro-
bore antecellentem introduxit. Nec noster Home-
rus hanc in suis laudem neglexit: qui cùm & in cæ-
teris, tum maximè in Ænea & Turno principibus,
corporis dona laudat. Et Dareta cùm altâ staturâ, la-
tissimisque humeris, quod certum virium argumen-
tum esse solet, in singulare certamen produxisset, e-
jus tamen antagonistam Entellum vel senem, ma-
gnitudine corporis viribusque adeò superiorem fa-
cit, ut illum non secus ac qui frustra urbem, aut ca-
stellum oppugnet, hunc temerè infelicitèrque ag-
gressum dicat. Forma plus laudis meretur: præfer-
tim in principibus viris gravitas oris, majestâsq; in
vultu: hæc in primis pondus orationi autoritatèmq;
tribuit: tantùmque in animis Gallorum hostium va-
luisse Titus Livius scriptum reliquit, ut cùm urbe
captâ, avidi prædæ in principum atria irruerent,
cernerentque hos cùm ornatu habitûque paulò hu-
mano augustiore, tum maximè oris gravitate atque
majestare diis simillimos, domi sedentes, ante horum
ora, sicuti deorum simulacra, velut venerabundi
constiterint: nihilque in hos ferro gravius facturi
fuerint, nisi M. Papyrius principum unus prior iram
movisset. Atqui & hinc augendi modum, usumque
locorû explicemus. Staturam, robur corporis, orisq;
decus quantû sit, ubi ab adjunctis satis expresse-
rimus, à causis & eventis deinde dilatemus. Fuisse hujus
majores, homines cùm insigni staturâ & robore, tum
quadam modestiâ orisque gravitate præditos sem-
pèrque

Liv. Decad.

1. cap. 5.

pérque operam dedisse hunc, ut quæ à natura ad sui nominis dignitatem amplitudinémque acceperit, certâ vivendi ratione aleret proveherétque, nulla ut Venus, Bacchúsque immoderatio corporis vires vigorémque auferret. Quare eâ jam valetudine esse, ut nulla corporis imbecillitas obsit, quò minùs in rebus cum gravitate agendis suo, amicorum, & rei. pub. tempori serviat. Quinetiam comparatione rem extendas, si cum aliis amplissimis hominibus conferas, ostendâsque in hoc nostro aut similitudinem aut excessum esse, aut etiam dissimilitudinem: si aut proceritate, ipsóque robore, & valetudine, aut ipsius vultus gravitate, majestatéque multis partibus sit superior.

*Quæ ratio animi bona ex locis
amplificandi.*

Idem

Quint. lib.
3. cap. 7.

*Utra sit au-
tem harum
via utilior,
inquit, cum
materia de-
liberabi-
mus: dum
sciamus
gratiora ef-
se audienti-
bus, quæ so-
lus quis, aut
primus aut
certè cum
paucis se-
xisse dicetur*

REstant animi bona, quæ ut cujusq; propria sunt, ritâ præ cæteris laudem mereri suo jure maximam solent. Hæc laudandi duplex via est: aut enim ad sua virtutum genera, ut suprâ visum est, quæque referentur, sua prudentiæ, justitiæ, fortitudini, & temperantiæ tribuendo facta: aut, quod non minùs commodè fieri, temporum servabitur ordo. Itaque dicendum, quî pueritiâ adolescentiâmq; transegerit: quæ sequutus studia: quantùmque in iis & quàm brevi sit assequutus. Arque hic, si forrè insigne ingenii specimen indolisque haud vulgaris bonitas eluxerit, pluribus erit verbis extollendum: quo videlicet tempore, quo in loco, apud quos, qua in re, aliisque id genus additis circumstantiis, quas adjunctorum locus suppeditat. Quòd si forrè operæpretiû videatur, & hæc ipsa per plures ducendo locos plurimùm extendas. Ætate autem jam magis invalescente, si qua scripta honesti sui studii voluntatisque testimo-

nia

nia in lucem dedit ; primùm qualia quantàque ipsa sint, narrandum, quantũque indè ad plures fructus redeat. Quæ item seu doctorum, seu multitudinis, seu universorum de iis testimonia judiciàque existant. Quæ ubi ex adjunctorum testimoniorumque loco, quem eundem esse diximus, prosequutus fueris, à causis subindè augebis : quòd à multis magnique nominis hominibus sive rogatus, sive ultrò juvandi studio ad scribendum se contulerit Ab eventis: non modò hominum de se expectationi respondisse, sed & vicisse: nec in una atque altera, sed in pluribus nationibus ipsius scripta legi, laudarique. Atque hìc & enarrandum, quorum expectatione majora emisserit, quibũque in provinciis plurimùm probentur. Jam verò & hujus cum probatis magnorum autorum scriptis conferas: ostendàsque poriora multò, melioràque hominum consecuta esse judicia: aut maximis summorum autorum monumentis paria esse, atque judicari. A dissimili etiam amplifices, si in iis, quibuscum conferes scriptis, dissimilitudinem esse ostendas: ut si Hippocratis & Galeni medicorum opera, cum Pauli & Pomponii Jurisconsultorum scriptis conferas: illos rerum naturalium, hos civilium scientiam tradidisse: illos de vita, hos de fortunis sollicitis bene consuluisse: illos præcepta dedisse nè morbus vincat, & æger moriatur, hos nè avarus triumphet, & suum alteri eripiat: denique illos cavisse nè ipsa præmaturè vita, hos nè sua cuique res injustè auferatur. Hinc mirè Cicero non sine delectatione corpus orationis auxit, dissimilitudinem studiorum Murenæ & Sulpitii pluribus verbis explicando. Hunc in modum singula quidem tam domestica quàm publica facta, quæ laudanda videbuntur, servato temporis ordine enarranda amplificandàque erunt: quã ratione domi vixerit, liberòsque educarit; ad quæ studia miserit, libera-

liberalitérque aluerit; quos in viros aut abjeterint, aut se evasuros certam de se spem patri patriæque præbuerint. Quæ si persequaris omnia, ducâsque per locos, incrementum res ipsa sumet maximum. Jam & quid commodi ipse sive re operâque, sive consilio reipubl. præstiterit. Quale est, si dum aliquando, ut sæpe, maximis de rebus bene reip. consulendum fuit, inopsque consilii multitudo ea facili momento sequenda putâset, quæ probata reipub. statum evertura penitus fuissent; hunc in concionem prodiisse dicas, & prudenti oratione, quæ ex his aut illis inceptis commoda, malæ reipub. impenderent, edocuisse, eâque suscipienda persuasisse, quæ cum singulis tranquillitatem, utilitatêque, tum universis nomen, gloriâque attulerunt. Atque hæc aperienda, pluribusque verbis ex locis aliis atq; aliis explicanda erunt, quæ res ad irâ consulendum animum potissimum impulerit: quæ si honesta, utilisque fuit, eventa votis respondisse pulchrum erit. Quanta autem gloria emolumentâque indè reipub. evenerint, quis item ad consultorem fructus honôsq; ab universis vicissim redierit, copiosè erit exponendum. Postremò comparationibus rem extendas: cum urbis conditoribus aut munitoribus hujus factum conferendo, & aut majus, aut simile, dissimilêque ostendendo. Illos urbem quidem condidisse, hunc coeditam prudentiâ suâ ab exitio conservâsse: illos partim fundamenta jecisse, partim mœnia turrêsq; in hostes propugnacula non sine summis oppidanorum impensis laboribûsque altiùs eduxisse; hunc unum ipsâ modò ratione consiliôque, non mœnia solum, urbemque, sed & fortunas omnium, virâmq; servâsse. Quantum etiam cives grati vicissim postea huic honorem, gratiâque habuerint, cum iis conferas licet, quibus ob præclarissima in rempublicam merita non ingrati extiterunt: doceâsque, aut ma-
jora,

iora, aut paria huic contigisse omnia. Quod si verò is, quem laudas, princeps sit, exercitumque duxit, præterquam quod ex his locis omnibus, ab adjunctis quæ latè patent, passimque usui sunt, à testimoniis, à causis, ab eventis, ex comparatione majorum, minorum, à simili, à dissimili, à contrariis copiam peras, etiam à descriptionis loco amplifices maxime: cum aut stratagemata, genusque militum & armorum, aut urbes, quas cepit, regionesque & gentes, mores, aliæque id genus suo quæque loco describas. Porro cum temporis hic servandus sit ordo, danda est opera, ut leviora aut omittamus, aut paucis perstringamus. Quæ verò magna sunt, & prudenter, & iuste, & fortiter, modesteque facta, laudemque in animis hominum maximam merentur, per plures ducenda locos, plurimumque dilatanda erunt. Quæ autem laudari facta oporteat, horumque numerum, personæ, quas laudandas suscipies, secum adferent: in quibus singulis augendis, cognitis his locis, quantam ipse voles, moram trahas.

Ut ea ex locis augenda quæ post mortem acciderunt.

CUM igitur hunc in modum, quæ toto vitæ cursu rectè fecit verbis extuleris, dilataverisque, non negligendum quomodo excessit è vivis, & quæ, vitâ jam defuncto, virtutis ergò magna acciderunt. Nam cum magnis viris, dum vita manet, laudemque sequentibus, comes sit invidia, sit, ut morte jam sublaris, ereptisque quos nocitura sequitur, sese averrat, pariatque mortuis, quem vivis noluit, suum honorem deferri. Quare si & huic vitâ defuncto, aut tumba publicè magnificentius sit extructa, aut statua erecta, aut denique quorannis ad sempiternam

ternam hujus memoriam, rerumque ab ipso gestarum, aliquid statis diebus fiat, quanta hæc sint, quo tempore fiant, quo in loco, à quibus, quantis impensis, quanto studio, aliisque id genus explicatis circumstantiis, quarum adjunctorum locus nos admonet, copiosè erit exponendum. A causis item & hæc, si voles, amplifices: quæ ipsius in remp. merita constent: cur tantum vel mortuo honorem constituerint. Ab eventis hîc nihil sumas, cum explicata, ex adjunctorum loco causas suas præcesserint, nisi propterea hæc defuncto contigisse dicas, ut statuto præclare factis summo honore, plures ad imitandum pellicerentur; exponasque ea ita ex sententia evenisse, pluresque, honoris præmio incitatos, ipsam virtutem sequendo, nominis immortalitatem venari. Quin etiam ex comparationis loco locupletari res potest maximè, si virtutis præmia, monumentaque huic post mortem constituta, cum regum parentationibus funebribusque honoribus conferas, atque ostendas studio hominum ultrò hæc præstantium illos superasse; rerum autem magnificentia æquasse. A dissimili item; illis à regis, regiaque pecunia funebria magnificentius adornata; huic ab universo populo, æreque publico, splendide instructa; illis, quia reges vixerunt, mortuique sunt; huic, quod patriæ conservator extitit, mortuusque sit, habitus est honos: illis, nè regum nomen leve in animis vulgi putaretur, huic, nè sua virtuti præmia deesse viderentur. A contrariis: Illos subditi maximè oderunt, hunc sui summo honore prosequuntur: illos nova constituendo vectigalia, annonam, victumque communem aggravasse agnoscunt; hunc virtute, prudentique consilio plurimum levasse intelligunt: illos vivos tyrannos execrari sunt; hunc patriæ patrem conservatoremque appellantes amplexi sunt: Illos post mortem, vel ab aliis honorari ægrè ferentes,

*Lau homi-
num in tria
tempora di-
viditur: in
tempus
quod ante
eos fuit,
quod ipsi
vixerunt,
& quod sa-
tum eorum
est? secutum.
Quin. lib.
3. cap. 7.*

res, quantum in sua positum potestate impedi verunt, hunc contrà universi æquali studio summis honoribus ultro affecerunt. Quæ ratio sit personas laudandi, ab externis corporis, animique bonis, atque aded ab iis quæ has tempore antecedunt, simul juncta, & pòst infecuta sunt, ostendimus. Antecedunt autem homines tempore, patria, parentes: cum iis conjuncta sunt, fortunæ, corporis, animique bona omnia: pòst autem infecuta sunt, habiti pòst mortem honores, præclaræque de iis hominum judicia. Quâ autem viâ singula ex locis copiosè instrui, augeri que possint, utcunque aperuimus: non quidem eo consilio, quòd tantam copiam (quanquam paucis rem perstrinximus) in cujusvis hominis laudem (quis enim finis?) temerè adducendam putemus; sed ut monstrato locorum usu pro causæ conditione, quantam quisque indè velit copiam peteret. Neque enim hic cuiquam, quid fieri debeat, præscribimus, sed quid possit.

*Eadem quæ laudandi & vituperandi
hominis ratio.*

PORRò vituperandi quæ ratio sit, hinc facilè intelligi potest. Siquidem idem ordo, eadè que per omnia via in vituperandis externis corporis, animique malis erit sequenda. Patriam igitur parentèsque bonos habuisse, atque indè degenerasse, patrimoniumque dilapidasse, tam vitium, dedecusque est quàm cui hæc mala obrigerunt. In corpore autem si qua sit deformitas, ut in Therfite, suis erit verbis exaggeranda: si nulla, formâ viribusque malè usum fuisse, odio, dedecusque erit magno. Ab animo autem profecta vitia, flagitiâque, servato temporis ordine (nisi in sua vitiorum genera spargere quæque malis perpetuâ oratione, quod in L. Pisone facit Cicero) erunt explicanda, atque exaggeranda. Quòd dum.

*Hæc in re
idem præ
ceptis, quod
in laudati
one servan
dum.*

si forte & jam vitâ defunctis aliquid accidit, quo turpitudine odiumque augeatur, non erit silentio prætermittendum. Singula autem eâdem ratione, quâ superiora ex locis augenda amplificandâque erunt.

Postremò epilogò, &c. Sunt qui præmittendum esse tradant vitæ modum, item mortis qualitatem, item quæ mortem sint consecuta, ut communem luctum, honores, exequias, statuas, sepulturam magnificam.

Dispositio laudis tetraslichò comprehensa.

PRincipium sequitur genus, ut gens, natio, patres, Vita micans studiis legibus atque bonis. Res gestas animus, corpus, fortuna ministrant.

Comparat in majus. Vorâque finis habet.

Thucydides, &c. Hic (ut ait Cicero de claris oratoribus) erat Atheniensis summo loco natus, summusque vir, qui ad Olorum Thraciæ regem, ceu ad progenitorem suum rerulit nomen assibem habuit Miltiadem, necessarium Cimónem, ut ait Marcellinus Græcus, & Plutarchus in Cimone. Hoc authore fuit adeò delectatus Demosthenes, ut eum octies transcripserit.

*Thucydide
quantum
delectatus
Demosth.
Offic. 1.*

Athenis, &c. Cicero de Oratore lib. 1. Omnium doctrinarum inventrices Athenas vocat, ubi omnis dicendi vis inventa sit, & exulta: & ad filium scribens, ait urbis auctoritatem eam esse, quæ possit exemplis augere, &c. Quod autem Attici sint acutiores, in causa aiunt esse tante cælum, quod qui crassum habent, crassos censerit, ut in libro de fato Cicero. Porro Atheniensis patriæ celebritas multum faciebat ad nomen illustrandum: unde apud Ciceronem de Senectute, Seriphius Themistoclem non suæ, sed patriæ gloriæ splendorem assecutum asfirmabat. Et apud

apud Romanos magnificum erat & gentibus venerabile, civem Romanum fuisse. Unde Divus Paulus se Romanum esse dicebat, quam urbem tribunus maximā summā comparābat, Actorum 22.

Eloquentia, &c. Nihil, inquit, admirabilius & magis populare, quam eloquentia. Hanc Cicero de Oratore 3. vocat unam de summis virtutibus; & de claris oratoribus, ingenii lumen. *Idem Cic. in epist. ad Brutum, & Quin. lib. 2. cap. 20.*

Vite magistras, &c. Leges enim conditas esse constat ad salutem civium, civitatumque incolumitatem, viramque hominum & quietam, & tranquillam, ut ait Cic. 2. de leg.

Posteritati mandavit, &c. Id est, memoriae prodidit, idque lib. 8. quos scripsit de bello Peloponnes. & Atheniensium.

Plateam, &c. Platea vel Plateæ pluraliter clarissima fuit Boeotiae civitas, quam Stephanus dictam ait, *αὐγὰ τοῦ πλάτου*, hoc est, à remō. Statius l. 7. Thebaid.

Nūnciat excubiis vigiles arsisse Plateas.

De bello Plateensi Thucyd. lib. 2. & 3. Et Plut. in vita Aristidis, & Cimonis.

Atticam, &c. Attica vel regio fuit Attica, in qua Athenae civitas, philosophorum alumna, ubi primus omnium regnavit Cecrops, unde Athenienses Cecropidae, ut infra patebit. *Attica.*

Peloponnesi, &c. Peloponnesus Graeciae regio, a Peloponnesio nomine Achaia, alio, Pelasgia dicta. Vide Plin. lib. 4. cap. 4. Nomen habet à Pelope rege, Hippodamiae viro, Tantali filio, quasi Pelopis insula. Sitae fuit inter duo maria, Aegaeum & Ionium, platan folio similis. De bello Peloponnesiaco Thucyd. lib. 2. Plutar. in Nicia. *Peloponnesus.*

Apud Naupacton, &c. Naupactus Aetoliae, quae Naupactus Acarnania, Phocidi, & Locris contigua civitas, nomen habens à navium compaginatione: *ναυπηγία* navium

navim fabrico, ναυπηγὴς fabricator navium. Meminit Erasm. in Proverb. Excubias agere in Naupactō, cuius navale praelium apud Thucyd. lib. 1.

Lesbos.

Lesbos, &c. Celeberrima fuit Ægæi maris insula ante Troadem. Vide Plin. lib. 5. cap. 31. Athenienses, duce Nicia, receptos Lesbios multarunt, muros demoliti, naves & agros ademerunt, de qua re Thucyd. lib. 2.

Ambracia.

Ambraciotis, &c. Ambracia urbs Epiri fuit aspero subjecta tumulo, ut ait Livius lib. 7. belli Macedonici. Hujus cives Ambraciotæ, quorum historiam Thucydides libro secundo complexus est.

Judicium, &c. Hujus meminit Thucydides lib. 4. & 5. Aphthonius habet, ἀπὸ τῆς Λακεδαιμονίων ἐκ δ' ἑτοῦ. οὐκ ἰσχυρὰ id est, Lacedæmoniorum sententia injusta scitur.

Sphaæteria.

Sphaæteria, &c. Σφαῖρα jugulo, vel masto, est, unde Sphaæteriam insulam ab Heracleotarum mastatione dictam esse, Stephanus ait. Historiam Sphaæteriæ, Thucyd. habet lib. 4.

Pylus.

Pylus, &c. Hæc fuit olim urbs Nestoris à Neleo condita: unde Ovidius,

Nos Pylon, antiqui Neleia Nestoris arva,
Mifimus —

Distabat à Sparta stadia circiter quadraginta, in agro Messenio. Hanc olim Demosthenis consilio munitam, Lacedæmonii oppugnarunt. Meminit Thucydides loco citato.

Corcyra,

Corinthior.

fuit colo-

nia, quam

ii deduxe-

runt circa

Olymp. 18.

Corcyraei, &c. Corcyra, secundum Thucydidem, Peloponnesi civitas fuit. Item insula Aleinói patria. Lucanus lib. 2.

— Vela ferantur

In portus, Corcyra, tuos. —

Hujus cives Corcyraei Athenis orationem habuerunt, quæ contra Corinthios petebant auxilia: quibus compertis & Corinthii miserunt Athenas legatos,

ros, qui Corcyraorum orationes refellerent. Vide primum Thucydidis librum.

Aeginater, &c. *Aiginat*, alij vertunt Aeginenses, qui Athenienses accusaturi Lacedæmona profecti fuerunt, ut ait Thucydidis lib. 4. Aeginam autem Peloponneso contra Atticam civitatem adjacentem aiunt; & insulam Piræo portui propinquam, ab Aegina Asopi Bæotix regis filia nomen trahens. Ovidius 7. Metamorph.

Oenopiam veteres appellaverunt: sed ipse

Acacus Aeginam genitricis nomine dicit.

Archidamus, &c. Hujus meminit Thucydidis lib. 1. & 2. Hic fuit orator, dictus quasi princeps populi. Fuit & rex Spartanorum, quem cives multarunt, quod exiguae stature fæminam uxorem duxisset, ut ait Plurarchus in vita Agesilai. Et ab Archidamo Thucydidis interrogatus, uter ipse an Pericles luctâ præstaret, respondit, Ubi luctando illum vicero, mox ille dicendo, se cecidisse negat, idque spectatoriis persuadet. Plurarchus in Politicis.

*Archidami
Rhetoris
meminit
Quin. lib.
3. cap. 9.*

Absterrens, &c. Lacedæmonii bellum propter socios Corinthios injuriis affectos illaturi erant Atheniensibus: quod Archidamus dissuasit, affirmans eorum vires pares esse adversum Peloponneses atque finitimos, sed adversus hostes procul habitantes esse omnino impares: Quare legatos Athenas mittendos esse, qui nomine sociorum injurias deprecarentur, atque pacem exposcerent.

Steneleidas, &c. Qui finitâ Archidami oratione apud Lacedæmonios verba fecit, adhortans eos ne socios haberent contemptui, nec ultionem differrent, sed protinus arma sumerent. Fuit autem unus ephororum. Hi apud Lacedæmonios erant tribuni plebis, regibus oppositi, sicut apud Romanos consules. Vide Cic. 3. de Legibus.

Pericles.

Pericles, &c. Hic fuit Atheniensium dux, philosophus & orator, discipulus Anaxagora. Vide Justin. lib. 3. Valer. lib. 8. cap. 9. Quintil. lib. 12. c. 2.

Pestilentiam, &c. Athenienses bello atque morbo pressi Lacedæmoniis erant cessuri; sed oratione Pericles ad bene sperandum eos exhortatus est. Vide Thucyd. lib. 1. & 2.

Ad voluptatem, &c. Quintilianus lib. 10. cap. 1. inquit, Historiam multi scripsere præclarè: sed nemo dubitat, longè duos cæteris præferendos, quorum diversa virtus laudem est penè parè consecuta. Densus & brevis & semper instans sibi Thucydides: dulcis & candidus & effusus Herodorus. Ille concitatus, hic remissis affectibus melior, Ille concionibus, hic sermonibus. Ille vi, hic voluptate,

In sapientie laudem.

*Sapientie
laus.*

Exordium ductum à sapientie præstantia, eamque laudandi difficultate. Eam Cicero Officiorum 2. scientiam appellat rerum humanarum atque divinarum. Vide Tuscul. quæst. 4.

Adipisci, &c. Sapientiam adeptum asserunt eum, qui cum viruperatur, non irascitur, & cum laudatur non extollitur. Plato (ut scribit Laërtius Diogenes) interrogatus, quomodo quis sapientiam adipisceretur, respondit: Si non expectarit, quæ non evenire possunt, nec de præteritis recordatus fuerit.

Juno.

Juno, &c. Cicero de Natura deorum 2. dictum ait à juvando: nuptiis præest, unde pronuba. A parturientibus invocatur, unde Lucina. Apud veteres nihil aliud erat quàm aër. Vide Macrobi. de somnio Scip. cap. 17.

Mars.

Mars, &c. Quem apud Thraces natum affirmarunt, hoc est, apud bellicosos atque feroces homines. Cujus meminit Cicero de re militari.

Pallade,

Pallade, &c. Hanc alio nomine Bellonam voca- *Palla:*
bant. Lactantius lib. 1. cap. 21. Minervam à minu-
endo, vel minando, secundum Ciceronem : Pallada
autem, quòd hastam vibret, *ἄν τε γυνή*. Naram
aiunt è Jovis cerebro, de qua plura Macrobi. 1. Sa-
turn. cap. 17.

Vulcanus, &c. Cicero de Natura deorum tertio *Vulcanus.*
scribit quatuor Vulcanos fuisse. Quorum primus
Cælo natus : Secundus Nilo progenitus fertur,
Opis dictus : tertius Jovis & Junonis filius, qui
Lemni fabricæ traditur præfuisse, de quo Aphro-
ditus hoc loco videtur intelligere : quartus Menatio
natus, qui Vulcanias prope Siciliam insulas tenuit.

Neptunus, &c. Ut Portunus à porto, sic Neptu- *Neptunus.*
nus à naudo paulum primis literis immutatis deri-
vatur, Saturni & Opis filius, qui & *ἰσχυρὸς* in-
ter deos celebratur. Vide Ciceronem libro de Natu-
ra deorum 2.

Diis cognatam sibi habent, &c. A diis progenitam *Sapientia*
sapientiam asserit. Cællius autem lib. 12. cap. 8. ex *Usus &*
Afranii sententia sapientiam scribit *Usus & Me-*
moriæ fillam, quòd usu vitæ multaque rerum expe- *Memoria*
rietiâ paretur prudetiâ. Unde proverbium So- *filia.*
lonis nomine celebratum, *ἡ γυνὴ ὡς ἡ πόλις* *ἡ πόλις ὡς ἡ γυνὴ*
ἡ πόλις ὡς ἡ γυνὴ quòd sic vertit Erasmus, Quotidie addi-
scens plurima, fito senex.

Palamedem, &c. Hic Nauplii regis Eubææ filius *Palamedes.*
erat, unde Naupliades. Ovid. in Ibiu,

Naupliadaque modo ficto pro crimine pœnas
Morte luas, nec te non meruisse juvet.

Deorum filius habuit, quòd ingenio divino prædi-
tus, ordinem aciei, & aliquot literarum figuras in-
venerit. Vide Plinium lib. 7. cap. 56. Philostratum
lib. 4.

Nestorem, &c. Hujus pater Neleus, & mater Chlo- *Nestor.*
ris legitur. Deorum filius putatur propter eximiam

prudentiam & eloquentiam. Hunc Agamemnon sibi semper adhibuit consultorem. Cicer. de Senectute: Dux Græciæ non optat ut Ajacis similes decem habeat, at ut Nestoris quinque.

Homerus Iliados α',

—τοῖσι δὲ Νέστορι

Ἡδὲ πᾶσι ἀνδράσι λεγὺς Πυλίων ἀγορευτὴς.

Τὴ δὲ δὲ πᾶσι λέγειν μέλει τῶν γλῶσσῶν ἴσιν αὐτῶν.

Deorum filios, &c. Ut Herculem, Æsculapium, Mercurium, Æneam, Achillem, Liberum, Cæsares. Etenim gentilitas olim magnates atque reges deos appellabat, sive ob miraculum virtutis, sive ob prudentiam, sive ob beneficia, quibus etiam ad humanitatem compositi, sive in adulationem. Vide Laëtant. lib. 1. cap. 15.

Deorum naturam permutare comati, &c. Sunt qui hunc locum ita reddunt ex Græco: Non illis deorum naturam attribueres, ita enim veri dii fuissent, communione generis commune bonum sortiti, sed quatenus id bonum sibi compararunt, deorum filii existimati sunt.

Utriusque temporis, &c. Id est divinum munus ac progenies sapientiæ principatum obtinet & pacis & belli temporibus. Nos exhorrescere metu non finit: & hac præceptrice in tranquillitate recte vivere possumus. Vide Ciceronem de Finibus bonorum & malorum.

Futura prospicit, &c. Docet enim sapientia, nihil temerè & præcipitanter agendum, sed omnia consulto & præmeditato. Cujus proprium est, nihil cuius poenitere possit, facere, ut ait Cicero Tuscul. quæst. 5. Et non committere, ut aliquando dicendum sit, Non putaram, ut inquit idem Cicero Offic. 1. Valerius lib. 7. cap. 2. Porro sapiens assuescit futuris malis; & quæ alii diu pariendo levia faciunt, hic levia facit diu cogitando. Præcogitati enim

enim mali mollis ictus venit. Ideo stultis, fortunæ cedentibus, omnis videtur nova rerum inopinata facies, ut ait Seneca ad Lucilium, Epist. 77.

Calvus, &c. Id est, sapientia nobis revelavit, quæ sunt in cœlis arcana, τὰ ἀπορρητα, ineffabilia mysteria.

Vita defuncti, &c. Ut & Galli sapientes, qui persuasum habuerunt animas hominum immortales esse, soliti pecunias mutuas, quæ apud inferos redderentur, dare. Valer. lib. 2. cap. 1.

Astus sapientie, &c. Ad molem immanis equi respexit. Virg. Æneid. 2.

Instar montis equum divina Palladis arte
Ædificant, sectaque intexunt abiete costas.

Et unius consilium, &c. Aphthonius sic habet :

Παρὼν ἄλλω διδουσι δόξαν δι' ἑνὸς κωρῶτα βελύματα.

Rodolphus Agricola pro κωρῶτα videtur legisse Κύρου.

Fuit quidem sapientissimus Persarum rex Cyrus, qui dicere solitus, Neminem debere principatum suscipere, nisi melior esset his, in quos acciperet. Is Astyage Medorum Rege, avo materno victo, regnum Persicum auxerat, non ademerat. Vide Justinum lib. 1. Sunt igitur qui hunc locum referant ad Alexandrum, qui legitur Persas in fugam convernisse. Alii malunt ad Aristidem referre, sub quo duce Persæ victi, eorūque dux Mardonius ab Arimnesto Sparriatâ saxo caput faucius, ut ab Amphiarai oraculo sibi prædictum erat, occiditur, ut Plutarc. in vitis refert.

Cyrus regnum à Medis ad Persas transfudit, circa Olymp. 56.

Cyclops, &c. Dictus ab uno, quem habuit in fronte, Cyclops. oculo, quasi circularis oculus, de quo apud Virgilium in tertio Æneidos libro.

Nam simul expletus dapibus vinoque sepultus,
Cervicem inflexam posuit, jacuitq; per antrum
Immensum, sanie eructans, ac frustra cruento

Per somnū commixta mero. Nos magna peccati
 Numina, fortisque vices, unā undique circum
 Fundimur, & telo lumen terebramus acuto
 Ingens, quod torvā solum sub fronte latebat,
 Argolici clypei, aut Phœbeæ lampadis instar.

Propertius lib. 4.

Gessit & Æternæ Neptunius incola rupis,
 Viſta Maronæo ſordatus lumina Baccho.

Vide Homerum 10. Odyſſ.

Fortitudo.

Fortitudo culpanda, &c. Sine ſapientia, inquit, fortitudo non eſt fortitudo, ſed temeritas, propterea quod fortitudo eſt contemptio laboris & periculi cum ratione militatis, & compensatione commo-

Temeritas.

dorum: temeritas eſt, conſideratā dolorum perſeſſione, gladiatoria periculorum ſuſceptio, ut ait Cicerō ad Horenſium 4.

Exempla laudationis: de primæ laus

Demosthenis.

Exordium.

Qui parentibus obſcuris nati ad decus præclarum virtute propriā aſcenderunt, non inferiorem laudem merentur, quā qui nobilitate majorum ſuperbi ſe jactant. Major enim eſt gloria, virtutibus propriis niri, quā alienis intumeſcere.

A genere.

Demosthenis quidem pater Demosthenes fuit, vir honeſtus atque probus, ſed plebeius, ab officina gladiatorum Macharopæus appellatus, vir ſeculo ſuonenor, ut Valerius inquit. Atqui filius ad ſummum decus evectus, omnibus majoribus ſuis præluxit.

Diis ille adverſis genitus, faroque ſiniſtro,

Quem pater ardentis maſſæ fuligine lippus,

A carbone, & forcipibus, gladioque parante

Incude, & luteo Vulcano, ad rhetorā miſit:

ut ait Juvenalis Satyr. 10.

Soritus fuit patriam, ubi inventæ & exercitæ bonæ diſcipli-

disciplina. Unde velut ex equo Trojano complures viri celeberrimi prodierunt.

A patria. Demosthenem legem orandi vocat

Majores parum illustres habuit: sed eos ipsos eloquentia atque virtute sua nobilissimos reddidit, oratorum princeps aestimatus.

Quint. lib. 10. cap. 1.

Honestè fuit educatus ac bonis disciplinis institutus, sub oratore clarissimo Iseo, & præceptore Platone, ad bonarum literarum studia inflammatus à Thralio Eunomo.

A majoribus.

Ingenij specimen sub prima juvenia statim emicuit. Vis in eo dicendi mirabilis & gloriosa rempublica curata fuit. Nactus in republica materiam uberem & honestam pro Græcorum libertate adversus Philippum, & in ea præclare decertans, confestim nomen & gloriam assecutus est: nec solum ut disertus, verum etiam ut fortis vir suspiciebatur, ut admiraretur ipsum Græcia, observaret Persarum rex, plurimisque apud Philippum sermo esset, confiterentur adversarii sibi adversus præclarum virum esse certamen.

Ab educatione.

A bonis animi.

In quem ejus Philippica extant

Corporis quidem in eo fuit imbecillitas, quam ingenio atque doctrinâ compensavit, atque resarsit. Etenim commemorato nomine Demosthenis, maxima eloquentiæ consummatio audientis animo oboritur. Lateris quidem firmitate defectus, quas corporis habitus vires negaverat, à labore mutuas est. Qui cum rerum naruta præliatus & quidem victor abiit, malignitatem ejus pertinacissimo animi robore superando. Itaque alterum Demosthenem mater, alterum industria enixa fuit, ut ait Valer. Max.

A bonis corporis.

Humero: à jaculationem quomodo ille emendavit. Vide apud Quint. lib. 11. ca. 3.

A bonis fortune, & à morte.

Adversus tutores suos puer adhuc pupillares actiones habuit

Parrimonium abundans relictum erat, sed id tutores malè administraverant. Partem enim surripuerant, partem neglexerant. Ipse tamen satis opum studio consecutus, & iis præstantiora bona secum gestabat, non humeris, non oculis visenda, sed aestimanda animo, quæ domicilio mentis inclusa, nec mortaliū,

buit Demosthenes, ut testatur

Plutar. in eius vita; & Quint. lib. 12. ca. 6.

mortalium, nec deorum manibus labefactari queunt, & ut manentibus præsto sunt, ita fugientes non deserunt, ut de Bja Valer. scribit.

Pro salute reipub. vitam amisit, unde ejus mortis diem omnium mœstissimam egerunt, & inter sacra Cereris jejunârunt mulieres. Populus item Atheniensis, honorem illi reddens, statuam, utque maximus natu sui generis publicè stipendia haberet, decreverunt.

Aliud exemplum in laudem Philippi regis Macedonum.

Exordium.

EX Græcorum regibus, meo judicio, nullus fuit quem non Philippus Macedonum rex vel ingenui dexteritate, vel virtutum meritis exuperârit.

A genere & patria.

Patrem habuit Amyntam, summæ prudentiæ virum, patriam celeberrimam, atque regnum adeptus centrum & quinquaginta populorum. Plin. lib. 4.

Ab educatione.

Epaminonda strenuissimo imperatore, & summo philosopho usus est præceptore (Orosius lib. 3. cap. 12) A quo & bellicis artibus & philosophiæ præceptis præmunitus ad regnum accessit.

A rebus gestis.

Thessaliam domuit, Græciam penè totam consiliis præventam viribus vicit, nec ita bellicis tumultibus præpeditus, & victoriis affectus, ut à liberali Musa & studiis humanitatis abesset. Quin lepidè comitèrque pleraque & fecit & dixit, & egregia ingenii monumetra reliquit. Argumento sunt epistolæ, munditiæ, venustatis & prudentiæ plenissimæ, velut ille, quibus Aristoteli natum sibi filium, & ab eodem instituendum denunciavit. Quibus omnibus ea, quæ forrasse juveniliter patrasse criminari posset, abundè satis delevit.

Ab animi bonis.

Clementia singularis in eo fuit ac benignitas in victos; unde quibusdam ipsi consulentibus, ut cum Atheni-

Atheniensibus asperius ageret, respondit, Illos absurdè facere, qui homini, cuncta ad gloriam tum a-
genti tum patienti, suaderent, ut gloriæ suæ thea-
trum abjiceret; significans sese hoc agere, non ut
Athenas everteret, sed ut civitati celeberrimæ doctis-
simorum virorum copiâ florenti, suas virtutes pro-
barer. Item, Quidam petulantioris linguæ maledicta
conjicere solebat in Philippum: hunc amici horta-
bantur ut ejiceret in exilium. At ille negavit se hoc
facturum; demirantibus quid ita, Nè, inquit, ober-
rans inter plures malè de me loquatur. Quod male-
dicum non egit in crucem; vel clementiæ erat, quod
ignovit; vel magnanimitatis, quod contempsit: quod
noluit expellere, prudentiæ; plus enim nocuisset.
Vide Erasm. 4. Apophthegmarum, & Diodorum Si-
culum. lib. 3.

Quis autem Hannibalem Carthaginensium du-
cem Philippo censuerit comparandum? Ille multa
quidem gessit, sed pleraque perfidiosè ac crudeliter;
hic omnia sapienter, ac cum animi summa modera-
tione.

Longè plura de tanto Imperatore dicenda essent:
sed finem facio, contemplans meam dicendi facul-
tatem longè inferiorem esse, quàm ut tantis Philippi
virtutibus par esse possit.

Aliud exemplum in eloquentiâ

Encomium.

Cum, autore Gellio, turpius sit frigide laudare,
quàm insectanter vituperare; valde metuo nè
encomium eloquentiæ minùs aprum ego dicturus,
ingenii magis inopiam proditurus sim, quàm dignis
illam laudibus evehturus. Attamen si liber princi-
pium considerare, reperiemus, eam honestissimâ
productam origine, optimisque rationibus pro-
fectam.

*A compa-
ratione.*

Epilogus.

Exortium.

Quæ

A genere. Quæ cum una sit de summis virtutibus, ut ait *Quin. lib. 2.* cæro, nemini dubium esse debet, quin ab illo, qui *cap. 20.* de fons omnium virtutum est, & origo, profecta sit, eloquentiæ nempe à Deo Optimo Max. cujus, ut sacra Scriptura meminit, dona sunt linguarum genera, omnesque stantia, vi- sapientiarum ac sententiarum sermones: ex quo, per de apud e- quem, & in quem sunt omnia.

undem lib. Cœlitus igitur demissa admirabilem in rebus humanis potentiam recipit, & incredibilem efficaciam *2. cap. 26.* facultatēque accendendi mentes ad honestatem, Ab iis quas animos ad gloriam. Afflictos consolatur, perterritos timore vacuos reddit, seditiones compescit, feros & agrestes homines ad humanitatem deducit. Unde poëta Orphea & Amphionæ finxerunt demulcisse feras, & cum arboribus montes traxisse. Ait enim Horarius,

Agrestes homines sacer interpretēque deorum,
Cædibus, & fœdo victu deterruit Orpheus
Dicitur ob id lenire feras, rabidosque leones.
Dicitur & Amphion, Thebanae conditor arcis,
Saxa movere sono testudinis, &c.

Occupatio. Sed inquis, Eloquentia sceleratos poenis eripit, falsis veritatem expugnat, status reip. evertit: ut bono *Hac de re uberrimè* jure Lacedæmonii rhetores videantur expulisse.

apud Quin- til. cap. 16. Esto: sed eadem ratione omnes bonæ artes, omnes magistratus, cum utrinque aliquando proveniant mala, possent expelli. Item è medio tolli ignis & aqua, unde sæpenumero maxima oriuntur dispen- *lib. 2.*

Redditio. dia: atqui bonæ res malæ non sunt, si bene utamur. Quis eloquentiæ prætulit liberalitatem? hæc paucis poterit prodesse: illa suas in omnium mortali- *Comparatio* um salutem vires extendit.

Epilogus. Rerum magnitudine deterritus finem facio: etenim maximis eloquentiæ laudibus vix ullius dicendi facultas responderit.

ENCOMIUM MARPURGENSIS

Academia.

Ingratissimus omnium haberi meritò possem, si concionis hujus hodiernæ autoribus, nempe iis quibus meipsum debeo, non inpræsentiarum morem gererem, in dicendis, quem scopum hujus orationis esse voluerunt, beneficiorum laudibus, atque summis in nos meritis. Rationis omnis expers volatile, ciconiam novimus omnes officii mutuam rependere vicem solere, ut hinc, *ἀντιπαραποιεῖν*, natum sit proverbium. Quanto æquius, ac justius nos, qui ratione ducimur, gratiam nobis beneficientibus, si propter culpam fortunæ iniquioris non parem referre poterimus, tamen aliquam scribendo, saltem, bene sentiendo, atque assiduis illos extollendo laudibus, & habere & agere non detrectaverimus! Cùm autem Academia Marpurgensis, veluti mater omnium nostræ communis benignissima, nos tanquam alumnos suos & charissima pignora sinu blandiore foveat, nos bonis literis instituat, nos probatis moribus exornet, nos denique maximis honoribus afficiat; quis vel pietatis ullo rangi confirmet illum affectu, qui rogatus, aut jussus, parentem tam officiosam pro virili sua nolit, ut ingratitudinis morosæ filius, ad sydera ferre? Hæc cùm ipsi vos optimè teneatis meditata, nihil omnino dubitandum erit mihi quin jam silentium pollicentes, vos omnes ornatissimi atque iidem integerrimi viri ac studiosa juvenus, me patienter sitis audituri.

A dicentis officio.

Injunctum est mihi Academiae nostræ Marpurgensis encomium dicere. Inprimis autem gaudendum, ac letandum mihi video, partim quòd vos ad audiendum tam avidos contempler: vos omnes tam attentos (quàm pudens ego, quàm hæsitans ego, quàm

Ab auditorum attentione, & argumenti fertilitate.

quàm tremebundus ego, primùm huc ascendi? nunc autem vestro, quo me omnes prosequimini, favore, atque hilari aspectu longè redditus alacrior) partim, quòd talis oblata sit dicendi materies, in qua etiam erudito parum, hoc est, mei si, millimo literaturæ levioris homuncioni, non deesse possit oratio, ut longè difficilior videatur exitus inventio, quàm principii; nimirum ut non tam copia mihi, quàm modus in dicendo quærendus existat.

*Ab auctori-
bus ac fun-
datoribus
Academiæ.*

Nam si protinus ab initio ipsos gymnasii nostri celeberrimi auctores ac patronos consideres, ac perpendas, siue Deum Opt. Max. cujus cœlesti providentiâ, ac divino nutu instruantur, eriguntur, ac gubernantur universa, quæ in terris sunt; siue illustrissimum nostrum Hæstorum principem: statim tibi tam inundans verborum ac rerum flumen occurreret, ut te magis obrutum copiâ, quàm inopiâ pressum iri fatearis. Quid? (ut illum ἀναγκάσαντος, ἀναγκάσαντος, ἀναγκάσαντος, qui extra omnem eloquentiæ cœlestis, nedum terrestis, aleam est positus, cujus gloriæ nullum principium, nullus finis existit, Deum Opt. Max. præteream) vel solæ hujus terreni numinis, quo domino ac fundatore nostra Academia meritò gaudet, jubilat & exultat, principis illustrissimi doctes, tantam dicendi copiam offundunt, ut spiritus dicturi citius defecerit, quàm incrementis beneficio rerum orationis cursus.

*Ab illustri
principis
Hæstorum
genere, fa-
ctis atque
virtutibus.*

Quid enim memorem tot antiquissima stemmata, tot majorum imagines, tot belli clarissima facinora, atque parva trophæa? Quid tantam vitæ integritatem, clementiam, tantam prudentiam, tantam pietatis, ac veræ religionis curam? Quid denique innumerabilia alia? Quæ omnia ac singula, tam splendida, tam lucida, tam illustria sunt, ut si alienæ claritatis polities, ac nitor fuerint adjuncta, plus obscuro-

obscuritatis sint allatura quàm lucis. Ideoque tam fertilia, tam copiosa prædicatu omnia, ut centum linguas, imò centena principum eloquentiæ millia fatigare possent.

Quis enim, ut alia transeam omnia, quis, inquam, vel Nestore, vel ipso Pericle facundior, eloquentiâ dignâ satis expresserit, quantâ disciplinæ militaris arte contruderit horridos Sichingiani terroris insultus? quanto pristinum in regni itarum animo restituerit ducem Wirtembergensem? quanto pectore compefcuerit seditiosos rusticorum tumultus? quanto denique spiritu vicerit duces Brunswicensès patrem & filium?

*A discipli-
na militari.*

Quare digna satis laudatu, satis gloriosa Marpurgensis Academia videretur, si vel solum tot & tantis fundatoris sui decoribus & ornamentis conspicua floreret. Sed, ut Universitatis nostræ amplitudo fiat admirabilior:

Accedunt complures, quos omnes enumerare longum esset, natalium claritate, facultatum laureis, ac virtutum meritis, præstantissimi patroni, quorum facundia plurimum apud externas nationes promovit, quorum gravitatis excellentia protexit, dignitatis denique tituli protulerunt & exornaverunt Academiae nostræ pomœria. Quibus omnibus robustissimis veluti columnis suffulta, quibus tutelariis divis Academia Marpurgensis undique circummunita, quid ulterius excogitare poterit, quod origini suæ & fortunarum privitiis, vel splendidius vel excellentius adjicere possit?

*Ab aliis
Academiae
presidibus
atque Me-
cœnatibus.*

Jam si tempora, quibus instituta fuit à primo diligenter excusseris, invenies profecto Saturni seculis non infeliciora, quibus bonæ artes arque virtutes ubique gentium antea proculcatæ, capita sua feliciter exeruerint, quibus homines nullis inquietati bellis, nullis intestinis seditionibus lauciari, nullis

*A temporis
opportuni-
tate.*

nullis hæresibus Anabaptisticis effascinati, nullis denique præliis funestati, sed velut optimis fortunatissimi fores pulsantis ævi auspiciis. Atqui si quatum priscæ vestigia fraudis remanere, aut malorum lerna videbatur impendere: ea statim omnia ab illustris principe nostris procul à finibus propulsata fuere.

*A qualitate
loci com-
moditate.*

Quod si locum, ubi Marpurgensis universitas erecta, per scrutatus fueris, vix ullum profectò reperies vel antiquiorem, vel commodiorem. Ubi Marpurgum, Hessiæ metropolim, tot vetustis antiquissimorum ædificiorum structuris veneranda, prudentissimorum incorrupto senatorum ordine conspicienda, florentissimo simul ac honestissimo rerum privatarum ac publicarum statu nobilitata resplendet: cujus forum curia speciosissima marmoreis quasi lapidibus excisa devenustat, & aqua fontana, tot fistulis ac siphunculis jam recentè artificio mirabilis factis, emissa, & murmure blandiore delectat, & aspectu pulchriore totum locum exornat.

*A contra-
dictione.*

Verum, ut occasio reprehendendi semper est obvia, si quis calumpniatur ipsam urbem plus æquo fragilibus cinctam esse muris, responderi poterit, quod olim Agesilaus ille, Lacedæmoniorum rex, percontanti, quam ob causam Sparta non cingeretur muris, responsum voluit ostendendo cives armatos, inquit; Hi sunt Spartana civitatis moenia: quo significavit respublicas, nullis munimentis, nullis vallorum propugnaculis tutiores esse quàm civium virtutibus. Marpurgum ergo tutissimum est ac firmissimum, tot studiosorum, tot fortissimorum civium virtutibus: nam lapideo quod operi deest, id animorum robur, ac præstantia compensant, & quod hominum artificis, id natura loci tot præruptis undique montibus refarcit commodissimè circumspiciendo; ubi celeberrimus iste fluvius Lenus infra ætum orientali lateri dorsum accommodat.

Qui

Qui aliâ etiam, quasi Nilus fecundans omnia, plurima delicatissimorum genera piscium educat, atque producit: Cujus item tanta potentia medica celebratur, ut cum multis nominum minimè vulgarium thermis contendere possit. Etenim psoram ac impetigines omnes, quibus communiter studio si diverxantur, præsentissimè sanat, ut nemo tamâ scabie laborans huc veniat, qui non semel atque iterum lotus, ocyssimè curetur. Hinc complures audias, qui quem oculis glabellæ nitorem assidue alibi lavacris experiri non potuerint, eum sese fateantur hîc vel citrà negotium affecutos solius beneficio Lani, maximè peculiarem prætorum & alvei Marpurgensis virtutem haurientis.

*Ab aquarû
salubritate
& piscium
copia.*

Ubi præter jam dicta, tot ameni prospectus, tot hororum decora, tot agrorum lumina, ut illud, Nullus in orbe finis Marpurg, non Hais præluceat amenis, dubio procul scriptum reliquisset Florarius si modò cognitum habuisset, & versus non relinquit, equidem

*A loci ameni-
tate &
ubertate.*

Aureus hîc annus, bisetique rosaria Pesti, Hîc propius ductum credas frondere Tarentum. Hîc denique Musis omnibus gratissimus locus, ubi rerum omnium uberrimus proventus, ut non solum innumera civium ac studiosorum multitudo victum acquirere facillimè possit, sed etiam fertilitas nativæ miserimæ locosum exterorum sterilitati suppetias ferendo, non parvas alienarum civitatum sarrarchias expleat, respublicas alar, sustentet, lætificeat.

Ubi denique maxima aëris salubritas, ut ipsa pestis, aut acutus alius (nam quæ de pleuritide modò feruntur, puerilia sunt) morbus nunquam, nisi fortasse, quod tamen rarissimum, decennio toto elapso, grassetur. Cujus rei causa potest evidens esse, vel tam placida cæli tempestas, vel tam

*A cæli cle-
mentia.*

serenus totius machinæ cœlestis aspectus, quibus Marpurgensem, ut omnium tibi dilectissimam, æternus ille Pater, singulari quadam clementiâ commotus, prosperare dignatus est civitatem Quæ non solaribus nimium æstibus subjecta jacer, nec frigidibus nimium borealibus propinqua, sed temperatiori sub climate constituta.

*Ab æris
borridio-
ris commo-
ditate.*

Veruntamen si tempestuosior aliquando ac imitior aër (ut omnium rerum est vicissitudo) videtur ingruere; longè plus utilitatis ille semper, quàm incommodi solet importare. Sic enim ad omnes fortunæ truculentioris impressiones assuefiunt, sic ad morbos superandos, sic ad durissimos labores perferendos exercentur, ac edurantur corpora.

*In eluosa
regionis m-
ilitate.*

Porro si quispiam conqueratur, regionem istam montosam, asperam ac lapidibus confragosam inhorrescere, hic mihi sapiens Darii majoris factum animo præsentì revolvat. Ille populum suum, regionis scabritiem & asperitatem campestri ac molliore tractu commutare cupientem, minimè permisit: affirmans hominum habitus ut semina ac plantas, ad regionis naturam immutari, sentiendo se malle duros homines, & laboribus accommodos, quàm molles, quàm ignavos, quàm effœminatos, quales regio mollior generare solet. Quod si diligenter animo collectum discussisset, nullam in orbe ditionem fore confitebitur, quam cum sua permutare debeat illustri. Hæstorum Princeps, innumera virorum millia possidens, qui tempore pacis bona studia ac virtutes excolere noverunt: bellis autem imminentibus, qui labores perpeti, qui maximum exercitum ducere, qui summa pericula subire, qui fortiter arma tractare, qui munitissimas urbes evertere, qui deniq; præcellas arces demoliri possunt. Quare Pœnorum acerrimus dux Annibal, in Italiam ab initio per Alpes, per tot frigora ac nives irru-
pturus,

perurus, maximis olim stipendiis coëmisset tales vi-
rum manus, quales producit Marpurgum, ubi cor-
pora vegeta, robusta præstantiæque proveniunt, ac
procera grandescunt.

Sed nè proverbium, *Ab ingenio*
qui longus est, in eisdem quadret, accedit acutior *rum dexte-*
mentis, & ingeniorum sagacissima perspicacitas. *ritate.*

Non enim Marpurgensi multum averfus equos sol-
jungit ab urbe. Quæ nec, ut aliæ quædam, in valli-
bus profundis, in locis cavernosis, in lacunis, arque
speluncis palustribus est condita, ubi perpetuo fœ-
tore graviter olentes nebulae, ubi purres exhalatio-
nes, ubi pestiferæ mephites virosa crassitie hebe-
rant, & Saturnias quasi lemas offundentes, ingenio-
rum vires obnubilant; ubi ferarum latibula, luporum
ac urforum spelæa, ubi horrenda denique serpen-
tum ac draconum antra belluinam ad naturam ani-
mos transformant humanos: sed potius, ut nobilis-
sima regina Marpurgensis civitas, bonarum atrium
omnium receptaculum, puriorem, eminentiorem,
& ingeniis bonis apriorem cœli partem elegit, & ita
solettem sese composuit, ut proximè ad figuram
hominis, ad virtutis simulacrum accedere videat-
ur.

Enimvero quemadmodum à Deo Opt. Max. vi-
demus hominem effectum erectâ facie rigidum, ut *Ab urbis*
scilicet ea speculetur, unde ejus origo est, nempe cœ- *figura vel*
lestia; reliquum autem universum animantium ge- *habitu.*
nus primum, & ad terram versum, quod etiam Ovi- *Metam. 1.*
dius innuit dicens,

Pronaque cum spectent animalia cætera terram;
Os homini sublime dedit, cœlūque videre
Jussit, & erectos ad sydera tollere vultus.

Sic clarissimum, ubi nostræ Academiæ pulcherri-
ma sedes est, Marpurgum, non aliter atque homo

princeps, caput erectissimum ac eminentissimum
 suis turribus, ut diademate regio coronatum habet,
 nempe quam admiramini toties *ακρόπολις*, arcem
 istam quæ candidam frontem suam velut inter nubila
 condit: cujus collum monili baccato suis velut
 unionibus irradians prominet; illinc nitidis claris-
 simi domini Cancellarii Joannis Ficini palatii,
 hinc illustrissimi Principis sapientiæ domicilio,
 quod *Βουλευτήριο* aut *δικαστήριο*, appellamus, exorna-
 tum. Corpus est tot membris & articulis, id est, do-
 mibus ac palatiis insigne, quicquid intra civitatis
 Marpurgensis mœnia situm esse novimus. Pectus,
 est ipsum templum. Curia ista, ut alimentorum dis-
 pensatrix, est stomachus. Utrumque collegium,
 Pomœrii, & (ubi jam hæc dicimus) Lani, sunt præ-
 cordia. Duo vici, alter, quem vulgò *den Grien*; al-
 ter, quem *Bylgenstein* appellant, femora sunt aquis
 proxima, quod circum ea corporis parres crebris to-
 rionibus indigeant, idèq; mediastinis assignati. Bra-
 chiorum alterum, nempe dextrum, est ista platea,
 quam vernaculâ linguâ, *den Steinweg* vocitant: Si-
 nistrum, quod suburbium, *Vriedenhausen*. Pedes
 autem instar fortissimi bovis (juxta proverbium)
 aliud in terræ viscera defixit. Sic dispersis veluti
 manibus, & commodissimo suæ vastitatis immobi-
 lioris anfractu studiosos omnes, quasi gremio sinu-
 oso, ut benignissimo, sic tutissimo complectitur &
 exosculatur.

*A meritorie
 compensa-
 tione, flu-
 diòq; justitiae.*

Cæterum ut honestate conspicuos peculiari qua-
 dam humanitate, quæ sua est benignitatis excellen-
 tia, prosequitur, sic indycolos ac nebulones omnes
 meritam ac justam (ut æquum est) severitatem exer-
 cet; ut suis flagitia, suis ipsam virtutem præmiis con-
 decoratum iri cognoscas. Etenim cum alterum bra-
 chium, nempe dextrum, id est platea *den Steinweg*,
 jucundior quidem sed ascensu difficillior videatur,

non immeritò virtutis illi dextro calli poterit comparari, quo ad virtutis & honorum præmia traduntur homines. Contrà, cum *Vueiden hausen* ostendet viam latam, decliviorē, & facie tenus molliorē, sed ubi progressus fueris, satis lutosam, ac etiam calamitosam, ubi lictores & carnifices habitant: sceleratorum calli nobis devirando poterit assimilari, juxta illud:

Hæc via virtutis (nimirum *den steinweg*) dextrum petit ardua callem,

Difficilēq; aditum primū spectantibus offert;

Sed requiem præbet fessis in vertice summo.

Molle ostendat iter via plana (*Vueiden hausen*) sed ultima meta

Præcipitat captos, volvitque per ardua saxa:
intellige cruces ac tormenta. Cujus Virgiliani carminis quasi dilucidam paraphrasin cernis, si Marpurgum ipsum penitus aspexeris. Nonne meam callis dextri & requiem vides, Germanicam istam domum, ubi præstantissimus Dominus Commendator, vir ut nobilitate clarus, sic omnibonitate præditus, omnes literarum meliorum ac virtutis cultores, itineris difficultate, ac studiorum assiduitate subindè defatigatos curisque confectos, comiter excipere, generosissimo vino, quod cum spe divite manet in venas, animūq; tuum, quod verba ministrat, reficere, & curas diluere semper est assuetus?

Quoties ad cœnas Academiæ nostræ fautores ille vocans velut accepturos virtutis præmia, refrigeravit, & non semel ita bonæ fortunæ calicibus exhilarans obruit, ut neque mentes illorum, neque pedes officio suo satis functa conspexerimus? Quoties ad prandia Musarum antistites studendo defessos, & laboribus exhaustos, velut literarum fructum percepturos, invitans, humanissimè tractavit, & ferculis recreavit opiparis? Et nè longius exempla petantur,

*A liberatis
tate domini
Commenda-
toris e-
dium Ten-
tonicarum.*

quoties ille M. Casparum, jam Academiae nostrae Decanum dignissimum tot piscibus delicatioribus, utpote carptionibus ac lupis exornavit, atque tot aliis lautitiis labore publico & domestico delassatum refecit, ut vel ille solus satis abundè testari possit, aedes Teutonicas esse dextri apud Marpurgum callis æmuli virtutis, metam, & requiem inibi placidissimam. Quo admoneri possumus, Radices literarum, ut Isocrates ait, amaras esse, fructus verò dulciores; callem virtutis ascensu difficiliorem, sed metam omnium jucundissimam. Atqui te non moveat, quòd hic illius terminus & apex summo vertice non pendeat, sed magis ad locum inferiorem recesserit: id enim mysterio non caret, quo sapientissimus ille quicumque fuit primus architectus admonere voluit, eam virtutis naturam esse, ut elara nunquam superbiat, nec summo fastu, quod habet pulcherrimum, vulgò profanis oculis ostendet, sed potius thesaurum, cœu vili cortice dissimulans, quod habet eximium intimis penetralibus recondat & occultet. Hinc est, quòd Elisabethica domus fastigio sublimitatis posthabito, locum humiliorem præoccupando, sectantibus virtutem maluerit in occulto munera digna conferre, quàm in excelsa loco gloriam fortiri.

*Ab alterius
litere Py-
thagorice
callis expli-
catione.*

Sed ad alteram virtutis viam redeunti, *Vuelden ha-* sen illud sese offert, quod, quàm miserabilis, quàm flebilis vitæ sceleratæ sit exitus, luculenter ostendit, ubi *Εἰς ταύτοισιν, εἰς καμάραι, καὶ εἰς κόρυμνες.* Ubi ipsissimum fustuarium, ac teterrima tor morticinorum porcorum ac cadaverum vorago atque barathrum, ubi fames, & attris volitans infamia pennis, ubi sera pœnitentia, ubi damnatorum gemitus & ejulationes sæpius audiuntur, ubi sortorum ferocia, ubi carnificum crudelitas jam fontes virgis cædit, jam cauterio, vel candenti ferro buccas facinororum

forum perforat, jam licariorum membra rotis di-
stringit ac contundit: Jam furti reos in cruent
rollit, jam latrocinii, aliorumque criminum con-
victos, alio atque alio mortis genere dilaniat atque
immaniter obtruncat.

Ergo ex his omnibus, ornatissimi viri, & studiosa *Ab epilo-
juventus, opinor, intelligitis, quanto consilio, quan-
tis rationibus adductus Illustrissimus Princeps no-
ster, voluerit apud Marpurgenses Academiam erigi
atque fundari, quod inibi vicus penè omnis, omnis
angiportus, omnis platea, studiosos homines virtu-
tis admonere, turpissimos autem nebulones à vitio-
rum ac scelerum maleficiis deterrere possit. Hæc
de patronis, origine, & loco Marpurgensis Acade-
miæ.* *dictorum.*

Nunc ad ea digrediar, quorum utilitate provecta *Ab uberri-
cum omnibus ferè Germaniæ totius Academiis cer-
tare possit. Quænam igitur hodie nobis Universi-
tas uspiam proferri poterit, ubi tanto labore, ac fi-
delitate genus omne studiorum tradatur, ubi puris-
sima majore cum fructu Theologia doceatur, ubi
facultas medica, ubi jurisprudentia ferventiore cultu
tractentur, & sic omnia, ut nihil prorsus in lingua-
rum nobilissimarum cognitione, nihil in omnibus,
nisi unam (cujus me vel invitum professorem esse
voluistis) excipiendam putetis rhetoricam, nihil
(inquam) in omnibus artibus bonis, & optimis
disciplinis desiderari possit?* *mo studio-
forum, bo-
narumque
disciplina-
rum pro-
ventu.*

Ubi tot & tanti professores, tot novi, tot veteres *Ab optimo-
doctores effulgeant, gravitate, doctrinâ, ac vitæ san-
ctimonîâ, non solum apud nostrates, sed magis apud
exteros nobilitati? Atque adeo, quotquot hic vide-
as, quotquot intuearis, tot Homeros, tot Aristoteli-
tes, tot Apollines, tot denique numina quædam te
juraveris videre. De singulis jam nominatim differe-
re, & illorum prohibet modestia, & temporis oppor-
tunitas.* *tum præ-
ceptorum,
atq; doctis-
simorum
celeberrimorum
turbæ.*

opportunitas non concedit. Sed ut generatim & modestè dicam, purissima vasa sunt & habitacula, in quibus omnia studiorum optimorum genera vigent, regnant, ac triumphent, à Deo Optimo Maximo clementer erogata. Quare si jam Apollonius ille viveret, non opus haberet Caucasum laboriosissimè pertransire, nec Scythas, Massagetas, nec Albanos, dirissima India regna, tantis cum periculis, bonarum literarum gratiâ, denuò penetrare. Item si Pythagoras, si Plaro, si Archiras ille Tarentinus in vivorum adhuc contuberniis agerent, non haberent necesse Persida, Lacedæmona, Cretam, Ægyptum, tot denique regiones alias, studiorum causâ peragrarè; cum omnia Marpurgi quàm plenâ manu habere, & multò minore temporis ac rerum jacturâ consequi possent.

A discipulorum copia, studiis, & officiis.

Quo fit, ut numerosissima semper discipulorum turba adsit, quorum indies tantam diligentiam expectimur, ut nec Cleanthis, nec Aristophanis, quorum utriusque pertinacissima fecit proverbio locum vigilantia, major unquam extirerit. Unde non opus præceptoribus ultro currere, ut doceant, aut manè ad fores sedere, & opperiri (ut Gellii verbis utar) propè ad meridiem, donec discipuli nocturnum omne vinum edormiant: sed potius & literarum & præceptorum adolescentes amantissimi, quicquid officiorum jura exigere non pudibundos, atque adeò in longè rudiores ac nequiores etiam plerumque in patriam revertantur, quàm inde fuerint egressi. Quorum rerum portenta hîc penitus nulla conspici, nostra bono jure poterit Academia gloriarî.

A magistrorum honestorum ploriamque consuetudine atque commercio.

Nam cum à conversantibus, autore Seneca, mores sumantur, non præceptores hîc otiosi degunt, quorum veterno discipuli perdantur: non ebriosi, unde pessimum conviviores exemplum bibendi trahant: non blasphemî, qui vitiosam pravitatem

tatem in proximos transferant: non impudici, qui pueros emolliant, atque effœminent: Nulla denique improborum commercia, quorum contagio serpat in cohabitantes, sed adsunt duces optimi prorsus, qui bonos, juxta proverbium, comites reddunt, hoc est, ad manus habentur omnium candidissimi magistri, qui in suos mores incorruptos trahunt ac transformant discipulorum gregem. Quorum magna fars (licet non tam numeri quàm ipsius honestatis hîc habeatur ratio) studiosorum corona præfens non minuitur, sed bonis avibus indies augetur.

Et tantus, qui bonas, ut aiunt, artes alit, honor, optimarum literarum cultoribus hîc defertur, ut in spectaculis, (ubi statuarum & imaginum sculpturis & picturis homines immortalibus diis æquiparantur) Olympicis victoribus nunquam major exhibita fuerit gloria. Exemplo fuit proxima celeberrima novorum doctorum festivitas: exemplo tot magistrorum novorum solennitas, quos ornatissimis, ut eorum studia ac virtutes meruerunt, insignibus officiosissime nostra, ut vidistis omnes, condecoravit Academia.

A studiosiorum præmiis.

Adde quòd tantâ & diligentia & industria studiosi omnes hîc in officio contineantur, tantis conatibus exerceantur indies, ut majoribus non possint. Nullus enim est dies in quo linea non ducatur: nulla septimana, in qua non aut publicè disputeretur, aut declameretur: atque adeò,

A scholasticorum exercitiorum assiduitate.

Ut schola nostra Lani, convulsâque marmora clament

Semper, & assidua disruptæ voce columnæ.

Missam facio frequentissimi, quo nullum liberalius erectum, nullum accuratius administratur, paedagogii disciplinam. Missa facio tot saluberrima veræ pietatis studia, quæ cum alibi aut omnino squalida jaceant, aut penitus è medio tollantur, hîc non solum

solum ferventer extolluntur, sed etiam adamata in pretio habentur maximo. Unde fit ut eruditorem multò, longèque melius nostram juventutem moram ad suos redire percipiamus, cum laude & gloria Marpurgensis Academiæ summa.

*Ab incorrupta vivē-
dicatione.*

Neque id mirum, cum hic sanis doctrinis & honestate colluceant omnia, nulla penitus nequitiarum illectamenta sutrepant, sed ubique sit probissima (ut dixi) focieras & consortia sancta, quæ indissolubile religionis Christianæ vinculum solidis adè atque adamantinis constrinxit retinaculis, ut nullâ ratione dirumpi queant.

Ab amolitione calumnie.

Quare vanitatis illos pudeat, qui dissidere, ac mutuis odiis conflagrare scholam nostram calumniati sunt, centonum sartores, cum nusquam conjunctiùs, nusquam denique amiciùs vivi queat, quàm in gymnasio nostro, quod non ex morosis cerdonibus, aut Lycambeâ sectâ conflatum, sed optimis virorum eruditissimorum ordinibus selectum consistit; quos bonarum literarum artes humanos fecerunt, quos philosophia plus quàm homines reddidit, quos medica facultas officiosos informavit, quos jurisprudentia civiles effecit, quos denique sacra Theologia divinos effinxit, concordii studiorum omnium harmoniâ, virtutumque unione conglutinatos.

*A frugali
v&u at-
que tempe-
rantia.*

Quibus omnibus non incommodum adjecero, frugalissimam (ut hinc Germaniæ gravitatem ac temperantiam agnoscas) studiosorum diætam. Nusquam enim Sybariticus ille (nè & calamitas ejusdem comitetur) luxus, & insani conviviorum apparatus, qui sunt ipsissima studiosorum pestes, prædominantur.

Nam ut edulia præteream quæ munda quidem ac simplicia in studiosorum hospitiiis apponuntur, non ambitiosa, non luxuriosa, sed interdum ejusmodi, quæ apud nonnullas scholas ventri deditas, squali-
dus

dus in magna (ut cum Juvenale dicam) fastidiret
 compede fessor. Qui meminit calidæ sapiat quid vul-
 va popinæ: ut fercula, inquam, magis salubria, quàm
 artificiosa, aut luxuriosa transeam, Junckeræ propter
 excellentiam appellatione nobilitatis sic vocitatas,
 studiosis ut bibitu jucundissimæ, ita saluberrimæ po-
 tionis crebrior usus adhiberi solet, vini rarior: quòd
 in illo castitas & sobrietas, in hoc impudicitia &
 ebrietas regnent. Unde D. Paulus, Nè, inquit, inc-
 briemini vino, in quo luxus est.

Ergò vinum, quod clavo, juxta proverbium, ca-
 ret, ubi paulò largior interdum usus administratur, *A vini tem-
peramento.*
 non merum infundi solet, quòd optimam hominis
 partem, hoc est, rationem debiliter atque enervet,
 sed prorsus innoxium, nempe aquâ infusâ tempera-
 tum, sic longè melius redditum, & humanam ad na-
 turam maximè appositum. Quo præclaro beneficio
 qui præcellunt apud nos ænopolæ, hoc est, qui
 aquis diluere egregiè vina callent, ad sùmmos &
 honores & opes jure optimo provehuntur. Sed hoc
 ipsum adhuc ignorare nostrum D. Præpositum æ-
 gettimè ferens doleo, cùm una ista faciar inscitia,
 quò miser & inhonorus pauperiorem apud nos vi-
 tam sese degere conqueratur: Indignam quidem, sed
 promeritam tamen ignorantiaæ pœnam auferens
 qui locupletior evasurus, si tam utilem, tam pro-
 batam, tam insignem illius Staphyli Sileni filii dis-
 ciplinam, ut alii, consecutus esset. Hic, autore
 Plinio, cùm rudis ac simplex olim vetustas mera-
 cius non sine plurima noxa biberet, vinum aquâ
 miscere, & Bacchum temulentum deum nymphis
 deabus sobriis temperare docuit; ut sic mansue-
 factus ac domitus ille cornutus pater, fieret mo-
 deratior, mansuetior, multoque sapientissimorum
 testimoniis salubrior. Et quid aliud innuit fabula
 de Baccho, qui fulmine conflagrans, in nympha-
 rum

Lib. 7. c. 56.

rum aquas fingitur injectus, nisi vini ardorem, vitales juvenilium ingeniorum succos exurentem, sobrio elemento restinguendum esset? Quod etiam illud epigramma Meleagri restatur ac comprobatur, sic dicens;

Ἄνδρες νύμφας τὸν Βάκχον, ὅτ' ἐκ πυρὸς ἤλκε' ὁ αἶψα.

Nisiant nuptias tibi, Bacche, quæ ex igne accenduntur.

Τὴν γὰρ σὺ νύμφαν Βορῶν φίλῃ· εἰ δ' ἴν' ἀρχῇ.

Miscedas, dices, nuptias in calidum.

Id est,

Bacchus ut è flammis puer exiliisset in undas,
Tinxerunt nymphæ sordidum adhuc cinere.
Hinc junctus nymphis est Bacchus gratus: at ignem
Ardentem capies, hunc nisi miscueris.

Sed quorsum iste verborum excursus tendit? (inquies)
Nempe ut ostendam hinc esse, quod neminem apud
nos studiosum cupidinis facibus incendi; hinc esse
quod neminem aestu venereo caprum, ut laqueis ir-
retitum ab honestis artibus turpiter abduci, & velu-
ti bovem ad lanienam rapi comperiamus: hinc esse
quod nulla Circe referatur imminere, quæ beneficiis
adolescentes in bestias convertat, id est, nulla præsti-
giatrix voluptas, quæ suis affectuum illecebris illos
dementans ad pudicitiae naufragia perpetranda blan-
diatur, aut libidinem venenis adeo pervertat, ut in
brutorum transformari naturam, præter hominis
vocabulum, nihil hominis habeant. Sed contra
multi Ulysses, fortes videlicet ac constantes hæc vi-
ri præsto sunt, qui jam longâ rerum experientiâ sa-
pientum habitus sibi induerunt, maiestate veneran-
dâ perspicui, quibus imbecillior ætas invitatur,
quorum exemplis informata discat Sirenium voces
dulce-

dulcedine mellitâ venenum inspirantes averſari, ab omnibus ſpurcarum cupiditatum alimentis alieniſſima.

His igitur rebus omnibus eveſta juventus noſtra, & eruditionis & bonorum morum pulcherrima proferens ubiq; ſpecimina, quid Deo Opr. Max. quid parentibus, quid magiſtrarui debeat, intelligit, & expedire gaudet. Unde laudatiſſima civilitaris ac omnis honeſtaris obſervantia promanat, ut animorum integritati & externum corporis habitum congruere, & nuſquam mentis apicem à rationis amuſſi delirare videamus: tantum abeſt, ut cum aliarum quarundam Academiarum ceſſatoribus noſtri adoleſcentes peſſimè vivant, & pulcherrimum immortalis Dei munus, utpote tempus, inhoneſtis rebus vecorditer inſumant: ſed potiùs quo charius, quo pretioſius eſt illud, tantò diligentius ab illis aſſervatur, tantòque circumſpectius impenditur, nè ſine bonis frugibus effluat. Dii faciant ut in noſtris diſcipulis exteri, ſic rerum ſuarum ſatagentes, reſiſcant, ac ratione ſimili revolvant, amiſſas opes aliunde reſarciri poſſe, temporis irreparabilem jacturam non poſſe: de illis nequiter impenſis fortaiſſe rationem parentibus ſeſe reddituros, de horis autem turpiter exactis Deo omnipotenti. Quod ex æquo ſi fieret, nemini dubium foret, quin multò fertiliore plantaria ſtudioſorum proventu accreſcentia, res humanas, jam ubique gentium afflictaſ, reſtauratura, atque proſperatura eſſent, cum fortunatiſſimo diſciplinatum omnium ſucceſſu, qualem apud nos (invidia dictis abſit) emergere videmus indies. Argumento ſunt optimi optimarum arborum fructus, nempe ſanctiſſima vitæ inſtituta, modeſtè, juſtè, pièque viventium tum univerſorum tum ſingulorum; atque adeò, ut nihil in factis, nedum dictis, audiat, quod vel ipſe Momus reprehendere poſſit. Quare cum utrumque,

*A ſtudio-
rum fructu.*

utrumque, hoc est, non modò facta, sed etiam voces petulantiores olim Romani vindicasse legantur, ut nobili etiam formine Appii Cæci filie paulò leuius & inconsiderantius locutæ, C. Fundanius & Tiberius Sempronius multam dixerint æris viginti quinque millia; nihil profectò in Academia nostra reperiri confirmaverim, in quod prisca illa severitas, ac rigor animadvertere possent, cum omnis non modò perperam vivendi licentia, sed etiam inconsulta loquendi temeritas videatur exclusa, ut omnium cordibus illud Hesiodi credatur insculptum:

Γλώττης τοι θησαυρός ἐν αἰθρῶ τοιαύτης ἐστὶ
Θειδῶ δὲ πάλαι ὃ χάρις κατὰ μέτρον ἰούσης.

Optimus est homini linguae thesaurus, & ingens Gratia quæ parvis mensurat singula verbis.

Unde contingere cernimus, viri ornatissimi, quòd ubique gentium Academia nostra non immeritò plurimùm celebretur. Hinc etiam multi non obscuri ac tenues, sed opulentissimi aliarum urbium cives ac Satrapæ, liberos suos huc, ad omnium veluti bonarum literarum ac virtutis mercaturam certatim assiduò transmittunt; perspectum habentes, quantum utilitatis ac gloriæ è studiis Academiæ nostræ profluat.

*Ab uberri-
mo docto-
rum pro-
venta.*

Nec illi falluntur, cum vel cæco appareat, plurimos hinc prodire, & velut ex equo Trojano turmatim emergere, qui facundè concionentur in templis, qui sapienti eloquentiâ moderentur senatum, qui prudentissimè iura dicant, qui cum laude publicis de rebus legationes obeant, qui denique quavis in re & iudicio valeant & eruditione.

Cæterum si quisquam Zoilus objiciat, nonnullos aliquan-

aliquando à literario nostro ad sodalitium nescio *A contra-*
 quod exoticum deficere discipulos, huic commo- *ditione.*
 dum responderi poterit illud Agefilas, quo interro-
 ganti qui fieret, ut ab aliis & t̃is deficerent ad Epi-
 cureos, ab Epicureis nulli deficerent ad alios, soler-
 ter occurrit, inquit: Quoniam ex viris Galli fi-
 unt, ex Gallis viri nequaquam: Gallos disciplinarum
 ac virtutis ocores & voluptarum mancipia vocans.
 Apud nos igitur permanentes, viri sunt, qui studio-
 rum ac virtutis amore jam sudare, jam algere non
 gravantur, imò paulò diutius etiam exerceri non
 molestè ferunt. Desciscientes autem Galli fiunt, aliò
 concedentes solùm, (ut sunt à labore ad libidinem
 procliviores) ut apud sponfos Penelopes, nebulo-
 nes, Alcinoòsq; multo liberius ventri ancillentur,
 disciplinarum bonarum excutiendo jugum inservi-
 ant abdomini, ad nullam ingenii bonam frugem
 perventuri, cælum duntaxat, non animum mutaturi
 etiam si trans mare currant.

Verùm quanrò turpior horum est defectio, qui *A melio-*
 ut liberius, imò licentius alibi artem exigant, hinc *rum disci-*
 & ingrat & perversi discedunt: tantò major illo- *pulorum*
 rum est gloria, quos longè doctiores & honestio- *virute.*
 res vel hic præsentes habemus, vel hinc consultò
 dimittimus, Academiæ Marpurgensis encomion
 per totum terrarum orbem decantaturos. Ergò
 quis nostram satis commendare poterit Academi-
 am, quam velut è locupletissimo cunctarum lau-
 dum penuario, longè uberiora dicendi argumen-
 ta suggerere videris, quàm ut humanæ vocis or-
 gana sufficiant eloqui? Artemisia quondam, refe-
 rente Gellio, dicendis mariti Mausoli regis Cariae *Lib. 10. c. 12.*
 laudibus, agona fertur instituisse, atq; præmia pecu-
 niæ posuisse aliarumque rerum amplissima. Ad quas
 laudes decantandas venisse dicuntur viri nobiles in-
 genio atque linguâ præstabili Theopompus, Nau-
 crates,

ocrates, Theodectes, in quo certamine vicisse Theopompum judicatum est. Atqui de laudibus Academiae nostrae certaturos, non tam facilis partu victoria sequeretur, sub iudicibus lite ac victoriae palmam semper invictam remanente. Illic Mausolus nullis, aut omnino paucis rebus praeclaris famosus, sed delicatae duntaxat uxorulae plus aequo dilectus, certandi materiam, & eam valde jejunam praebebat: hic autem Academia celeberrima, tot rerum gravissimarum argumentis exuberans, tantos *αἰῶνες* (ut Graeco proverbio dicam) *ἰσχυρῶς, πυρρῶς, ἰσχυρῶς* offundit, ut omnes eloquentiam potentes non solum delassare, sed ad nihilum etiam redigere possit. Hic enim ipsissimum est omnium Musarum domicilium. Quarum vel minimarum laudes singularem promulgandae, maximos omnes eloquentiae buccinatores obrunderent. O ter felicem igitur Academiam Marpurgensem! quae, quoniam amoenitate praefulges, omnium rerum ubertate praeponderas, dignitate praecellis, merito dicata es omnibus, quae orio gaudent, honoribus aluntur, bonis Musis: quae tot propriis tuis doribus perlucida, ad tanta honoris fastigia conscendisti: quae tot Mecenate tuorum viri-ribus illustrata, ac parociniis circumvallata, propediem ad altissimos amplitudinis tuae perfectissimae gradus es progressura, cum tot heroës & Atlantes fortissimi, ut charissimam humeris suis fulciant atque sustentent, nunquam humi prostraturi, sed potius inter sidera feliciter collocaturi.

Conclusio.

Haberis jam, viri ornatissimi, quae impraesentiarum de Academiae nostrae laudibus dicere constitui. Longè plura ex tanta argumenti fertilitate veniebant in mentem dicenda: sed malui brevior haberi, quam prolixam nimis oratione vestram audiendi patientiam offendere. Et ineptum planè videri posuisset.

si præsumpſiſſem verbis exprimere omnes illius A-
cademiæ laudes, quæ tantis Principis illuſtriſſimi
virtutibus, quæ tot celeberrimis patronorum tan-
torum titulis, quæ tot profeſſorum dotibus, quæ de-
nique tot ſtudioſorum decoribus illuſtrata, totius
orbis terrarum oculos in ſe converterit. Vos igitur
omnium diſciplinarum generibus inſtructiſſimi viri,
Academiā noſtram excolite, & quam eſtis forti-
(ut ſedulo facitis) Spartam, exornate: Vos ſtudi-
oſa juventus, quo ſoletis honore merito proceres
& magnates Academicos aſſiduo proſequimini, &
vos ita gerite, ut bonis literis & probatis moribus
diligenter ſtudiſſe deprehendami. Sic omnes ap-
parebitis grati, ſic magiſtratus, ſic leges & ſtatuta
Academica, quæ proximo Solis die prælecta ſunt,
vobis virtutum calcaria magis ſubditura, quàm ter-
rorem ſunt incuſſura. Sic denique Academia noſtra
plurimum (ut audiſtis) ornata, indies magis atque
magis erit ornatioꝝ futura.

DIXL

*Copioſa urbes laudandi ratio, ex
Bucoldiano.*

URbes laudantur non ſecus atq; homines. Prin-
cipio ſunt ea ſpectanda, quæ tempore præſen-
tem urbis celebꝛitatem antecceſſerunt; ut conditor,
civēſq; qui adminiſtrarunt, inhabitantq;: deinde
quæ ipſi ſunt tempore conjuncta, ut ager, flumina,
montes, mare, portus, mœnia, foveæ, reſta, civēs
qui inhabitant: poſtremo quæ inſecura infortunia,
quibus commemorandis commiſerationem move-
mus, ipſiſq; everſoribus odium conſiamus. Ut ſi
quis Athenas aut Romam, ut quondam fuit, lauder,
dicatq; quibus artibus jam inde à primis jactis à Ro-
mulo fundamentis eò incrementum acceperit, ut

*Quæ urbi-
um laudes
ſint cele-
brandæ co-
pioſe docet
Quint.
lib. 3. cap. 7.*

non modò Italiae urbium celeberrima, sed totius terrarum orbis caput, luménque exaret: & quorum deinde vitio, inertiaque concidere, retròq; labi ceperit. Sed cum ferè laudem sibi hæc porissimum vendicent, quorum celebritas dignitasque in omnium posita oculis elucet maximè; quæ hæc, ab iis quæ tempore antecedunt, simulque juncta sunt, prædicandi via sit, indicabimus.

*Urbis laus
à conditore.*

Conditorem igitur commodè primum ex descriptionis loco, atque adè ab adjunctis describemus: unde cognosci potest, quæ ipsius potentia, & præsertim quæ animi virtutes, prudentia, justitia, fortitudo, temperantiaque fuerit. Deinde à causis erit augendum, cur eo in loco urbem locarit: quæ si maritima, fertilisque in agro posita sit, eo nimirum consilio fecisse dicendum, ut hinc mari, hinc agro magna vis hominum ali, sustentarique posset. Tum eventa erunt explicanda, quanta jam inde à condita urbe hominum multitudo victum hinc, quomodo, & quàm faciliè quærat. Postremò, conferendo hanc cum aliarum urbium agro, situque, mirè rem extendens, ostendendoque hujus agrum, aut fertilior, aut certè parem esse, nullaque in re deteriores. Dissimilitudinem autem ex situ fortè colliges: hanc maritimam, illas esse campestres: hæc cum terrâ magna, tum navibus maxima onera advehit; illuc plaustris modò res asportari. Jam & actus in primo illo urbis conditore spectandos esse, adjunctorum idem nos locus admonet. Quòd si igitur legibus & religione rempublicam novam primus bene constituit, à causis extendenda reserit: eo nimirum consilio fecisse, ut justè, pièque viveretur; & quos lex non posset, religio in officio retineret. Deinde eventa explicanda erunt: qui mores ex eo usque tempore justè, modestè, pièq; viventium, tum universorum, tum singulorum extiterunt.

rint. Quæ omnia si, ut gesta sunt, copiosè exponas, incrementum sumet oratio, majus quidem, si quæque & ex comparatorum loco dilates. Præter hæc, si quid rectè instruit, considerandum, ut si idem simul cum urbis primordiis literarum bellique studia crexerit: illis ut animi divinarum humanarumque rerum cognitione imbuerentur, his ut suas suorumque fortunas tuerentur. Consilia ubi exposueris, eventa inde ab urbe condita enarranda erunt: quot quantosque viros undecunque doctissimos, & quo quemque tempore tulerit: quæ cujusque eruditio- nis testimonia, aut scripta extent. Atque hæc sub- inde comparando dilatabuntur maxime. Hunc in modum & quæ interim belli studia, & fortia fa- cta extiterint, prosequendum erit, quæ nunc uni- versorum, nunc singulorum militiæ fortitudo, vir- tutesque, & quo tempore, quo in loco cognita per- spectaque sit. Atque hinc non solum ex comparatio- nis loco si voles, quæque variè extendes sed & per- sonas describes, consiliaque faciendi aperies. Bre- viter, quæ ratio urbes laudandi, ab iis quæ tempore præcesserunt, usumque hinc locorum, ostendimus. Verum si, ut sæpe, de conditore, bonisque ejus in- stratis, nihil certi in medium afferre poterimus, so- lumque in confesso sit, urbem vetustam esse, sem- perque ferè incrementum sumpsisse: nihilominus quorum id administratione virtutemque contigerit, narrandum erit; quæ nunc singulorum, nunc uni- versorum prudenter, justè, piè, fortiter, temperatèq; facta extiterint; quo respublica nomen virisque ac- ceperit. Atque hinc singula cujusque facta, ex adju- ctorum loco copiosè omnibus expositis circumstan- tiis, enarrari personæque describi possunt. Tum quæ causæ tam universos, quàm singulos ad faci- endum impulerint, dicendum. Variè autem per- comparisonem unumquodque amplificabis, dum

aut excessum, aut similitudinem, aut dissimilitudinem, aut denique rerum pugnantiam, contrarietatemque ostendes.

Urbis laus ab iis quæ huic simul tempore conjuncta sunt, & primum ab æris temperie, per locos ducitur.

REstant ea persequenda, quæ urbi, quam laudamus, simul tempore sunt conjuncta. Hic primum spectandum quo in climate, cœlique parte sit posita, unde æris temperies cognosci potest. Neque enim parum refert, languidioribus, an ferventioribus, seu temperatis Solis radiis sit subjecta, ut sunt ferè omnes hæ, quæ inter Cancrî, Ursæq; circulos sunt posite. Deinde dicendum erit de agris, qui adjacent: de fluminibus, stagnis, piscinis, montibus, ipsiq; mari, si aut vicinum est, aut urbem alluit. In iis autem omnibus ea quæ fructuosa, amœnâq; sunt, laudibus evehenda esse, idem, qui omnium, adiutorum nos locus admonet. Siquidem agros fertiles, fluvios piscosos, navigabilésque, montes viribus confitos, tum mare navibus frequentatum, hoc ipso quod fructus voluptatésq; maximas afferant, & urbis nomen dignitatémque in primis conservare, dubium non est. Spectari item potest, in orâne an meditullio provinciæ sit posita: quod genus circumstantias copiosè Græci, ut quos verba non deficiunt, persequuntur: præsertim Menander rhetor, qui de laude urbium seorsum scripta reliquit. Verum dum hic in laudando ex loci positione circumstantias, quod infinitum est, studiosè persequitur; eorum, quæ omitti minimè debuissent, quæ videlicet publicæ munitiones, interiôrque civium structura esset, nè meminit quidem,

Arqui

Atqui nos ad locos, atque adeò ipsos ad fontes laudatum ducimus: unde, quantum pro suo quisque arbitrio volet, hauriat. Nam cum ad laudem urbium pertinentes circumstantias explicare infinitum sit; quòd unicuique ferè præter diversa hominum studia, rationemque quærendi victus, sua quædam propria à natura sint attributa, aliis nempe aurifodinae, aliis thermæ, aliis alia id genus innumera: cognito adjunctorum loco, in hoc instructus sit, ut sciat, quæcunque præterita præsentiaque splendorem urbi, commodamve seu propriam, seu cum cæteris commune, afferant, laudari oportere; quæ per reliquos deinde ducta locos augentur plurimum. Postremò igitur de publicis munitionibus, interiorique civium structura, & ipsis civibus erit dicendum. Hæc igitur ab adjunctis ministrata, copiose erunt singula, omnibus enarratis circumstantiis, explicanda, & per reliquos subindè locos ducenda amplificandaque. Itaque si in bono climate sita sit civitas, primum aëris temperies, cælique elementia, & temperata sub ipsa solstitia, dierum noctiumque longitudo pluribus erit describenda. Deinde à causis hæc erunt locupletanda: non enim aut Solis ignibus, aut Septentrionalibus frigoribus nimis esse subjectam, sed in medio positam, hinc frigora, hinc æstus fugisse; unde & illud dierum noctiumque suo tempore nec majus, nec minus justo incrementum, quorum alterum sub Arcto, alterum sub Solis cursu positis accidit. Ab eventis, quare homines nullâ aëris intemperie impediri, quò minus toto anno victum domi & foris quærant; omniaque in agris felicius proveniant. Accedit eò, & ipsa ingenia, cæli beneficio præsentiora perspicacioraque reddi. Et hæc quidem omnia multis explicari possunt. Postremò & ex comparatione petenda copia est: ut si hic autam salubriorem hominibus, mature-

scendique frugibus accommodatiorem declares, quàm ejus, quàm cum confers urbe. A simili autem extends, si cum ea urbe conferas, cujus positum pluribus notum, maximèque probatum vides. Hunc in modum, si voles, & dissimilitudinem repugnantiamque collatione aperies. Quòd autem hac viâ, ordinèque ex locis amplificandi commodè utamur, tamèn cum & aliter rectè fiat, nemo sibi hîc legem præscribi putabit. Nam postquam ex adjunctorum loco (qui omni rei de qua agitur, adjunctus est maximè) quæ voles ob oculos posueris, deinde ex comparatione copiam sumas, & si magis augere voles, subindè à causis augeas licet. Verùm id aliter atque aliter fieri posse, in universum sit dictum volo: adèò ut sæpe dum uno in loco longiorem moram trahimus, plures interim alii ex suo aliquid, vel antequam indè digrediamur, communicent.

*Laus urbis ab agris, fluminibus, publicis item
munitionibus, testis, ipsâque
civibus.*

HÆc de aëris temperie : de agris subindè dicendum, de fluminibus, stagnis, montibus, piscinis, & ipso deniq; mari, aut vicino, aut urbem alluente: quantâque ex singulis utilitas, voluptasque capiatur, ab adjunctis copiosè erit exponendum; nunc ea ipsa describendo, nunc aut classicorum autorum, si fieri potest, aut vicinarum gentium testimoniis confirmando. Atq; hac viâ res quidem ipsa mirè augebitur. Quòd si verò magis hæc extendi voles, singula celeberrimis urbibus comparando ostendes, hanc sive agri ubertate, sive fluminum copiâ, voluptatèque, sive denique ipso maris usu aliis longè superiorem, aut certè per omnia parem esse judicandam.

candam. Jam & de publicis urbis munitionibus, re-
disque dicendum: quantaque sit fovearum, agge-
rum, murorumque altitudo, latitudoque, erit descri-
bendum: quis portarum, turrium, propugnaculo-
rumque, numerus, quæ magnitudo firmitasque: quod
bellicis machinis, rebusque ad arcendam vim ac-
commodatis, sint omnia referta. Hæc ubi pluribus
exposita verbis, descriptaq; fuerint, à causis erunt
augenda, cur foveas, mœnia, aggeresque ita duci
poniq; placuerit: quo consilio hac distantia, hoc in
loco turres propugnaculaq; locarint: cur tantis
sumptibus, tot tantisq; laboribus eò omnia exexe-
runt, nempe, ut quam minima manu hostiles incur-
siones, impetúsque sustinendo, propulsandóq;, vitam,
fortunáq; suas defensarent. Atq; hinc subindè even-
ta narrabuntur: quorum hostium impetù, oppugna-
tionésq;, quo, & quanto tempore fortiter sustinue-
runt furorémque fregerint, discedere demum cum
ignominia pauci plurimos coegerint. Quin & po-
tissimò comparatione omnia majora amplioraque
reddes, maximis munitissimisq; urbibus hanc aut
munitione per omnia parem docendo, aut multis
etiam partibus superiorem. Atque hæc vicinarum
gentium testimoniis, præclarisq; regum, atque
magnorum hominum judiciis dilatarì possunt.
Tecta autem civium frequentiora magnificèq; ex-
tracta, tum plateas, foráq; ad hominum usum latio-
ra, divorumq; templa augustiora esse, quod non
parva laus sit. Ut quæque maximè excellunt, ita
pluribus erunt verbis ornanda, hominúque de iis
testimonia judiciáque afferenda: tum cum vicinis
pulchererrimisq; civitatibus conferenda: quo ipso
aut parem, aut longè majorem hujus celebra-
tem magnificentiamque edoceas. Quod si lubet,
& hæc ipsa ex alijs locis licet extendas. Restat
de civibus esse dicendum: horum jam viventium,

(cùm de vita defunctis dixerimus) quæ studia, qui mores, quæ præclarè facta existant, spectandum. Commodè autem quæque in sua virtutum genera sparges: & sua prudentiæ, sua iustitiæ, quæ erga deos religio, erga parentes pietas dicitur, sua item fortitudini, temperantiæq; assignabis. Cæterùm cùm suprà in patriæ laudibus laudandi amplificandique rationem ostenderimus, quæ insistenda hîc via sit, indè peri potest. Hæc de urbium laudibus: unde quæ vituperari oporteat, res nempe contrarias, facîle colligi potest.

*Quæ facta
ex locis co-
piosè lau-
dandi sit
ratio.*

FActa ornandi, & amplificandi quæ ratio sit, subindè intueamur: in quibus laudandis, vituperandisque, cùm rhetores, tum maximè historici, heroi- cique vates versantur. Temporis autem servato ordine laudari oportere ipsa nobis præscribit ratio: poëris tamen id de industria mutantibus. Præcipui autem hi loci sunt, causæ & eventa: (quanquam alii omnes, qui suprà, & huc adhiberi possunt) ut expositis primùm causis, deinde quæ evenerint explicentur. Quare Virgilius, postquam paucis proponendo, Musasque invocando, hominum animos sibi benevolos, attentosque reddidit, causas statim commemorat, cur Æneam Juno, insignem pietate virum, tot labores periculâque adire coëgerit.

Urbs antiqua fuit, Tyrii tenuere coloni,
Carthago, Italiam contra, Tiberinâque longè
Ostia, dives opum studiisque asperrima belli:
Quam Juno sœtur terris magis omnibus unam
Posthabitâ coluisse Samo: hîc illius arma,
Hîc currus fuit: hoc regnum Dea gentibus esse,
Si quâ fata sinant, jam tum tenditque fovêtq;
Progeniem sed enim Trojano à sanguine duci
Audierat, Tyrias olim quæ verteret arces.

Hinc

Hinc populum latè regem, bellòque superbum,
Venturum excidio Libyæ: sic volvere Parcas.
Id metuens, veterisq; memor Saturnia belli,
Prima quod ad Troiam pro charis gesserat Argis:
Nec dum etiam causæ irarum sævique dolores
Exciderant animo. Manet alta mente repòstum
Judicium Paridis, spretæq; injuria formæ:
Ergenus invisum, & rapti Ganymedis honores.
His accensa super, jactatos æquore toto
Troas, relliquias Danaûm, arque immiris Achilli
Arcebar longè Latio, multòsque per annos
Errabant, acti fati maria omnia circum.
Tantæ molis erat Romanam condere gentem.

His irarum Junonis è causis, quæ infortunia Æ-
neæ Trojanisq; evenerint, dum complures annos
per mare errare, & deinde in Latio bellum gerere
coguntur, poëta subindè fusiissimè narrare occipit:
& vix duodecim libris absolvit.

Vix è conspectu Siculæ telluris in altum
Vela dabant læti, & spumas salis ære tuebant, &c.

Sic & ante hunc in utroque suo opere Homerus
primùm causas, deinde insegura canit eventa. Hunc
in modum & T. Livius secundo suscepti à Pœnis in
Romanos belli, antequam eventa, resque gestas e-
narret, causas primùm dicit, quòd videlicet Sicilia,
Sardiniâque, illa nimis celeri rerum desperatione
Romanis concessa, hæc fraude ab illis intercepta
esset: tum quòd Annibal, cum puer adhuc esset, à pa-
tre Amilcare Imperatore aris admotus jurasset, se
quamprimum per ætatem posset, hostem fore Roma-
nis. Quin & Salustium idem facere, ipsius argumen-
to est historia. Quid? Non igitur aliò hic causarum
locus valet, quàm ut causas rerum, quæ evenerunt,
quòd

quod ab his autoribus factitarum esse videmus, primum exponendas esse sciamus? Est profectò multiplex hujus passimque nec certo in loco usus: cum nunc præcedant, nunc suos sequantur eventus. Nam quanquam primæ quædam, principalésque summæ rerum causæ sint, quas nôsse principiò lector, auditorque cupit: tamen cum subindè aliæ atque aliæ actiones casusque existant; & ipsorum alias atque alias causas esse constar: unde si inter narrandum obiter amplificetur, mirè orationis extendetur corpus. Quare Cicero, cum suarum se laudum minus gravem scriptorem fore intelligeret, viderétque L. Luceium Qu. F. insignem sui temporis historicum, bellum civile scribendum suscepisse, scriptâ ad eum epistolâ, omnibus perit modis, suas ut res, exemplo Græcorum seorsum perscribat, atque in se ornando historiæ leges negligat. Posse autem indè, si à continentibus suis scriptis sejungat, & à causis, eventis, adjunctisque amplifiet, quoddam corpus confici. His porro ex locis augeri rem oportere L. Luceium admonet, dum causas, consiliaque rerum suarum, casus etiam, & eventa explicanda esse scribit: Adjuncta autem sunt, tempus, testimoniâque Luceii, quem ea, quæ suo judicio laudanda putaret, ornare, quæ contrâ vituperanda, reprehendere voluit. Atque huc etiam pertinet multorum in Ciceronem perfidia, infidia, proditióque; quæ & putavit esse notanda. Hic nemo mirabitur consilia & actiones, quas supra in locorum expositione adjunctorum loco complexi sumus, hic causas & eventa dici. Sunt namque iis, quorum consilia & facta sunt, adjuncta maximè. Verùm causarum & eventorum nomen accipiunt, cum sumpra ab adjunctis, unde omnis rerum ducitur copia, inter sese componuntur: & causæ effecta, & hæc vicissim illas ostendunt. Quare causas & eventa magnam cum adjunctis cognationem

Lib. 5. Epist. fam. ep. 69.

Adjuncta.

nem habere, nemo mirabitur. Indè namque hi licèt
nati loci sint, tamen & ipsi latissimè parent. Itaque
his locis, unde ornat historia, si & comparatio-
nis locum adiecisset, non video non modò unde
historici, sed rhetores, poëtæque qui maximè
solent, magis amplificarent. Hinc Cæsar, ut Bru-
tus apud Ciceronem disputat, quia minùs re-
rum suarum historiam vestiit, commentarios in-
scripsit, cæterisque scribendi ansam præbuit, ut qui
vellent, eandem copiosius tractarent, & quasi calami-
stris quibusdam inurerent. His ipsis ex locis lactea
illa Titi Livii ubertas est petita, unde tamen Diony-
sius Halicarnassæus, qui & ipse Romanas res perscri-
psit, multò magis auxisse intelligas, ut mihi is, quod
de Demochare Brutus Ciceronian. judicat, non
tam historicum, quàm rhetorem egisse videatur.
Hinc Maro noster, hinc Homerus ea sumpse-
runt, quibus quæ voluerunt, non tam dilucidè
enarrasse, quàm factâ ubique morâ omnia ob ocu-
los posuisse videantur, hic fufissimè, ille modo quo-
dam usus id quod is faciliè animadverteret, qui cogni-
tis locis & amplificandi ratione, utrumque cum ju-
dicio leget. Sed hac de re suo dicetur loco: nunc,
quod volumus, usum locorum, augendique ratio-
nem in celebrandis factis diligentius, & ad cujusque
magis caprum indicemus. Unum igitur factum. si
oratione laudandum sumamus, sit Theodosii Impe-
ratoris, quod insigne maximè gymnasium Bono-
niæ instituit, primum ex descriptionis loco, atque
adeo ab adjunctis ipsum describamus, unde inge-
nium morèsque principis eluceant, & cause tam
honesti & utilis facti quasi per transennam appare-
ant. Fecit id & Tit. Livius principio historię suæ
de secundo bello Punico, ubi pluribus Annibalis
depingendo animique bona, viriæque plurima ex-
primendo, quicum viro Romano futura res esset,
lecto-

lectorem statim instruit. Secundum hæc ab adjunctis res ipsa erit explicanda, quantis & unde sumendis fructibus, qui in professores expenduntur, hanc scholam adornarint, confirmarique. Deinde à causis, cur hoc in loco & tot, tantæque stipendia professoribus constituerit: ut certè hinc in reliquam totam Europam, qui rectè republ. administrarent, docti mitterentur. Tum ab eventis miram in modum augeas, si quæ interea loci emolumenta aliarum nationes hæc ex Academia & ceperint, & quorundem capiant, persequaris: qui, quibus in locis, hinc missi sive cognitione rerum humanarum, physicarumque, utiles reipublicæ exiterint, sive legum scientiâ quid æquum & iniquum esset edocuerint, sive denique medicinae beneficio laborantibus opem tulerint. Postremò ex comparationis loco quantam voles copiam sumes, factum hoc aut cum aliis ipsis, aut cum aliorum imperatorum præclarè factis conferendo.

*Exemplum facta ex locis amplificandi
apud Ciceronem.*

Interdum factum laudamus, & dilatamus, non tam ferè à causis, & quæ has sequuntur eventis, quàm ex adjunctorum & comparationis loco: id quod Cicerò fecit, gratias Cæsari agens, ipsumque laudans, quòd Marcello ignovisset. Postquam igitur exordium à tempore, ejusque, quo dixit, diei circumstantia, duxisset; clementiam, sapientiâque Cæsaris ab adjunctis statim laudat, ornâtque: nempe à sua, totiusque senatus lætitia, factum hoc probantis, & propterea de republ. subindè melius sperantis. Aspergit & paucis obiter laudem Marcelli, quod ipsum & ex hoc loco est ductum: & eò valet, ut clarius illustriusque factum ejus reddatur, quòd præstantissimo,

rissimo, amplissimoque viro ignorasset. Deinde ex comparationis loco Cicero amplificat, & confert hoc Cæsaris factum cum maximis ejus bellis, rebusque gestis, quibus omnibus jure anteferti oportere, pluribus ostendit. Porro hac in comparatione orator tantam moram trahit, dum interim ab adjunctis circumstantias admiscet, ut omnia quæ ad laudem pertineant, totaque citatio, nisi quod pauca ad finem aliò spectantia adiecit, hoc solo ex loco vestita, amplificataque deprehendantur. Quare quantum ex loco res extendi possit, cum plurimis apud Ciceronem exemplis, tum hoc, studioso perspicuum esse potest.

*Exemplum res ex locis amplificandi, apud T. Livium
historicum, breviterque ejusdem
explicandi.*

Lib. 2 l. 6. 4.

Hinc autem quis locorum usus, quæ laudandi amplificandique ratio sit, quanquam satis li-
quere putem, tamen non abs re fuerit, & hæc ipsa in
historia, classicisque autoribus paucis indicare. Nar-
raturus T. Livius contra Romanos res ab Annibale
gestas, ut statim intelligi posset, qualis is esset qui
tantum in discrimen Romanum nomen adduxerit,
primum ipsum ducem ex descriptionis loco depin-
xit his verbis: Missus Annibal in Hispaniam, primo
statim adventu omnem exercitum in se convertit.
Amilcarem sibi redditum veteres milites credere,
eundem vigorem in vultu vimque in oculis, habi-
tum oris lineamentaque intueri. Deinde brevi effe-
cit, ut pater in se minimum momentum ad favorem
conciliandum esset. Nunquam ingenium idem ad
res diversissimas, parendum atque imperandum, ha-
bilis fuit, Itaque haud facile discerneres, utrum
imperatori,

imperator, an exercitui chariot esset. Neque milites alio duce plus confidere: plurimum audaciæ ad pericula capeßenda, plurimum consilii inter ipsa pericula erat. Nullo labore aut corpus fatigari, aut animus vinci poterat. Caloris ac frigoris patientia par: cibi portionisq; desiderio naturali, non voluptate modus finitus: vigiliarum, somniquæ, nec die nec nocte discriminata tempora; id, quod agendis rebus superesset, quieti darum. Ea neque molli strato neque silentio accersita. Multi sæpe militari sagulo opertum, humi jacentem inter custodias stationesq; militum conspexerunt. Vestitus nihil inter æquales excellens: arma atque equi conspiciebantur. Equitum, peditumque idem longè primus erat. Primus prælium inibat, ultimus conferto prælio excedebat. Has tantas viri virtutes ingentia vitia æquabant: inhumana crudelitas, perfidia plusquam Punica, nihil veri, nihil sancti, nullus Dei metus, nullum jusjurandum, nulla religio. Hactenus mores ingeniumque descripsit: quæ quidem omnia ab eo, qui rem nudè explicare voluisset, omitti potuissent. Subjicit autem ex adjunctorum loco, his verbis: Cum hac indole virorum ac vitiorum triennio sub Asdrubale imperatore militavit, nullâ re, quæ agenda audendæque magno futura duci esset, prætermisâ.

Hæc quidem cum illud tempus præcedant, quo obelli dux declaratus est, omitti potuissent. Quæ sequuntur ex adjunctorum, seu, qui inde nascitur, causarum & eventorum loco sumuntur; cur videlicet Annibal in suscipiendo bello nihil prolarandum arbitreretur, & dum Saguntinos petit, in Olcadum fines exercitum ducat. Sic ille. Cæterum ex quo die dux est declaratus, velut Italia ei provincia decreta, bellumque Romanum mandatum esset, nihil prolarandum ratus, nè se quoque, ut patrem Amilcarem, deinde

deinde Asdrubalem, cunctantem casus aliquis oppri-
 meret: Saguntinis inferre bellum statuit. Quibus op-
 pugnandis, quia haud dubiè Romana arma move-
 bantur, in Olcadum fines prius ultra Iberum (ea
 gens in parte magis, quàm in ditione Carthagenen-
 sum erat) induxit exercitum: ut non petisse Sagun-
 tinos, sed rerum serie finitimis domitis gentibus,
 jungendoque tractus ad id bellum videri posset. His
 demum subjicit eventa, gestæque rei narrationem.
 Carteiam urbem opulentam, caput ejus gentis ex-
 pugnat, diripitque: quo metu perculsæ minores ci-
 vitates, stipendio imposito imperium acceperunt.
 Victor exercitus, opulentusque prædâ, Carthaginem
 novam in hyberna est deductus. Ibi largè partiendo
 prædam, stipendia præterita cum fide exolvendo,
 cunctis civium suorum sociorumque animis in se
 firmatis, vere primo in Vacceos motum bellum.
 Nuda hæc satis narratio est: nisi quòd obiter petitas
 ab adjunctis circumstantias inserat nonnullas: quod
 genus sunt, urbem esse Carteiam opulentam, & suæ
 gentis caput: tum exercitum opulentum prædâ de-
 ductum esse. Prosequitur autem narrationem tempo-
 ris, cujus mentionem facit, servato ordine. Herman-
 dica & Arbacala Cartelorum urbes, vi capræ; Arba-
 cala & virtute, & multitudine oppidanorum diu de-
 fensa. Ab Hermandica profugi, exulibus Olcadum
 (priori æstate domitæ gentis) cum se junxissent,
 concitant Carpetanos, adortique Annibalem re-
 gressum ex Vacceis, non procul Tago flumine,
 agmen grave prædâ turbavere. Pura hæc, nudæque
 sunt omnia, nisi quòd ab adjunctis est, oppidano-
 rum virtute & multitudine Arbacalam diutius esse
 defensam: neque procul Tago imperum in Anniba-
 lis agmen esse factum. Quæ sequuntur paulò copio-
 siora sunt. Nam & consilia Annibalis aperit, pro-
 pretea amnem trajicientis, ut in transitu fluminis
 hostes

*Carthago
 Nova in
 Hispania.*

hostes invadere; & causas ferociae hostium Carperanorum, tum sua multitudine, tum fuga Annibalis minus timentium. Atque hic Livius, & a suo obiter testimonio amplificavit, dum invictam aciem dicit, si aequo certaretur campo. Sic ille, Annibal praelio abstinuit, castrisque super ripam positis, cum prima quies, silentiumque ab hostibus fuit, agmen vado trajecit, valloque ita producto, ut locum ad transgrediendum hostes haberent, invadere eos transeuntes statuit: equitibus praecepit, ut cum ingressos aquam viderent, adorirentur peditum agmen in ripa elephantes quadraginta disposuit. Carperanorum cum appendicibus Oleadum Vaccorumque centum millia fuere. Invicta acies, si aequo dimicaretur campo. Itaque & ingenio feroces, & multitudine freti, & quod metu discessisse credebant hostem; id morari victoriam rari, quod interesset annis, clamore sublato passim, sine ullius imperio, qua cuique proximum erat, in amnem ruunt. Hactenus consilia, causasque exposuit: quibus subjicit eventa, nempe infelicem Carperanorum pugnam, & deditiorem. Et haec quidem ipsa satis a circumstantiis, quas explicat, illustrat his verbis: Et ex parte altera ripae, vis ingens equitum in flumen immissa, medioque alveo, haud quaquam pari certamine concursum. Quippe ubi pedes instabilis, & vix vado fidens, vel inermi equite equo temere acto perveri posset: eques corpore armisque liber, equo vel per medios gurgites stabili, cominus eminensque remgereret. Pars magna flumine absumpta: quidam voracioso amni delati in hostes, ab elephantis obruti sunt. Postremi, quibus egressus in suam ripam rutilior fuit, ex varia trepidatione cum in unum colligerentur, priusquam ex tanto pavore reciperent animos, Annibal agmine quadrato amnem ingressus, fugam ex ripa fecit: vastisque agris, intra paucos dies

dies Carperanos quoque in deditionem accepit. Hunc in modum reliqua toto corpore alia magis, alia minus, atqueque res postulat, his ipsis ex locis extenduntur. Rariores autem comparationes sunt locus, in hoc præsertim genere, omnino ad ornatum amplificationemque accommodatissimæ unde poetis, rhetoribusque copiam sequentibus crebrior; historicis, nè ad ornandum magis, quam ad narrandum, orationem sumptisse videantur, minus familiaris. Porro Saguntis oppugnationes, excidiumque quod proxime sequitur, pluribus adjectis peristatibus copiosissime explicantur.

Verùm hæc ipsa Liviana ex locis aucta amplificataque, nuda omni ornatu, quasi vestitu spoliata, ob oculos ponamus: unde quid inter jejunam, necessariamque narrationem, & copiosam locupletemque intersit cognosci potest. Missus Annibal in Hispaniam, postquam mortuo Asdrubale dux belli est declaratus, Saguntinos bello petit. Quod dum facit, in Olcadum fines exercitum ducit. Carreiam urbem expugnat, diripitque. Minoribus deinde civitatibus metu subactis, exercitum Carthaginem novam in hyberna deducit. Hic largè prædam partiendo, præteritaque stipendia cum fide exolvendo, cunctis civium suorum, sociorumque animis in se firmatis, vere primo in Vacceos morum bellum. Hermandica & Arbada. la Carreiorum urbes vi capta. Ab Hermandica autem profugi, exulibus Olcadum cum se iunxissent, concitant Carperanos, adortique Annibalem regressum ex Vacceis, non procul Tago flumine agmen turbavere. Annibal autem trajecto amne, temerè insequentes hostes ad centum millia partim equitum in flumine oppressit, partim in fugam coniecit: vastatisque agris, & Carperanos paucos infra dies in deditionem accepit. Brevis hæc, nudaque narratio est, quam ut vi ille eloquentissimus ex locis locupletari jam visum est.

DE

VITUPERATIONE.

Ψόφος Græcè.

CAP. IX.

“ **V**ituperatio est sermo exponens mala, quæ ali-
 cui insunt. Differt autem à loco communi vi-
 “ tuperatio, quod locus communis penas exposcit,
 “ vituperatio verò solum habet velut nudum convi-
 “ tium.

“ Dividitur autem in eadem capita, quibus Laus.
 “ Possuntq; vituperari eadem omnia, quæ & laudari

“ Personæ,

“ Res,

“ Tempora,

“ Loci,

“ Bruta animalia,

“ Plantæ.

“ Vituperamus verò & communiter & singulatim.

“ Ubi verò proemion feceris, adjunges genus, quod

“ divides eadem, quæ in laude, ratione. Deinde edu-
 “ cationem, & res gestas, & epilogum ita facies

“ quemadmodum in laude.

Vituperatio Philippi.

Exordium. **N**eque virtutes meritò à laude frustrari rectum est,

“ neque itidem sine reprehensione dedecora re-

“ linqui: quoniam si non ita fiat, id quod præcipu-

“ um est amborum præmium utrisque aufertur; lau-

“ dandis quidem gloria rectè factorum, vituperandis

verò

verò scelerum rursus. Omnes autem malè audire æquum est, qui malos sese præbuerunt: tantò magis verò omnibus Philippum, quantò omnes improbos longè omni scelere superavit.

Natus est ex ea gente, quæ pessima est omnium barbarorum, & quæ non certis consistere sedibus potuerit propter ignaviam, sed coacta sit, locum è loco permutans, variis erroribus jactari. Argivi enim primùm ipsos finibus exturbaverunt: hinc diu vagi, ad eam tandem, quam nunc incolunt, regionem perlati sunt. Duplici itaque infelicitate implexi, & quòd melioribus coacti sunt cedere, & quòd in imbecilliores violenti, injustique fuerunt, nunquam tutò habitare, aut vacui metu agere potuerunt.

Et cum ex gente ignominiosa oriundus sit, ramen ex civitate magis etiam infami natus est. Ut enim abjectissimi barbarorum censentur Macedones, ita Macedonum, ejusque terræ velut quædam sentina est Pella, ut in qua civitate nè frugum quidem servorum ullus sit proventus.

Hac ergo progenitus patriâ, majores habuit patriâ ipsâ longè magis pudendos. Philippus enim inter majores ipsius fuit, cui quòd minùs ejus terræ regnum obtingeret, obstitit generis indignitas arque dedecus. Huic successit pater Amyntas, qui regnum alienis opibus tenuit: pulsum enim in regnum Athenienses reduxerant.

Tali igitur ortus patriâ, tales sortitus generis autores, apud Thebanos moratus primùm obses fuit: nec quamvis media in Græcia versaretur, mores convictu mutans, ad melliora deflexit, sed barbaricam semper impotentiam inter Græcam retinuit institutionem. Cùmque sit omne humanum genus in Græcos arque barbaros divisum, ipse, velut ex urrisque commixtus, similem improbitatem in dissimilibus gentibus exercebat.

A genere vel natione

A Patria. A Majoribus.

Philippus hic sextus fuit Macedonum rex: Huic autem non immediate successit Amyntas, sed Europus: Europa Alceas, Alceas Amyntas.

Ab educatione. Genus omne humanum in Græcos & barbaros divisum.

*A rebus
perfidē
gestis.*

Orsus ergo primum à cognatâ gente, ipsam in fer-
vitutem redegit, velut à perfidia rerum suarum ini-
tia auspicatus. Indè & finitimos aggressus populos,
» perdomuit: caprisque deinde Pæonibus, Illyricos est
» adeptus. Triballorum quoque gentem invadens, &
» quicquid præterea in proximo erat terrarum, omnia
» velut utro impetu devicit. Et corpora quidem bar-
» barorū pugnando cepit, mentes autem cum corpo-
» ribus nequivit capere, nec eorum animos pacis arti-
» bus sibi conciliare. Quamobrem subindè deficie-
» bant, & quanquam victoris crudelitatem horrebant,
» tamen rebellionem per omnes penè dixerim noctes
» somniabant, ut qui opere foris servirent, intus co-
» gitatione essent liberi. Subactis ergo finitimis bar-
» baris, ad Græcos castra movit, atque adeò antequam
» ipsam Græciam invaderet, civitates, quæ in Thra-
» cia Græciæ ditionis erant, evertit, cepitque Am-
» phipolin, Pydnam subegit, istisque Poridæam ad-
» junxit, neque Pheras extra Pagasas, neque Magne-
» siam extra Pheras omisit: sed cunctæ urbes Thessa-
» lorum capiebantur, & velut generis mercedem fer-
» vitutem ferebant.

*A mortis
genere.*

Dignum sanè fuerit, exitum quoque ipsius re-
censere. Postea enim quàm pleraque, quæ invalit
» oppresserat, subjeceratque contra fœdera eos qui
» fuerant fœderibus devincti, offensū violatis fœde-
» rum sacris dii, convenientem perfidiæ suæ finem
» dederunt. Neque enim in prælio pugnans cecidi-
» dit, quo fortissimum aliquem mortis suæ testem re-
» liquisset, sed in medio turpium voluptatum gurgite
» suffocatus, se dignum sepulcrum in earum fœdita-
» re invenit. Videlicet, ut quemadmodum ejus vita,
» sic & mors intemperantiæ fœdum exemplum po-
» steris esset.

*A compa-
ratione.*

Quis autem est, qui Echerum illi putet posse con-
ferri

ferri: Echeto enim præcis extremis aliquibus corporis membris, reliquum saltem corpus relinquebat: Philippus totos cum corporibus, ipsis homines perimebat: quantoque saevius est, totum deleri hominem, quam partem aliquam auferri: tanto perniciosior est Echeto Philippus.

Cessare autem à sceleribus suis Philippus nesciebat; cum mihi, victo magnitudine flagitiorum ejus, necesse sit, ut plura de ipsis facere verba definam.

Peroratio.

SCHOLIA.

Omnia quæ laudantur, contrariâ vituperari possunt ratione. Ab Aphthonio causâ exercitationis reprehenditur Alexandri pater, Amyntæ filius, Philippus, qui tamen vel dictorum urbanitate, vel ut relatum est supra, dexteritate ingenii superabat seculi sui reges omnes. Vide Erasmi. 4. Apophthegmatum. Quemadmodum autem laudari, ita vituperari possunt, Personæ, ut Therfites; Res, ut ebrietas: Tempora, ut hyems: Loca, ut Euxinus: Nota, apud Plutarchum in Eumene: Bruta animalia, ut crocodilus: Plantæ, ut crambe.

Adjungens, &c. In genere, nationis, patriæ, majorum atq; parentum circumstantiæ sunt excutiendæ: Quæ omnia si clara contingere, ostendendum est, illa vitiorum omni genere contaminasse, quem vituperandum susceperis.

Educationem, &c. Quod si is, quem vituperare constitueris, clavis natalibus, & egregiis animi corporis atq; fortunæ dotibus conspicuus præfulserit, dices à majoribus illum degenerasse: Animi dotibus ad dolos & fraudes abusum: bonis corporis ad libidinem, cædes, rapinas: divitiis ad multorum perniciem, & publicas seditiones fovendas.

Claritas enim generis notiores circa vitia, & invas magis facit. Quint. Ad. notavimus supra ex Quint. hac non ideo laudari, quod habuerit quis ea, sed quod iis honeste sit usus.

Frustrari, &c. Frustro activum, & frustror commune verbum legitur. Est autem sensus: qui crimina non accusant, si non minus peccant, quam qui virtutes non laudant: non enim decet virtutem sine laude, nec malitiam sine vituperatione, atque reprehensione relinqui.

Aequum malè audire, &c. Ut sementem, juxta proverbium, quis fecerit, ita metet. Et qui, quæ vult, dicit aut facit, quæ non vult, audiet: bene dictis aut factis qui cerrat, audiet bene.

Pessima barbarorum, &c. Hujus gentis barbariem Stratonius musicus Athonienſis notare solitus fuit, qui ad discipulum stupidum solebat exasperatus dicere, *Eie Macedonias pro Eie Muxapias* quo dicto proverbiali precamur exitium. Meminit Erasmus 6. Apophtheg. Macedoniæ autem descriptionem habet Pomponius Mela, lib. 2. cap. 3. Livius lib. 2. belli Maced.

Ad historiæ verò præsentis cognitionem pertinent ea, quæ Justinus habet lib. 8. & 9. Thucydides belli Pelopon. lib. 2. Plutarchus in vita Alexandri. Paulus Orosius lib. 3. cap. 11, ad 15.

Argos, &c. Argos & Lacedæmon duæ clarissimæ urbes, Græciæ quondam lumina fuerant, ut ait Livius lib. 4. belli Macedonici. Ab Argos Argivi, & Argolici: inde Macedonum reges oriundos fuisse Livius testatur.

Duplice, &c. In duplex, inquit, malum inciderunt, & quod Argivis fortioribus cedere, & jam exules ad inopiam redacti, aliis imbecillioribus vim inferre coacti fuerunt: quorum illud ignaviæ, hoc rapacitatis atq; impietatis evidens fuit argumentum.

Pella, &c. Urbs est Macedoniæ, quam, auctore Pomponio Mela, fecerunt maxime illustrem Philippus, Græciæ dominor; Alexander etiam, Asiæ.

Asia. Hinc Pellæus Alexander dictus Juvenali,

Saryra 101 *memorabilis est propter quod, ab hoc quoque*

Unus Pellæo juveni non sufficit orbis:

Estuat infelix angusto limite mundi,

Ut Gyrae clausus scopulis, parvæque Seriphoi

Philippus, &c. Philippus, inquit, qui Alexandri

pater erat, avum habuit ejusdem nominis, hominem

ignobilem, sed in Græco *est, hoc est, pro-*

avus. Ex Justino igitur Philippi genealogiam ita

colliges. Coranus in Æmathia urbem Edyssam, op-

pidanis non sentientibus, per imbres & nebulas ca-

prarum greges secutus, occupavit. Corano successit

Perdica; huic Ægeus qui successorem filium reliquit

Philippum hujus prævum: Philippum autem par-

vulum reliquit Europum patrem Amyntæ: A-

mynas Philippum genuit, Alexandri patrem.

Apud Thebanos obses, &c. Obsides ob fidem ser-

vandam dabantur obsidionis tempore. Thebis au-

tem obses fuit Philippus. Orosius lib. 3. cap. 12.

Justinus lib. 6. Philippus, inquit, obses triennio

Thebis habitus, Epaminondæ, & Pelopidarum vir-

tutibus eruditus. Aphthonius ait, *ut apud Athenienses*

id est, apud Athenienses obses fuit, ut intelligas,

à patre Atheniensibus obsidem datum.

Pæonibus, &c. Sunt enim Macedonibus finitimi.

Macedonia enim à Macedone Osiridis filio dicta,

Pæoniam habet à septentrione, Illyriam ab oc-

cidente, Thraciam ab oriente, Thessaliam à meri-

die. Fuit olim centum quinquaginta populorum,

ac duobus inclya regibus, Philippo scilicet, &

Alexando. Vide Plin. lib. 4.

Illyricis, &c. Illyrici sunt in sinu maris Adriatici:

occupat enim Adriatici latus Illyris, ut ait Pompo-

nus Mela lib. 1. cap. 1. Philippo autem primum cer-

tamen fuit cum Atheniensibus, quibus per insidias

visis,

*Inter Cora-
num, vel
secundum
alios Cra-
num pri-
mum Ma-
cedonum re-
gem, &
Perdicam
regnavit
Cæus &*

*Therimas,
quartus fuit
Perdicas.*

Illyris.

vistis, in Illyricos bellum transiit, multa millia hominum occidit, urbemque nobilissimam Larissam cepit, ut ait Justinus libro 10. Diodorus lib. 2. de rebus Alexandri, ait: Philippus anno secundo regni sui habitâ concione, & militibus animatis, in Illytici fines cum decem milibus peditum, & sexcentis equitibus intravit.

Triballi.

Triballorum, &c. Illyricorum id genus est, ut ait Livius lib. 7. belli Punic, qui scribit, Philippum cum urgeri suos videret, in cohortem Romanam incurrisse, atque ibi equum palo trajectum in caput regem effudisse. Plin. lib. 4. cap. 10. Triballos in finibus Macedonia collocat.

Ad Græcos, &c. Nulla fuit apud Philippum turpis ratio vincendi: securis omnibus Thermopylas occuparat. Vide Justinum lib. 8. & 9. Græciam totam propè consiliis præventam, viribus domuit. Orosius lib. 3. cap. 12.

Thracia.

Thracia, &c. Antè Sythion fuit dicta. Vide Gellium lib. 11. cap. 7. de qua Plin. lib. 4. cap. 11. Appellata fuit ab asperitate, vel secundum Tortellium, à feritate, *ἄγρυ*, ferum & temerarium.

Amphipolis

Amphipolim, &c. Inter Neston & Strymona, fuerunt Apollonia & Amphipolis, ut ait Pomponius Mela lib. 2. cap. 2. Nestos autem & Strymon fluvii sunt in Thracia. De Amphipolitaniis Diodorus Siculus lib. 3.

Pydnam, &c. Ab Amphipoli subito Pydnam occupavit, & Olynthiis ad obtinendam Potideam tulit auxilia, ut ait Diodorus Siculus.

Potideam, &c. Pomponius Mela lib. 2. cap. 2. Palene, inquit, soli parentis, ut quinque urbium sedes sit atque ager, tota in altum abiit, angusta fatis unde incepit: ibi est Potidea. Ejus meminit Plutarchus in Alexandro.

Pheras,

Pheræ, &c. Pheræ civitas in Thessalia, Plinius *Pheræ.*
lib. 4. cap. 8. Hinc Pheræus. Ovid. Epist.

Ipse repertor opis vaceas pavisse Pheræas

Fertur, & à nostro sancius igne fuit.

Extra Pagasæ, &c. Mosellanus ita reddit hunc locum *Pagasæ.*
cum: Victorias cumulare adproperans, non quievit
donec Pheræ, Pagasæ, Magnesiæque, imò Thessa-
liæ civitates omnes barbaræ servitutis jugum acci-
perent, & generis ipsius veluti notam portare susti-
nerent. Pagasam autem Plinius lib. 4. oppidum
Thessaliæ tradit. Meminit ejus Pomponius Mela,
lib. 2. cap. 2.

Magnesiæ, &c. Magnesiæ, Græciæ re- *Magnesiæ.*
gionem annexam Thessaliæ, Plinius tradit lib. 4.
cap. 8. Argo Magnetida, hoc est, Thessalicam appel-
lat Ovid. in Epistolis.

Fœderibus devincti, &c. Cùm Philippus se exclu-
sum ab ingressu Græciæ, perstructis Thermopylis
vidisset, paratum in hostes bellum vertit in socios.
Nam civitates, quarum antè dox fuit, sibi gratulan-
tes & excipientes, hostiliter invasit, crudelitèrque
omnia diripuit, liberos conjugèsq; sub corona
vendidit. Orosius lib. 3. cap. 11.

Voluptatum surgite, &c. Etenim destinato lætitijs
die * fuit interfectus in theatro per Pausaniam, cùm
regnasset annos quatuor supra triginta. Diodorus
vixit quatuor annos duntaxat regnasse Philip-
pum scribit. De eo hæc Orosius lib. 3. cap. 14. Cùm
ad ludos magnificè apparatus, inter duos Alexan-
dros, filium atque generum contenderet, à Pau-
saniam nobili Macedonum adolescente, in angu-
stis sine custodibus circumventus, occisus est.
Mortis ejus meminit Valer. lib. 1. cap. ult. de mi-
raculis.

Echetum, &c. Echetus Epirotarum tyrannus, qui
regionem ingressus, hominibus nares, aures atque
pudenda

* Celebra-
bantur
enim nup-
tiae.
Philippo
succesabat
Pausanias,
quod is stu-
porem sibi
illatum
vindicare
neglexisset,
Echetus,

puḋenda rescindere solebat, & obijcere canibus. Unde Antinous Odyss. decimo octavo apud Homerum ait ad Irum; Si te vicerit mendicus, mittam ad te Echetur, ut tibi nares & puḋenda præcidat, & canibus obijciat.

Vituperationis Phalaridis exemplum.

UT virtute præditos gloria, sic vitiis contaminatos perpetua comitatur ignominia: quâ dignissimus Phalaris, cujus crudelitas, antequam nascetur, maris somnio comprobata est. Vide Cicero- nem primo de Divinatione libro.

A Majoribus.

Cujus parentes turpissimos, ut indignos æternâ famâ, sed tenebris Cimmeriis obruendos, plerique autorum silentio præterierunt.

A Patria.

Nactus præclaram Agrigentum patriam: quam ut Empedocles eximiis animi dotibus illustriorem, ita magis famosam crudelitate suâ reddidit ille.

A rebus gestis.

Phalaridis imperium tam fuit truculentum, ut proverbio locum fecerit. Qui tauro inclusos æneo reos torrebat, & igne subjecto cruciabat. Meminit Plinius lib. 39. cap. 6. Quid. in Tristibus. Valerius lib. 9. cap. 2.

A Morte.

Factis igitur dignâ morte succubuit. Nam in eum imperum faciens Agrigentorum multitudo occidit, & tyrannum lapidibus obruit. Vide Cicero- nem Officiorum 2. Valer. lib. 3. cap. 3.

A compa- ratione.

In parricidas hoc est invennum supplicium. Epilogus.

Crudelis quidem Procrustes, sed longè crudelior Phalaris: Ille solebat in Attica regione nonnullos hospites interimere; post, ut Plutarchus refert, à Theseo interfectus: hic autem eò crudelitatis processit, ut ejus supplicio non debeat una parari simia, nec serpens unus, nec culeus unus.

Finem dicendi faciam, perpendens, meam dicendi facultatem

facultatem imparem esse tot criminibus illius recensendis, nedum oratione condignâ vituperandis.

ALIUD EXEMPLUM.

Vituperationis Paridis.

CUm nullam hominibus immortales dii capitiolliorem pestem dederint, quàm voluptatem; bono jure vituperandi sunt, qui posthabitis omnibus virtutibus, veluti pecudes, illam malorum omnium escam sunt amplexi. Quorum in numero Paris, Epicuri de grege porcus.

Natus in Phrygia, quæ neminem frugi produxit, sed quos tympana & buxus juvit, non classica, ut ait Virgil. in nono. Hinc barbaris, servilibus, ac stupendis ingeniis horrentes prodierunt homines, ut proverbii locum fecerint: Phryx plagis emendatur. Et, Serò sapiunt Phryges.

A Natione.

Patriam sortitus Trojam, quam, cum illustrare virtutibus deberet, omnique beneficiorum genere beatam reddere, funditus perdidit.

A Patria.

Nulla refulsit in eo majorum claritas, & si qua fuerit, eam turpissimis facinoribus conspueavit, ac tenebris (ut aiunt) Cimmeriis involvit. Avus fuit Laomedon insignis perfidia: qui pactam pro constructis Trojæ mœnibus mercedem negavit Apollini atq; Neptuno, violavitque sacram jurisjurandi religionem, quæ semper ab aliis inviolare sanctissimæque habita est. Vide Gell. lib. 7. cap. 18.

A Majoribus.

Patrem habuit, qui servitutem perpetuam servisset, si non pretio fuisset redemptus. Etenim puer ab Hercule captus cum Hesiione sorore, pecuniâ solus redimi potuit, unde Priamus dictus, qui prius appellabatur Podarces. Porro si qua fortasse fuerunt in eo virtutis ornamenta, Paris tamen ab iis deflexit

A Parentibus.

deflexit ad omnem libidinis turpitudinem.

*Ab iis qua
nativitatem
præcesserūt
Meminit
Quint. lib.
3. cap. 7. ex
Hom. lib. 6.
Iliad.* Cum in utero mater Hecuba gestaret Paridem, somniavit se facem parituram, quæ totam incendio Troiam esset absumptura. Nec vanum fuit somnium. Unde fortunatiores floruisse Trojani, si re-
sponsis aruspicum, & oraculis nunnum obtemperantes, pestiferum partum è medio sustulissent.

*Ab educa-
tione.* Quem mater occidere debebat, Idæis pastoribus educandum tradidit, ubi ferinam inter pecudes & lustra ferarum barbariem imbibit, turpissimoque libidinis crimine animum coinquinavit, usus infami turpis Oenones consortio.

*A vita in-
stitutione.* Cum duæ sint viæ, altera virtutis asperior, altera vitiorum planior, & amœnior; non illam, ut Scipio Aphricanus, apud Sil. Italicum lib. 15. sed hanc, quam stulti solent, ingressus, consequutus est digna meritis præmia, nimirum Iliada malorum.

*Xeno 1.
Memor. &
Cicer.
Offic. 1.
A discipuli-
vis.* Studia virtutis aversatus, neminem audivit recta monentem: unde salutare Palladis exhortationem respuit, amplexus illecebras pestiferas Veneris, quæ blando quidem, sed pernicioso lenocinio permulsum rapuit ad crudelia factorum discrimina. Vide Plutarch. in Homeri vita.

*Alludit ad
vulgatum
Paridis ju-
dicium.
A dotibus
corporis.* Egregiâ formâ conspicuus enituit, atqui juxta Socratis præceptum, inspecto sæpius speculo non cavit, ne quid illâ committeret indignum. Vide Eras. 3. Apotheg. Accessit tantum robur, atque laterum firmitas, ut in agionali certamine vicerit Hectorem: sed omnia luxu, atque voluptatibus exhausta defluerunt. Hinc non immerito reprehensus ab Hectore apud Homerum Iliad. 2.

*A fortune
bonis.* Quas opes habuerat, in turpissimos amoris fœdoris abusus profudit, & quibus patriam debebat juvare, iis perniciem adduxit.

A Priamo receptus in regnum, non virtute regiâ dignum aliquid meditatus fuit, sed teterrimæ libidinis

nis impulsu navigavit Spartam, ubi hospitis Menelai in Cretam abeuntis, uxorem illecebris expugnaram abduxit, & in patriam ipsissimam malorum lernam iniecit.

A rebus gestis.

A genere mortis.

Hoc est, cruore moriens aspectus est.

Condigno, quod flagitiis meruerat, supplicio affectus mortem obiit, qualem tyranni, scilicet non siccam.

Annibalis vituperatio.

IN reput. libera magnam sapenumero commoditatem afferunt convitiatores. Solent enim efficere, ut ex vitiosorum hominum reprehensione purior vita cum oratione, tum moribus exoritur. Unde Philippus ille Macedonum rex, calumniatoribus suis plurimam se dicebat habere gratiam, quod suis convitiis efficerent, ut ipse melior evaderet: dum conor, inquit, illos dictis pariter ac factis mendacii convincere. Et Annibal ipse aut ejus similes homines improbi, non exandescunt, imò gratiam habebunt, quod iusta vituperandi libertas meliorem afferat vivendi rationem.

Exordium.

Natus est ex ea gente quae factio Barchina dicebatur, à Barcha Didonis socio, qui natale solnm in arida Libya tenuit, ita obscurum, infœcundum, barbaricisque hostibus refertum, ut id relinquere, & in Aphricam transmigrare compulsus fuerit, vel rerum inopiâ coactus, vel hostium metu perculsus. Jam in Aphrica talis contigit populus, cujus propter insignem perfidiam suspecta fides proverbio locum fecit.

A genere.

Oriundus itaque ex horrido, & tam infauſto loco patriam sortitus est Carthaginem. Cujus cives odiis semper atque vitis propè majoribus certant, quam viribus aut virtutibus. Unde per ignaviam & rerum omnium imperitiam amiserunt Siciliam atq; Sardiniam,

A patria.

A Majoribus.

Regulus captus est anno ab urbe condita 496 auctore Polybio.

A parentibus.

Ab iis que natiuitatem secuta.

Sardiniam, provincias omnium florentissimas, In majorum ejus numero, quem laudandum magis existimarent, Afrubal erat, is scilicet, quo nemo fuerat crudelior: cujus efferata sævitia dolo & insidiis Xanthippi, Marcum Attilium Regulum, spiritus religiosissimi virum, cepit, & miseris modis excruciatum interfecit. Quod vel solum immane facinus dii videre non potentes, servum immiserunt, qui de viro deterrimo pœnas sumeret, & divinum factum quasi miraculo comprobaret. Hic enim quod dominum suum occidisset, tyrannum subito aggressus interemit: cùmque comprehensus omni modo cruciaretur, lætitiâ tamen, quam ex vindicta ceperat, in ore constantissimè retinuit, eoque fuit habitu oris, ut superante lætitiâ dolores, ridentis etiam speciem præbuerit. Valerius lib. 3. cap. 3. Livius in præfatione bellorum Punicorum,

Patrem habuit Amilcarem tyrannum pestilentissimum, qui ut sui similem, hoc est, nativæ crudelitatis hæredem filium relinqueret, undecim annos natum, aris admovit, ut odium in Romanos perenne juraret. Et hic maturè parris vestigia sequutus, odii magnitudinem ostendere cupiens, inflexit in terram pedem, suscitavitque pulverem, dicens; Tum belli finis erit, cùm alterutra pars in habitum pulveris reducta fuerit. Vide Valer. lib. 9. cap. 3.

Parris igitur vestigia subsequutus certæ prædictionis somnium vidit, votisque suis convenientem imaginem hausit. Existimavit enim missum sibi à Jove mortali specie excelsiorem juvenem, invadendæ Italiæ ducem, cujus monitu primo vestigia nullam in partem securis oculis, mox humani ingenii pronâ voluntate verita scrutandi ponere respiciens, animadvertit immensæ magnitudinis serpentem, cum ingenti arborum ac virgultorum strage, ferri concitato impetu, omne quicquid obvium fuerat proterentem,

tem, postque eam magno cum cæli fragore erumpentes nimbos, lucemque caliginosis involutam tenebris: atronitus deinde, quidnam esset monstri, & quid portenderet, interrogavit: Hic dux, Italiæ, inquit, vastitatem vides, ut ait Valer. lib. 1. cap. 5. Eadem Livius habet primo belli Punici 2. Silius lib. 3. Cicero de Divinatione lib. 1.

In prætorio patris educatus fuit, ubi nihil præter *Ab institutione.* mera tyrannidis exempla vidit. Eum Aldrubal, vix dum puberem, ad se accersivit, ut militiæ assuesceret, inque paternas opes succederet. Sed optimus vir Hanno factionis alterius princeps, animadvertens pessimam adolescentis indolem, ipsum domi tenendum sub legibus, sub magistratibus docendum, vivere æquo jure cum cæteris censebat: nè quandoque parvus hic ignis incendium ingens excuscitaret. At pauci ac ferme optimus quisque Hannoni assentiebantur: sed (ut plerunque fit) major pars meliorem vicit, ut ait Livius. Prudenter autem Hanno: nam Annibal ferus, immanisque naturæ, adjunxit à pueritia prima disciplinam, quæ non jura, non leges, non civiles consuetudines, sed bella cædæque & hostiles prodigiones tractare didicerat. Iraque crudelissimus evasit dux, & fallendis hominibus callidissimus. Nam ad decipiendum hostem semper intentus, quos aperto Marte superare non poterat, dolis aggrediebatur, ut refert Plutarchus.

Optimos quidem præceptores consecutus erat, *Ab educatione.* sed omnes naso suspendens per arrogantiam, in bonis disciplinis nihil promovit. Etenim oratorem atque philosophum eloquentissimum Peripateticum Phormionem audivit Ephesi, de imperatoris officio, & de omni re militari copiosissime differentem, pauloque post rogatus quidnam de illo philosopho judicaret, respondit multos se deliros viderisse

disse senes, sed qui magis quam Phormio deliraret, vidisse neminem. Cujus rei meminit Cic. de Orat. lib. 2.

*A legum
contemptu.*

Legum justitiam nihil curavit, fœdera rupit, legatos P. Valerium Flaccum, & Qu. Fabium Pampylum à sociis & pro sociis missos, contra jus gentium non audivit, nec in castra admisit. Et quas in leges patrias delinquendo pœnas meruerat, eas astutia mirè solius est avertere. Sic à Duilio consule navali prælio victus, timensque classis amissa (capitale enim Carthagenensibus ex publico legum decreto fuit, si quis ducum injussu populi pugnasset infelicioiter) pœnas dare, ex illa infelici pugna prius, quam cladis nuntius domum perveniret, quendam ex amicis compositum & instructum Carthaginem misit. Qui postquam civitatis ejus curiam intravit, Consulit, inquit, vos Annibal, cum dux Romanorum magnas secum maritimas trahens copias advenit, an cum eo configere debeat. Acclamavit universus senatus, non esse dubium quin oporteret. Tum ille: Confligit, inquit, & superatus est. Ita liberum his non reliquit id factum damnare, quod ipsi fieri debuisset judicaverant, ut ait Valer. lib. 7. cap. 3.

*A rebus
gestis.*

Rupto quod primo bello Punico fuit istum fœdere, totius Italiae agros ferro & igne vastavit: quod scelus ut pro sua libidine patraret, occasionem quaesivit, nec quaesita defuit. Erant in Hispania Saguntini quasi medii inter Romanorum & Carthagenensium fines, jure fœderis in libertate relictii. Hi postea toros se Romanis addixerant, mitaque societate Romani imperii fidissimi cultores habebantur. Quare Annibal constituit animo, nihil opportunius fieri posse ad eliciendam Romanorum iram, ac incendi-um quod sibi optatissimum erat, concitandum, quam Saguntinos armis belloque lacessere. Sed priusquam socios

à diis, ut me in aliam naturam transmutent, impetrare liceat. Unum hoc miseriarum mearum video remedium; ut in alicujus, quod sensus vitæque sit expertus, formam commuter. Sed vereor misera, nè & sic quoque quamvis murara, inter lacrymas agere non cessem.

SCHOLIA.

Ethopæia, à Prisciano vocatur allocutio, sermonis imitatio, ad mores, & suppositas personas accommodata. Quint. lib. 9. cap. 2. Imitatio, inquit, est morum alienorum, quæ *ἠθοποιία*, vel, ut alii malunt, *Μίμνησις* dicitur: versatur & in dictis, & in factis. Expressio morum est, & affectuum, unde nomen habet.

Ethopæia.

Hercules Eurystheo, &c. Hercules Jovis & Alomene filius. Vide Ovid. Met. 9. Dictus quasi aeris gloria. Macrobius 1. Saturn. cap. 20. Revera Herculem solem esse vel ex nomine claret. Heracles enim quid aliud est, nisi heras, id est, aeris cleos? quæ porro aeris gloria est, nisi Solis illuminatio, cujus recessu spiritus occultitur profunditate tenebrarum? Coactus fuit multa adire pericula, Junone impellente, & imperante Eurystheo. Vide Boccacium lib. 12. cap. 34. Fuit autem *Ευρυσθέης* Stheneli Mycenarum Regis filius. Ovid. in Epistolis.

Quem non mille feræ, quem non Sthenelæus hostis,

Non potuit Juno vincere, vicit amor.

— Duros ut mille labores

Rege sub Eurystheo faris Junonis iniquæ
Petrulerit.

*Virgil. in
Æneid.*

ἠθοποιία, &c. Hanc simulacri fictionem appellat Priscianus. Fit cum mortuis verba dantur. Quod facit Cicero pro Cælio, verba dans Appio Cæco contra Clodiam, Livius lib. 6. belli Punici: Si ab

R

inferis

inferis existat rex Hiero, fidissimus imperii Romani cultor, quo ore aut Syracusas aut Romam ei ostendi posse, cum, ubi semirutam ac spoliatam patriam respexerit, ingrediens Romam, in vestibulo urbis propè in porta, spolia patriæ suæ visurus sit? Item, Cicero in Confirmatione: Quòd si nunc L. ille Brutus reviviscat, & hic ante pedes vestros adsit, non hac utetur oratione? Ego reges ejeci; vos tyrannos introducitis. Ego libertatem quæ non erat peperit; vos patriam servare non vultis. Ego capitis mei periculo patriam liberavi; vos liberi sine periculo esse non curatis.

Item Hector occisus apud Virgil. in 2.

Heu fuge, nate deâ, réque his, ait, eripe flammis.
Hostis habet muros, ruit alto à culmine Troia:
Sat patriæ, Priamóq; datum: si Pergama dextrâ
Defendi possent, etiam hac defénsa fuissent.
Sacra suósq; tibi commendat Troia penates,
Hos cape farorum comites, his mœnia quære,
Magna pererrato statues quæ denique ponto.

Item Polydorus in tertio:

Quid miserum, Ænea, laceras jam parce sepulcro,
Parce pias scelerare manus: non me tibi Troia
Extremum tulit, haud cruor hic de stipite manat.
Heu fuge crudeles terras, fuge littus avarum.
Nam Polydorus ego, hic confixum ferrea textit
Telorum seges, & jaculis increvit acuris.

Idem apud Euripid. in Hecuba, inquit:

Sum profectus à profundis manibus, &c.

Et Æmoss, Eupolis, &c. In comœdia cui nomen id fuit indidum. Eupolis autem erat veteris, cujus magna fuit licentia, comœdiæ scriptor.

Hor. l. 1. sat. 4.

Eupolis atque Cratinus, Aristophanésque poëta,
Atque alii quorum comœdia prisca virorum est,
Si quis erat dignus describi, quòd malus, aut fur,
Quòd mœchus foret, aut sicarius, aut alioqui

Famo-

Famosus, multa cum libertate notabant, &c.
Submersus autem ille fertur ab Alcibiade, quod quædam illius crimina carpisset.

Aristides, &c. Hic in oratione quadam theoricam defendit, & encomion canit introductorum quatuor, Themistoclis, Miltiadis, Cimonis, & Periclis.

Protopopæia, &c. Hanc Priscianus reddit conformationem. Quæ est, quando alicui rei contra naturam datur persona loquendi. De qua vide Cicer. 4. ad Herennium. Idem patriam loquentem facit in Carilinam, inquit: Nullum jam tot annis facinus extitit nisi per te, nullum flagitium sine tibi uni multorum civium nece, tibi vexatio, direptioque sociorum impunita fuit ac libera. Tu non solum ad negligendas leges, & questiones, verumetiam ad evertendas perfringendasque valuisti. Superiora illa, quanquam ferenda non fuerunt, tamen ut potui, tuli. Nunc verò me totam esse in mem propter te unum; quicquid increpuerit, Carilinam timeri; nullum videri contra me consilium iniri posse, quod à tuo scelere abhorreat: non est ferendum. Quamobrem discede, atque hunc mihi timorem eripe: si verus, nè opprimar; si autem falsus, ut tandem aliquando timere desinam.

Et Ovidius 3 Metamorph. introducit Tellurem, ita loquentem:

Si placet hoc, meruiq; quid ò tua fulmina cessant;
Summe Deum? liceat peritura viribus ignis,
Igne petire riu, clademq; autote levare.

Vix equidem fauces hæc ipsa in verba resolvo;
(Presserat ora vapor) rostros en aspice crines,
Inque oculis fumum: volitant super ora favillæ.
Hosne mihi fructus, hunc fertilitatis honorem,
Officiisque refers, quod adunci vulnera aratri,

Rassrotumq; fero, totoque exerceor anno?
 Quod pecori frondes alimentaq; mitia, fruges
 Humano generi, vobis quoque iura ministro?
 Sed tamen exitium fac me meruisse, quid unda?
 Quid meruit frater? cur illi prædita sorte
 Equora decreverunt, & ab æthere longius absunt
 Quod si nec fratri, nec te mea gratia tangit,
 At cæli misereere tot: Circumspice, utrinque
 Fumat uterque polus: quos si violaverit ignis,
 Atria vestra ruent: Aras en ipsæ laborat,
 Vixq; suis humeris candentem sustinet axem.
 Si freta, si terræ pereunt, si regia cæli,
 In chaos antiquum confundimur. Eripe flammis,
 Si quid adhuc superest, & rerum consule summa.

Menander fecit argumentum, &c. Menander poëta
 comicus fuit. Gell. lib. 17. cap. 4. scribit ab eo reli-
 quas fuisse centum & octo, vel (secundum alios) cen-
 tum & novem comœdias: sed omnes ad nostra tem-
 pora non pervenerunt. Cæterum ut Menander ha-
 buit *παίσια*, ita *Παισίων*: in quo reserat: nulla autem
 vera sed ficta persona. Cataneus reprehensionem
 vertit. Aphthonius ait, *Ὁ γὰρ Παισίων παῖς ἦν, ὃς
 πάλαι ἦν αἰσχρολογῶν*. hoc est, Redargutio res quidem,
 non autem persona. Ut si quis illam, introducat lo-
 quentem, carpentemque faciat hominum mores, aut
 vitia. Sic Moriam Erasmus introduxit. Agricola
 reddidit argumentum quod (ut ait Cicero ad He-
 rennium) est res ficta, quæ tamen fieri possit, ut
 argumenta comœdiarum.

Passiva, &c. A Prisciano, passionalis appella-
 tur, in qua passio, id est, commiseratio perpetua
 inducitur, ut, quibus verbis uti potuisset Androma-
 che, occiso Hectore. Fuit autem ea uxor Hectoris,
 animo virili prædita, unde à virili pugna nomen
 sortita.

Moralis, &c. In qua continentur mores; ut, quibus verbis potuisset uti rusticus, cum primum aspexit navim.

Patroclus, &c. Hic cum in patria cadem fecisset, in *Patroclus*. Thessaliam confugit ad Achillis patrem: Menœtii regis Locrensis filius fuit.

Ovidius primo de Ponto:

Cæde puer facta Parroclus Opuntia reliquit,
Thessalicamq; adiit hospes Achillis humum.
Amicus fuit Achillis, & sub hujus armis interfectus.

Sive Menœtiadem falsis cecidisse sub armis. *Ovid. in Epist.*
Flebam successu posse carere dolos.

Achillis autem verba, quæ potuisset Patroclo interfecto facere, complecterentur passionem funeris amici, & morem de bello in Trojanorum vindictam suscipiendo cogitantis.

Affectum, amicus occisus, &c. Hujus enim progymnasmatis usus est, ut exercitii studio personarum omnium affectus imitari, aptasque materiæ sensuum, sententiarum, verborumque formas accommodare coneris. Alia enim oratio prudentis hominis & pacati, alia insipientis & irati. Alia timentis, gaudentis, lugentis; senis, juvenis; viri, feminae; matronæ, scortij. Vide Emporium sophistam.

Amicus, &c. In Aphrhomio habetur: *ἡδὲ καὶ τὸ φιλεῖν καὶ τὸ μισεῖν.* Quint. lib. 6. cap. 2. *De hujus*
ἡδὲ καὶ τὸ φιλεῖν καὶ τὸ μισεῖν. Quint. lib. 6. cap. 2. *cum diffi-*
ἡδὲ καὶ τὸ φιλεῖν καὶ τὸ μισεῖν. Quint. lib. 6. cap. 2. *cultate,*
ita ut illud majus sit, hoc minus: ut amor *ἡδὲ καὶ τὸ φιλεῖν καὶ τὸ μισεῖν.* Quint. lib. 6. cap. 2. *tum utili-*
charitas *ἡδὲ καὶ τὸ φιλεῖν καὶ τὸ μισεῖν.* Quint. lib. 6. cap. 2. *tate, vide*
re: *ἡδὲ καὶ τὸ φιλεῖν καὶ τὸ μισεῖν.* Quint. lib. 6. cap. 2. *Quint. lib.*
perstitiosos, avaros, timidos secundum conditio- *3. cap. 1.*
nem propositorum affingimus, mores eorum
imitamur, & ex his ducimus orationem. Diver-
sum est huic, quod *ἡδὲ καὶ τὸ φιλεῖν καὶ τὸ μισεῖν.* Quint. lib. 6. cap. 2. *dicatur,*
affectum propriè vocamus. Et ut proximè utri-

usque differentiam signem, illud comœdiæ, hoc
tragœdiæ simile.

Morum, quam prolixiorē tra-
dunt; ut ingeniorum, virtutum, vi-
tiorum, Thrasonis aut tyranni.

Sunt qui E-
thopœias po-
nunt triplicem
expressionem,

Naturalium propensionum, in-
clinationum, *ἁπλοῦς, ἁπλοῦς*, hoc est,
affectuum innatorum; ut amoris
paterni in liberos, charitatis affi-
nium, cognatorumq; inter se.

Affectuum leviorum, ut cum
animos erigimus in spem, aut læ-
titiam.

Dicendi genere dilucido, &c. Sæpi perspicuo, de
quo supra in Narratione. Macrobius. Saturn. cap.
2. ponit dicendi genera 4.

Copiosum, in quo Cicero dominatur.

Breve, in quo Salustius regnat.

Siccum, quod Frontoni ascribitur.

Floridum & pingue, in quo Plinius secundus lu-
xuriatur. Plura dicendi genera profert. Erasmus. 1.
Copiæ, cap. 123.

Tribus temporibus, &c. In præsentī, instantis for-
tunæ permutatio, & ætumnæ recensentur, In præ-
terito, potissimum ex conferuntur cum infortuniis
parentum vel majorum. In futuro, rerum eventus,
malorum fines adducuntur, vel consilia, quorum
ratione, tantis malis succurri possit.

Niobe, &c. Hæc Tantali filia, Pelopis soror, Am-
phionis uxor. Fuit autem fecundissima. Hinc Ju-
venal. ait Saryr. 6.

Arq;

Atque eadem scrophâ Niobe fecundior albâ.
Quæ secundum Diodorum Siculum 5. Historiarum,
septem filios, totidemque filias: secundum Ovi-
dium in Metamorph. septem filios, Ismenon, Si-
pylum, Phœdimum, Tantalium, Alphenora, Da-
masichthona, Ilionea: secundum Boccatium lib.
5. cap. 31. quatuordecim. Vide Gell. lib. 20. cap. 6.
Homer. Iliad. ult.

Sed infelicem me, &c. Fabula Niobes significat,
mulierum superbiam exitiosam esse. In summum
enim illa malum incurrit (ut Niobes mala, prover-
biallyter maxima dicerentur & acerbissima) quod
passa fuit, quod se Latonæ præposuisset. Etenim
apud Ovidium :

Quis furor auditos, inquit, præponere visis
Cœlestes? aut cur colitur Latona per aras,
Numen adhuc sine thure meum est?

Orta ex Tantalo, &c. Unde Tantalus ab Ovidio
dicitur. Tantalus autem, Iovis & Plotes filius,
rex Phrygiæ ditissimus. Unde Tantalij valenta
abierunt in proverbium. Primò fortunatus fuit:
deinde, cum deorum secreta hominibus prodidisset,
detrusus fuit ad inferos, 2. Amorum Eleg. 2.

Quærit aquas in aquis, & poma fugacia captat

Tantalus: hoc illi garrula lingua dedit.

Porro Tantalij fabulam paucis explicat, inquiens;

Nec bibit inter aquas, nec poma natantia carpit

Tantalus infelix, quem sua vota premunt.

Divitis hæc magni facies erit, omnia late

Qui tenet, & sicco concoquit ore famem.

Hujus genus, &c. In similem, inquit, parentis ca-
lamitatem incidi. Quemadmodum ab initio pater
felix erat Tantalus, ita ego beata. Jam ego misera
sicut & ille. Quem in Cratylo scribit Plato dictum
quasi

quali *ταλαιφάνης*, hoc est, infelicissimum. Huius supplicia adeo gravia, ut proverbio locum fecerint, Tantalii supplicia, & Tantalii lapis.

Latone, &c. Hæc Cæi Titanis filia, Apollinis & Dianæ mater, à parente Titanis appellata, ut à matris nomine Apollo *Λατοΐδης*, & Diana *Λατοΐς*. Unde Niobe apud Ovid. *Metamorph.* 6.

Quoque modo auderis naram Titanida Cæo
Latonam præferre mihi; cui Tantalus auctor,
Cui licuit soli superiorum tangere mensas?

Arqui contra sententiam Ovidii Diodorus Siculus lib. 6. dicit Phœbes & Saturni filiam.

Aliam naturam, &c. Nioben præ nimio dolore in saxum vel marmor conversam aiunt, illud innuentes, maximo dolore eam diriguisse. Ovidius in *Metamorph.*

Diriguitque malis, nullos mover aura capillos.
Quæq; superba parens, saxo per corpus oborto,
Nunc quoq; Mygdonia flebilis astat humo.

A Statio in Sylvis Sipyleia mater appellatur, quoniam facta saxeæ, turbine venti,

In Sipyllum rapta est, ubi fixa cacumine montis
Liquitur, & lacrymis etiam nunc marmora manant.

Sensus viteq; expers, &c. Fabula Niobes hoc habet verum: Niobe fingitur ex homine conversa in lapidem, quoniam imaginem lapideam supra natorum suorum sepulcra posuerat. Quod Palæphatus se vidisse scribit.

Ethiopiarum exempla: primi argumentum tale est.

Gerhardus
Noviomagus.

Quænam verba Gerhardus Noviomagus ex *liothymia* ad sese rediens olim potuisset dicere, cuius Virtutem.

Vittenbergam profecturi caput latrones securi diffiderant, ipsum apud Brunonis vicum humi stratum spoliaverant, & fugitivi mortuum credentes in sylva reliquerant.

Vetus illud dictum, Nemini fidendum esse, nisi cum quo prius modum salis absumpseris, esse verissimum experior: quos fidos itineris comites arbitrabar, ii crudelissimi ficarii jugulum mihi perierunt: multisque vulneribus inflictis, syncreticum reliquerunt, qui ab ineunte ætate bonis literis ac virtutibus invigilando persuasum habebam, studiosis hominibus tutam ubique protectionem patere. Credebam Horatio, qui scripserat, integros vitæ scelerisque pueros, non egere Mauri jaculis nec arcu, sive per Syrtres, sive per inhospitalem Caucasum iter essent facturi. At ego, licet non apud Scythas *ἀνδρα ποφάγε* versari videbar, sed apud homines (quos à Germana charitate non alienos sperabam fore) Germanos: tamen longè prudentiùs fecissem, si nostri (quo friget omnis charitas) seculi tam impunitam peccandi licentiam ante oculos mihi posuissent, nec solus neque inermis protectionem hanc instruissem. Jam secuta nimis imprudentia mihi nocuit; qui stratus humi sanguine meo terram hanc intingo, herbâsq; coloro. Nunc maximo periculo meo cautior factus, tandem disco nusquam tutam esse fidem, ubique rapto vivi, non hospitem ab hospite tutum, nec focerum à genero. Sed quid ploro? Quin libenter ego, quam delicta fortrasse mea promeruerint, calamitatem patior, æquiorèque animo injurias fero? Sed utinam caput illæsum & integrum sit, ut bonarum disciplinarum capax à rationis amissi nunquam deliret! Utinam in hoc casu Cæneus ille Perithæbus fuisset, & hoc mihi donatum, ut nullo ferro sauciari potuissem! Eheu! quàm plagam profundam, quàm vulnus altum sentio! quod pacis semper amans ego præter

*Exordium
à presenti.*

præter meritum accepi, & ab illis, quos beneficio prosequerbar; quos amicos atque fidos incognitarum mihi viarum duces amplexabar; pro quorum incolumitare, incolumis ipse, hoc corpusculum amittere non detrectabam, eorumque inopiam meâ qualicumque rerum copiâ sublevare (si modò postulâssent) minimè gravatus fuisset. Id quod è bonarum literarum studio semper addidici facere, nec ego unquam pecuniæ servus, congestis undique saccis indormire solitus, neque tanquam sacris parcere, quæ Tortum digna sequi potius quàm ducere funem. Sed ô perfidam pecuniam, & sacram auri famem! quid non mortalia pectora cogis? ô mores! ô tempora!

Pauca licet portes argenti vascula puri,
Nocte iter ingressus, gladium, contumq; timebis,
Et moræ ad lunam trepidabis arundinis umbram.
Ut jugulent homines, surgunt de nocte latrones.
Hos etiam de media luce surgere, testimonio fuerit calamitas mea: quæ & evidenti est argumento, quàm fragilis, & quantis vita nostra periculis sit obnoxia. Omnis mea, quâ valde gloriosus jam pridem effulgebam, dignitas, hæc ad nihilum ferè jacet redacta. Gloria mea quasi flos agri propemodum demissus flacceffit. Quid ergò sumus? aut quidnam victuri gignimur? ordo quis datus? aut metæ quàm mollis flexus? Deum immortalem, quor periculorum genera vitæ nostræ indices insidiantur! Quot accidunt casus, venena, naufragia, cædes, pestes! Alius acini granum glutuens præfocatus, interiit. Fuit, quem porus cum lacte pilus strangulârit. Fuit, cui stiria gelu durata, delapsa tecto, subitum attulit exitium. O lubricas igitur res mortalium, & hominem verè bullam!

A præterito

O nimiam hominum terretimorum crudelitatem!
O meam insignem imprudentiam, atque securitatem!

tem! qui omnia prospera atque tuta mihi persuaseram, in hæc tanta mala incidi, hîo vulneribus confectus, atque pulveribus obsitus jaceo, cujus amici gloriâ magnâ, parentes honore summo claruerunt. Hîc miserabiliter jaceo, qui jam olim in gymnasio Lovaniensi clarum nomen atque decus, laborum meorum & virtutis beneficio, consequutus fueram, celebris poëta, celebrior orator, celeberrimus theologus salutaris. Hîc flebiliter jaceo, quem Episcopus Trajectensis Dominus Philippus, nobilissimo Burgundiorum sanguine procreatus maximis honoribus affectis, tot muneribus opimis, tot sacerdotiis pinguibus exornare nunquam intermisit, qui tot heroes atque principes amicos bonarum literarum cultu, vitæq; sanctimoniam mihi devinxeram, ut cœlum citius ruere, quàm in hanc fatalem ærurnam me puraverim iri præcipitatum. Sed quorsum ita mihi? O res humanas variabiles! ô vanitatem rerum, & inconstantiam!

Sed quid istorum recordor, quæ magis refrigant *As futuro.* memorata, quàm dolorem minuunt? Unum restabit, ut supplex ad asylum Dei Opr. Max. confugiam. Hîc est unica salutis arx, ipsum orabo, huic supplicabo, huic peccata mea confitebor, atque precabor, ut me liberet ex hoc tanto malo consolator optimus. Cujus divina providentia ad nostri emendationem atq; salutem omnia fieri permittit. Ille Pharaonem, ille alios induravit, & ad affligendum sibi dilectum populum sapiens instigavit. Ille rursus tyrannum fluctibus obruit, & ab omnibus miseriis insontem gregem eripuit. In hoc fortem apparere, in hunc unum spem erigere, præsentissimum ærurnarum cunctarum remedium est. Quo posthabito, rebus in humanis mentem occupatam habere, magis erit dolorem augere, quàm mitigare, aut omnino tollere.

ALIUD EXEMPLEUM

*Continens quæ verba Hercules Eurystheo sibi im-
pauere potuisset facere.*

A presenti. **M**ulti sunt infortunati, sed nemo magis, quam ego sum infelix: qui miser, quartâ narus lunâ, calamitates varias & plurima mala pation.

A præterito. Non sufficiunt, quæ retro actis annis animo fortissimo tuli, quæ noverca Juno mihi præparavit. Hæc serpentes immisit, quæ me puerum in cunis occiderent: mox Eurysthea stimulis novercalibus impulit, ut, in varia periculorum genera me protrudens, è medio tolleretur. Variis igitur tempestatibus ego jactatus, fœdantem peregrino templa cruore Busrin domui: Et

Solus Amazonio cinctus Stymphalides arcu,
Non cadere Antæo, non crescere profuit hydræ,
Non cervam volucres eripuerunt pedes, &c.

A futuro. Sed quis finis, quis modus, Eurystheu, furoris atque tyrannidis tuæ futurus? Quin parcis arare confecto? Manliana atque Phalaridis imperia longè tuis humaniora. Tu quam, Lycha, vestem à Deianira missam huc pettulisti, nimirum Junoni graram, mihi perniciosam futuram, imburum veneno Lerneæ munus est, unde novam pestem profluxuram video, cui nec virtute poterit resisti, nec telis neque armis; sed pulmonibus errabit ignis edax imis, & per omnes pascetur artus. Vide Ovid. 9. Metamor. & Claudianum in præfatione libri secundi de rapto Proserpinæ: Virgilium Æneïd. 8.

*Tertium exemplum, continens qualia verba dices
ad inopiam redactus posset
facere.*

Multa mihi in unum locum conflant incommoda, quæ meum pectus pulsant, simul multiplex ærumnam exercitam habet paupertas. Ubi spes meas collocem, non habeo. Nunc tandem experior infelix, Omnes modis omnibus, qui pauperes sunt, miseros vivere. Quid enim? mehercule, miser est homo, qui ipse sibi quod edat, cogitur querere, & id ipsum ægrè invenit: longè miserior, qui & ipse querit, & nihil invenit: omnium miserrimus, qui cum ipse cupiat, quod edat non habet. Hujus farinae sum ego miser, qui Cræso jamdudum felicior habitus, jam autem Codro pauperior, atque Leberide nudior, non possideo ubi pedem ponam. Etenim omnia vel hostis abstulit, vel incendium absumpsit.

*Exordium
ex Plauto
sumptum.
A presenti.*

Florentissimo jampridem mihi divitiarum quasi virgula suppetebant omnia. Et divitiarum copia fretus, omnia vel facere vel dicere audebam, ut reipsa fontes argenti locutos animadvertisses. Mala etiam laudi dabantur, cum felicibus sint & trimestres liberi, stultitiarumque patiantur opes. Proinde mihi Suffenus eram, qui oppidò fortunatus plurimos habebam, qui mihi adherescebant fautores.

A praterito

Donec eram felix, multos spectabam amicos:

Tempora cum modò sint nubila, solus ero.

Nullus ad amissas ibit amicus opes.

Etenim pauperem modò me factum, nemo consolatur, nemo fert suppetias. Qui jampridem aderant non vocati, jam rogati fugiunt; & qui fideles amici visi, eos calamitas mea falsos coarguit. Erant enim (ut proverbio dicitur) *non amici*. Verum nimis

mis

mis est, quod ait Ovid. 2. de Ponto:

Turpe quidem dictum; sed si modò verà fateamur,
Vulgus amicitias utilitate probat.

Juven.

Satyr. 3.

Quantum quisq; sua nummorum servat in arca,
Tantum habet & fidei.

O me miserum! Cum non sit omnis hominis, sed
tantum sapientis, paupertatem ferre, juxta illud Me-
nandri: *Ποτὴρ ὀλίγον ἢ πάντως, αὐτὸν ἀνδρὸς οὐκ* ego per
inopiam mentis inops factus, tanta mala diutius to-
lerare non potero. Inter duo mala igitur pendens,
quod levius videbitur, eligam. Longè melius arbi-
tratus fore, ut mihi mortem obniscam, quam in
paupertate vivam, aut ad turpe compendium me
compellat inopia. Quare, quod Theognis Cyno
consilium dedit, amplectar:

In mare fluctivagum, nè me premar aspera egestas,
Præcipitabo, altis defiliamque jugis.

Quid? Mors ultima linea rerum, quæ nihil sentit.
Quod autem nihil sentit, nihil ad me, &c. Vide Gel.
lib. 2. cap. 8.

Quartum exemplum, continens qualia verba dixerit

Hecuba post excidium

Trojanum.

Fuit autem Hecuba, Cissei regis Thraciæ filia:
unde Cisseis vocatur. Virgil. in 7.

Cisseis prægnans tedas enixa jugales.

A presenti.

Fortunam Euripum, sive æstuanium, non injuriâ
vocaram, reipsa jam infelix experior, quæ statu
beatissimo gloriabar, regis filia, regis uxor, pulcher-
rimorum, atque fortissimorum heroum mater, jam
in tantas, quantæ nè quidem excogitari, nedum ex-
ptimi poterunt, calamitates incidi. Fortuna me sub-
limius evexit, ut illisura graviore casu præcipitem
daret

daret. Utinam in humili aut obscuro loco nata, aut crudelissimi Seyronis filia fuisset! sic æquiore animo, quæ parior, ferrem. Promeritam enim genitoris poenam in me quoque derivaram arbitrarer.

Sed in faris esse video, ut ejus generis, in quod ascita sum, discrimina subeam, ejusque malorum particeps fram. Socer deos iratos habuit, glos monstros marinis exposita, maritus occisus à Pyrrho, filius fortissimus ab Achille. O me miseram! quid Polydorum, quid Parin, quid Troilum, quid Helenum, quid dulcissimam filiam Polyxenam ad Achillis sepulcrum jugularam commemorem? O me infelicem! Utinam nunquam viro nupsissem, nec in magnam calamitatem tot liberos peperissem!

A præteritis

Sed quid lamentor? Multò consultius fuerit deos precari, ut in aliquod sensu carens, aut in rationis expert animalculum me transformet. Quamvis ærumnarum miseri dii me exaudierint, & in capem mutare decreverint: tamen ego quod humanâ voce non potero, id larratibus assiduis deplorare non sum cessatura.

A futuris

Quintum exemplum, Continens quæ verba taurorum cornibus alliganda protulerit

Antiope.

QUæ fuit Nyctei in Lesbo regis filia, unde Nycteis appellatur, uxor Lyci Thebanorum regis. Peperit ex Jove Zethum & Amphionem. Varias æumnas expetra: A Circe in montem abducta, ut taurorum cornibus arduas sedas habentibus suspensa interficeretur.

Antiope.

Persius saryrâ primâ:

Antiope æumnis cor iustificabile sulca,

Quæ

A presenti.

QUenam in terris femina poterit vivere, quæ tantis malis jactetur, quantis in præsentiarum ego, cujus luctus miserabili proverbio locum facit. Omnium beatissimam me fore purabam, quæ regina duos Jovi Optimo Maximo filios peperissem; alterum à Diana dilectum, venerationibus illustrem, alterum artis Apollineæ peritissimum, qui non solum deos atque homines, sed etiam feras & saxa testudinis cantu permovere potest. Quæ duo charissima pignora jam non amplius videre, nec amplecti datur, sed (hei mihi) genere mortis teterrimo jam dilaceranda, cogor relinquere.

A præterito

Utinam ego nunquam fuisset in hanc lucem edita! Quid mihi profuit regis filiam, quid regis uxorem, quid ab ipso Jove gravidam fuisse? Quorum omnium quò major gloria præfuit, tanto casus gravior, & acerbior mihi modo calamitas insurgit. O fors fortuna, ut nunquam perpetuo es bona! O quam potens, quam variabilis! Tanrum juris atrox, quæ tibi vendicas.

A futuro.

Cæterum quid prodest fletibus indulgere? Quin potius ad deborum auxilia confugio, suppliciter oratura, ut oppressa subveniant, finemque malorum faciant. Sed qui propiores esis vicini, succurrite. O populares auxiliamini, & ærumnas meas commiserescetes, ab hisce crudelissimæ Circes vinculis semimortuam eripite.

Sextum exemplum, continens quæ verba Andromache captiva patrio soloaverso, & marito occiso, percuisset dicere.

ERat autem Andromache uxor Hectoris, & Eri-
onis filia, regis Thebarum in Cilicia. Unde O-
vidius in tertio de arte ait:

—nunquam

nunquam

Thebais Hectoris nupta resedit equo,

Homerus Iliad, 6.

Ἀνδρῶν δὲ χεῖρ' ἔσθ' ἐν γυῖνι παρὰ δὲ νεῖκι Ἥκτορος.

Filia magnanimi fuit Andromache Ectionis.

O me miseram! quæ divitiis & honore sydera jam pridem adibam, nunc maximas in ærumnas præcipitata sum. Omne mihi gaudium, omnis voluptas, omnis denique vitæ jucunditas est crepta. Solus me dolor assiduus excruciet, continuus mæror exhaurit, perpetuæ lacrymæ consumunt: enecor defiendo fortissimum, meique amantiissimum Hectorem maritum, extinguor lugendo filium dulcissimum, quem pater ipse Scamandrum, alii maluerunt Astyanacta, quoddam urbem tutaretur, vocare. Quibus occisis omnem spem amisi, ut orbatæ jam nihil supersit nisi suspendio arbor deligenda.

A presenti

Fatalis quædam necessitas incumbit mihi, & adamantina ærumnarum catena traxit, ut in ipsissimam malorum lernam inciderem. Quippe ut modo Troiam Græci, sic olim Achilles patriam Thebas evertit: patrem Ectiona sustulit, septemque uno die fratres interemit, & pretio matrem redemptam, aut paternas aedes interfecit: ubi pater olim ac fratres beati regnarunt, ibi nunc ingens solitudo, stulticia, pecorumque sunt pastura, & Troia jam in cineres conversa, cum marito filius occisus, ut nihil solatii restet vel apud amicos vel affines. Quò igitur infelix me conferam? quò locorum abducar captiva? Utinam, qua die me parens enixa fuit, aliquis turbo rapuisset, aut tellus ima dehiscente ad umbras me pallentes adlegisset!

A praterito

Sed cur me luctu macero? cur non potius ad viatoris pedes provolvor? enimè rogarum, nè in miseram nimium fovius cor alioquin malis oppressam.

A futuro

Ah quàm vereor, nè victoriâ forſitan inſoleſcens ille mihi graviter ſit inſulturus, ut mors potiùs, quàm vita, ſit exopranda!

Idem argumentum Sophiſta Libanius tractavit, ab Eraſmo Roterodamo Latinum factum: cujus verba non piguit aſcribere.

Septimum exemplum: quæ dixerit Andromache, interfecto Hectore.

DECLARATIO.

Andromache.

EVenit quod timebam, & verba mea deſpiciens Hector, ad optima hortatam eſſe cognovit. Admonuam ut ſibi parceret: ille verò contrà, ſuam ſalutem vilem habuit: ergò extinctus eſt, non meis, (prò dii!) in manibus, verùm ab Achille. Quod ille occubuit, hoc eſt interiſſe Priamum, Hecubam, fratres, hunc ipſum puellum, me, civitatem omnem. Ille ruebarur Ilium. A quo igitur poſthac ſervabitur? Intereunt, occiderunt omnia, facta ſum mulierum infeliciffima. Quantà me felicitate, cujus guſtum modò dederat fortuna, ſpoliavit! Erant mihi in regiis pater ac mater, tum fratrum chorus, nidiq; ac lauta omnia. Accedebat ad hæc aliud maximum omnium, conjux Hector, bellator inſignis. Spectabar, beata dicebar: & ſi quis adiens me Andromachen appellabar, cognominis vice adiciebat, imperatoris, victoris fortunaram. Oportebat igitur in eadem fortuna pariter conſeneſcere. At non paſſus eſt ſævus iſte Achilles, quem quidem in meum exitium produxit Theris, patrem mihi ademit, trucidavit fratres, ſervitutem matri iniecit: deinde reſtituta eſt, ac nè ea quidem ſupereſt. Et hæc gravia quidem: verùm

verum tu tolerabiles reddebās ærumnas, Hector,
arq̃ue unus præstabas omnia, & quibus eram orbara,
ea rebat adesse per te. Sed occisus es, accepisti vul-
nus: nos rapimur, instant tristitia, impendet pericu-
lum, imminet incendium. Videre mihi videor Tro-
janos cædi, uxores per vim indignè tractari, libe-
ros trahi, videre ferrum, videre flammam. Aperta
est hostibus Troia, te haud ampliùs pro portis pro-
pugnante. Ah puer! forrè prehensum te quispiam
hostium ad turrin adiger. Sirenuus erat pater: à te
pœnas repeterent Græci. Me forsitan occidet alia vis.
Atq; in hoc quidem fortuna ratæ erimus. At non con-
tinget: servitus me manet & famularus, plagæ, &
in extremum usque ævi lacrymæ. Haud etiam scio
an visura sim terram, unde nobis hostis iste advenit.
Mox etiam, quod acerbissimum est, concubitus co-
gar pati ejus, qui interemit Hectorem.

Ositarum exemplum: quæ dixerit

Medea, suos mactatura

filios.

Declamatio Libanii sophista, Erasmo

interprete.

Fuit & mihi mea ars auxilio, ut acceptâ contume-
lia non tantum angerer, sed & pœnas sumerem.
Non ampliùs rex Jason, non ampliùs Corinthio-
rum potitur. Omnes opes subvertit corona, omnia
velum perdidit, omnia conflagrârunt incendio. Et
accedit ad calamitatis cumulum dementiæ genus,
quod illi de me nihil etiam subolet. Quid igitur? suf-
ficere hæc purabimus, ac præterea nihil requiramus?
Minimè gentium: imò superest alia vindicandi ratio
superiore atrocior, nihil egens beneficiis, aut arte

Medea:

elancularia, verum animo presenti virilique, & de-
 xtera quæ facinus nullum refugiat: Sunt liberi mor-
 talium omnium impiissimo, & vocatur pater. Hoc
 è filiis solatium una cum ipsa appellatione, illi adi-
 mamus. Haud quaquam me finit, quæ iusta sunt,
 expendere meorum malorum tum multitudo, tum
 magnitudo. Sed rationem ineunti mihi, pro quibus
 factis quem fructum receperim, omnia ad poenam
 minora videntur. Æra mihi pater erat isque Scy-
 tharum rex: tum virginitas & forma egregia, ac
 multi inter finitimos proci: denique spes præsen-
 tibus bonis potiores. Appulit scelestus ille, neque de-
 os metuens neque homines reverens: atque erat
 omnibus malis circumvallatus, & necesse habebat
 invincibilia vincere, taurus ignem efflantes, arma-
 tam aciem è terra profilientem, draconem pervigi-
 lem. Ac dignus quidem erat, qui in his omnibus
 vinceretur, ut isto cadente victoria penes patrem
 meum esset potius, quam Æræ regnum ludibrio ha-
 beret unius navigii dominus. Atego quicquid est
 proditorum scelere præcurrens, quicquid amenti-
 um stultitiâ superans, familiares pro hostibus, ho-
 stes familiarium loco habui, & contra patriam ab
 alienigenis stabam. Porro artem opposui naturæ
 ferarum, extinctus est ignis, tauri jugum duxerunt,
 cessit aratro solum longè durissimum, sopitus appa-
 ruit draco, id quod antea nunquam. Manu tenebam
 adhuc trementem Jasonem. Ego porro super hæc
 omnia navem conscendi, multis magnisque persua-
 sa pollicitationibus, sacramentis, meis ipsius benefi-
 ciis. Accepit & benevolentia meæ argumentum,
 & Ioleus, ubi rex Pelias inimicus senex, ab iis, quas
 genuerat, discerptus est juventutis spe, ultro se fraudi
 tradens. Et huiusmodi quidem mea in Jasonem par-
 tim domi, partim in Græcia beneficia extiterunt:
 Gratia verò eujusmodi Corinthum vidit, & Cre-
 ontis

ontis imperium, ac de Glaucæ audivit. Ceterum nullâ habitâ ratione eorum, quæ feceram, uxorem duxit, cum ea me liberos haberet, me vivâ vidit nuptias, atque illa omnia exciderunt animo, præq; imperii cupiditate mea merita neglecta sunt. Arqui nê ista quidem sufficiebant: insuper expulsa sum, contumeliâ affecta sum, minis onerata sum: hæc quidem justam indignandi causam præbuerunt, artem verò effugii tantum graviâ tenebam, & hæcenus suffecit. Incedamus jam, & per aliqua, quæque licet eamus. Feri Medea filios, macta filios Jasonis viri scelerati, impii patris, hospitis mali. Nê quid te rerum omnium revocet, non natura, non gestatio, non partus recordatio, non nutricario, non vox, non forma: plectatur Jason in filiis: hi verò hostium nomine plagam recipiant: non eripiant eos cognati Glaucæ, neque iram in illos evomant. Atrox quidem facinus: sed ad prius illud consequens. Contra naturam impiè agemus: at istud olim ausæ sumus. Frarris cædes ad liberorum cædem deducit: Eiusdem est & hoc animi, ejusdem dextræ. Obsecro, filii, sub ense venite, hic in vos per me adigendus est. Enimvero si probus ille fuisset nihil horum patere mini. Er quàm elegans forma, quàm bona figura corporum! sed patris imaginem referunt: id facit ut occidam lubentius. Hi quidem igitur mox jacebunt. Ego verò è sublimi mediòque aëre scelestum aspiciam. Atque ille gemens & nihil non faciens vociferabitur quidem, me verò nequaquam attinget. Hujusmodi draconum jugo freta vehar, supra Arctinarum verò urbem ingrediens, inde cruciatum spectabo.

POSTREMUM EXEMPLUM,

*Continens quanam dixerit Cornelia, cum audisset vi-
ctum à Cesare Pompeium. Vide Plutarchum in
vita Pompeii. Item qua Cleopatra ad Antonii se-
pulcrum. Vide Plutarchum in vita Antonii.*

De Descriptione, quæ Græcè

ἡ ἀπαρίθμησις dicitur.

CAP. XII.

Descriptio-
nis summa
est virtus,
inquit

Quint. lib.

8. cap. 3.

Facillimè
enim id ac-
cipiunt ani-
mi, quod
agnoscunt.

Descriptio est oratio expositiva, quæ narratione
id quod propositum est, diligenter velut oculis
subjicit.

Descri-
buntur au-
tem

Personæ,

Res,

Tempora,

Loci,

Bruta animalia,

Plantæ.

Personæ, ut Homerus in Odyssea ad Eurybaten,

Latus erat humeris, ore ater, crinèq; crispus.

Res, ut navales pedestresque pugnæ, quemadmo-
dum Historicus fecit.

Tempora, ut ver, aut æstas, differendo, quod mul-
ti proferant in his se flores.

Loci, ut idem Thucydides portum Theſſororum
ἡ ἀμφοτέρωθεν, id est, hyemalem, quamque teneat formam
dixit.

Describentes verò personas, à summis ad ima usq;
ire oportebit, id est, à capite ad pedes.

Res verò ab antecedentibus, & eis quæ insunt
ipsis, quæque ex ipsis solent provenire,

Tempora

Historici
simplici ap-
pellatione
Thucydi-
dem intelli-
git.

Tempora verò & loca ex eis, quæ ipsis conti-
nentur.

Simplices, ut quæ pedestres vel na-
vales explicant pugnas.

Descripti-
onum au-
tem alia
sunt

Compositæ, ut quæ res pariter
temporæque conjungunt, veluti Thu-
cydides, qui nocturnam in Sicilia pu-
gnam describit: Simul enim & pu-
gnam quomodo facta sit, & nocte
quomodo gerebatur, comprehendit.

Oportet autem describentem dicendi figurâ uti
tenui, & multiplicibus orationem variare schemati-
bus, prorsusque res imitari, quas describit.

Descriptio arcis Alexandrie.

Arces in urbibus ad publicum præsidium atque
munimenta sunt constitutæ, veluti vertices urbium,
hostiumque arctrices, firmanurque non magis
ipsæ urbibus, quam ipsas urbes tuentur. Atheni-
ensium autem arcem media Athenarum comple-
ctitur regio. Cæterum Alexander suæ urbi, quæ
ab illo cognomen accepit, arcem construxit,
quam iustius Acropolin appellare licet, quod in
urbis extremo & excelso posita sit, quam illam,
quâ multum Athenienses gloriantur. Hæc autem
sicuti se habet, ita oratione quoque prosequemur.
Clivus quidam medio è solo extollitur ingenti in
sublime spatio se proferens: hunc, arcem vocant,
propter utraque hæc, & quod hostes arceat, & quod
sit in urbis arce, id est, summo locata. Viæ ad ipsam
ducunt duæ, sed dissimiles: hæc enim via est, illæ
verò patet ingressus, mutatisque proinde nominibus,
id ipsum quod sunt, vocantur: nam pedibus hæc ire
licet, capaxque currum est via. Illi verò, quæ

« curvibus in via est, additæ sunt scalæ, gradûsq; supra
 « gradum ex inferiori in sublime deducens, neq; prius
 « quàm centonarîum expleverint numerum, desinen-
 « tes: hic enim absolutus numerus scalarum terminus
 « est. Vestibulum dehinc gradus excipit, cancellis
 « mediocribus circumscriptum, quatuorq; sublimes, &
 « maximæ columnæ, quæ vias omnes ad unum dedu-
 « cunt ingressum. Columnis autem domus quædam
 « est imposita, multas mediocres ostentans columnas,
 « quæ vario colore conspicuæ eximium præbent lo-
 « co ornatum. Tectum autem diatæ in rotunditatem
 « circumactum, ingentem multiplicemq; imaginem
 « complectitur rerum. Introeunti autem arcem, locus
 « offertur, quatuor eisdem æquis lateribus divisus;
 « proinde rota quoque ædificiî figura efficitur qua-
 « drata. Aula in medio est, columnis undique sufful-
 « ta: eam porticus excipiunt, & eæ quoque æquali-
 « bus distinctæ columnis, ita in medio dispositis, ut
 « neutram in partem sint quicquam omnino deflexæ.
 « Unaquæque autem porticus ad transversam alteram
 « finitur, & duplex est columna ad utramque porti-
 « cum divisa, ut illæ quidam desinat, hæc verò ror-
 « sum incipiat. Addita autem porticibus introsum ar-
 « maria, quibus libri reconduntur, eaque semper, si
 « cui vacet, aut libeat legere aliquid, patent, totamq;
 « velut urbem ad philosophiæ cultum adhortantur.
 « Alia item loca sunt, ad venerationem deorum ve-
 « rustorum instituta. Tectum porticum auro distin-
 « ctum, vertices columnarum ære fabricati, auroque
 « superne inclusi. Neque verò aulæ simplex ornatus
 « est, verùm alius atque alius: quorum hic quidem
 « Persæ continet certamina, ille autem allud. Mediæ
 « autem arce columna immensa altitudine se profert,
 « quæ locum ipsum facit illustre: haud enim in prom-
 « ptu quis, quo progrediarur, habet, nisi indecom vi-
 « rum hanc subinde respectet columnam. Quin & ar-
 « cem

Alexandri-
 na biblio-
 theca omni-
 bus semper
 patens.

cem ipsam terrâ mariq; conspicuâ præstat. In verti-
ce principia rerum primâq; elementa sunt expressa.
Prius autem quàm media transeat, ædificium est
quoddam, pluribus ostiis parens, quorum cuique à
deorum verustorum aliquo est inditum nomen. Dux
dehinc pyramides lapideæ posita, & fons profluens,
Pisistratarum fonte hæud paulò melior. Mirandum
etiam id quoque spectaculum, eò quòd eorum, qui
fabricati sunt arcem, velut uno tanto operi non suf-
ficiente, numerum nominâque comprehendit, duo-
decimque pariter in ipso arcis fastigio conspiciun-
tur artifices. Descendenti autem ab arce, planus of-
fertur locus stadio assimilis, idque ipsum loci est
nomen. Aliâ item parte alius quoque ad similia ac-
commodus, verùm illi & planitie, & magnitudine
impar. Cæterùm præstantior hujus artis forma, &
ornatus, pulchritudoque major est quàm ut paucis
narrari possit. Quòd si quid prætermisimus, admi-
ratione rerum in se rapientium animum, est effe-
ctum. Sed & quæ pro magnitudine explicari non
poterant, ea relinquere satius est visum.

SCHOLIA.

Descriptio est oratio, colligens & repræsentans
oculis quod demonstrat, ut ait Priscianus. Idem
refert, quosdam non posuisse descriptionem in præ-
exercitationis, quòd præoccupata sit & in fabula, &
in narratione, in quibus etiam describuntur perso-
næ, loca, tempora, res. Sed quoniam eloquentissimi
viri eandem, ut ad ingenia exercenda commodissi-
mam, tradiderunt inter progymnasmatum, seorsumq;
tractandam prodiderunt, non incongruum est eos
imitari. Erasmus secundo Copiæ vocat *èlpyuav*, cum
vel amplificandi, vel ornandi, vel delectandi gratiâ
rem non simpliciter exponimus, sed, oeu coloribus
expressam,

*Descriptio
est oratio
quâ tota
rerum, de
quibus agi-
tur, imago
quodam-
modo ver-
bis depin-
gitur, ex
Quintilib.
8. cap. 3.*

expressam, in tabula spectandam proponimus, ut nos depinxisse, non narrasse, lector spectasse, non legisse videatur. Id fiet, si prius ipsi totam rei naturam, omnesque circumstantias, ac veluti faciem animo lustremus: deinde ita verbis, ac figuris idoneis effingimus, ut quam maximè reddatur evidens, perspicuaque lectori.

Ea constant de-
scriptione

}	Personarum,
	Locorum,
	Temporum,
	Rerum.

Oratio expositiva, &c. Sic reddidit Catanzus. Aphthonius enim vocat, λόγον ἀφινυματιδόν, ἀ ἀφινυμαι, quod est narro, vel expono; unde & ἀφινυσις.

Personæ describuntur, &c. Personæ descriptionem, προσωπογραφίαν appellant: fit cum depingimus personam amantis, luxuriosi, avari, voracis, temulentis, somniculosi, invidi, sycophantæ, parasiti, lenonis, garruli, aut gloriosi ostentatoris: ut si velis non divitem, sed pecuniarum ostentatorem describere; Iste, inquires, qui se dici divitem putat esse præclarum, primum nunc videte, quo vultu nos inruetur: nonne vobis videtur dicere; Darem, si molesti non essetis? Cum verò sinistra mentum sublevar, existimat se gemmæ nitore, aut auri splendore aspectus omnium perstringere. Cum puerum respicit, alio nomine appellat, deinde alio atque alio. Heus tu, inquit, veni Sannio, nè quid isti barbari perturbent; ut ignori, qui audiunt, unum purent eligi è multis, &c. Vide Ciceronis orationem ad Herennium quarto. A nonnullis dicitur ἰκωβ, imago, effigies,

Virg. in 1.

Virginis os, habitumque gerens, & virginis arma
Spartanæ, vel qualis equos Threïssa fatigat

Harpalice,

Harpalice, volucrémq̃ue fugâ prævertitur Hebrum.

Namque humeris, de more,abilem suspenderat arcum

Venatrix, dederátque comam diffundere ventis,
Nuda genu, nodóque sinus collecta fluentis.

Latus erat humeris, &c. Verba sunt Ulyssis ad Penelopen, Odysl. 19. Ille se Cretensem esse simulabar. Interrogatus igitur à Penelope de Ulysse, habitum ejus describit, & amicos, in quorum numero Eurybaten præconem fuisse recenser, qui

Γυγὲς ἐὶ ὤμοισι, μελανόχρους, ἑλοκάριμος.

Rotundus humeris, nigricolor, & crispus crine.

Aphthonius habet, *Γυγὲς ἰνὶ ὤμοισι, μελάνχρους, &c.*

Describuntur res, &c. Cùm videlicet id quod fit, aut factum est, non summatim ac tenuiter exponimus, sed omnibus fucatum coloribus ob oculos ponimus, ut auditorem, sive lectorem jam extra se positum, velut in theatrum avocet. Quam ab effigenda rerum imagine *ἐπιτύπῃσι* Græci vocant: etiam si vocabulum hoc commune est, quoties aliquid oculis subjicitur. Veluti si quis expugnata civitatem dicat, cuncta nimirum in summa complectitur, quæcunque talis fortuna recipit, (utur enim Quintilianus verbis:) At si aperias hæc, quæ verbo uno inclusa erant; apparebunt effusæ per domos ac templa flammæ, & ruentium rectorum fragor, & ex diversis clamoribus unus quidem sonus, aliorum fuga incerta: Alii in extremo complexu suorum cohærentes, & infantium, scæminarumque ploratus, malæque usque in illum diem servati fato senes: Tum illa profanorum, factorumque direptio, efferentium prædas, repetentiumque discursus, & acti ante suum quisque prædonem catenati, & conata retinere infantem suum mater, & sicubi majus lucrum est, pugna inter victores.

Lib. 8. c. 3.

victores. Licet enim hæc omnia complectatur expressio, minus est tamen totum dicere, quam omnia. Vide *Erasm.* 2. *Copias.*

Navales, &c. Ut apud Actium Epiri oppidum, & promontorium, ubi Cæsar Augustus navali prælio vicit Antonium: & navalis pugna D. *Quintii Romani*, & *Democratis Tarentini*, apud *Livium* lib. 6. secundi belli Punici.

Pedestres pugna, &c. Ut pugna *Annibalis*, & *T. Sempronii*, apud *Livium* 1. belli Punici. Apud eundem libro secundo, *Varronis* & *Annibalis* ad *Cannas*. Ibidem *Annibalis* & *C. Flamini* ad *Thrasymenum lacum*. Item equestris pugna *Jubelli Tauræ*, & *Claudii Afelli* apud *Livium* lib. 3. ejusdem belli. Vide *Erasm.* in proverbio: *Cantherius in fossa.*

Historicum, &c. ὁ συγγραφεὺς per excellentiam intelligit *Thucydidem*.

Ver, ætas, &c. Verni temporis descriptionem habet *Horatius* *Odorum* 4. Od. 7. Diffugere nives, &c. Porro temporis descriptionem *ἡροποιήσας* appellant. Unde non raro sumitur narrationis initium. Nonnunquam delectandi duntaxat gratia adhibetur, veluti quoties poëta diem, noctem, auroram, aut crepusculum exprimunt. Sæpius amplificandi causâ assumitur. *Virg.* 4. *Æneidos*:

Nox erat, & placidum carpebant fessæ soporem
Corpora per terras, sylvæque & sæva quierant
Æquora, cum medio volvuntur sydera lapsu,
Cum tacet omnis ager, pecudes, pictæque volucres,

Quæq; lacus latè liquidos, quæque aspera dumis
Rura tenent, somno positæ sub nocte silenti
Levabant curas, & cor læ oblita laborum.

Loci, &c. Hujus generis est, quoties tota loci facies, veluti spectanda depingitur, ut urbis, montis, regionis, fluminis, porrus, villæ, honorum, amphitheatri,

theatri, fontis, specus, templi, luci. Quæ si veræ sint *mythias* appellari volunt; sin fictæ, *mythologias*, ut ait Erasimus, 2. Copia.

Thesprotarum, &c. Thucydides libro primo belli Peloponnesiaci, Centum, inquit, quinquaginta naves velificantes Leucade tendunt in Chimeron, quod est ora Thesprotidis. Est autem portus, & super eum urbs à mari distans, in palustribus Thesprotidos sita, nomine Ephyra, juxta hanc exit in mare palus, Acherulia cognomen nata è flumine Acheronte: quem excipit sinus Thesprotius, ex Masside profluentem. Oraculis autem fuit Alexander admonitus ut caveret Acherusiam: hinc in Italiam concesserat. Meminit hujus rei Liv. lib. 8. ab Urbe condita.

Intellige de Alexandro rege Epiri.

Asumma ad ima, &c. Ut si dicas: Torus animo & corpore monstrum est; nam quancunque vel animi vel corporis partem contempleris, monstrum repries: ingenium excute, prodigium invenies: mores expende, vitam serurare, omnia monstrosa comperies: oculos, os, vultum, totam denique corporis figuram inspicere, quid aliud quàm bestiam præ se ferunt? Linguam & vocem belluinam illam observa, portentum dicis: pectus, ventrem, pedes considera, quid aliud quàm bestiam pronuntiabis? Hic si quis velit in singulis veluti depingendis immorari, satis apparet, quantum uberratis sic accessurum orationi, ut ait Erasim. 2. Copia.

Res ab antecedentibus, &c. Ut si Carthaginem expugnatam velis describere, proferas omnia quæ præcesserunt, deinde omnia quæ in expugnatione contigerunt, postremo quæ subsequuta fuerunt. Hanc descriptionis speciem nonnulli vocant, *anecdota*, ab effingenda rerum imagine.

Nepheron in Sicilia pugnam, &c. Thucydides lib. 7. belli Peloponnesiaci.

Quomodo

Quomodo gerebatur, &c. Ancipiti scilicet praelio. Noctu quidem fulgebat luna, sed bellatores ita se invicem conspiciebant, ut conspici ad lunam licet. Speciem corporis cernebant, familiarem ab alieno non discernebant. Et Pompeius cum Mithridate pugnaturus, tempus elegit dimicationi nocturnum, ac aciem ita constituit, ut Ponticorum oculos adversa luna perfringeret, suis autem illustrem & perspicuum praeberet hostem, ut ait Julius Frontinus, lib. 2. cap. 1.

Figura tenui, &c. De generibus dicendi Cicero in opere de perfecto oratore, & quarto ad Herennium. Alii figuras, alii formas, Gellius *ῥαεαυτῆρες* appellat, & Apthonius *ῥαεαυτῆρες ἀντισμύτοι*.

Res imitari, &c. Quemadmodum pictor formas rerum coloribus examuffatim depingit, ita oportet cum, qui res descripturus est, excutere virtutes atque naturas earum, circumstantiis expressas.

In exemplum. Descriptio est arcis Alexandriæ, quam Alexander condidit per architectum Dimocratem. Vide Solinum cap. 41. Ammianum Marcellianum lib. vigesimo quarto. Plurarchum in vita Alexandri: & Diodorum Siculum. Notabis multas, secundum Ptolemæum, Alexandrias fuisse. Alia super Tanaim in Scythia: Alia in Asia. Hæc in Ægypto, quæ in orbe prima aut secunda habita. Vide Diodorum Sicul. lib. 2. de Antiquis gestis: Livium lib. octavo. Qui ait, ab Alexandro Epiri Rege conditam Alexandriam in Ægypto. Exordium autem ductum à conditoris consilio arcisque commoditate.

Acropolis, &c. Ità vocarunt arcem, quasi summam urbem. Ibi enim solebant arces extrui. Et Græci *ἄκρον*, summum verticem dicunt.

Clivus quidam, &c. In locorum regionumque situ describendo, diligenter positionem eorum sequi oportet.

oportet, & orationem velut per loca circumferre, in qua ut primum quodque occurrit, sic apertissime primum dicitur, autore Rodolpho Agricola, lib. 1. cap. 32.

Armaria, &c. Alexandri musæi Strabo meminit lib. 17.

Persei, &c. Sunt qui intelligunt Philippi regis filium: de quo sic Livius lib. Macedonici belli 1. Nec Philippus segnius apparabat bellum, filium Persea puerum admodum, datis ex amicorum numero, qui ætatem ejus regerent, cum parte copiarum ad obsidendas angustias, quæ ad Pelagoniam sunt, mittit. Sciathum & Peparethû, haud ignobiles urbes, diruit, &c. Sunt quibus libeat ad Persea, qui Jovis & Danaës filius erat, referre: qui Medusam occidit, & Andromeden alligatam saxo, liberavit. Propertius lib. 2.

Andromede monstribus fuerat devora marinis.

Hæc eadem Persei nobilis uxor erat.

Cujus gesta Aphrionius vocat *αἰθέρια*. Vide apud Ovid. 4. Metamor. Vide proverbium Erasmi: Gorgonem Perseus aggreditur. Quod dicitur de egregio facinore.

Quod deorum antiquorum nomina, &c. Sunt autem juxta quorundam sententiam, deorum antiquorum nomina, Jupiter, Juno, Neptunus, Minerva, Mars, Venus, Apollo, Diana, & tor, ut Apollonii recenset interpres, sunt à Græcis culti: Ζεύς, "Hæx, Ποσειδών, Διόνις, Ερμής, "Ηφαιστός, Ἀπόλλων, Ἄρτεμις, Ἑστία, Ἄρης, Ἀφροδίτη, Ἀθηνά.

Deorum antiquorum nomina.

Pyramides, &c. Elaræ in arctum tendentes erant constructæ moles, quarum nonnullæ tam fuerunt altæ, ut miraculi loco fuerint. Vide Solin. cap. 41.

Pisistratarum fonte, &c. Per Pisistratas vel Πισιστρατίδας, intelligit Pisistrati nepotes, vel posteros, hoc est, Athenienses, qui pulcherrimum fontem habuerunt, novem fistulis aquam fundentem. Unde

ὄρεα κρητὸν

ἁπλῶς appellarunt. Item Καλλιὰ, pulchrè floentem. Cujus meminit Thucydides lib. 2. belli Peloponnesiaci.

Stadio, &c. Ejus duplicem rationem Suidas tradit. Alteram, quā intelligitur spatium, quod homo unico spiritu, cursuque suo conficere potest; quod nunc brevius, nunc longius pro currentis aut robore, aut fragilitate redditur: Alteram, quæ geometrica, quā utuntur cosmographi, cujus meminit Plin. lib. 2. cap. 33. Continet autem sexcentos, & 25. pedes.

Exempla descriptionum.

Descriptionem habes subitæ tempestatis, apud Virgil. in 1.

Apud eundem in sexto, Caci domus.

Diluvii, apud Ovid. 1. Metamor.

Invidiæ, lib. 2. Famis, 8. Somni, 11.

Ætne, apud Claudianum, & Gellium lib. 17. cap. 12.

Justitiæ, apud Gell. lib. 14. cap. 4.

Arcis Tarentinæ, apud Plutarchum in vita Annibalis.

Et Cleopatrx navis in vita Antonii.

Crotonis, apud Livium lib. 4. belli Punici.

Oyzici, apud Florum. lib. 2. cap. 5.

Templi Hammonis, id est, Jovis Arenarii, apud Diodorum Siculum in gestis Alexandri.

Descriptio habitationis Sælli Antonii, apud D. Hieronymum, in Hilarionis vita.

SAxeus, & sublimis mons per mille circiter passus
ad radices suas aquas exprimit, quarum alias are-
næ ebibunt, alix ad inferiora delapsæ paulatim ri-
vum efficiunt, supra quem ex utraque ripa palmæ in-
numera-

numerabiles, multum loco & amœnitatis & com-
modi tribuunt, Hic pfallere, hic orare, hic operari,
hic fessus residere solitus erat. Vites & arbusculas
plantavit. Arcolam manibus suis ipse composuit.
Piscinam ad irrigandum hortulum multo sudore
fabricatus est. Erat autem cellula non plus mensu-
ræ, per quadrum tenens, quàm homo dormiens ex-
tendi poterat. Præterea in sublimi montis vertice,
quasi per cochleam ascendentibus, arduo valde visu
duæ ejusdem mensuræ cellulæ videbantur, in quibus
venientium frequentiam, & discipulorum suorum
contubernium fugiens, moratus est. Verùm hæc in
vivo excise saxo, ostia tantùm addita habebant.

*Descriptio gymnastica domû Reinhardi
Loricæ Hadamarij.*

SI nemo ringitur, aut sugillat, quòd Plinius
Somnem villæ suæ Laurentis formam sinumque
calamo depinxit, quæ (malùm) insolentia fuerit, me-
naso suspensum, aut calumniis proscissum iri, si ad
imitationem prudentissimi viri novam meam, quam
in patria (non venustatis, aut vanæ jactantiæ, sed
urgentis, quam incendia fecerunt, necessitatis causâ)
modò fabricor, domum descripsero. Et cum diversis
ab autoribus varia rerum, etiam humillimarum, ge-
nera videamus descripta, eadèmq; extra omnem
interpretantium malignitatem posita; quis, nisi
Momo sit iniquior, mihi vitio dederit, quòd multo-
rum honestâ imitatu exempla secutus ego, Musam
meam delineavero? Quæ longitudine multò spatio-
rior, quàm latitudine, propius aquilegium, sive pu-
teum civicum Hadamariæ constructa videretur insu-
la. Cujus lapideus, quo undique cingitur, paries al-
tus est triginta duos pedes, crassus autem in funda-
mento, quatuor, in sublimi tres. Dædæ in effossa

terra fornices habet satis profundos, atque pro facultatibus capaces, fenestellas modicas ferratas in curvaminibus, in recto sua continentes armariola. Quorum prior terram quinque pedibus supereminens, hypogæum potest appellari, quod locus subterraneus, cellarum variarum, ut oleraceæ aut fassamentariæ vicem explere possit. Indè janua ducit in alterum muro discretum, qui paulò profundior, & à sole remior, vini apotheca est, saxo stratus, & lacusculo, unde, si fortè ruptis circulis vinum effluerit, commodum exhauriri possit, adornatus. Utriusque incurvo solario seni unci grandes ferrei ex ordine sunt firmiter infixi, ut injectis oblongis perticis, superimpositisque tabulis constituatur pomarium, quod oporothecam vocare licet. In imo utriusque fundo terra fuit arenosa, alicubi etiam glareosa, ad tolerandam molem graviores incommoda, unde complures procerae simul ac crassae sunt alni positæ, quibus aliæ transversariae breviores forriter affixæ, necnon grandiora saxa confertim fistucis impacta, firmamentum statuunt immobile, & quod negavit natura compensant arte: Duos admittunt ingressus, alterum angustum, ex ipsis ædibus per compendiosum cochlidium descendente, alterum multò laxiorem, per quem culcaria dolia, magnique cadi vinarii, cistis aut curribus advehi devolvuntur. Hujus tergo satis robusto superædificata est rursus hexagonia, podio tenus lapidea, cum muro, cui adhæret, domestico, sursum versum ducta, pari crassamento. Quæ non vulgarem ædificio commoditatem, ornatumque reddit. Sinum à dextra recipit angulosum, ad flexos propaginis arcus idoneum. Ibidem planularum firmiorum janua domus, à platea tribus erecta gradibus pandit atrium, in quo statim quatuor aliæ conspiciuntur: quarum una, quæ spectat occidentem, hypocaul-

pœcausto præbet introitum: quæ septentrionem,
 culinae. Rursus quæ orientem, duæ sunt. Altera
 deducit in cryptam, altera vergit in contignatio-
 nem domûs infimam. Principio gradibus quatuor
 ex atrio scanditur in æstuarium, à culina muro se-
 paratum, testudinis dorso prioris impositum, ed
 salubrius, quod magis sublimatum à terræ gravedi-
 nois squalore, sitûque peminoso recedit. Ingredi-
 enti statim offertur à sinistra lapideus aqualis. Ibi
 dem pictus *Ovris* ille conqueritur de hominum,
 quibus in dies afficitur, injuriis, qui cum nihil faci-
 ciat, accusatur omnia perperam facere. A dextra
 basi ferreâ suffulta fornacula, cujus præfurnium pe-
 culiari ductu fumum transmittit in caminum. Ex
 adverso autem mensa non omnino rustica, incite-
 gæ, vel abaco proxima. Nec procul in muto sunt
 repositoria, ubi cum œnophoris cululli, calicésque
 reconduntur.

Fenestris illuminatum est pellucentibus, in qui-
 bus, ut in aliis, refulgent Musarum, patronorum,
 arque Meccenatum insignia, cum primis eorum,
 qui aliquid opis absolvendo huic ædificio contru-
 lerunt. Solum asseribus abiegnis contrabulatum est.
 Medium ejus, quâ parèt meridies, in imam dictæ
 jam turris sedem excurrit; quæ non modò jucun-
 dum hospitibus discumbendi locum, sed etiam
 omnia, quæ tribus in plateis geruntur, specu-
 landi facultatem præbet. Sedilia undique dispo-
 sita, non solum id sunt, quod vocantur, sed
 ita per ingeniosos arcularios constructa, ut ci-
 starum vestiariarum, linteiarum, aut etiam, si
 velis, scrutariarum possint officio fungi. Circa
 easdem icuncularum variarum peristromata sive
 tapetes ita picti sunt, ut verorum desideratorum
 esse loco possint. Quorum in superficie Bias
 ille conspicitur, qui cum patriam ejus Prieneri

*ille, inquit
Cicero
Paradoxo
primo, hæc
tudibria
fortune nè
sua quidam
putavit,
que nos ap-
pellamus
etiam bona.*

hostes invasisent, omnibus, quos modò sævitia bel-
li incolumes abire passa fuerat, pretiosarum rerum
pondere onustis fugientibus, interrogatus, quid ita
nihil ex bonis suis secum ferret; Ego inquit, vera
bona mea mecum porto. Pectore enim illa gesta-
bat, non humeris, quæ domicilio mentis inclusa, nec
mortalium, nec immortalium manibus poterant la-
befactari. Lacunaria coloribus distincta renident.
Nec tabulæ coronamenti amœnis tortuosæque co-
rymborum anfractu conspicuæ desunt, in quibus ex
ordine supellex stannea vel ænea disponi potest. Ap-
plicitum est cubiculum dormitorium, quod, si voles,
diem, clamorem, somnūmq; excludit; vicinum item
calorem recipit atque retinet, aut, ut ratio exigit, ef-
fundit. Inibi lectus est pedibus iligineis factus, circa
quem tota parietis æqualitas historiam Solonis atq;
Cræsi, quæ apud Plutarchum habetur, coloribus
expressam ostendit: ut animum à divitiarum, mun-
danæque gloriæ curis (quæ diu noctūque discrucia-
re solent homines) abducens ad quietem inviret,
aut magis honesto studio dignam meditationem
ingerat menti. Non præcul inde Crassi caput cum
dextra manu recisum, & ad regem repositum
videtur, & aurum liquidum in rictum oris infusum;
ut cujus animus arserat auri cupiditate, ejus etiam
mortuum & exangue corpus auro ureretur. Et ini-
bi regina Tomyris caput Cyri amputari, atque in
utrem humano sanguine oppletum conjici jubet,
non muliebriter increpitans, Satia te sanguine
quem sifisti. Locus illustratus est tribus, binas in
muro sediculas habentibus, fenestris, quæ vel aq-
ilonem inhibere, vel mitiorem, si volueris, auram
admittere possunt. Quarum in confinio nugis ux-
oris aptum loculamentum est, insertum muro tali
arte, ut si fures effregerint prima claustris repagula,
non tamen, quod charum maximè celatum asservari
velis,

velis, invenerint. Solum atq; lacunaria respondent
 iis, quæ sunt in hypocausto. Coquina ab atrio can-
 cellaris interstitiis discreta est, ubi focus ferratis fer-
 ramentis, alarisque stipatus, & per quod fumus exit
 (quod alii vocant infumibulum, Græci καπνοδόχον)
 spiraculum, saxo constructum est. Cujus gremium
 in apfida curvatum, cacuménque pedes aliquot al-
 tius tecto, molestias omnes fumi, atque scintilla-
 rum evomit in aëra, tantum, quod carnario suffi-
 cit, relinquens. Et vitrea fenestra borealem nul-
 lam intemperiem admittunt: prope quas inclusa
 muro capsa porrigitur, variis usibus idonea. Hinc
 aquariolum, quam nonnulli lavatrinam appellant.
 Non procul offertur locus tabulis abiignis concin-
 natus, ubi rudicularum, frixiorum, patellarum,
 veruum, carinorum, ollarum, ahenorum, creagra-
 tum, leberum, consimiliūque repositoria. Solum
 pavimenti lithostroton est, ut etiam atrii. Ex hoc
 descensus est sex graduum in cryptam, quæ brevi
 posticulâ, fenestrisque clathratis illustrata, triplicem
 in primis utilitatem affert. Etenim à dextra cum
 opaco baptisterio, colloquiisque balaneum habet
 vel asaminthum, ibique adjunctum apodyterium,
 quod ita conditum, ut aliàs etiam penuaria cella
 possit esse. Nec deest anaclinterium, quod ab aliis
 accubitus appellatur. E regione gurgustium est,
 equorum etiam vacerris, lignisque recipiendis ac-
 commodum. Ejus tabulatum, quam contignati-
 onem domus infimam appellavi, solerter adversus
 incendia pavimentatum est: In id ex atrio gradicu-
 lis quinque scanditur, & pedes decem à primo to-
 tius domus solario distat, commoditates totidem,
 quot locus inferior, importans. Nam quæ culinam
 spectat, pædagium est, seu potius famularum cubi-
 le, cui adstructum ornithorrophion, sive gallinari-
 um, ut excubitorum alitum cantibus excitare sur-

gant ad absolvenda pensa. Ex adverso, ubi farina-
rio girgillis item atque rhombis est locus, scale
sunt quibus ascenditur ad dictarum jam partium do-
mūs solarium primum, quod hoc modo complana-
tum atque confectum est: Quernæ complures vali-
dæ trabes ex ordine, parū admodum inter se di-
stantes, itā muro sunt insertæ, ut utrinque capita ex-
trema raderibus cæmentitiis obrecta, nihil emine-
ant: deinde earum lateribus in rimas tanquam sul-
culos duos ungues profundos diffillis, impacti sunt
differtim paxilli sesquipediales, habentes undiq; cir-
cumvolutos, regyratōsque septenos, aut octonos
funiculos longiusculos, nexos stramine, quod limo
lurōque tenacissimo perlitum, contortum, atq; sub-
actum est. Postmodo rectorium omne lignum oc-
cultans, arenatum superinductum, cæmentitiūque
pavimentum, cylindro coæquatum, certissimū
contra incendia tutamentum. Huic superstructa
sunt, cum suis scimpodiis, & apparatu Musas non
decente conclavia, quorum propriæ trabes & fabri-
ca, lapidibus quadratis sectilibus suffulta, non attingit
inferiorum ligna, ut incendii fortuito suborti
flamma subjectis nocere non possit. Circa ea-
dem procestrion est, ex quo per murum transitus
in æstuarium, inferiore majus, quod vel diætæ, vel
si voles, triclinium insigne, cum heliocamino pote-
rit esse. Eius quoque, ut inferioris, medium evagatur
in turrin, quod non minoris commodi, quā
amœnitatis cœnaculum prædicari potest. Appara-
tus autem & dispositio ferè eadem, quæ substructi hy-
pocaufti: diversa tamen picturarum genera. Nam,
ut reliqua transcam, hîc Aristippus naufragus colo-
ribus effigiatus, suis civibus enunciat, ac suadet, ut
eas possessiones filiis parent, quæ cum naufragio
enatare possint. Illic inter reges Plato, Beatum ter-
rarum orbem futurum prædicat, cū aut sapientes
regnare,

regnare, aut reges sapere cœperint. Nec cubiculum (ut etiam cominus insurgentium xysticorum possit esse capax) annexum, neque solum dolaris asseribus, sed adversus ignes cæmentis obductum est. Prope scalas, quas dixi, latrinæ secessum habent. Non procul indè murum trabes duæ crassiores penetrant, & tantum in sublimi supra plateam extant, quantum ad anabathra, quibus in supremum solarium ascenditur, sustentanda sufficiunt; quæ sunt extra domum erecta, quò majus spatium intrinsicus relinquant, nec incendia suborta locum perivium habeant, unde desuper cadant, aut ex edito delabantur in structuram subjectam. Ad eadem janua transitusque scanilis tam latus est, ut cum frumentario sacco rusticus expeditus pervenire possit in granarium. Quod supremum, ut recensui, solarium, eodem modo, & quâ substructum ratione complanatum est. Omnes enim trabes, quantum fieri potuit, contra flammam integumentis & incrustationibus obtectæ sunt. Earum tamen extrema capita quibus tigni, quos alii vocant telamones, inferuntur, atque iis tectum quasi fulturis sustineretur, ignibus ita sunt obnoxia, ut vim patientibus facillè poterit succurri. Hoc in loco muri desinunt, tectumque succedit. Sed impositum est turri sesquipedans ædificiolum amœnum, quod podium, vel exedram vocare libet. Id subliciiis validioribus suspensum est, undique fenestras habens, in quibus sol nascitur conditurque. Quòd si juxta sententiam Horatii, Domus laudatur, longos quæ prospicit agros, hoc laudibus evehendum erit, cum velut è specula rotam ferè Hadamariam intueatur, latòsque prospecter campos, atque nemuscula cum primis Trupeliana. Musis igitur destinatum, quæ cacuminibus delectantur. In eo cum grammatophylaciis est bibliotheca,

quæ totam Hadamariam ad bonarum artium disciplinas invitare viderur. Cujus in parietis spatio dormiens Alexander Iliadem Homeri sub pulvino habet. Ejus tectum non fastigiatum, in fine pinnaculum ostendit obæratû. Subest tabulatum peristrotrophio non incommodum. Atqui multò laxior ad erviliam avenâmque recipiendam contignatio tabulata est sub torius contiguæ domûs tecto. Quod ipsum non coctilibus laterculis aut lapideis tegulis instrarum, sed pro tempore contextum hoc modo: Tigillis atque scandulis affixæ sunt validæ crates vimineæ, quæ luto tenacissimo constipatæ, atque ita strictim condensatæ sunt, ut utrinque nihil appareat lignorum: huic conspissato glutinamento stramentorum fasces ingesti, ligneæque palæ sunt æqualiter adaptati. Quæ tectorum genera sunt agrestia quidem, sed Musis tamen, operoso nullo splendore gaudenibus, non indecora, & durabilia satis, incendiorumque tempore multò conducibilia, quàm vel latericia, vel lapidea. Siquidem illis correptis flamma parum incommodat, sed stramentitia tegumenta solummodò lambit, atque raptim sine horrore magno depascit, reliqua tanquam vaporibus indurata crusta relinquit intacta. Atqui Vulcanus in hæc magnam exercet tyrannidem: etenim tota non modò corripit, & absumit, sed etiam auxilio venientibus terrorem incutit, atque profligat: in adversos enim fragmina candentia volvit, & crepitantibus flammis horrifonoque fragore tanquam igneam grandinem ejaculatur, hostiumque more tela fulgurantia torquet, aufertque prospectum, & auxilii spem omnem. Documento fuit ipsa Hadamaria, & stadium ab ea distans Josti Studei clarissimi doctoris patria Elsa, per clandestinos Germaniæ vastatores nuper incensa. Ubi certa didicisses urorumque discrimina.

Porro

Porro, mediis in flammis, cum circumsecus omnia
 flarent, vidisses illa stare, magnoque conatu se
 defendere, aut laborantia manus poscere: hæc autem
 ignibus superata, non modo concidere, sed etiam,
 ut dixi, auxiliaturos in fugam crudeliter compelle-
 re. Hæc de domus tecto, arque iis quæ sunt intrin-
 secus. Jam, si vacat, quæ forinsecus, audi: Torus un-
 dique murus lævigatus, ac dealbatus est: Coria late-
 rum atro distincta colore. Illius in medio tria tribus
 in locis foramina propemodum tetragona videntur,
 inscriptionibus destinata. Primum igitur, quod in
 turris medio conspicitur, talibus versiculis exorna-
 tum est, qui lacrymabile tempus, quo tota defla-
 gravit Hadamaria, domus hæc quoque reædificari
 cœpta, memoriæ produnt:

Diva Redemptoris post incunabula Christi,
 Mille ac quingenti cum quadraginta fuerunt
 Anni, mensis habens cognomina Martis, & ejus
 Nuntia post decimam fari lux quarta sinistri,
 Solis & hæc retinens à iudice nomen, & hujus
 Nona furens siccis ventis borealibus hora,
 Qua facer emisit verbum cœleste minister,
 Cum caderet rapidis Hadamaria prodita flammis.
 Post domus hæc anno reparari cœpta sequenti.

In supremis ejus loci fenestris, aurea Stoicorum illa
 sententia legitur: "Ὁν μόνος σοφὸς πλάσι". Id est,
 quod solus sapiens dives. Quæ mortalium, quorum
 infinitus ubique numerus, philargyriâ perditorum
 greges monent, longè pluris virtutem quàm divi-
 tias æstimandas esse: quod harum gloria fluxa sit,
 atque fragilis, sed immortalis illa, quæ nec eripi, nec
 surripi possit, neque naufragio, neque incendio amit-
 ti: quæ præditi qui sunt, solos esse divites, cum soli
 possideant res & fructuosas & sempiternas, solique
 (quod autore Ciccone, proprium est divitiarum)
 contenti

contenti sint rebus suis. Duo reliqua in medio sunt
ejus muri, qui portam anteriorem, sive molarem
spectant: quorum priori tale tetrastichon, quod ipsa
domus proloquitur, est insculprum:

Quod mihi sit nomen, quæris fortasse, viator:

Siste gradum, tali carmine certus eris.

Huc Mæcænes quia dona tulere, quod ausus

Hæres me tenuis condere, Musa vocor.

Alteri tale Sapphicon.

Ipse Reinhardi pater huc amussis

Contulit primæ lapides, nepoti

Debet hinc nostro domus ipsa longè

Charior esse.

Et quibus profectò liberis non charissimum id fue-
rit, quod vicinorum testimoniis boni parentes vel
dixerint, vel fecerint memoratu dignum? Sub imis
autem ejus loci fenestris longum idque paulò rudius
& gravius, nè possit aliorum transferri, scamnum
faginum est positum, ubi transeuntes viatores dela-
sati quiescere, aut senes apricari, aut cives Hadama-
rii considerare possint, de rebus publicis tractaturi,
aut animi demulcendi gratiâ nugas acturi, retique
ventos, quod aiunt, venaturi.

*Descriptio serpentum, è Lucani libro
nono desumpta.*

Illa tamen sterilis tellus, fœcundâque nulli
Arva bono, virus stillantis tæbe Medusæ
Concipiunt, diròsque fero de sanguine rores,
Quos calor adjuvit, putrique incoxit arenæ.
Hic quæ prima caput movit de pulvere tabes
Aspida somniferam tumida cervice levavit.
Plenior hinc sanguis, & crassi gutta veneni
Decidit: in nulla plus est serpente coactum.

Ipsa

Ipsa caloris egens gelidum non transit in orbem
 Sponte sua: Nilóque tenus metitur arenas.
 Sed quis erit nobis lucrí pudor? indè petuntur,
 Hinc Libycæ mortes: & fecimus aspidá inertem.
 At non stare suum miseris passura cruorem
 Squammiferos ingens hæmorrhoids explicat or-
 bes,

Latus & ambiguae coleret qui Syrtidos arva.
 Chersydros, tractique via fumante chelydri,
 Et semper recto lapsurus limite cenchris.
 Pluribus ille notis variatam tingitur alvum,
 Quàm paribus tinctus maculis Thebanus ophi-
 tes.

Concolor exustis, atque indiscreris arenis
 Ammodites, spináque vagi torquente cerastræ,
 Et scytale sparsis etiam nunc sola pruinis
 Exuvias positura suas: & torrida dipsas:
 Et gravis in geminum vergens, caput amphif-
 bena.

Et natrix violator aquæ, jaculique volucres:
 Et contentus iter cauda sulcare pareas:
 Oráque distendens avidus spumantia prester:
 Ofsáque dissolvens cum corpore rabificus seps.
 Sibiláque effundens cunctas terrentia pestes,
 Ante venena nocens, latè sibi summovet omne
 Vulgus, & in vacua regnat basiliscus arena.
 Vos quoque qui cunctis innoxia numina terris,
 Serpitis aurato nitidi fulgore dracones,
 Pestiferos ardens facit Aphrica, ducitis altum
 Aëra cum pennis, armentáque rota secuti
 Rumpitis ingentes amplexi verbere tauros:
 Nec tutus spatio est elephas, datis omnia letho,
 Nec vobis opus est ad noxia fata veneno.

“**T**Hesis, id est, consultatio, est rei alicujus investi-
 “gandæ per orationem consideratio, vel disquisi-
 “tio. Consultationum autem aliæ civiles sunt, aliæ
 “contemplativæ. Civiles sunt, quæ actionem habent
 “civitati accommodatam: velut, An ducenda sit uxor,
 “an navigandum, an muri faciendi. His enim omnibus
 “civitatis status continetur. Contemplativæ verò,
 “quæ ad solam animi considerationem pertinent, vi-
 “delicet, An globosum cælum, an multi sint mundi.
 “Hæc enim in usum hominibus non veniunt, sed
 “mente solâ pervidentur. Differt autem consultatio
 “ab hypothesi, id est, causâ; quod causa definita est,
 “consultatio verò indefinita. Definitio autem fit per-
 “sonâ, re, causâ, & reliquis; ut, Muri sintne faciendi:
 “perquisitio est sine persona. Quod autem invaden-
 “tibus Persis, Lacedæmoniis consultum, muro Spar-
 “tam circumdare, causa est. Personam enim habet,
 “Lacedæmonios deliberantes: Rem, murum Spartzæ
 “addere: Causam verò, invadentes Persas. Prima au-
 “tem omnium præexercitamentorum consultatio
 “contradictionem, & solutionem, secundum quæ-
 “stionem admittit. Dividitur ergò Thesis primâ in
 “Ephodum, id est, in proœmion, ex directo ad narra-
 “tionem tendens, quem aggressum proœmii loco po-
 “nes. Hinc finalibus utênis capitibus, legitimo, justo,
 “utili, & possibili.

Thesis: An ducenda uxor.

*Aggressus
vice proœ-
mii.*

SI quisquam omnia pariter laudare volet, is mihi
 Smatrimonium laudet: demissum enim è cælo est,
 ipsumque

ipsumque rursus cœlum deis implevit, eosque procreavit, quorum munere paternum hominibus tribuitur nomen: eisdemque, quos progeniit, dedit rerum naturam tuendam. In terras autem acceptum, reliquis omnibus originem dedit, quæque singula naturæ suæ fluxa caducæque erant, ea stabilivit posteritate, æternitatemque; ipsis successione adinvenit. Primum autem maxime ad fortitudinem, subeundæque constanter pericula homines impellit. Quis enim uxorem liberosque defendere, quis pro iis bella movere recusat? quod sit ut cum eorum amore arma sumantur, maioribus ceteris animis, lubentiusque Martis subeat eventus. Quin iustos etiam, nedum fortes homines efficit. Cognationem enim, necessitudines, iuraque tribuit, quorum respectu metusque ab inferenda injuria homines coercet: itaque iusticiam simul docet cura fortitudine. Sed & sapientes facit, quippe quibus charissimorum pignorum injicit providentiam atque curam. Quodque maxime quis miretur, ipsam temperantiam secum adfert matrimonium, & in medijs voluntatibus modestiæ quoque invenit locum: legem enim libidinibus præscribens, temperantiæ sine voluptates coercet: quæque ipsa per se accusatur voluptas, eam matrimonio conjunctam laudamus. Si ergo matrimonium deos dedit, & procreando posteritatem omnem firmat, si fortes item, iustosque facit, & sapientes præstat, & temperantes; quis est, qui non pro virili, quatenus possit, ipsum sibi putabit laudandum?

Sanè, inquis: sed calamitarum multarum matrimonium est causa. Contradictio.

Fortunam mihi videris, non matrimonium accusare. Quæ enim adversa hominibus accidunt, eorum fortuna est causa, non matrimonium. At contra, Quæ lata matrimonium tribuit, ea certe nequa-

nequaquam fortunæ accepta possunt referri. Rectius
 ergo est, matrimonii bona laudare, quàm accusare
 mala, quæ ex ipsa afferuntur fortuna. Jam verò si
 quis maximè humanorū casuū adversa volet matri-
 monio assignare, nihilo tamen idcirco magis fugi-
 endum erit. Nam si qua reliquis in rebus nos of-
 fendunt, non ea continuò nos ab ipsarum cura de-
 terrebunt. Agedum, singulas excutiamus artes:
 omnes habent aliquid quod quis accuset. Agricola
 procellis infestatur, & per grandinem fame conta-
 bescunt: non ramen, si quos tempestas offendit, ideo
 statim agros relinquunt, sed perseverant colere. Ne-
 que nautæ, si quid ex cælo accidit ipsis, continuò
 post tempestatem dissolvunt naves, cessantque na-
 vigare deinceps, metu eorum quæ pertrulerunt: ve-
 rum difficultates fortunæ tribuentes, ad opes, quas
 mari paraverunt, revertuntur. Bella etiam pugnaeque
 militantium absument vitam: non, quia occumbunt
 aliqui, idcirco deserunt militiam; sed quia pugnan-
 tes ob fortitudinem laudantur, hoc ipso etiam quòd
 ceciderunt, gaudent, & instantem fortunæ asper-
 itatem præsentī gloriæ bono rependunt. Neque
 enim propter mala meliora fugienda sunt, sed bono-
 rum causā etiam asperrima perferenda. Nōne ergo
 absurdum est, agricolas, nautas item, & milites dif-
 ficultates meliorum gratiā tolerare, matrimonium
 verò nobis averfandum putare, quia habet aliquid
 quod offendar?

*Contradi-
ctio.*

Sanè, inquis, sed viduitatem mulieribus, puerisque
 orbitatem affert.

Solutio.

Mortis hæc mala sunt, hancque nobis difficulta-
 tem circumdedit natura: quam tu quidem accusare
 mihi videris, quòd non homines effecit, ut dii es-
 sent, accusareque matrimonium, quòd non diis mor-
 tales conjunxit. Quid insimulas matrimonium eo-
 rum, quorum est apud mortem causa? Cur nuptia-
 rum

rum dicis, quod ipsius est naturæ? Patere perire
 eum qui natus est, quocunque tandem pereat modo.
 Quod si occidunt homines, quia nati sunt, eadem-
 que viâ conjugem viduam relinquunt, natosque ex
 se filios faciunt pupillos: quid hæc matrimonii
 dices culpâ fieri, quæ solum ab ipsa fiunt natura?
 At ego è contrario orbitatem viduitatemque puto
 matrimonio resarciri. Mortuus est illi pater, eoque
 nomine pupillus est; reddit rursus alium sibi matri-
 monium patrem. Itaque hoc malum non ex ma-
 trimonio prodir, sed matrimonio occultatur, fitque
 matrimonium non causa orbitatis, sed abscondit
 potius ipsam & restaurat: Sic viduitatem quoque
 quam obitu mariti attulit natura, matrimonium
 novis iterum nuptiis immutat. Quam enim mors
 reliquit viduam, hanc rursus matrimonium viro
 conjungit: atque velut conservator muneris sui, ea
 quæ dedit initio, ablata quoque restituit. Auferre
 ergo viduitatem solet matrimonium, non facere:
 Pater quoque morte liberis orbarur, rursusque al-
 ios matrimonio assequitur, fitque secundo matri-
 monii munere pater, cui id, quod semel jam habue-
 rat, paternum nomen, erat ablarum. Quid ergo
 matrimonii bona in crimen ipsius convertis? Vide-
 ris mihi non arguere, sed laudare nuptias velle.
 Quando enim enumerare nuptiarum bona cogis,
 laudator matrimonii factus es potius quam repre-
 hensor; vituperansque matrimonium, ut recensca-
 mus laudes ipsius adducis; causamque præbes mune-
 ra sua recognoscendi nobis, eo ipso quod crimina
 tua refutamus.

Esto, inquires, sed laboriosa tamen res est matri- *Contradi-*
 monium. *ctio.*

Verum: sed labores quoque matrimonium sol- *Solutio.*
 vit, & auferuntur per nuptias quæcunque exercitos
 homines reddunt. Vitæ tranquillitas est, cum mu-
 liere

liere sociari: quantulum autem virum in thalamo uxori conjungi? Jam quanta cum voluptate puer expectatur, speratusque se profert, & in lucem prodiens mox patrem appellat. Additur deinde arti alicui discendæ, patrisque fit laborum particeps. In concionibus exinde versatur, pasciturque in senectâ patrem, & prorsus in quodcunque res ipsa poposce-rit, aptum se expeditumque præbet.

Spilogus.

Adcò non est oratione recensere, quanta matrimonium deferat bona. Ingens ergò res est matrimonium, & deos procreans, & mortalibus, ut dii esse videantur, successione præstans; ac omnes qui nuptiis iniantur, instituit, ut justitiani colant, temperantiam observent: quin & reprehensas alioqui voluptates, honestas facit. Idcirco plurimi faciendum esse matrimonium, inter omnes facile constât.

SCHOLIA.

Thesis.

GRæci Rhetores Thesin appellant quæstionem vagam, nullis circumstantiarum cancellis inclusam; Latini quæstionem infinitam. Cicero in Topicis, Propositum; in Partitionibus, Consultationem. Priscianus Positionem, ut, An du-cenda uxor, An colenda sit amicitia, An navigan-dum, An sit bellum gerendum, An discendæ literæ Græcæ.

Hypothesis.

Hypothesin autem vocant quæstionem finitam, quæ habet in quæstione certas personas, loca, tem-pora, & reliqua genera attributorum. Hanc Cicero in Partitionibus Cōtroversiam, in Topicis Causam appellat: ut, Siue Cæsari bellum suscipiendum ad-versus Pompeium, An Syllæ administranda res-publ. An Græcæ literæ discendæ destinato Theolo-giæ, An Cato tempore belli civilis rectè duxerit Mariam

Mariam uxorem. Vide Quintil. lib. 8. cap. 5. Idem lib. 2. cap. 1. ait, Antiquis hoc fuisse ad augendam eloquentiam genus exercitationis, ut Theses dicerent. Et Cicero in oratore ad Brutum, Aristoteles, inquit, adolescentes ad copiam rhetorum, in utramque partem, ut ornatiùs & uberiùs dicere possent, exercuit. Rodolph. Agricola lib. 2. cap. 3. Thesin quæstionem vocat *κατηχητικὴν*, id est, prædicativam, quæ nullis cætris finibus temporum, locorum, aut personarum concluditur; ut, An accedendum ad rempubl. Hypothesin, conditionalem, *ὑποθετικὴν*, ut, Sitne Socrati accedendum ad rempublicam.

Magnam autem habent *Θέσις* cum loco communis similitudinem; sed hoc differunt, quòd locus communis ad amplificandam & augendam causam assumitur, Thesis ad explicandam & probandam. Et illo quasi certà re declamatur; hac disputatur & differitur. Denique ille affectuum, hæc considerationis est. Priscianus inquit, Inter locum communem & Positionem hoc est differentia, Quòd Locus communis est convictæ & manifestæ rei exaggeratio, Positio autem dubiæ rei quæstio.

Locus communis à Thesis differt.

Alia civiles, &c. Has Græci *πολιτικὰς* appellant; quæ sunt earum rerum, quæ in civitatibus usurpantur, ac fiunt publicè aut privatim: Ducendæne uxores, navigandumne sit, ædificandum, ambulandum. Hujusmodi & ille Ciceronianæ sunt, de quibus ipse Attico scribens libro nono: Sed tamen ne me totum agitudine, inquit, dedam, sumpsi mihi quasdam tanquam *Θέσις*, quæ & *πρότερον* sunt, & temporum horum, ut & abducam animum à querelis, & in eo ipso, de quo agitur, exercear. Eæ sunt ejusmodi, *Ἐπεὶ πάντες ἐν ταῖς πόλεσιν, τὸ πρῶτον ἐστὶν ἀλλήλους, ὡς καὶ τὰς πόλεις, ὡς καὶ τὰς πόλεις, ὡς καὶ τὰς πόλεις, &c.*

Contemplative, &c. Has alii speculativas appellant, Græci *θεωρητικὰς*, quòd solâ animi ratione expli-

*In iis con-
templativis
consultatio-
nibus, An
sit, quid sit,
quale sit,
queri solet.
Quint.
lib. 3. cap. 5.*

explicari, & intelligentiâ soleant comprehendî: ut, Anima sitne natura aliqua. Et, eadêne mortalis. Et, mundusne extiterit aliquo tempore. Item, Sitne syderum musica. Plin. lib. 2. cap. 22. Item, Sitne Antipodes. Earum quæstionum magnam copiam habent Scholasticorum *capadocibus*, cujus generis hoc est, An homo creari potuerit *diuina præsentia* & id genus alia innumera.

An globosum cælum, &c. Priscianus inquit, An pilæ formam habeat mundus.

An multi sint mundi, &c. Quod nonnulli voluerunt. Vide Ciceronem de Universitate: unde Alexander, cum ejus comes Anaxarchus, ex autoritate Democriti, mundos innumerabiles referret, Heu me, inquit, miserum, qui nec uno quidem sum positus! ut recenset Valer. lib. 8. cap. 15. Vide Plutarchum in Alexandri vita. Et Qu. Curt. Vide Ciceronem. 1. Tuscul. quæst. Hinc illud Juvenal.

Unus Pellæo juveni non sufficit orbis.

Sunt item Quæstionum aliæ simplices, aliæ compositæ. Simplices, ut, An luctatione sit exercendum. An declamandum. Compositæ, ut, An luctatione exercendum, sive agriculturâ. An declamandum sit ex chartis, sive memoriter cum decora vultus atque gestus moderatione.

In vadentibus Persis, &c. Historia habetur apud Thucydidem. Et bellorum Lacedæmoniorum cum Persis Orosius meminit lib. 3. cap. 11. Plutarchus in vita Aristidis scribit, Lacedæmonios à Persis trophæa retulisse.

Sparta, quæ etiam Lacedæmon. *Sparta, &c.* Sparta vel Sparte, fuit urbs Laconiae, nullis ab initio muris cincta. Unde Agesilaus percontanti, quam ob causam Sparta non circumdaretur muris: ostensis civibus; Hi, inquit, sunt Spartana mœnia;

moenia; significans, nullo respublicas munimento tutiores esse, quàm civium virtute.

Dividitur Thesis, &c. Primum, inquit, ingressus aliquis ad argumentationem vice exordii erit: deinde excutiendi loci suasoriarum, honesti, utilis, facilis, necessarii, &c. & si cui probabiliter contradici posse videatur, hoc suo loco refutandum erit: postremò, brevi epilogo velut perorandum, autore Mosellano.

In Exemplum.

Dei cælum implevit, &c. Unde Cicero 1. Tusculan. Quid? totum propè cælum nōne humano genere completum est? &c. Divus Ambrosius 32. quæst. 1. Nuptiæ, inquit, terras replent, virginitas Paradisum. At Varro putabat utile, ut se homines diis genitos mentirentur. Vide Augustinum de Civitate Dei lib. 3. cap. 4.

Eternitatem adinvenit, &c. Unde Plato de Legibus, quarto dialogo: Genus, inquit, hominum immortale hoc modo in sempiternum perdurat, quòd filiorum filios relinquendo, nunc & idem semper per generationem immortalitatem adipiscatur. Ne fas autem est immortalitatem seipsum sponte privare. Hac verò ex animo ille se privat, qui filios & uxorem negligit.

Sucessione, &c. Hoc est, per decessionem aliorum in aliorum locos. Etenim morientibus aliis, alii rursus nascuntur. Hinc Homerus homines arborum foliis comparavit. Vide Erasmus in proverbio, Homo bulla.

Ad fortitudinem, &c. Cives enim, ut liberos & uxores defendant, fortiter pugnant. Et Scipio ultimo conflictu cum Annibale congressus, milites ad-

Fortitudo.

hortando, dixit, adesse finem belli, in manibus esse prædam Carthaginiis, si fortiter pugnaverint, reditum datum iri in patriam, ad parentes, liberos, conjuges, penarésque deos.

Providentiam, &c. Qua perspiciunt parentes, quæ liberis bona, utilia, honestaque sunt. Pars est enim prudentiæ bonarum aut malarum rerum & utrarumque scientia, ut ait Cicero secundo de Inventionem.

Temperantiam, &c. Hæc est firma animi, & moderata dominatio rationis in libidines, arque alios non rectos impetus, ut ait Cicero. Cujus partes clementia, continentia, modestia.

Accusatur voluptas, &c. Cicero secundo de Finibus scribit maximas virtutes jacere dominante voluptate: quam malotum escam Plato vocavit, quod homines eâ, velut hamo pisces, capiantur. Et Archi-
tas Tarentinus ait; Nullam capitaliorem pestem hominibus à natura datam, quam voluptatem. Cujus meminit Cicero de Senectute.

Si ergo, &c. Epilogus est hactenus dictorum, quæ ab honesti partibus deduxit, matrimonium laudando. Dividitur autem honestum in laudabile & rectum. Hoc ipsum rursus dividitur in justitiam, fortitudinem, prudentiam, modestiam. Vide Cicero. 3. ad Herennium.

*Matrimo-
nii mala.*

Calamitatum causa, &c. Unde Menander, 'Ὁ μὴ γαμῶν ἀνδρῶν ἐστὶν, ὁ δὲ ἵκεν κακὰ.' Qui non ducit uxorem homo, non habet mala. 'Ἄλυσεν ἱκεῖν πλὴν χόρῳ, id est, Sine dolore vitam transiges, si non duxeris uxorem. Matrimonium, ut Erasmus ait 4. Apoph. comitatur perpetua sollicitudo, dotis exprobratio, affinium grave supercilium, molesta focus, incertus eventus, juges querelæ, arque rixæ,

Juve-

Juvenal. Sat. 6.

Semper habet lites, alternâque jurgia lectus,

In quo nupta jacer, minimum dormitur in illo.

Agedum, &c. Fidei faciendę gratiâ utitur inducti-
ones; & ostendit nullum vitę genus esse, quod non
suas habeat molestias. Sapienter Solon aiebat: Si in
unum locum cuncti mala sua contrulissent, futurum
ut propria deportare domum, quàm ex omni misc-
riarum acervo portionem suam ferre mallerent, ut ait
Valerius lib. 7. cap. 2. Meminit Erasmi. tertio Apo-
phtheg.

Per grandinem, &c. Ut si de cœlo vel arbores, vel *Cœlestium*
segetes fuerint tactę. Cœlestis autem injurię duo *injuriarum*
sunt genera: Unum, quod tempestatem vocamus, *duo genera.*
in quibus grandines, procellę, cęteręque similia
intelliguntur; quę cū acciderint, vis major appel-
latur. Alia sunt illa, quę silente cœlo, serenisq; no-
ctibus, fiunt nullo sentiente, nisi cū facta sunt. Pu-
blica hæc & magnę differentię, aliis rubiginem, aliis
uredinem, aliis carbunculū appellantibus, ut Plin.
lib. 18 cap. 28.

Dissolviunt naves, &c. Tempestatibus jactati non
statim deserunt navigationes, sed mox reficiunt
ræres quassas, indociles pauperiem pati.

Laudantur, &c. Qui fortiter in prælio rem ad-
ministrant, ab imperatoribus laudabantur, atque
fortitudinis præmia consequabantur coronas civi-
cas, obsidionales, vallares, castrenses, statuas, tri-
umphos: mortui etiam laudibus evehebantur.
Quinimo, ut inquit Imperator Justinianus, Qui pro
republica perierunt, per rerum gestarum gloriam
semper vivere intelliguntur, unde etiam patribus
in excusationibus tutelarum prosunt tanquam
vivi.

Gaudent, &c. Lætantur, qui fortiter pugnando
succubuerunt. Sic Epaminondas, qui sanguine & spiri-
tu

tu deficiens, Non finis est, inquit, vitæ meæ, sed melius & altius initium adinvenit. Nunc enim vester Epaminondas nascitur, quia sic moritur, ut ait Valer. lib. 3. cap. 2.

Laboriosa res, &c. Unde illud Cynici Crateris, Τίνα πόνος. Vide Eras. in proverbio, Optimum non nasci.

Labores solvit, &c. Hinc Metellus ille Numidicus asseverabat, Nullas plerunque esse in matrimonio molestias: si quæ tamen accidere nonnunquam viderentur, parvas & leves, facilisque toleratu esse dicebat, majoribusque eas emolumentis & voluptatibus obliterari, easdemque ipsas nunquam omnibus, neque naturæ virio, sed quorundam maritorum culpâ & injustitiâ evenire. Vide Gell. lib. 1. cap. 6.

Pascit in senectâ, &c. Juxta proverbium, Ἀντιπαλαίον, quod est, Parentes ætate fessos nutrire, mutuamque vicem rependere.

THESIUM EXEMPLA.

Primi argumentum tale est; Quod non ducenda sit uxor; ubi Thesis contrariis Aphthonii locis tractata, studio exercitii.

*Exordii
formula.*

CUm juxta vetus proverbium, Ignis, mare, mulier, tria mala sint, mihi plurimum desipere videntur, qui se conjecerint in flammæ, in fluctus, & in matrimonii calamitates. Hoc ipsum dissuadendi studio cum primis Homerus ait, Usque adeo nihil improbius mulierq; pejus. Et temporibus hodiernis strenuè dant operam mulieres, nè poetarum grex vaniloquus omnino fuisse reputetur, qui feminâ nihil pestilentius esse confirmarunt. Et mulierem omnem esse malam, perquam venustè significavit Lacon quidam, qui cum uxorem duxisset perpussillam, dicebat, e malis minimum esse eligendum.

gendum. Quippe *Δύχνη ἀρδύτος γυνὴ φείσεται ἡ ἀνὴρ.*

Non eo inficias, matrimonium institutum à Deo, *Ab indigni-*
sed ab eodem etiam adjectos tor laborum sudores, *tate matri-*
tot molestias, denique dolores, inficias non eo. Et *monii.*
quod ab initio bonum erat, jam vel temporum inju-
riâ, vel hominum malitiâ factum est longè deterri-
mum, ut multa citius Plutonia regna cacodæmoni-
bus repleat quàm diis cœlum.

Milites ignavi sunt, & cor in pedes iis decidere *A pusilla-*
solet, quibus domi sunt uxores atque liberi. Etenim *nimitate.*
extra telorum jactus esse, & post principia se conti-
nere laborant, id unum curantes, ut integri mane-
ant ac illæsi, nè si fuerint interfecti, relinquant vi-
duas atque pupillos. Cæterùm qui paulò fuerint
animosiores, à suis objurgantur, juxta illud Pene-
lopes :

Ausus es ô nimiùm, nimiùmque oblite tuorum,
&c.

Iniquos facit ad iram concitans conjugium. *Ab injus-*
Hæc ipsissima est officina rixarum, ut portus tran- *tia.*
quillitatis cœlibatus: unde illud, Qui non litigat,
cœlebs est. Deinde, qui obstricti sunt matrimonio,
coguntur indies magnum in usus domesticos sum-
ptum facere, ad uxores, liberos, & familiam a-
lendam. Et deficiente crumenâ, per fas pèrque
nefas pecuniam corradunt, secum assiduò dicentes,

Unde habeas quærit nemo, sed oportet habere;
Lucrum pudori præstat.

Et genus & formam regina pecunia donat.

O cives, cives, quærenda pecunia primum est,
Virtus post nummos. —

Quantum quisque sua nummorum servat in arca,
Tantum habet & fidei —

Prima ferè vota, & cunctis notissima templis,
Divitiæ ut crescant, ut opes, ut maxima toro
Nostra sit arca foro: ut ait Juvenal.

*Ab intem-
perantia.*

Quotusquisque est, qui non matrimonium contrahat, ut sponsi (quod aiunt) vitam victurus, perfruaturs voluptate, ac subeat in libidinem, curéque hoc unum, ut lascivum interveniat illud; Ζὸν δὲ
ῥοχῆ.

Epilogus.

Quis igitur matrimonium laudibus evehendum aestimet, cum inferorum regna magis quam cœlorum adargeat, cum iniquos faciat, contineatque vitam obscœnis plenam voluptatibus, ac earum veneratoris illecebrarum præstigiis incubans, adducat maiorum (quod aiunt) Iliada, ut γυναικῶν ὀλεστροί, pro-verbio locum fecerint.

*Contradi-
ctio.*

Sed ais, Quæ sunt in matrimonio mala, ipsi fortunæ sunt assignanda.

Solutio.

Id immerito facis. Nam si viri cœlibes viverent, à plurimis afflictionibus liberi manerent. Nunquam agricolæ assiduo tanto labore terram colere, nunquam genus omne cerdonum tanto sudore diffluere, nunquam tantis periculis mercatores navigare cogerentur, si non querulis uxoribus atque liberis egentibus victum & amictum quærere compellerentur. Verè igitur divus Paulus de conjugaris inquit: Afflictionem in carne sunt habituri; & beatiores prædicat, qui hoc frænum non morderint.

*Contradi-
ctio.*

Sed viduarum & orborum, pupillorumque conditiones morti, non matrimonio refers acceptas, & per hoc resarciri dicis quod per illam aufertur.

Solutio.

Esto, Mors tibi patrem eripit, novæ nuptiæ vitricum reddant. Sed hæc ipsa pensatio ipsissima est Diomedis & Glauci permutatio, qua pro perca scorpius accipitur, pro charissima matre datur noverca; ut rideatur, qui ad ejus tumulum fuerit lacrymatus.

*Contradi-
ctio.*

Esto inquis. Sed tamen non laboriosa res est matrimonium; cum laborum participes uxores sint vi-
ris

ris solatio: & filii parentes ipsos omni malorum fasce levent, foveantque fessos ætate.

Sæpius molestant viros quàm consolantur uxorum greges; quarum paucissimæ fideles: ut verè dictum sit, Mulieri nè credas, nè morruæ quidem. Quod monet, usque adeò non esse fidendum mulieri, ut etiam si morientem videas, putes fingere. Et filiorum incertissimus est eventus. Longè plures de-
Dilutio.

decori sunt parentibus, quàm ornamento. Qui ut arietes nutritionis mercedem persolvunt, argento senes emungendo, turpissimisque facinoribus excruciendo, ut Crates ille rectè dixerit; τῶνα πόνος, &c.
Conclusio.

Ergò, cùm tot undique malorum fluctibus mari-
monium imperatur, Quis vel sanæ mentis solutus ab uxore, quæ siverit uxorem?
Secundum exemplum, continens quòd senectus non molesta, nec onus Aetnæ gravior.

SI vina vetera novis, quasi de musto & lacu hau-
stis, præstantiora judicamus, cur non senectutem
juventà mellorem, laudatàque magis dignam arbi-
tramur, cùm ut illi omnia defæcata & salubria, ita
hic omnia immatura & gravia contemplemur esse?
Th. sis.

Senectutem omnes ut adipiscamur solemus opta-
re. Quòd cùm ita sit, iniquè faciunt, qui adeptam ac-
cusant, ac in illa genuinum frangunt, quam divi-
na scriptura *Coronam dignitatis* appellat, eam præ-
cipuè, quæ reperitur in viis justitiæ. Proverb.
16. 31.
A legitimo.

In antiquis est sapientia, & in multo tempore
prudentia, proverbio nobilitata. Seris enim venit
usus ab annis. Hinc est, quòd juvenus olim cumu-
latum & circumspectum honorem reddebat senibus,
ut ait Valer. Et Juvenalis Sar. 13.
Ab utili.

Crc-

Credebant hoc grande nefas, & morte pium,
Si juvenis vetulo non affurrexerat, & si
Barbaro cuicumque puer, licet ipse videret

Plura domi farra, & majores glandis acervos.

A facili.

Nec difficilis adeo senectus est, neque tam molesta,
sed tolerabilis & jucunda, quam tot rerum bene ge-
starum praconia exornant, quam recordatio tam
multorum benefactorum oblectat, quam deniq; gra-
vitas, constantia, consiliorum rationes, autoritas, &
reverentia planè divinam efficiunt.

*A necessa-
rio.*

Prudenter institutæ respub. solæ, quæ senum pro-
pria virtus est, prudentiâ conserventur oportet. Ete-
nim florentis ætatis est temeritas, senectutis pruden-
tia. Illâ civitates multas everfas, hac conservatas
esse, tot veterum exempla testantur.

*Contradi-
ctio.*

At senectus ipsa morbus, avocat à rebus gerendis,
ac inutiles reddit.

Solutio.

Multò plura, quàm juvenes, efficere possunt senes
rerum studiis assueti quorum arma sunt artes & vir-
tutum exercitationes. Nec viribus aut velocitatibus,
aut celeritate corporum magnæ res geruntur, sed
consilio, autoritate, atque * prudentiâ.

* In Cic. ex
quo hic
sumptus est
locus, legi-
tur senten-
tia.

*Obiectio.
Dilutio.*

Sed oblivionem inducit, memoriam minuit, vires
adimit.

Memoria perit nisi exerceas. Prudentes ergò se-
nes, intentum animum tanquam arcum habentes,
non languescunt nec succumbunt senectuti. Senibus
ingenia manent, modò permaneat studium & indu-
stria. Unde Cato Pythagoreorum more exercendæ
memoriæ gratiâ, quod quoque die dixerat, audierat,
egerat, commemorabat vesperi. Hæ sunt exercitati-
ones ingenii, hæc curricula mentis. In his desudans,
atque elaborans, corporis vires non magnopere de-
siderabit, ut ait Cicero.

*Contradi-
ctio.*

Sed caret voluptatibus, ut rectè Horatius dixerit:
Multa ferunt anni venientes comoda secum,

Multa

Multa recedentes adimunt —

— Venerem, convivia, lusus.

O præclarum munus ætatis! siquidem id aufert nobis, quod est in adolescentia vitiosissimum. Omnem malorum escam voluptatem eripit, & libidines pecuinas animis eximit, ac instillat vera pectoris dona. Porro, nihil pestilentius voluptate; at nihil præstabilius ratione. Hanc fovet senectus, illam autem expellit.

Solutio.

At sunt morosi & anxii, & iracundi, & difficiles senes, si quærimus, etiam avari.

Contradictio.

Sed hæc morum vitia sunt, non senectutis. At morositas tamen, & ea vitia, quæ dixi, habent aliquid excusationis. Vide Cicer. in Senectute.

Dilutio.

Sed appropinquatio mortis est, quæ certè à senectute non potest longè abesse.

Contradictio.

O miserum senem, qui mortem contemnendam in tam longa ætate non viderit! O infelicem Christianum, qui mortem metuit, ac non potius cum Paulo dicit, Cupio dissolvi & esse cum Christo! Quid enim hæc vita commodi, quid non potius laboris habet? Cur in malis, & non potius in bonis omnia, quæ secundum naturam fiunt, habentur? Quid est autem tam secundum naturam, quàm senibus emori, quod idem contingit adolescentibus adversante & repugnante naturâ? Itaque adolescentes mori sic mihi videntur, ut cum aquæ multitudine vis flammæ opprimitur: senes autem, sicut suâ sponte nullâ adhibitâ vi consumptus ignis extinguitur. Et quasi poma ex arboribus si cruda sunt, vi avelluntur; si matura & cocta, decidunt: sic vitam adolescentibus vis aufert, senibus maturitas.

Solutio.

Finem dicendi faciam, nihil ambigens, quin iudicaturi sitis, dignissimam esse laudatâ & amplexu senectutem, cum ea rebus gerendis consilia suppeditet,

Conclusio.

diter, prudentiâ valeat, autoritate polleat, reverentiâ præluceat, omnium denique malorum liberationem maturitatis naturalis beneficio subministrat.

*Tertium exemplum Theſeos, conſignans,
Divitias non eſſe ſummum
bonum.*

Qui ſententias iniquas defendendas ſuſcipiunt, mendacia verborum lenociniis fucare ſolent, & morboſo ſermoni exquisita abhibere medicamenta. Quorum in numero ſunt quos non pudet aſſerere, Summum bonum divitias, & ſolum divitem eſſe beatum. Contra, qui veritatem, cujus eſt ſimplex oratio, amplectuntur, non in divitiis, ſed potius ſummum in virtute bonum collocant. Etenim perpendunt, opum affluentia non beatos, magis infelices reddi, cum maximæ ſolicitudines, atque calamitates inde ſoleant provenire. Nam ut Juvenal. inquit, Sat. 10.

Sed plures nimia congeſta pecunia curâ
Strangulat, & cuncta exuperans patrimonia cenſus.

Pauca licet portes argenti vaſcula puri,
Nocte iter ingreſſus, gladium, contrumq; timebis,
Et motæ ad lunam trepidabis arundinis umbram,
&c.

Er quid aliud olim Lacedæmonios perdidit, quam pecuniæ cupiditas? Qui oraculo reſponſum acceperant, tum demum vincendam eſſe Spartam, cum aurum & argentum in pretio cœpiſſent habere. Accedunt alia, quæ licet per ſe videantur leviora aut infirmiora, tamen turbâ valent, atque confirmant, divitias malis plurimis tentari, ſtultitiâ regi, puſillanimitate enervari, libidine corrumpi, ac injuſtitiâ denique

denique profanari. Nam quoruscunque divitum est, qui non fortunâ ebrius, arroganter & confidenter loquatur, & agar, opibus scilicet fretus, ut inde natum proverbium Ἀργύρου κήρυγας λαλῶσι. Argenti fontes loquuntur. Quod notans Horatius: Mecum, inquit, contendere noli, Stultitiam pariuntur opes. Quotuscunque, qui non tumultu quopiam suborto, aut bellis ingruentibus, in morem galli cujuscumque, ut aiunt, trepidet, arque magis sibi thesaurisque suis quam reip. velit consultum? Quotuscunque qui non plura, quò plura possideat, assiduò petat?

Crescit enim amor nummi, quantum ipsa pecunia crescit.

Crescit indulgens sibi dirus hydrops,

Nec fitim pellit, nisi causa morbi

Fugerit venis, & aquosus albo

Corpore languor.

Quotuscunque, quem non divitiæ ad genus omne turpitudinis inflamment, luxu resolvant, funditusque perdant: ut multò plures crapulâ, nimisque libidinis enervatione credantur perire, quàm gladio? Quis igitur divitias summum bonum vocet, & non potius iniquitatis appellet mammona? cùm illæ stultos, infelices, effeminaros, avaros, & perversos reddant, ut facilius sit camelum per foramen acus transire, quàm divites in regnum Dei ingredi.

At divitiæ afferunt gloriam, parant amicos: paupertas contemptos facit. In pretio pretium nunc est, *Contradictio.*
dat census honores. Pauper ubique jacet.

Nil habet infelix paupertas durius in se,

Quàm quòd ridiculos homines facit, &c.

Sed quam opes pariunt, fluxa est gloria, & ollaris, *Solutio.*
quæ ~~ῥήγας~~ ~~φύλας~~ dicitur, amicitia nihil aliud est, quàm adulatio.

Donec eris felix, multos numerabis amicos:

Nullus ad amissas ibit amicus opes.

Nec

Nec ad veram gloriam viâ rectâ contendentes impedit paupertas, sortita sapientiam. Nónne Cicero, nónne complures alii pauperes ab initio conscenderunt ad summum gloriæ culmen, itâ studiorum honestissimorum cultu provecti, ut majoribus omnibus suis virtute præluxerint?

*Contradi-
ctio.*

Esto. Verûm, ut ait Juven. Satyr. 3

Haud facîle emergunt, quorum virtutibus obstat Res angusta domi.—

Solutio.

Desidiâ torpentes non emergunt, sed qui per honestos labores ad summa nituntur. Respice Cleanthem, qui licet obtusi tardiorisque fuerit ingenii, adeoque pauper, ut tempore nocturno cogeretur in horris aquas haurire, quod posset interdiu studiis liberalibus operam impendere; tamen ad summum eruditionis & honoris fastigium pervenit, consecutusque est tantas facultates, ut alium, si voluisset, Cleanthem alere potuisset. Vide Diogenem Laërtium lib. 7. Quam matrem Euripides, aut quem patrem Demosthenes habuerit, ipsorum quoque seculo fuit ignotum. Alterius autem matrem olera; alterius patrem cultellos venditasse omnium penè doctorum literæ loquuntur. Sed quid aut illius tragicâ, aut hujus oratoriâ clarius? Ut ait Valer. Max. lib. 3. cap. 4.

*Contradi-
ctio.*

Sed inopiâ pressos homines ad varia designanda flagitia paupertas impellit, ut per fas & nefas vitæ subsidia quærere cogantur.

Solutio.

Nihil repugno, si mali intelligantur, quorum cordibus illud fixum personat, Lucrum pudori præstat, quod Græci dicunt, *καὶ πόθεν ἀπορίῃς ἀπαιτῶν*. Sin boni, reluctor: cum ii longè satius ducant rei jacturam facere, quàm famæ simul ac animæ dispendium. Quin potius, ad omnia scelerum genera rapiuntur ipsi divites, nec divitiæ semper optimis contingunt, ut Homerus rectè dixerit:

Ζυνε αὐτὸς νίμαι ὀλβον ὀλύμπῳ, ἀνδράποισιν
Ἐδιδάμης ἀδὲ κακῶσιν, ὅπως ἐδιδάχων ἐκείτω.

Multò facilius pauperes criminum occasiones fugere poterunt, quàm divites, cùm defint illis opes, irritamenta malorum; his autem opus sit multis præceptis, ut bene & honestè vivant: ut Diogenes rectè paupertatem αὐτὸς ἰδὲ κατὸν appellaverit.

Ergò non in divitiis, unde malorum (ut aiunt) *Conclusio.* mare profluit, sed potiùs in virtute summum est bonum collocandum.

DE LEGISLATIONE.

Græcè ἐνομοθεσίᾳ.

CAP. XIII.

LEgis quoque inductionem, quidam exercitamentum esse putaverunt. Est enim propemodum tota causa, non tamen omnia quæ in causa sunt, intra se continens. Adfert personam quidem, sed incertam, & non omnibus notam, unde & in consultationis magis est parte quàm causæ. Quare nus enim figuram in se habet personæ, superat consultationem; sed quæ definitionem non habet, minor est causâ. Est autem duplex Legis inductio. *Quid sit* Confirmatio positæ legis, atque confutatio. *lex, vide 2. ff. de leg.* Lex autem est inventio & donum deorum, communis constitutio civitatis, & correctio utrinque erratorum. Divisio autem inducendæ legis est ista. Tractabis eam capitibus eisdem, quibus negotialem: Legitimo, justo, utilis, possibili. Proæmion facies, post proæmion subicies contrarium, hinc capitibus prædictis uteris, unde & hoc exercitamentum à causâ differt.

Exem-

*Exemplum continens accusationem legis
jubentis adulterio deprehensum
interfici.*

Proœmium

Nec mihi videtur per omnia lex ista laudanda,
nec rursus quod hoc modo lata sit, prorsus re-
prehendenda. Quod enim penam adulteris decer-
nit, laudo plane; quod verò iudicium sententiam non
expectat, culpandum certe videtur. Si namque lar-
gitionis metu, ne quâ iudices corrumpantur, iudicia
prævenit, suspicax nimirum est, & iniquæ nimium
erga iudices mentis: sin autem iusta judicare vos,
quemadmodum facitis certe, arbitrat, iniquum es-
se constat, si lex iudices quidem laudet, tollat autem
judicandi potestatem.

Contrarium

Aliæ sanè leges quæcunque demum eæ sunt, &
quæcunque ratione perlatae, discrepant fortè ab ali-
cujus civitatis legibus, sed & alterius rursus legibus
conveniunt: hæc autem sola lex omnibus simul re-
pugnat civitatum institutis. Videmini autem mihi
multò rectius de hac lege cognituri, si omnia re-
censeatis consulta vestra, atque decreta. Duces
bellorum, sacerdotia, plebiscita, omniâque adeò,
quæ circa rem militarem pertinent, iudicium sub-
eunt diligentiam: sitque dux ille, quem iudex con-
stituit, sacrificat, qui iudici videtur, iustumque de-
cretum est, quod populi sententiâ perrogatum
est; victores quoque præmia non accipiunt bel-
lorum, nisi iudicata. Quomodo ergò non absurdum
est, omnia iudicium arbitrium expectare, solam
verò præsentem legem iudicium subterfugere cogni-
tionem?

*Contradi-
ctio.*

Sanè, inquit: Sed magnæ sunt mæchorum inju-
riæ.

Solutio.

Quid autem? homicidarum scelera nōne sunt
graviora?

graviora? ane proditores aliis scelēstis minores at-
bitramur? ane sacrilegi proditoribus priores sunt?
Attamen in his criminibus deprehensus judicium ex-
amini subiacet: neq; proditor pœnas dat, nisi decer-
nente iudice; neque perimitur ficarius, nisi eo qui
accusat, coarguente delictum; neque, qui numini-
bus dicata præripuerunt, puniuntur, antequam ju-
dex admissum cognoverit scelus. Nōne ergō ini-
quum est, majora judicium vindictæ reservari, neque
quicquam eorum criminis loco, nisi iudici liqueat,
æstimari; solum autem adulterum sine cognitione
interfici? quem in primis, quia levior in eo, quā
in cæteris, culpa est, judicium examini subicere
oportuit.

At quid refert, inquit, occidam adulterum, an ju- *Contradi-*
dicibus tradam, si utrāque viā, morte pœnas luer? *ctio.*

Quantum inter tyrannum ac legem, popularem *Solutio.*
statum ac unius principatum differt, tantum ista in-
ter se diversa sunt. Tyrannus enim unumquemque
pro libidine sua perimit: leges autem convictum ju-
stē occidunt. Et populus disceptatione omnia atq;
contentione tractat, quō sint explicatiora omnia at
rerum dominus etiam indictā causā occidit. Con-
trā, populus & lex, indictā causā non occidit: sed
omnia à rerum dominis & tyrannis diversa fa-
cit. Quid ergō? multūne intererit occidere a-
dulterum, & judicium sententiis puniendum tra-
dere? Ad hæc quoque, qui per se adulterum oc-
cidit, seipsum arbitrium pœnæ admissi sceleris fa-
cit: qui verò judicibus tradit ipsum, penes illos
vult esse potestatem, jūsq; animadvertendi. Ne-
minem igitur dubitare crediderim, quin æquius
sit, ejus, qui accusatur, arbitrium esse apud ju-
dicem, quā apud accusatorem. Quin etiam qui
suo arbitratu adulterum occidit, alterius rei gra-
tia occidere ipsum, adversum se suspicionem re-
linquit:

“linquit: at qui iudicio exhibet, solùm iusta se-
 “ctari, præsentiſque ſceleris dolorem videbitur ul-
 “ciſci.

*Contradi-
 ctio.*

Esſo, inquit: ſed graviores dabit pœnas ſubitò
 peremptus; quoniam ſi ad Iudices deferretur, illam
 “temporis intercapedinem pro lucro haberet.

Solutio

At contrà porrò habebit, ſi iudicibus ſubjicietur.
 “Etenim iudicio deſtinatus acerbiorẽ vitã exigit.
 “Nam qui pœnam expectat, graviora ſupplicia, quàm
 “ſi illam fuiſſet illico paſſus, ſentit. Quippe pœnæ
 “dilatio pœnæ videbitur additio, morieturque ſæpe,
 “qui jam pro mortuo habitus eſt, expectationẽque
 “ſuſtinebit morte duriorẽ. Atqui occiſus de impro-
 “viſo adulter, non dolet, ſenſumque mortis pœnæ
 “celeritas aufert: inſenſibilis enim eſt exitus, qui an-
 “tequam expectetur contingit. Mors autem ſæpius
 “expectata, poſtquam ſemel illata, pœnas expectati-
 “one adauget. Agẽ verò, ſi libet, conſidera hæc,
 “conſerq; invicem. Ille per ſeipſum occidit adulte-
 “rum, nullumq; facit ultionis ſuæ teſtem; alius ju-
 “dicibus tradit; multoſque adhibet ſupplicio ſpe-
 “ctatores, acerbior haud dubiẽ ultionis modus, qui-
 “cunque eſt oculis plurium ſubjectus. Et optabilius
 “alioqui adulteris utcunque fuerit occultẽ perire,
 “opinionem apud pleroſque relicturis inimicitiarum
 “cauſã eſſe occiſos. Convicto autem apud iudices
 “crimine, indubitata jam reus, & nullis obnoxi-
 “am interpretationibus pœnam ſubibit. Itaq; plu-
 “rimum intereſt, adulter an occultẽ trucidetur, an
 “iudicibus tradatur afficiendus ſupplicio.

*Contradi-
 ctio.*

Res atrox eſt adulter, omnium ſcelorum magnitu-
 dinem ſupergreſſus.

Solutio.

Coarguatur ergò priùs quàm occidatur: judi-
 “ceturque potiùs quàm pœnas ante cognitionem
 “incerto crimine, indiſtãque cauſã luat. Quòd
 “ſi publicẽ necabuntur adulteri, certiorẽ facient
 pro-

procreationem, neque quisquam cuius sit filius de-
inceps dubitabit, ubi paterni nominis insidia, adulte-
ria fuerint adempta. Itaque cum sit adulterium pub-
lica quædam rerum naturæ injuria, publicâ quo-
que sententiâ plectatur. Vereor enim, nè adulter
secretò occisus, multos post se alios relinquat. Nam
quia, cur occidatur, nescitur, ejus improbè facta
multi imitabuntur. Sic ejusmodi pœna non adulte-
rii finis, sed exordium erit.

SCHOLIA.

Legislatio, &c. Alii promulgationem legis appel-
lant. De qua sic Quintil. lib. 2. cap. 4. Legum
laus & vituperatio jam majores ac prope summis
operibus suffecturas vires desiderant, quæ quidem
suasoriis, an controversiis magis accommodata sit,
exercitatio, consuetudine & jure civitatum differt.
Apud Græcos enim lator earum ad judicem voca-
batur, Romanis pro concione suadere ac dissuadere
moris fuit.

Lex inventio decorum, &c. Demosthenes in Ari-
stogironem, oratione priore, πᾶς, inquit, νόμος
ἰσχυρὸς ὡς ἀπὸρ δυνάμει, νόμος δὲ περὶ τῶν ἀνδράνων.
Id est, Omnis lex inventum ac munus decorum est,
Decretum prudentium hominum. Cic. Philipp. 10.
Lex, inquit, nihil aliud est nisi recta, & à numine
decorum tracta ratio, imperans honesta, prohibensq;
contraria. Idem 1 de Legibus. Lex, inquit, est ra-
tio summa insita à naturâ, quæ jubet ea quæ facien-
da sunt, prohibetque contraria.

Quibus negotialem, &c. Cicero 2. de Inventionem,
duas generalis constitutionis partes facit; juridi-
cialem, ac negotialem. Hanc ait in ipso nego-
tio juris civilis implicitam controversiam habe-
re. In ea autem quaeritur justum sit, an injustum,

utile an inutile, ut ait Marcus Fabius Victorinus.

In exemplum.

Nec mihi, &c. Solon constituit fas esse deprehendere mœchum interficere in ipso adulterio. Et 9 de Legibus Plato sanxit, Adulteram deprehensam impune occidi à viro posse. Idem censuit Carthago, cujus meminit Gellius. Et Augustus legem Juliam tulit, gladioque jussit in adulteros animadverri.

Judicum sententiam non expectat, &c. Non licet, inquit, adulterum occidere, nisi judicum sententiis damnatum. Et Valer. Publicola tulit legem, quā neminem licebat indictā causā necare.

Discrepant, &c. Civitatibus, inquit, aliis aliæ sunt leges. Est proverbium, Lex & Regio. Sed quæ sunt aliis contrariæ, cum aliis conveniunt: Atqui lex de occidendis indictā causā adulteris, discrepat ab omnibus.

Duces bellorum, &c. Inductione vel enumeratione utitur. Imperatores, inquit, populi judicum atque magistratum suffragiis creati, bella gerunt, & cum hostibus manum conferunt. Et capitale apud Carthaginenses erat, si quis injussu populi pugnasset infelicitè. Unde Annibal amissæ classis pœnas dare timens, offensam asturiâ mirè avertit. Vide Valer. lib. 4. cap. 3.

Plebiscita, &c. Vide Gell. lib. 10. cap. 20.

Qui pœnam expectat, &c. Multò gravior expectata quàm illata mors est. Quippe certi supplicii dilatio pœnam adauget. Unde Ovid. 1. de Ponto:
Et gravior longâ fit mea pœna morâ.

Et tertio:

Mitiùs ille perit, subitâ qui mergitur undâ,
Quàm sua qui liquidis brachja lassat aquis.

Finis optationis.

Unde rex Macedonum Philippus, subitam mortem lentæ præposuit. Qui cùm interrogaretur, Quis hominū

homini finis maximè optandus esset ; respondit,
Qui subitus & celer inopinato ferro possit accide-
re. Vide Orosium lib. 3. cap. 14. Et Julius Cæsar
subitam ac celerem exoptavit mortem, ut scribit
Suetonius Tranquillus.

EXEMPLA,

Confutatio Legis } *Roscia*, quâ Roscius Otho cavit, nè quis in ordine equestri spectacula videret, nisi haberet sestertia quadraginta. *Lex Roscia*

Talionis, & ejus quæ jubebat corpus dissecari ejus qui multa creditoribus deberet, nec esset solvendo. Gellius lib. 20. cap. 1. *Talionis.*

Cincia, quam Cincius tulit, quâ cavebatur, nè quis ob causam orandam pecuniam acciperet, aut domum. Cujus suasor Qu. Fabius admodum senex, ut ait Cic. in Catone majore. *Cincia.*

Sumptuarie, de qua Gellius lib. 2. cap. 24. *Sumptuarie*

Confirmatio Legis } *Fusia*, quâ malis ac perniciosis legibus resistebatur. *Fusia.*

Voconia, quam suavit M. Cato, ut ait Cicero in Senectute, Vide Gel. lib. 17. cap. 6. *Voconia.*

Oppie, quam tulit M. Oppius, nè mulieres superfluo ornatu uterentur, nève pilentis, id est, rhedis pensilibus veherentur. Vide Livium in principio quarti libri Macedon. *Oppia.*

*Exemplum Confirmationis Legis
Oppie.*

*Exordium
à legiflato-
ris encomio*

M. Oppius Tribunus plebis fuit, summæ procti dubio prudentiæ vir. Qui publici magis commodi quàm gloriæ privatiæ studiosus, hanc utiliffimam omnibus imperiis legem tulit, à suo nomine dictam Oppiam.

A contrario

Quæ fi, juxta M. Fundanii & L. Valer. sententias, abrogaretur, omnibus aliis legibus repugnaretur, quæ volunt in repub. vivendi rationem honeftam conservandam effe, non superbiciæ fed virtutum ftudia femper excolenda.

A manifesto

Quæ per fuperfluos mulierum ornatus contaminiari, imò perditum iri quis non videt? Etenim cultu nimio conspicuæ famina non folum in fe convertunt virorum oculos, fed etiam animos in libidinem rapiunt. Illecebrofo enim nuptarum amictu pellecti viri, nitorem admirantur ac fequuntur, donec telo jecur ictum findatur, pudicitiaque fiat naufragium. Rectè igitur Jefus Sirach, Averte, inquit, faciem tuam à muliere conipta, & ne circumfpecias fpeciem alienam. Propter fpeciem mulieris multi perierunt. Cùm autem, ut proverbio dicitur, Ex afpectu nafcatur amor, ajunt Democritum fibimet oculos ademiffe, tanquam omnium malarum cupiditarum autores. Cujus meminit Cellius lib. 10. cap. 17.

A legitimo.

Quòd fi reliquæ leges quæ maximam reipub. utilitatem afferunt, fandè conservantur, contra earum placita fuerit, eam è medio tolli quæ cum optimis fentiens reipub. ftatum incorruptum conservat, ac illuftrat.

A jufto.

Liciniam vel Amiliam legem quæ frugalitas exigebatur, admiffit ordo fenatorum ac tribunitia potestas;

itas: quanto iustius eam admiserint, quæ modestiam introducit; & superbiam, omnium malorum radicem, explodit?

Nulla res uberiora commoditatis bona poterit ad reipub. statum immaculatum conservandum importare, quàm lex Oppia; quæ libidinem, fastum, ac omnem insolentiam intolerabilem reprimat mulierum, quarum mala tot proverbii locum fecerunt. Quæ, quò minus habent mentis, tantò inhonestis voluptatibus sunt addictiores. Quantum autem rboris civitatibus omnibus mulieres turpiter ac impotenter sese gerendo incuriunt, tantum laudis asferunt graviter punitæ: quemadmodum illæ, de quibus olim senatus Romanus iustâ severitate mandaverat Spurio Posthumio, & Qu. Martio Philippo Coss. ut de iis quæ sacris Bacchanalium incestu usæ fuerant, inquirerent, & in omnes intra domos cognatas animadverrerent, damnarèntque. Multæ igitur damnatæ fuerant, latèque patens opprobrii deformitas, severitate supplicii emendatæ, ut ait Valer. lib. 6 cap. 3.

Ab utili.

Sed, ais, fœminis olim vini usus fuit interdictus. Verùm nè tristis earum & horrida pudicitia, sed eleganti ornatûs genere ornata esset, indulgentibus maritis, & auro abundanti, & multâ purpurâ sunt usæ.

*Contradi-
ctio.*

Esto. Sed autore Valerio, tunc nulli subseffores alienorum matrimoniorum oculi meruebantur, sed pariter & videre, & aspici muruò pudicè dabatur: nunc alii sunt mores, alia tempora.

Solutio.

Non opus est pluribus verbis, cùm Oppiam legem approbari dignissimam esse constet, utpote omnis luxuriæ atq; superbæ expultricem, omnisq; contrâ pudiciæ atq; modestiæ conservatricem.

Conclusio.

*Secundum exemplum Confirmationis legis, Quæ jubet ut
liberi parentes alant, aut vinciantur.*

*Hujus legis
meminit
Quin. lib. 7
cap. 7.*

Cum nihil tam sanctum sit quod non aliqua
soleat impiâ temeritate violari, sapienter pro-
mulgata lex est, quæ licentiosam filiorum in paren-
tes injuriam coërceat, ac pietatem, quæ, ut Cicero
ait, fundamentum est omnium virtutum, sanctè co-
lendam atque conservandam velit, jubens ut liberi
parentes alant, aut vinciantur.

*A conveni-
enti.*

Quid autem naturæ (quam optimam, ut Cice-
ro scribit, ducem, & tanquam Deum sequi debemus)
tam consentaneum fuerit, quam eos, unde vitam
accepimus venerari, confectôsq; senio & omni
ope humanâ destitutos, beneficiis prosequi, atque
nutrire?

A legitimo.

Hoc ipsum Lex divina requirit ac jubet, ut paren-
tes honoremus. Exod. 20. Item, Si qua vidua libe-
ros ac nepotes habet, discat primùm propriam do-
mum piè tractare, & vicem rependere majoribus, 1.
Tim. 5. Quippe diis, parentibus, ac magistris non
potest æquivalens reddi, ut ait Aristot. 9. Ethic.

A justo.

Quid enim justius quàm si parentes à te mutua
charitatis & beneficiorum officia perceperint, ju-
xta proverbium, 'אִתְּךָ אֵלֶּיךָ יָבֹאוּ יָדָיִךָ'. Iniquissimum
enim habetur, iis qui nostra causâ tot molestias
atque labores perpessi sunt, malam gratiam referre,
ac arietum more, nutritionis mercedem persol-
vere, hoc est, pro benefactis malefictum reponere.
Quod tam atrox crimen est ac detestabile, ut justis-
simè pari quadam vindictâ parentum ac deorum
violatio sit expianda.

Ab utili.

Vix ullum Dei præceptum invenies, quod promif-
sionis divinæ præmium habet adjunctum, præter
illud,

illud, quo parentes honorari juberetur. Exod. 20. Ubi Deus omnipotens promulgatâ lege pollicetur longam vitam, atque cœlestem benedictionem iis qui parentes amore, beneficiisq; fuerint prosequuti. Quod idem docet Ecclesiast. cap. 3. Qui honorat patrem suum, jocundabitur in filiis, & in die orationis suæ exaudietur. Qui honorat patrem suum, vitâ vivet largiore; & qui obedit patri, refrigerabit matrem. Qui timer dominum, honorat parentes, & quasi dominis serviet his, qui se genuerunt.

Honorare quidem parentes, assurgere, & caput a- *Contradi-*
perire possum, sed nihil dare, cùm ipse rerum mea- *ctio.*
rum indigeam, arque nôrim, quàm sit mihi curta supellex.

Rectè Plutarchus inquit, *Αἰμὼν γὰρ ἐστὶν ἀντιμῆν* *Solutio.*
ἰσως. Hoc est, contra famem nulla contradictio. Non officiosus orationis fucus inopiam parentum tollit, sed compensatio beneficiorum, & adminicula: qui verbo tenus amici sunt, non amici sed adulatores habentur. Unde Ecclesiasticus: In opere, inquit, & sermone, & omni patientia honora patrem tuum, ut superveniat tibi benedictio à Deo. Et S. Jo. Filioli mei, nè diligamus verbo, neque linguâ, sed opere & veritate.

Videmus hoc vulgò contingere solitum, ut qualis *A neglecta*
quisque fuerit in parentes, tales experiat in se li- *pietatis in-*
beros. Exemplo sit ille, qui cùm à filio crinibus per- *commodo*
traheretur, ventumq; esset ad domûs limen: Desine, *sequente.*
inquit, fili, nam & ego patrem hucusque. Et accusatus ille, quod patrem pulsasset, hoc modo defendit impium facinus: Et ille, inquit, patrem suum verberavit. Et hic, ostenso filio, me verberabit, postquam adoleverit. Primus, juxta Ambrosii sententiam, pietatis gradus est iste, ut quos autores vitæ voluit esse Deus, honores obsequiis, abstineas contumeliis. At qui contempserit aut maledixerit patri
arque

atque matri, exstingueretur lumen ejus in mediis tenebris, & oculum ejus corvi juxta flumen effodient. Proverb. 20. & 30.

*A possibili
& facili.*

Nec res ardua, neq; dura factu parentes venerari, neque alere, cum filiis corpora integra, sana, ac robusta sint à Deo concessa, quò possint imbecillibus vitum querere: nec ætate confecti multa requirunt, cum effectorum emarcuerint vires, cum edendi cupiditas absorpta, cum adempta voluptas, atque luxus, cum denique natura, maximè senum, paucis contenta sit. Respice Pollionem Romulum, qui centesimum ingressus annum, non magno sumptu, sed exiguis impendiis, corporis vigorem servasse legitur, intus mulso, foris oleo.

*Contradi-
ctio.*

Valde molestum est illos fovere, qui fastidiosi sunt ac nauseosi, quibus edentulis gingivà frangendus panis inermi, ut ait Juvenalis.

Solutio.

Ista vox bovis est, non hominis. Quòd si rationis expertis ciconia parentes non averfatur, neque fastidit, sed defectos senectà vicissim alit, & volandi impotentes humeris gestat, ut inde natum sit proverbium, ἄνθρωπος βοῦς, quid tu feris immanior, mutuam officii vicem gravaris rependere, maximè nutricandi fovendique eos, à quibus aliquando fueris enutritus?

*Contradi-
ctio.*

Sed admodum est difficile, eos alimentis sustinere, qui morosi, inutiles, deliri sunt & iracundi, ut Sophoclis filii patrem meritò videantur accussasse, &c.

Solutio.

Parentum mores & vitia noveris, non oderis. Illud officii tui scias esse pietatem colere, legibusque sacris obtemperare. Suscipe igitur senectam patris tui, & non contrista. Si defecerit sensu, veniam dà, & non spernas eum in virtute tua. Ecclesiastic. 3. Quod si feceris, ad fortunatam cum laude summa pervenies senectutem, quam Bion ille Borysthenites malorum

lorum appellavit portum, eoque properandum omnibus malorum finem sperantibus.

Sanè quidem, sed quis tam pius est, qui possit æquiore animo ferre tot molestias atque labores nutriendi eos, quorum bis puerorum senum paupertas fordida, atque miseriæ queant alicui horrorem incutere? *Contradi-ctio.*

Non diffiteor, egenorum ac senum parentum horridam atque miseram conditionem esse, ut Dio-genes percontanti, quid esset in vita miserrimum, responderit, Senex egenus. Atqui tu veræ pietatis affectu flagrans, omne tædium devorabis, cunctoque præsidio destitutos suffulcies, cum olim te parentes genuerint, futurum senectutis suæ baculum, solarium vitæ, & spem posteritatis. Admodum piè quondam illa fecit Ethnica femina, quæ patrem, custodiæ traditum, jam ultimæ senectutis, velut infantem pectori suo admotum aluit, ut ait Valer. lib. 5. cap. 4. *Solutio.*

Sed, inquis, Mihi uxor alenda, liberi, numerosa familia, idque in tanta annonæ gravioris caritate, ut nihil sit reliqui, quod parentibus impertiri possim. *Contradi-ctio.*

Nemo requirit, ut liberalitatis tue benignitas major sit quam facultates. Quomodo porueris, ita misericors esto: si multum tibi fuerit, abundanter tribue; si exiguum, parcis, ut Tobias docuit. Quod si, juxta S. Joan. sententiam, is qui nullâ charitate præditus, fratrem oderit, homicida est; item qui viderit egenum, & ab eo clauferit viscera sua, reus habetur ejusdem criminis; quanto magis erit is homicida, imò parricida, qui parentes inedia contabescere, ac rerum inopiâ marcescentes, petire sustinuerit? In quod bipedum nequissimorum hominum genus sapientes olim viri supplicium excoegerunt singulare, ut quem ipsa natura in officio retinere non potuisset, is magnitudine pœnæ maleficio summo veretur. *Solutio.*

moveretur. Insuebarur enim parricida culeo, cum cane, gallinacco, vipera, & simia, & inter eas ferales angustias comprehensus, in vicinum mare vel amnem projiciebatur. Etenim ei repente cælum, solem, aquam, & terram ademerunt; ut qui cum necasset, unde ipse natus esset, careret iis rebus, ex quibus omnia nata esse dicuntur, ut ait Cicero pro Roscio Amerino.

Ergo quibus pietas est curæ, promulgatam de parentibus alendis atque sustentandis legem tuebuntur, atque conservabunt, cum mulcarum virtutum atque præmiorum divinorum fons sit uberrimus, & origo.

*Tertium exemplum comprobationis legis: quæ
apud Helvetios cavetur nè quis in-
vitatione ad bibendum
urgeatur.*

Autore Petro Mosellano.

Multa quidem præclare in sua dirione instituunt fortissimi libertatis suæ defensores Helvetii, sed nihil præclarius, nihil laudabilius, nihil reipub. utilius, quàm quod ab illis nuper scitum est. Nam cum per ebrietatem passim peccari viderent, ut aditus ad id vitii omnes præcluderent, in sua ditione statuerunt, nè cui deinceps alios vulgarium istarum invitationum prætextu ad ebrietatem sollicitare impunè liceat. Quid autem, per Deum immortalem, aut honestius, aut præclarius temperantiâ atque omnis vitæ moderatione? Imò quid sine hac vel in civitatum curiis, vel populi concionibus, vel principum aulis, rectè aut consuliatur, aut consultum facto præstatur? Sed hæc in perversa illa bibendi necessitate, quæ per invitationes illas mutuas irrepit, vigere non potest: citius enim ex pumice aquam

aquam hauseris, quàm ebrio sobrium aut dictum aut factum extorseris. Quòd si sobrietas ac vitæ moderatio sola est, quæ omnium virtutum officia parit, alit, conservat ac ructur; rursus ebrietas omnem mentis usum pervertit, omnem vitæ humanæ dignitatem commaculat: an non votis omnibus expetita erat lex ea, quæ & sisteret ebrietatem, & portionis moderationem procuraret? Quid autem perinde utile, atque in republ. cavere, nè sit impune illud, cuius licentia omnia corrumpit, omnia perdit? Quid enim tam emollit, imò frangit & animos & corpora civium, quàm liberior comessatio, compotatioque? Annon respubl. Romana, quamdiu frugalitatem servavit, tamdiu adversum omnes hostium insultus inexpugnabilis stetit? At posteaquam luxu cernari invicem cœptum; irâ cecidit, ut nè ruinæ quidem vestigia aliqua supersint. Nam Annibal tum primum vinci cœpit à Romanis, cum exercitum suum Campano luxu solvi enervarique passus est. Unde tot insani amores? tot stupra? tot adulteria? nisi ex otiosorum hominum temulentia? Verum enim est illud, Sine Cerere & Libero frigere Venerem. Unde tot rixæ? tot vulnera? tot cædes? nisi ex temulentorum compotationibus? Cui alii tot ac tantas rei familiaris dissipationes, tot patrimoniorum abligurationes debemus, quàm convivii in ebrietatem solutis, atque horum parenti luxuriæ? Quæ res ram multos adolescentes, alioqui felicissime natos, ab artium optimarum virtutumque cultu abducit, quàm studium compotationum? Primum corporis otium, in quo serè degunt qui literis adhibentur, mater est variarum cupiditatum: quòd si huic compotandi quoque licentiam addideris, quæso te Quî fieri potest, quin in animis parùm firmis, pro virtutum bonarumque artium cultu, omnium libidinum seges sensim pullulescat? Quòd

Quòd si spes omnis in hac ætate rectè formanda, velut agricolis in herba posita est, nihil poterat eà lege excogitari utilius, quæ, quod unum omnem eam spem semel præcidit, hoc tollit. Neque enim audio eos qui in tanto errantium consensu nihil valituram legem jactant. Nihil enim vel rectius imperatur, vel facilius recipitur, quàm quod tacitus naturæ sensus non potest non probare. Quis autem tam efferatus & ab omni humanitate remotus est, cui non rem rectâ viâ reputanti, suprà quàm natura postulet, ad alienæ stultitiæ præscriptum bibere, naturæ inimicissimum esse videatur? Compotoris hominis privati puerilis & stultus affectus, ut me ipse ebrietatis probro afficiam, persuadebit? Et patriæ, in cujus verba juratum est ab omnibus, æquissima, cunctisque saluberrima lex, ut sobriè agam, & me hominem esse meminerim, non impetrabit? In gratiamne potoris alicujus immodicâ portione ita me prosternam, ut præter figuram, humani mihi reliquum sit nihil? Et populi fortissimi laudatissimique, cui parere summa est utilitas, legem omnium ornamentorum vitæ parentem & altricem recipere gravabor? Amplectenda ergò omnibus ea lex, quâ nihil, neque honestius, neque præclarius, neque factio jucundius, fortissimi populi magistratus ferre potuere.

FINIS.

INDEX PROGYMNASMATUM APHTHONII.

F abula	pag. 1	Laus sive laudario	159
Fabulae exempla	2	Laudis exempla	160
Fabularum tractatio	10	& deinceps.	
Alia Fabulae exempla	11	Vituperatio	226
& deinceps.		Exempla vituperationis	<i>ibid.</i>
Narratio	26	& deinceps.	
Narrationis exempla	27	Comparatio	243
& deinceps.		Comparisonis exempla	244
Chreia	38	& deinceps.	
Chreiae exempla	<i>ibid.</i>	Ethopœia	254
& deinceps.		Ethopœiae exempla	256
Sententia	74	& deinceps	
Sententiae exempla	75	Descriptio	278
& deinceps.		Descriptionis exempla	279
Destructio, sive Subversio aut		& deinceps.	
Refutatio	95	Thesis	300
Refutationis, sive subversio-		Exempla Thesis	<i>ibid.</i>
nis exempla	101	& deinceps.	
& deinceps.		Legislatio	319
Confirmatio, sive asseveratio	118	Legislationis exempla: ac pri-	
Confirmationis exempla	124	mum accusationis legis	320
& deinceps.		& deinceps.	
Locus communis	135	Deinde exempla confirmatio-	
Exempla loci communis	136	nis legis	326 & deinceps
& deinceps.		usque ad finem.	



INDEX RERUM ET VERBORUM
in hoc libello explicatorum.

A Chaïa	pag. 177	Amor cæcus	127
Achilles	244	Amphion	188
Achillis mors	245. 250	Amphipolis	232
Acropolis	286	Amplificandi exempla	216
Actium	284		220. 221
Adjuncta	218	Amplificatio	139. 140
Adonidis horti	165	Ἀνταρῆς	95
Adonis	27. 30	Andromache	272
Adulario	317	Andromade	287
Adulterii pœna	320	Annibal	237
Æacus	244. 248	Ἀντιπῶλα πῶλις	189. 330
Ægina	179	Antiope	271
Æqualitas morum	154	Anrstheneſ	45
Æſopi fabulæ	7. 8	S. Anronii habitatio	288
Æra	276	Apollo	100
Agæſilaus	44. 207	Appii Cæci filia	156
Agrigentum	234	Aquila	12
Alcibiades	259	Arceſ quaſi arctrices	279
Alcinoi ſylvæ	166	Arceſilaus	88
Alexander rex Epiri	285	Archidamus	179
Alexander magnus	62. 64	Argos	230
Alexandriæ arx	279	Arion	128
Alexandrina bibliotheca	280	Ariſtides	183. 259
Ambracia	178	Ariſtippus	45. 294
Amicis quid tribuendum	17	Ariſtoteleſ	90. 127
Amicitia	154	Arneus	84
Amicitia ollaris	317	Artaxerxeſ	92
Amilcar	238	Aſdrubal	239
Amor	126	Athenæ	160
		Antica	

INDEX

Attica 177
 Amilius Regulus 238
 Avaritia 156, 311, 317
 Auguria 78

B

Bacchanalium ritus 115
 Basilus 113
 Bellona 181
 Bias 291, 292
 Bononienfis Academia 219
 Bos pulcher 166
 Bucephalus *ibid.*

C

Canthago nova in Hispania 223
 Cæneus 265
 Cæſaris commentarii 219
 Caligula 80
 Cambyſes 68
 Capaneus 65
 Tria Cappa peſſima 7
 Carbunculus 308
 Καλαμώνη 118
 Carilina 38
 Caro 314
 Caro Uticenfis 127
 Καρπώματα 47
 Caſarum locus 215
 Centauri 249
 Chimerion 285
 Chiron 249
 Chronographia 284
 Cicero 58
 Ciceronis mors 253

Ciceronis oratio pro M. Marcellis 220
 Ciconia 189
 Cilices 7
 Circe 104
 Cleanthes 90, 318
 P. Claudius 7
 Cocles 135
 Codrus 73
 Cœleſtis injuria 309
 Cœlibarus 310
 Coeranus 132
 Κόραρις 47
 Commiſeratio 40
 Comparatio 160
 Concluſio 140
 Concordia 46
 Confirmatio 118
 Confutatio 98
 Conjectura 141
 Conjecturalis cauſa *ibid.*
 Conſuetudo 153
 Conſuetudo contagioſa 81
 Conſultatio 308
 Continentia 308
 Contumacia 134
 Coteyra 178
 Coronæ victorum 309
 Cortina 101
 Corys rex Thraciæ 41
 Crallus 292
 Crates 88
 Cretenſes 66
 M. Curtius 73
 Cupido 127
 Cyclops 180
 Cly-

INDEX

Cyllarus equus 166

Cypros 7

Cyrus rex 34, 183

Cisseis 270

D

Daphne 96, 99, 120

Dardanus 244, 248

Decii 73

Delphini 129

Delphinorum amor erga ho-

mines *ibid.*

Democritus 306, 326

Demosthenes 252

Demosthenis laus 184

Demosthenis labores 183

Demosthenis mors 186, 253

Deorum nomina 287

Descriptio 278, 281

Desidia 60

Dicendi genera 262

Dido 125

Dii 181

Diogenes 45

Dionysius *ibid.*

Divitiæ 316

Divitiæ veræ 297

Divitiarum affectio 44

Divitiarum mala 87, 317

Doctrina 39

Doctrina 134

E

E

E

E

E

E

E

E

E

E

E

E

Eloquentia 187

Elpenor in porcum mut. 104

Empedocles 234

Encomion 159, 164

Enopsea 281

Ennius 50

Enthusiasmus 121

Eobanus Hessius 50

Epaminondas 310

Ephesi 7

Ephori 179

Epimythium 10

Equestris fastus 44

Ethnicorum librorum lectio

106

Ethopœia 254

Euclid 261

Euclides 91

Eupolis 258

Euripides 318

Eurystheus 247, 268

Entrapelus 88

F

F

F

F

F

F

F

F

F

F

F

F

F

F

F

F

F

F

F

F

F

INDEX

Pomice & cicadis 29 18
Fure 9
Juvene desidiofo 22
Leone & vulpe 9
Lupis & ovibus 4
Medico & aggro 9
Mure urbano & rustico 13
Simiis 10
Venere & rofo 27
Voluptate & dolore 11
Vulpe hirudinibus obfessa 8
Fabula definitio & species 1
Fabula Sybaritica 6
Fabularum inventor 8
Fabularum usus 13
Facta laudandi ratio 216
Fastus 43
C. Flaminijus 242
Fons Pisistratarum 287
Forma 123
Fortitudo 184, 307
Fortuna 80, 142
Frustro, frustror 230

G

G Erhardus Noviomagus 264
Olauce 277
Grandines 309
Gratitudo 328
Gyari 357

H

H ADAMaria incendium 297

Hanno 239
Hector 244
Hecuba 270
Heraclitus philosophus 41
Hercules 62
Hesiodus I 23, 59
Hesperidum horti 166
Hieronymus 106, 109
Historia 28
Hominis laus à bonis Foru-
 come 197
A corporis 168
Animi 170
Mortem secutis 173
Hominum miseria
Homo 46
Homo bulla 81
Honesti partes 308
Horatus Cocles 33
Hospitalitas 77
Hymnus 164
Hypothesis 304
Hypotyposis 283

J

Jafon 277
Jicon 282
Idolopœia 257
Igaavia 30
Ilias Homeri 3
Illyris 231
Imitatio 357
Improbatio 98
Incendiarii 143
Joseph 48

INDEX.

Meon-

INDEX.

Meny's 160

N

Narrationis poëtica tri
genera 128

Naupactus 177

Neprunus 181

Nestor *ibid.*

Niobe 256. 262

Non omnia possumus omnes 69

Numa Pompilius 65

Nubaria 47

Nycteis 271

O

Obediendum Deo 63

Obedientia 154

Obles 231

Odyssea Homeri 3

Oenone 236

Officium 47

Olea 165

Oligarchia 80

M. Oppius 326

Oratores 28

Orpheus. 188

P

Pedagogia 46

Pæones 231

Pagasa 233

Palamedes 181

Pallas *ibid.*

Pallene 232

Phædrius 47

Phædrus *ibid.*

Parentes honorandi 328

Paris 235

Patricidii poena 332

Parthenope 21

Pasiphaë 126

Phædrius 261

Patriæ amor 78. 79

Patroclus 261

Paulus apostolus 113

Paupertas 82

Paupertas laudata 87. 318

Pecunia 78

Pecuniæ corruptela 83

Pecuniæ obediunt omnia 54

Pelagias 177

Peleus 248

Pelias 276

Pella 230

Peloponnesus 177

Peneus 100

Pericles 180

Phædrius 282

Perseus 287

Phalaris 234

Phææ 233

Philippi dictum 237

Philippi mors 238

Philippi Macedonum Regis

genealogia 227

Philosophia 111

Phœbades 101

Phœbus 100

Phormio 239

Phrygia 235

Phrithia 247

Pietas in parentes 328

Pisistratarum fons 287

Platæa 177

Phæro

INDEX

Plato	937.67.89	Reipub. status triplex	80
Qu. Plemminius	91	Rherores	28
Pœtæ	111	Romanus civis	177
Pœtica narrationis tria ge-		Rubigo	309
nera	118	S	
Pollio Romulus	336	Sacrilegus	191
Pompeius	286	Saguntini	120
Porci Acarnanii	134	Samii	166
Portus	181	Sapientia	182
Portus descriptio	284	Sapientiae laus	162.180
Positio	303	Sarictas omnium	71
Potidam	231	Saturnus	20
Præexercitamenta	41	Scarabeus	32
decim	231.443	Scilurus	45
Præmus	1174	Scipio	166
Primitiæ	1174	Senectus	118
Προβόλος	1174	Senectus laudabilis	118
Procrustes	134	Sententia	74
Προσωπογραφία	134	Sententia composita	80
Protopopœia	134	Sententiæ simplices	176
Providentia	134	Seriphus	198
Prudentia	134	Serpentum descriptio	21
Prolemaus Lagi	134	Sirenes	148
Pulchritudo triplex	134	Sobrietas	61.62
Punica fides	134	Socrates	89
Pylos	134	Solon	139
Pyramides	134	Somnolentia	148
Pyramus & Thisbe	134	Somnus nimius	148
Pythagoras	134	Sophista	148
Pythia	134	Sphaeria	148
Pythius	134	Sphaeria	148
Python	134	Stadium	148
R		Stilpo	148
Refutatio	134	Stoici	148
Reinhardi	134	Stoicorum Apathia	148
domus	134	Sybaris	148

[Handwritten signature and notes at the bottom of the page]

I N D E X.

Sybaris	5	Triballi	292
Sybaritica	<i>ibid.</i>	Tripodes	101
T		Trojæ conditores	247
Tantalus	263	Trojanorum fata	250
Tarquinius	94	Tyrannicidarum præmia	142
Tarquinius	42	Tyrannis	136
Temeritas	314	Tyrannus	141
Temetum	134	V	
Tempe	100	M. Valerius Corvinus	135
Temperantia	308	M. Valerius Publicola	324
Temulentia	145	Venus	7
Terentius Varro	58	Virgilius	69
Tethys	249	Vigilantia	77.85
Themistocles	176	Vinum	134
Theodorus	53	Virginitas	307
Théognis	75.93	Virtus labore comparatur	123
Theses civiles	305	Vita humana	81
Theses contemplativæ	<i>ibid.</i>	Vituperium	226
Thesis	300	Ulysses	21.84
Thetis	249	Unus vir, nullus vir	70
Thracæ	53	Voluptas	11.21.308
Thracia	232	Urbes laudandi ratio	209
Thucydides	176.284	& deinceps.	
Thucydidis laus	160	Vulcanus	181
Tiberius Cæsar	91	Vulgi perversitas	43
<i>Tiupia</i>	47	Uxor non ducenda	310
Tomyris regina	292	Z	
Topographia	285	Zeno	165
Topothelia	<i>ibid.</i>		

F I N I S.